

7

COMMENTARIORVM IN VNIVERSAM ARIST. DIA- LECTICAM, VNA CVM DVBIIS, ET QVAEST.

hac rempēstate agitari solitis, secunda pars continens libros de
Interpretatione, de Priori, & Posteriori resolutione, lib.
Topicorum, & Elenchorum.

Lib. I. Arist. periharmenias, seu de Interpretatione.

PROOEMIUM TOTIVS OPERIS.



PVS hoc iam ad secundam operationem intellectus pertinet, quæ vocatur compositio, & diuisio, & ideo inferibitur ab Arist.

periharmenias, sed de interpretatione, quia ille solus dicitur aliquid interpretari, qui veritatem, aut falsitatem in eo contentam exponit, & ideo interpretatio solum de oratione continente veritatē, aut falsitatem (quæ est enuntiatio) propriè dicitur, ut bene D. Tho. lectione prima horum commentariorum, simplicia vero, ut nomen, & verbum, partes potius interpretationis vocantur. & quædam alia quibus naturales affectus exprimuntur, ut suspiria, & gemitus nimis impropriè dicuntur interpretationes. Vnde sequitur idem esse, quod opus hoc de interpretatione appelletur, ac de enuntiatione.

Quodnam sit obiectum huius operis.

EX inscriptione iam explicata intelligitur enuntiationem esse obiectū adæquatū huius operis, in quo cōueniunt omnes interpretes Arist. quia hæc est de qua principaliter agi-

tur in eo, & cuius partes explicatūr, quæ sunt nomen, & verbum; hæc est etiam cuius passionēs probantur, & in quā cætera de quibus disputatur, tanquam in finem ordinantur; quæ sunt propriæ conditiones obiecti.

Sed enūtiatio duplex est, vna simplex, quā vocant categoricā; & alia composita, quæ appellatur hypotetica, & ideo vel pro sola simplici, tanquam pro præcipua parte accipi potest, dum dicimus esse obiectū, aut in cōmuni, prout abstrahit ab vtraq. & eas comprehendit, & prima opinio tenet solam enuntiationem simplicem esse obiectū, ita Boetius, Amonius, & Lobanienſes in proœmio huius operis, & quidam alij ex modernis, & videtur idem sentire D. T. cum dicat de sola simplici determinationē agere Arist.

Et probatur ratione prima, quia Aristot. solum agit in hoc opere de partibus enuntiationis simplicis, aut categoricæ, non de partibus hypoteticæ; ergo illa sola obiectū est.

Secunda, quia hoc opus ordinatur proximè ad tractatū de syllogismo, sed syllogismus solū cōponitur ex positionib. categoricis; ergo de hac sola, tanquā de proprio obiecto agit.

In lib. 1. De Interpretatione. Proœm.

Secunda opinio asserit enuntiationem in communi, prout comprehendit simplicem, & compositam esse obiectum, ita Villalpandus, & Tolerus in eodem proœmio, & hæc videtur nobis probabilior. Probatur testimonio Arist. qui cap. 4. huius 1. lib. ubi ex professo agit de enuntiatione, eam diuidit in simplicem, & compositam, tanquam in proprias species; & utramque explicat propria definitione: ergo de utraque per se disputat, & utramque per se comprehenditur sub adæquato obiecto.

Probatur etiam ratione, quia enuntiationis composita per se pertinet ad dialecticam, & non ad aliam partem, quam ad istam; ergo per se consideratur in ea, & ideo sub obiecto eius per se comprehenditur. Probo min, quia non pertinet ad partes præcedentes, in quibus solum de simplicibus agitur, nec ad sequentes. In quibus agitur per se de syllogismo, & speciebus eius; ergo solum consideratur per se in hoc opere.

Ad primum argumentum oppositæ sententiæ negandum est solum agere Arist. de partibus enuntiationis simplicis. Licet enim de enuntiatione simplici, & partibus eius præcipue disputet, tanquam de præcipua specie enuntiationis in communi consideratæ, non est tamen negandum, etiam de hypothetica agere; cum eam definiat, ac etiam de partibus eius, quæ sunt simplices enuntiationes. Sed pauca ad modum de ea tradit, quia non est tam frequens usus eius in dialectica, & hoc voluit S. Tho. dum dixit Arist. solum de simplici determinare agere, non tamen eam excludere ab obiecto huius operis.

2. Ad secunda neganda est minor, quod syllogismus solum componatur ex enuntiationibus categoricis, nam du-

plex est syllogismus, categoricus, & hypotheticus, ut expresse docet Arist. 1. lib. de priori resolutione, ubi de utroque per se agit, licet præcipue de categorico, tanquam de perfectiori eius specie, & ita etiam in hoc opere de utraque enuntiatione agit, tanquam de partibus utriusque; licet præcipue de categorica, tanquam de præcipua specie, utraque ergo pertinet per se ad obiectum, sicut uterque syllogismus ad obiectum priorum.

De loco quem hoc opus obtineat inter ceteras partes dialecticæ, & diuisione eius.

Opus hoc secundum locum obtinet inter partes dialecticæ, quia de secunda operatione intellectus agit, ideo immediate collocatur post librum prædicamentorum agentem de prima, & ante libros de priori resolutione, ac ceteros, in quibus agitur de tertia.

Diuisio vero non est eadem apud omnes interpretes, nam græci sub vno eodemque libro totum opus includunt: latini vero (quos sequimur) in duos libros illud diuidunt, in quorum primo de enuntiatione, & eius partibus, nomine videlicet, verbo, affirmatione, & negatione agitur. In 2. vero de variis modis enuntiationum, quod idem est ac de enuntiationibus modalibus.

Liber primus sex habet capita. Primum quasi proœmium est totius operis, in quo Arist. proponit materiam de qua acturus est. In 2. agit de nomine. In 3. de verbo. In 4. de enuntiatione. In 5. de oppositione enuntiationum. In ultimo, de particularibus enuntiationibus (quas vocat de futuro contingenti) explicans modum quo in eis reperiantur veritas, & falsitas.

C A-

CAPVT PRIMVM.

TEXTVS ARIST.

Primum oportet ponere quid sit nomen, & quid verbum, &c.

Brevis expositio tex.

3 **I**N T E N T V M Arist. in praesenti capite est explicare modum significandi conceptuum, vocum, & scripturarum. Diuiditur autem caput in duas partes. Prima quasi prooemium est totius operis, in qua proponit ea de quibus acturus est. Ia 2. agit de conceptibus, vocibus, atque scripturis explicans modum significandi omnium.

Ea de quibus agendum est in hoc opere sex esse ait, nempe, nomen, verbum, affirmatio, negatio, enuntiatio, & oratio, & singula propriis definitionibus explicanda esse.

In 2. parte de conceptuum, vocum, atque scripturarum significatione agendum esse ait, inter quae talis est ordo, ut à rebus ipsis tanquam ab obiectis intellectui imprimuntur species intelligibiles, quibus informatus operatur, & per propriam operationem producit aliam speciem, quae vocatur expressa, atque etiam conceptus, seu verbum mentis representans rem ut actum, aut expresse intellectam, sed quia rem per conceptum representatam debet significari aliis. Ideo adiunguntur sunt voces, & scripturae, ut per voces significantur praesentibus, per scripturas absentibus. Ex quo colligit Aristot. conceptus significare immediate res. Voces vero eadem res mediis conceptibus, scripturas vero voces, quae omnia his verbis docet. *Sunt ergo ea, quae sunt in voce earum, quae sunt in anima passionum nota: et ea quae scribuntur, eorum quae sunt in voce. Per passio-*

nes animae conceptus intelligens secundum omnes expositores, quia cum in eodem intellectu à quo producuntur, recipiantur, & receptio sit quasi quaedam passio, merito dicuntur passionum, quarum voces notas esse ait, id est signa.

Itaque conceptus significant res, voces res, & conceptus, scripturae vero voces immediate, & remote conceptus, & res. Diuersa tamen ratione, nam conceptus inquit significant naturaliter, voces vero, atque scripturae, non nisi ad placitum. Probat verum hoc argumento, natura semper se habet eodem modo apud omnes nationes: ergo quae se habent eodem modo apud omnes naturalia sunt, & quae non sunt eadem apud omnes non sunt naturalia, sed ex diuerso hominum pacto variantur, sed conceptus cuiuscumque rei est idem apud omnes, voces vero, atque scripturae sunt diuersae apud diuersas nationes, ergo conceptus significant naturaliter, voces vero, & scripturae ad placitum. Probat minor, quia tam graeci quam latini, eundem conceptum formant de homine, sed diuersis vocibus illum significant pro diuersitate linguae.

Sed in ordine ad veritatem, & falsitatem diuerso modo se habere docet conceptus, voces, atque scripturas simplices, & compositas, nam simplices nihil verum, aut falsum continent, nisi eis addatur est, vel non est, compositae vero cum eodem verbo, iam significant verum, & falsum. Probat primum hac ratione, quia si simplicia, aut incomplexa significarent per se verum, vel falsum, maxime id haberent nomina composita, ut hircoceruus, sed qui hoc nomen proferret, non diceret verum aliquid vel falsum, quia non mentiretur, nec veritatem diceret, nisi addat esse, vel non

a a esse

In lib. I. De Interpretatione.

esse; ergo in vocibus, aut cōceptibus simplicibus nulla est veritas, & vero compositæ cum verbo est, aut nō est veritatem, aut falsitatem contineat, tanquam per se notum relinquit.

QVAEST. VNICA.

An voces significant conceptus, & res, atque scriptura voces ad placitum, cōceptus vero naturaliter res.

- 4 Circa hanc quæstio, quædam sunt apud omnes certa. Primum, quod conceptus significet res naturaliter. Propter rationem Arist. quia eiusdē rei eundem etiam conceptum omnes formant, si eandem rationem eius cōcipiant, & diuersum, si diuersam; ergo cōceptus semper sunt idem apud omnes, & ex cōsequenti naturaliter significant res. Probatur antecedens, quia de ente eundem conceptum omnes formant, si entitatem solū in eo considerant, & similiter si vniuocationem eius respectu substantiæ, & accidentis, vel etiam analogiam, nam licet qui putant esse vniuocū diuersum conceptum eius forment, ab his qui putant esse analogum, hoc ideo est, quia diuersam rationem in eo cōsiderant, nempe vniuocationem, & analogiam. Omnes tamen qui vniuocationem considerant eundem conceptū eius formant, & etiam qui considerant analogiam, & qui illam considerant semper diuersum ab his qui considerant hanc, & ita intelligitur Arist. dum ait conceptus significare naturaliter res, quia sunt idē apud omnes, si eiusdem rei sint, vel eiusdē rationis formalis eius: si vero rei diuersæ, aut diuersæ rationis eiusdem rei, diuersi sunt conceptus. Ex quo etiam ostenditur naturaliter signifi-

care, quia non est minus naturale diuersum esse apud omnes, & ex propria natura diuersum est, quam esse idē, quod ex propria natura idē est.

Certum est 2. scriptura significare vocē ad placitū, quo 1. probatur euidenter, quia ab hominibus inuentæ sunt, & diuersæ ad significandas voces diuersas ab eisdem pro libito applicantur; ergo significant voces, ex libera hominum impositione.

Difficultas igitur quæst. consistit in significatione vocum, & in modo significandi earum. In significatione quidem, an voces significant non solum res, sed etiam conceptus, quos de eisdem rebus formamus. In modo etiam significandi, an significant res naturaliter, vel ad placitum.

Et est prima opinio quorundam modernorum, quæ asserit voces solū significare res, conceptus vero non si significare, sed exprimere. Quod sic probat, illud significat vox pro quo supponit in propositione, sed voces non supponunt pro conceptibus, sed pro rebus; ergo non significant conceptus, sed res. Probatur minor 1. ex Arist. 1. lib. Elēch. cap. 1. vbi asserit: *Quia non possumus res de quibus disputamus ad scholas adducere, utimur uocibus loco rerū, sicut ludentes utimur calculis pro pecuniis:* ergo intelligit Arist. pro solis rebus supponere. Prob. 2. quia in hac propositione, homo disputat, non supponit vox homo pro cōceptu hominis, sed pro homine ipso, de quo verificatur disputatio, & non de conceptu.

Sed quod voces expriment conceptus sic explicant, voces non solum inuentæ sunt, vt pro rebus ponantur in propositione, sed vt per eas conceptus nostros internos. Manifestum est aliis, quibus non possunt per se innoscere; ergo voces sunt quasi manifestatiue, & declaratiue conceptuū, decla-

decla-
rare autem, atq. exprimere idē
sunt, & ideo licet voces non signifi-
cant conceptus, eos tamē propriē di-
cuntur exprimere.

5 Secunda opinio tenet voces nō so-
las res, sed etiam conceptus signifi-
care, ita D. Tho. expresse quæst. 8. de
Potentia, arti. 1. & 1. par. quæst. 27.
articu. 1. quem secuntur omnes fere
interpretes Aristot. cap. præsentis, &
Arist. ipse expresse id docet his verbis.
*Sunt ergo ea quæ sunt in uoce, earum quæ
sunt in anima passionum nota.* Per
passionem animæ cōceptus ipsos in-
telligens, & non res conceptas, ut vo-
lunt moderni, quia passionēs animæ
actus eius significant in ea manētes,
qui sunt conceptus non res intelle-
ctæ, quæ nihil sunt ipsius animæ, nec
in ea manent, sed solum suæ obiecta
actus eius extra eam existentia, asse-
rit autem esse notas eorum, id est sig-
na, ergo sentit eos significare. Et ita
tenendum est.

Sed ut eam explicemus, & probe-
mus si nō, notādum est, signum qua-
tuor diuisionibus diuidi.

Prima diuisio est. Signum aliud
est proprium, aliud improprium. Sig-
num proprium duas habet conditio-
nes. Prima ut faciat nos venire in co-
gnitionem alicuius rei à se distin-
ctæ, quam dicitur significare. Secun-
dum ut à natura ipsa, vel hominum
voluntate ad talem rem significan-
dam sit institutum, utramque condi-
tionem habent suspiria, & gemitus,
& ideo propria signa naturalia sunt
alicuius affectus interni. Sed defe-
ctu primæ cōditionis voces nullam
re extra se significantes nō sunt pro-
pria signa, sed nimis impropria, ut
bletari, & similes. Defectu uero secū-
dæ rursus non est signum rationalita-
tis. Licet per eum cognoscatur à no-
bis, quia non est à natura institutus

ad significandam rationalitatem. Li-
cet per eum possit à nobis demon-
stratiuē cognosci.

Secunda diuisione diuiditur sig-
num proprium relicto improprio. In
signum naturale, ad placitum, & ex
cōsuetudine, naturale est, quod à na-
tura institutum est ad rem aliquam si-
gnificandam, ut gemitus, ad placitū,
quod ex voluntate hominum, ut ho-
mo ad significandum hominem, ex
cōsuetudine uero, quia cōsuetudo
fecit, ut per vnā rem intelligamus
aliā, ad quam significandam cōmu-
niter ordinatur, ut mappæ appositæ
signa sunt prandij.

Tertia diuisio signi est in internū
& externum. Internum est, quod in-
tra animam nostram permanet, ut cō-
ceptus, externum uero, quod per ex-
ternos sensus, ut uisum, & auditum
percipitur, & talia sunt signa uoces,
& scripturæ, hoc tantum signum de-
scripsit D. Augustin. 2. lib. de Do-
ctrina Christiana, cap. 1. his uerbis.
*Signum est res, quæ præter speciem quam in-
geris sensibus aliter uisū & se facit in cogi-
tationem uenire.*

Quarta diuisio signi est. Signum
aliud est manifestatiuum tantū, aliud
manifestatiuū simul, & suppositiuū.
Manifestatiuum tantū est illud, quod
rem aliquam à se distinctam signifi-
cat, aut repræsentat pro qua nō sub-
stituatur, vel supponit in propositio-
ne, ut sonus campanæ signum lectio-
nis futuræ est, sed nō ponitur pro ea
in propositione. Manifestatiuum ue-
ro, & suppositiuū simul est, quod non
solum rem significat, sed pro ea poni-
tur, ut hæc vox homo ponitur in pro-
positione pro homine, quæ significat.

Secundo notandum significatum
duplex esse posse, quo, & quod. Signi-
ficatum, quod, dicitur res illa ad quā
significandam ordinatur signū. Signi-
ficatum,

In lib. 1. De Interpretatione.

ficatum, quo, dicitur medium, quo eam significat. Præterea, significatum aliud est proximum, aliud remotum, & quasi ultimum. Et iuxta hanc doctrinam intelligendum est, quo pacto voces significant res, & conceptus. Nam conceptus significat immediate quidem, non ut quod, sed solum ut quo, quia mediis conceptibus quos de rebus formamus, significamus eas per voces, res vero significant etiam non immediate ut, quod, sed quasi remotè, & ultimatè comparatas ad significatum, quo, nempe conceptus. Præterea voces sunt signa conceptuum significatiua tantum, non suppositiua, rerum vero significatiua simul & suppositiua, quia pro eis, & non pro conceptibus supponunt in propositione.

His suppositis, opinio Arist. D. T. & nostra duabus conclusionibus explicatur, prima est. Voces significant conceptus immediate, & ut quo, & ideo minus principaliter, res vero immediate quidem ut, quod, & ideo principaliter, sed respectu conceptuum, quasi remotè, & ultimatè, & tam conceptus, quam res ad placitum. Probatur prima pars, hoc argumento, plures voces impositæ sunt ad significandas naturas vniuersales, ut homo, & animal; sed res non sunt vniuersales, vt sunt ad extra, sed vt per conceptus communes à nobis abstractæ, atque cognitæ; ergo non significantur per voces, nisi mediis conceptibus communibus, quos de eis formamus. Et ex consequenti conceptus significat immediate, ut quo & ideo minus principaliter, & ipsis mediis res ultimatè, & principaliter, probatur hæc vltima consequentia; quia conceptus non sunt nisi media quædam, quibus significantur res, ad quas significandas ordinantur.

Secunda vero pars, quod voces significant res, & conceptus ad placitum euidens est, quia non habent significationem à natura, sed solum quidem sunt nihil præter se, & prolatorem improprie significantes, ab hominibus vero ordinatæ sunt, ad significandum res alias mediis conceptibus; ergo significant ad placitum, quod colligitur ex verbis Scripturæ sacræ, Gen. 2. *Formatis igitur Dominus Deus de humo cunctis animantibus terræ, & uniuerfis volatilibus cæli adduxit ea ad Adam; ut videret quid uocaret ea. omne enim quod uocauit Adam anima uocauit & ipsum est nomen eius.*

Quod autem de vocibus dicimus, solum est intelligendum de his, quæ dearticulatæ sunt. Hoc est lingua, dētibus, & palato formata; his enim tantum utuntur homines ad significandum conceptus, & res, & ideo dicuntur significare ad placitum. Inarticulatæ vero, quales sunt vocis brutorum, gemitus etiam, & suspiria nostra naturaliter significant aliquem affectum internum, nisi fortè cum explicemus de articulata voce, nam tunc iam per eam significaretur ad placitum; quia diuersæ nationes diuersis aliquando dearticulatis vocibus in hunc finem significandi affectum internum utuntur.

Ad arg. alterius opinionis distinguenda est maior, nam signum significatiuum tantum, & non suppositiuum non significat, id pro quo supponit, sed id pro quo non supponit; signum vero significatiuum, & suppositiuum simul, id tantum significat, pro quo supponit. Et ideo non est vniuersaliter verum, quod voces illud tantum significant, pro quo supponunt, quia licet respectu rerum sint signa significatiua, & suppositiua simul, sed respectu conceptuum solum sunt signi-

signi-

significatiua, vnde possunt eos significare, quamuis non supponant pro eis in propositione. Et in hoc sensu intelligitur testimonium Aristotelis, qui de vocibus vt sunt signa significatiua simul, & suppositiua rerum loquitur, hoc tamen non tollit, quin etiam possint significare conceptus, vt medijs, licet pro eis non supponant.

CAPVT SECVNDVM de Nomine.

TEXTVS ARIST.

7 Nomen igitur est vox significatiua secundum placitum sine tempore, cuius nulla pars significatiua est separata.

Breuis expositio text.

IN T E N T I O. huius capituli est explicare naturam nominis, de quo agit Arist. tanquam de parte actuali enuntiationis, & prius quam de verbo, tanquam de simplici, nam verbum non solum rem aliquam significat, sed actionem cum tempore, nomen vero solum rem, vel quia nomen est quasi materia propositionis, & ideo priusquam eius fundamētum, verbum vero quasi forma. Caput autem non eget diuisione, quia nihil aliud in eo facit Arist. quam definitionem nominis assignare, & singulas eius particulas explicare.

Definitio nominis ita habet. *Nomen est vox significatiua secundum placitum, sine tempore, cuius nulla pars significatiua est separata.* Vox ponitur in hac definitione loco generis, & accipitur pro

sola de articulata humanis instrumentis, nempe lingua, dentibus, palato, ac cæteris. Quam sic definiuit idem Arist. 2. lib. de Anima textu 90. *Vox est sonus ab animalis ore prolatus cum imaginatione quadam.* Vnde per vocem excluduntur sonus inarticulati brutorum, atque etiam sonus instrumentorum, qui alio modo satis imperfecto dicuntur voces. Significatiua etiam vocatur, vt excludantur voces à nobis de articulatis nihil tamen significantibus, vt blitiri, & secundum placitum vt excludatur signa omnia naturalia, sine tempore vt excludatur verbum, quod cum tempore significat. Quid sit autem significare sine tempore constabit cap. sequenti, in quo explicatur, quid sit cum tempore significare. Cuius nulla pars significatiua est separata ad differentiam orationis, cuius partes per se separatae significant, vt partes huius orationis, homo albus. Sed probat hanc particulam hoc argum. si partes aliquius nominis separatae significant maxime, partes nominis compositi, vt partes huius nominis, equiferus, sed partes eius separatae nihil significant: ergo nec partes separatae aliquius nominis significabunt, maior euident est, quia cum nomen compositum saepe contineat plura nomina simplicia, tanquam partes, maior ratio erat in eo, vt partes eius separatae significant, quam in nomine simplici, cuius partes non nisi syllabae, & litterae sunt. Minore vero probat, quia partes huius nominis, equiferus, ab eo separatae, si tanquam partes eius accipiantur, nullam significationem retinent, cum equiferus non significet equum ferocem, sed aliud animal ab eo diuersum. A ratione tandem nominis excluditur nomen infinitum, vt non homo, non leo, quia non ha-

In lib. i. De Interpretatione.

bēt determinatam significationem, sed de omnibus dicuntur, præterquā de re significata per nomen supra quod cadit negatio, vt, non homo, de omnibus præter hominem. Verum autē nomen aliquid determinatum significare debet, excludit etiā casus obliquos, vt hominis, & hominem, quia non tam nomina, quam deriuationes quedā à nomine ipso recto cēsentur,

QVAESTIO. I.

An benè definiatur nomen per vocem.

Ratio dubitandi est; quia nomen, & verbū sunt partes propositionis, sed in mente, & scriptura sunt propositiones, nō minus quam in vocibus: ergo erunt etiam nomina, & verba, si igitur per vocem definiatur nomen, diminuta erit definitio non comprehendens omnia nomina.

Circa modum intelligendi hanc definitionem est prima opinio Lobotiensium cap. præsentis, qui asserunt accommodari posse nominibus mentalib⁹, & scriptis paucis mutatis. Mētalibus quidem mutatis duabus particulis, nempe, vox, & secundum placitum. Scriptis vero mutata sola voce, & ideo non esse diminutam, quia licet non comprehendat omnia nomina vt iacet, potest tamen omnia comprehendere per accommodationem.

8. Hæc tamen opinio sustineri non potest, quia cū definitio sit quasi indiuisibilis terminus definiti, sub qua tota eius essentia cōtineri debet, mutata qualibet particula, vel addita mutatur tota definitio: ergo si hæc definitio non potest conuenire omnibus nominibus, nisi detractis aliquibus particulis: Sequitur nō posse eis conuenire, sed diminutam esse. Pro-

batur consequentia, quia detractis illis particulis nō est eadem definitio, sed alia: ergo repugnat hanc definitionem conuenire omnibus nominibus, vnde diminuta censetur si solum potest cōuenire cum detraktionē illarum particularum.

Nostra igitur sententia est, vera nomina solum in vocibus reperiri simpliciter, in mente vero solum conceptus rerum significatarum per nomina, qui potius dicuntur termini mentales, ex quibus propositio mentalis componitur. In scripturis vero solū reperiuntur nomina per deriuationē à vocibus, quarum quasi supplementa sunt, vt cū absentibus agere possumus. Vnde sequitur benè definitum esse nomen ab Arist. per vocem.

Probatur testimonio Arist. c. 2. ante prædicamentorū, vbi definiēs æqui uoca ait, ea esse quorū nomen cōmune est, ratio vero substantiæ nomini accommodata diuersa, per rationem vero substantiæ secundum communem expositionē omniū conceptus intelligitur; ergo sentit Arist. nomen à conceptu distinguī, & ideo cōceptum non esse nomen, sed in solis vocibus nomina reperiri. Probatur consequentia, quia vbi nomen est cōmune cōceptū asserit esse diuersum.

Probatur etiam ratione, quia antequam nomina imponeret rebus Adam innominatæ censebatur, etiam si haberet proprios conceptus earū; & cum primū nomina eis imposuit dixit Deus. *Omne quod uocauit Adam nomen uiuentis ipsum est nomen eius.* Quasi diceret tunc primo cōcepisse nomina. Et nos etiam dum non habemus vocem propriam ad aliquam rem significandam impositam, dicimus talem rem innominatam esse, quamuis proprium eius conceptum in mente habeamus, Ex quibus sequitur in mente

nomina

non esse nomina, sed conceptus, qui dicuntur termini mentales, ex quibus componitur propositio mentalis, & ratione termini vniuersaliorem esse nomine, & verbo, ex quibus sola propositio vocalis proprie ac simpliciter componitur, in scriptura vero solum per quandam analogiam ad vocem per eam significatam reperiuntur nomina, & verba, sunt enim scripturæ, quasi nomina, & verba depicta. Non est ergo necessarium particulas detrahere à definitione Arist. ut conceptibus, & scripturæ accommodeatur, quia nec eis potest proprie convenire, & ideo bene definiuit nomen per vocem. Ad argu. pro ratione dubitandi propositum concessa maiori, & minori, neganda est consequentia, quia propositio in communi non componitur ex nomine, & verbo, sed ex terminis, quorum ratio vniuersaliior est, sola autem propositio vocalis ex nomine, & verbo componitur: unde non sequitur vera nomina, & verba reperi: ubicumque reperiuntur propositio, sed solum, quod reperiuntur termini, ex quibus componatur, qui in mentali sunt conceptus extremorum, & copulæ, in scripta vero nomina, & verba depicta, & ideo non talia simpliciter, sed secundum quid.

QVAESTIO. II.

An nomen definiatur per vocem, tanquam per verum genus.

DVobis modis potest considerari vox, primo materialiter prout solum dicit sonum dearticulatum humani instrumentis, secundo formaliter prout significatiua, ex quo habet quod sit nomen, aut verbum, & primo modo considerata habet se, tanquam subiectum eiusdem significa-

tionis commune ad nomen, & verbum, sicut lignum commune subiectum est respectu cathedræ, & portæ potens suscipere formam artificialem vtriusque, si vero consideretur ut significatiua, verum genus est ad nomen, & verbum. Quæstio igitur est an nomen definiatur per eam materialiter sumptam, tanquam per subiectum sicut statua definitur per lignum, vel potius sumptam formaliter prout significatiua, tanquam per verum genus, ita ut vox significatiua genus sit huius definitionis, & reliquæ particulae sint differentia.

Et prima opinio tenet nomen non defini per vocem tanquam per subiectum, sed per vocem significatiua, tanquam per verum genus nomini, & verbo commune, ita Niphus, Lemsius, & Psellus cap. presenti, & probatur quia res quælibet per definitionem quidditatiua definienda est, si fieri potest: cum iste sit optimus definiendi modus, sed posita voce significatiua pro vero genere erit quidditatiua definitio nominis: posita vero sola voce pro subiecto non erit quidditatiua, cum subiectum non sit genus accidentis, sed extra quidditatem eius; ergo primo modo intelligi debet definitum nomen ab Arist. potius quam secundo.

Secunda opinio est D. Tho. & Ammonij cap. presenti, quod non definiatur nomen ab Aristot. per vocem significatiua tanquam per verum genus, sed per solam vocem tanquam per subiectum loco generis positum, & hæc est probabilior, cuius potissimum fundamentum colligitur ex Arist. 8. lib. Meta. tex. 6. vbi proprium modum definiendi artificiaalia ait esse per subiectum loco generis, & per formam artificialem loco differentia, ut si domum definire velis, dices esse

lapides, & ligna ita composita. Et D. Tho. in opes. de ente, & essentia, cap. 7. non solum artificialia, sed accidentia omnia melius definiari ait per subiectum loco generis, quā per verum genus. Et ratio huius est manifestata, quia essentia accidentis, & modus essendi eius sumuntur per ordinem ad subiectum; ergo utrumque sit magis notum per subiectum; & cū definitio eo fine tradatur, ut per eam cognoscamus naturam definiti, melior modus definiendi accidentia erit per subiectum pro genere positam, quam per verū genus, quod per idem subiectum innotescit. Sed nomen, & verbum sunt accidentia quædam artificialia ab intellectu facta, & in concreto significata; ergo melius per vocem, tanquam per subiectum definienda sunt, quam per vocem significatiuam, tanquam per verum genus, & sic censendum est ab Arist. esse definita.

Ad argum. alterius opinionis distinguenda est maior, nam si res, quæ definitur, sit substantia, quidditatiuè definienda est per genus, & differentiam, si fieri possit, si vero sit accidens, præsertim artificiale, & in concreto significatum, modus magis naturalis, & per quem essentia eius clarius explicabitur, erit illud definire per subiectum loco generis, quia verum genus, & vera eius differentia per subiectum respectu cuius accipiuntur, potius quā per se cognoscenda sunt, & ex consequenti quidditas, & essentia eius, ad quam cognoscendam ordinatur per se definitio.

QVAEST. III.

An verum sit nomen significare ad placitum, ut in definitione dicitur.

Circa modum significandi vocum tres opiniones refert D. Tho. in Commentarius huius capituli. Prima fuit eorum, qui tenuerunt esse naturalia signa rerum, sicut nos dicimus de conceptibus; quam Pythagoræ, & eius discipulis tribuit Dexippus lib. 1. quæ est in categorias, cap. 6. & videtur etiam fuisse Heracliti, & Cratilli. Probaturque hoc argum. quia quibus natura tribuit facultatē, seu potentiam ad aliquem actum exercendum, consequenter tribuit instrumenta naturalia, quibus illū possint exercere, ut homini tribuit facultatem ad ambulandum, & ideo tribuit ei pedes tali modo fabricatos, quibus ambulare possit, sed facultas loquendi naturalis est; ergo natura tribuit homini cum ea naturalia instrumenta, per quæ loqueretur: hæc autem instrumenta sunt voces, non nude, aliqui bruta etiam loqui possent, sed dearticulatæ, ac significatiuæ, sicut brutis dedit voces naturaliter significantes, quibus possent suos affectus internos manifestare: ergo voces significatiuæ sunt à natura data hominibus, quibus possint aliis manifestare conceptus mentis internos. Ex quo euidenter sequitur significationem earum esse naturalem, & non ex impositione hominū, quia naturale est quidquid à natura conceditur.

Secunda opinio ex diametro opposita est asserens significationem vocum non solum non esse à natura, sed sic ex beneplacito hominum procedere, ut possit quisque pro libito his nominibus iam impositis uti, vel alia noua excogitare, & ad significandum imponere eisque uti prout sibi placuerit ad loquendum, & postmodum eisdem relictis noua alia imponere, quam videtur tenuisse Hermogenes, quidā Philosophus Platone, & Arist.

anti-

antiquior, vt Plato ipse testatur in Dialogo de Cratillo.

Ratio huius sententiæ est, quia si vocum significatio ex libera voluntate hominum dependet, mutari poterit pro libito, ita vt voces hodiè impositæ ad significandum crastino die nihil iam significant, aut à prima significatione mutantur; ac de nouo imponantur ad alias res diuersas significandas, & ideo cadere dicantur a significatione, ex quo nullum sequitur inconueniens.

Tertia opinio media est inter hæc extrema concedens voces non significare naturaliter, sed ex impositione hominum, non tamen ita esse liberam, vt quisq; pro libito possit, his, aut illis vocibus, vtique de nouo ad significandum imponere, sed congruentem naturis rerum ad quas significandas imponitur: ita vt singulis rebus iuxta propriam naturam talia sint nomina accommodata, itaq; libera hominum impositio quandam considerationem discretam habuit eam comitantem, vel præcedentem, per quam impositor cognoscens rerum naturas eis accommodauit propria nomina, quib; congruenter significarentur, & talis impositio perpetuo durat, & ab omnibus sic inuolabiliter recepta est, vt nemini liceat pro libito eam mutare, aut nouas impositiones vocum introducere: Hanc sententiam secuti sunt grauissimi Philosophi; Plato ubi supra, Aristoteles in his capitulis, Tullius lib. 1. Academicarum quæstionum, Quintilianus lib. 8. institutorum cap. 6. D. Tho. Albertus Magnus cum ceteris expositoribus huius capituli, & hæc est vera, & tenenda.

II Quam vt explicemus simul, & probemus, notandum est. Res esse in duplici differentia, nam quædam sunt naturales, quibus certum est à primo

nostro parente diuina sapientia prædito, per quam perfectè cognouit naturam singularum nomina fuisse accommodata ex directione Dei, vt verba hæc, Genesi. 2. ostendunt: *Formatis igitur Dominus Deus de huma cunctis animalibus terræ, & uniuersis uolatilibus cœli adduxit ea ad Adam, ut uideret, quis uocaret ea: omne enim, quod uocauit Adam animæ uiuentis, ipsum est nomen eius. Quasi dicat Deus, uniuersalem hanc impositionem ex eius commissione factam, sic esse perpetuam, vt nunquam omnino, aut ubique ab aliquo mutanda sit, licet diuersa sint nomina iuxta diuersitatem nationum, & linguarum, in quibus etiam est euident nulli unquam licuisse prohibito mutare impositionem. Aliæ sunt res artificiales, quibus etiam ab hominibus arte præditis, & per eam perfectè cognoscentibus earum conditionem, iuxta eam cōuenientia accommodata sunt nomina, hoc est talia, vt significatio eorum, aut ex modo quo fiunt, aut ex aliqua earum proprietate, vel usu in quem ordinantur per artem, desumatur. Quod maiori ex parte verum esse intelligendum est: nam aliquando cōtingit, vt nulla talis similitudo nobis saltem cognita in nominis impositione seruetur, & hæc doctrina simul explicat, & probat veritatem communis sententiæ, quam sequimur.*

Ad argum. vero primæ sententiæ concessa maiori, neganda est minor, quod voces sint instrumenta facultatis naturalis ad loquendum, sed potius instrumenta huius facultatis sunt lingua, dentes, & palatū, quibus formantur eadem voces, & iam formæ imponuntur ad significandum, vt media esse possint, quibus homo proprios conceptus aliis explicet, quare licet ex parte soni voces sint naturales, ex parte vero significationis per artem.

In lib. I. De Interpretatione.

artem, vel scientiam fuit, sicut cathedra ex parte ligni naturalis est, sed artificialis ex parte formæ per artē factæ, & ideo simpliciter vocatur artificialis, & ita nomina, & verba artificialia sunt vocanda.

Argumentum vero secundæ opinionis ex doctrina tradita solum est, quia licet libera sit impositio vocum ad significandum, conformis tamen naturis rerū, & ideo non à quocumque facta, sed à sapientibus, qui perfectè cognoscētes earum naturas talia nomina eis congruentia accommodarunt, unde nec variari potest prohibito significatio nominum, nec ab ea cadere possunt.

QVÆST. III.

An verum sit partes nominis separatas non esse significatiuas.

12 **H**anc particulam definitionis probauit Arist. ex nomine composito, cuius partes separatæ aut non sunt significant, vt partes eius sunt, etiā si sint integra nomina; ergo multo minus partes nominis simplicis separatæ erunt significantiæ, cū non sint integra nomina, sed syllabæ, & literæ; sed hæc ratio nihil valet; ergo non probatur per eam, quod partes nominis separatæ non sint significatiuæ, nec verum hoc erit. Probatur antecedens, quia partes nominis compositi sunt integra nomina, vel nomen integrum, & verbum, vt patet in hoc nomine agricola, & separatæ retinent eandem significationem; per quam cōponebant nomen; ergo partes nominis compositi separatæ, etiā vt partes eius, vel iuxta significationem totius sunt significatiuæ. Probat minor; nam hoc nomen ager, & hæc verbum, colo, componebant no-

men, agricola, per proprias significationes, nempe ager significans agrum, & colo actionem colendi: unde agricola significat colentem agrum; & hanc eandem significationem retinet separata à compositione, vt notum est; ergo verè significant iuxta significationem totius, vel vt sunt partes eius, quare nec ratio Arist. probat partes nominis separatæ non significare, nec verū esse potest, saltem in nomine composito.

Probat 2. quia si nomina simplicia caderent à propria significatione, & imponderentur ad significandas res diuersas, etiam caderet à sua significatione nomen compositum; ergo pendet significatio eius ex propriis significationibus partium, sed partes separatæ retinet proprias significationes; ergo separatæ significant iuxta significationem totius. Pro solutione huius quæst. notandū est. Nomen compositum sic ex nominibus integris, aut ex nomine & verbo componi, vt ex pluribus, ac diuersis significationibus eorum resultat tertia quædam significatio indiuisibilis eiusdem nominis compositi, quæ significatio non potest in eisdem iam separatim cōseruari, in quo simile est nomen compositum naturæ composito viuenti ex anima, & corpore factum, non quocūque, sed eterogeneo, hoc est partes habēt diuersæ rationis, vt brachium, caput, & pedes, non enim componitur nomen aliquod, ex multis nominibus eandem rem significantibus, vt ex gladio, & en se, sed ex significantibus res diuersas, quare ex his diuersis significationibus resultat tertia significatio totius diuersa à partibus. Vt patet in nomine, respublica, & in nomine, equiferus, quia nec respublica significat rem quālibet, vel negotium publicum, sed cōgrega-

gregationem ciniū sub his legibus, & tali ordine dispositam, quæ diuersum quid est, à significatione vtriusque partis separatæ, & equiferus significat non equum ferocem, quem si significant partes separatæ, sed aliud animal valdè diuersum. Vnde sicut, anima nō informat partes separatas corporis, sed dum separantur à toto, aliam formam diuersam consecutur. Ita forma nominis cōpositi, quæ est significatio eius, nō informat partes separatas, sed alias habent significationes sibi proprias, atq. diuersas à significatione totius, quam participabant, dum illud componebant.

Itaque sicut quælibet pars nominis compositi per se sumpta habet propriam significationem vnā; & indiuisibilem, quæ non conuenit syllabis, nec in eis separatis permanet, sed definit esse, & quasi corrumpitur separatis syllabis, sic etiam nomē cōpositum ex aliis nominibus, aut ex nomine, & verbo propriam habet significationem distinctam à significatione partium, & indiuisibilem quidem, & ideo, quæ non prædicatur de partibus, nec in eis separatis permanere potest. Et ratio huius est, quia nomen compositum distincta impositione imponitur ad significandum, ac partes, & ad significandū rem diuersam ab ea, quam partes significant, si milem tamen aliquo modo, & quæ non resularet, nisi ex his partibus. Vnde sequitur diuersa nomina ita per proprias significationes concurrere ad componendum aliud, vt cum media à lia impositione, & ad aliam rem significandam concurrant, proprias significationes amittant in tali compositione, & aliam diuersam participant, licet similem propriis, sed dum à compositione separantur illā, quam in toto habebant amittunt, &

propriam retinet. Et hoc est, quod dici solet separatas non significare iuxta significationem totius. Licet videantur significare propter similitudinem, quæ reperitur inter significationem totius, & proprias earum. Depēdet enim significatio totius ex eis, sed distincta est, & in eis permanere non potest.

Ex hac doctrina respōdetur quæstioni, verum esse, quod asserit Arist. in definitione nominis, quod partes eius, si vt partes accipiantur nō sunt significatiuæ dum ab eo separantur, quamuis proprias significationes separatæ retineant, quia cum significatio totius distincta sit à propriis, & quasi forma rei eterogeneæ partes diuersæ rationis informans corrumpitur separatis partibus. Et ideo non potest in eis permanere;

Ad i. argum. distinguenda est minor, quod partes nominis compositi componant illud per proprias significationes, nā si ita intelligatur, quod significatio totius non sit alia à significatione partium falsum est; cum distincta impositione, & ad rem distinctam significandam, vel saltem modum distinctum habentem imponatur. Si vero per proprias significationes cōcurrere intelligatur, ita vt tertia significatio à propriis distincta, atque indiuisibilis, cui simplex, etiā, & distinctus conceptus correspondet in mente à conceptibus partium per se sumptarum, verum est, sed ex eo non sequitur, quod partes separatæ retineant eandem significationem totius, vel quam ab eo participabant, quia hæc statim corrumpitur, ac partes separantur sicut corrumpitur nomen ipsum compositum, ideo non potest in eis permanere, sed bene Arist. dixit nihil iam significare iuxta significationem totius, vel vt partes eius.

Ad

In lib. I. De Interpretatione.

Ad secundū concedendum est primum enthineina, sed neganda vltima consequentia, quod partes separatae significant iuxta significationē totius, nam licet significatio totius pendeat ex significatione partium, & desinat esse partibus cadentibus à propria significatione, sed cū distincta sit significatio totius à propriis, atque indiuisibilis, corrumpitur eis separatis, vnde permanere nō potest in eis, sed licet proprias significationes retineant, verum est nihil significare separatas, iuxta significationem totius, quia nihil retinent de significatione eius, licet eam aliquando retinere videantur propter similitudinem, quam habent propriae cum significatione totius iam corruptae.

QVAESTIO. V.

An nomen infinitum omnino sit excludendum à definitione.

14 **S**Ex sunt explicanda de nomine infinito. Primum quid sit: secundum quid, & quomodo significet: tertium de quibus dicatur: quartum an nomina transcendentia possint fieri infinita: quintum an nomen infinitum sit inter absoluta, vel inter connotativa numerandum: vltimum, an dicatur vniuoce de entibus, & non entibus, vel analogice.

Circa primum notandum est negationem duobus modis sumi posse, primo neganter, quod est sumi in tota vi negationis, quo pacto etiam si in principio propositionis ponatur, copulam eiusdem propositionis, & totam ipsam propositionem negat, & propterea de ea dictum est, esse maius generis naturae, ita ut quidquid post se inueniat, destruat, & oppositū efficiat. Secundo modo accipitur non se-

cundum totam vim negationis, sed secundum limitatam ita ut solum neget significatum illius vocis, cui proxime adiungitur, nec vis eius ulterius traseat. Vnde si adiungatur subiecto propositionis, non transit vis eius ad copulam, nec negatiuam reddit propositionem: & hoc est accipi infinitate, quia effectus eius solum est negare significatum nominis, cui adiungitur, & ex hoc quasi infinitū illud efficere, quia cetera omnia significat praeter rem illam supra quam cadit, ut non homo significat cetera praeter hominem, nihil eorum determinans, & ideo dicitur habere significationem infinitam. Nomen igitur infinitum negationem includit, non neganter sumptam, hoc est non in tota vi negationis, sed sumptam infinitanter, hoc est secundum vim negandi determinatam ad proprium eius significatum.

Ex quibus intelligitur nomen infinitum hoc modo esse definiendum. *Nomen infinitum, est nomen compositum ex nomine simplici, & negatione infinitate accepta: ut non homo, nō leo, & hae de quidditate eius.*

De modo significandi nominis infiniti.

Quantum vero ad modum significandi eius pertinet, aliqui dicunt de materiali significare rem illam, quae negatur, de formali vero ceteras omnes, ut non homo de materiali hominem, de formali vero leonē, & bouem, ac cetera praeter hominē. Melius tamen dicendum est non significare rem illam, quam negat, sed de materiali ceteras praeter illam, de formali vero param negationē eius, ut non homo de materiali leonem, & bouem cum ceteris, & de formali solam

solam negationem hominis, quod sic probatur, quia non homo non significat leonem, aut bouem secundum naturas positivas eorum, sed in quantum sub negatione hominis cadunt, vel continentur; ergo secundum naturas positivas materialiter pertinent ad significationem nominis infiniti. Formaliter vero secundum negationem talis naturæ in propria inclusam.

Circa significatum vero eius omnes conveniunt ad eod extendum esse, ut cætera omnia præter rem illā quæ negat, significet, non solum existentia, sed possibilis, imo etiam impossibilia, ut chimeram, & hircocerum, & ratio huius est manifesta ex dictis. Nam si formale significatum eius est negatio illius rei, cui adiungitur; ergo materiale erit omne illud, cui potest convenire talis negatio, sed hæc continet ceteris omnibus existentibus, aut possibilibus, imo etiam impossibilibus; ergo hæc omnia comprehenduntur sub materiali significato eius, sed omnino indeterminatè, atque confusè, & ideo modo quasi infinito, quia nullum potius quam aliud determinat, ut ex se est manifestum.

Ex quibus sequitur duo habere nomen infinitum, in quibus deficit à vera ratione nominis. Primum ex parte formalis significati, quod nullam rem, aut naturam, vel rationem positivam significat formaliter, sed puram, & solam negationem illius rei, supra quam cadit, ut non homo solam negationem hominis. Secundum ex parte significati materialis, quia nihil determinatum significat, sed tam illud quod est, quam quod non est, imo quod impossibile est. Et propter hæc duo excludit Arist. nomen infinitum à definitione nominis, quia verum nomen determinatam significa-

tionem habere debet, & naturam aliquam positivam, vel saltem positivam rationem eius debet significare.

De quibus nam dicatur nomen infinitum in propositione.

PRIMA opinio asserit, quod licet nomen infinitum significet tam ea, quæ sunt, quam quæ non sunt, & tam possibilis, quam impossibilia, sed in propositione non potest verificari, nisi de solis existentibus, non de possibilibus, vel impossibilibus. Ita Sotus 2. lib. Sumularum cap. 1. notabili quinto, quod probat hoc argumento, nomen infinitum non potest dici de non existentibus, atque impossibilibus, nisi in propositione affirmativa de subiecto non supponente, sed talis propositio est falsa secundum regulas Sumularum; ergo nunquam de his verificabitur, sed de solis existentibus. Maiorem probat, quia ut subiectum propositionis supponere dicatur, requiritur, quod res significata existat in rerum natura tempore significato per copulam: ergo solum potest supponere pro existentibus, non pro possibilibus, vel impossibilibus, quare propositio in qua de his dicitur, erit de subiecto non supponente. Minorem vero, quod affirmativa de subiecto non supponente sit falsa, manifestum esse ait in his, Adam est albus, Antichristus est niger: evidens namque est consequentia à propositione de tertio adiacente, ad propositionem de secundo, ut Petrus est albus; ergo Petrus est, ergo evidens erit consequentia Adam est non homo, ergo Adam est, sed consequens est falsum; ergo & antecedens, quod est propositio affirmativa de subiecto non supponente.

Secunda opinio affirmat nomen infi-

In lib. i. De Interpretatione:

infinītum, non solum significare existentia, & possibilia, atq. impossibilia, sed verificari posse de omnibus in propositione. Ita D. Th. cap. præfenti cum Boetio, & Amonio, quos secuntur moderni omnes interpretes, & est expressa sententia Aristotelis cap. præfenti, vbi ita ait. *Non homo uero non est nomen, quoniam similiter in quolibet est, & quod est, & quod non est, & ita tenendum est.* Probatür duplici argumēto primo exintrinsicæ conditione nominis infinīti, quæ talis est. Vt nullam formam ponat in subiecto, imo neq. villam rationem positivam, sed puram negationē illius rei cui adiungitur, vt non homo totam negationē hominis, sed sola negatio non postulat existentiam subiecti, imo nec possibilitatem eius, sed etiam de re impossibili verificatur, vt de chimera, negatio hominis: ergo de his omnibus verificari potest nomen infinītum. Probatür cōsequētia, quia euidens arg. ducitur à propositione negatiua ad affirmatiuam de prædicato infinito in eisdē terminis, vt leo non est homo; ergo leo est non homo, sed nomen infinītum negatur de impossibilib⁹, quia vera est hæc, chimera non est homo; ergo affirmabitur de eisdem in propositione de prædicato infinito, & ita vera etiam erit hæc chimera est non homo. Probatür iterum consequētia, nam ideo vera est propositio negatiua de subiecto impossibili, quia negatio nihil positivum ponit in subiecto, sed nomē infinītum nihil positivum ponit in subiecto, sed solam negationem; ergo secundum hanc potest de eadem re possibili verificari in propositione affirmatiua.

Secunda prædicatā contradictoria habent immediatam oppositio-

nem; ergo de quolibet ente, aut nō ente necesse est alterum eorum verificari, sed homo, & non homo sunt prædicata contradictoria; ergo necesse est alterum eorum verificari de quacumque re possibili, vel impossibili, sed de re impossibili, vt de chimera nō verificatur homo; ergo verificabitur non homo, sicque de ceteris nominibus infinītis, quæ de rebus etiā impossibilibus verificari debēt.

Pro solutione argum. alterius opinionis notandum est, prædicatū propositionis affirmatiuæ duobus modis se habere ad subiectū, nam vel accedens eius est, modum vè accidentis habet, vel ad essentiā eius pertinet, aut tãquam propria passio se habet. Et si primo modo se habeat, certum est subiecto actu existenti attribui, quia accidentia non cōueniunt subiectis, nisi secundum actualementiam in eis, quam constat necessario supponere actualementiam existētiā, si vero secundo modo se habeat certum est non conuenire ei secundum actualementiam existētiā, sed secundum naturalem cōnexionem cum eo, quæ cum nullum tempus determinet, sed perpetua sit, eodem modo semper se habens, propositio etiam perpetua veritatis est, & copula (vt aiunt) absoluitur à tempore, quod est extrema non coniungere pro vlla differentia temporis; cum tamen in propositione accidentali pro determinata differentia temporis, in qua existunt extrema, ea coniungat.

Ex quibus sequitur solum in propositionibus accidentalibus extrema supponere, & ideo solū in his requiri actualementiam existētiā extremorū ad veritatem propositionis affirmatiuæ. Et etiam in his solum intelligi illā regulam sumulistarū, quod propositio affirmatiua de subiecto non suppo-

supponente est falsa, ac tandem solū in his esse bonam consequentiam à propositione de tertio adiacente, ad propositionem de secundo. In propositionibus autē necessariis, nec supponunt subiecta, nec vniuntur secundū actualem existentiam, nec secundum aliquam differentiam temporis, sed solum secundum naturalem cōnexionem abstrahentem ab existentia, & tempore, vnde in eis hæc sola regula vera semper est, & obseruanda, quod omnes propositiones affirmatiuæ sūt semper veræ, & omnes negatiuæ semper falsæ. Quare nec in his valet sequētia à propositione de tertio adiacente ad propositionem de secundo; quia in propositione de tertio prædicatum coniungitur subiecto secundum naturalem connexionem cū eo. In propositione vero de secundo dicit actualem existentiam, vt si dicas, Homo est rationalis; ergo homo est, antecedens erit verum, nullo homine existente, & consequens falsum.

Quam doctrinam si ad nomen infinitum applicemus. Inueniemus significare omnia possibiliū, & impossibilia quasi modo essentiali, cum per se omnia significet. Et ex hoc sequitur de illis verificari in propositione, quasi per modum naturalis connexionis, & non secundum actualem existentiam, quare omnes propositiones affirmatiuæ sunt veræ, & omnes negatiuæ falsæ, quia extrema non supponunt, nec valet in eis consequētia à propositione de tertio adiacente ad propositionem de secundo.

Ad formam igitur argum. concedenda est maior, quod nomen infinitum non possit verificari de impossibilibus, aut non existentibus, nisi in propositione affirmatiua de subiecto non supponente, sed minor distinguenda, quod affirmatiua de subiecto nō

supponente sit falsa, nam si accidentalit sit, concedendum est, quia vniuntur extrema secundum actualem existentiam, quam habere debēt tempore significato per copulam, & si eam non habuerint, falsa erit propositio. In propositionibus vero necessariis non requiritur actualis existētia extremorum, quia solū vniuntur secundum naturalem cōnexionem, & ideo affirmatiua, licet sit de subiecto non supponente, vera est. Et cum propositiones affirmatiuæ de prædicato infinito modum habeant necessariarum, negādum est etiam in eis, quod affirmatiua de subiecto non supponente sit falsa.

An transcendentia nomina possint infinitari.

Prima opinio tenet infinitari non posse transcendētia, si in tota sua vniuersalitate accipiātur, vt ens absolute sumptum. Si vero cum limitatione, vt pro ente reali tantum, aut pro ente rationis infinitari possit. Ita Alber. Mag. in Comment. huius lib. tract. 2. cap. 5. cum Auicena, quos secuntur Toletus, & alij cap. præsentī. Probatur ex natura nominis infiniti, quod tam de entibus, quam de nō entibus dicitur, sed si infinitetur ens absolute sumptum, solum de non entibus dici poterit; ergo non potest infinitari.

Secunda opinio adhuc hoc modo sumpta transcendētia infinitari posse concedit, ita Sotus 2. lib. Summarum cap. 1. notab. 6. Suesanus, & Lobanienſes cap. præsentī. Probāt, quia prædicationes istæ chimera est non ens, nihil est non ens sunt de prædicato infinito, & prædicatum est ens in sua vniuersalitate; ergo transcendentia in sua vniuersalitate sumpta infinitari possunt.

b

Pro

In lib. I. De Interpretatione.

Pro solutione dubij, distinguenda sunt transcendētia hoc modo. Quædā sunt vniuersalissima vt ens, alia minus vniuersalia, vt passiones eius, verum, bonum, & vnum, quæ minus vniuersalia dicuntur, quia secundum rationes formales non se includunt, nec enim bonum est verum formaliter, nec verum est formaliter vnum. Et rursus vniuersalissimum transcendēs, vt ens, potest sumi absolute, vel cū aliqua limitatione. Videlicet pro solo ente reali, vel pro sola substantia. Et de transcendētibus minus vniuersalib⁹ euidēs est infinitari posse, quia non verum, aut non bonum adhuc verificari possunt de entibus, & non entibus, nam verum est non bonum, & vnum est non verum formaliter. Certum est etiam ens cum limitatione acceptū infinitari posse propter eandem rationem, sed an possit sine limitatione acceptum, de hoc solum potest esse dubium.

Et nostra sententia est infinitari posse, probatur ex propria definitione nominis infiniti, à nobis assignata in principio, secundum quam solum dicit esse compositum ex nomine simplici, & negatione ei adiuncta, sed non ens componitur ex utroque; ergo simpliciter est nomen infinitum, & hoc etiam probat argum. secundæ opinionis.

Ad argum. vero primæ opinionis, negandum est antecedēs, quod de ratione nominis infiniti sit de entibus, & non entibus verificari, sed hoc solum pertinet ad rationem nominis infiniti particularis, de quo Arist. & omnes communiter locuntur. Ad rationem vero nominis infiniti, vt sic solum pertinet, quod ex nomine simplici particulari, vel transcendenti, & ex negatione ei adiuncta componatur.

An nomen infinitum sit enumerandum inter absoluta, vel inter connotatiua.

Certum est nec esse absolute simpliciter, nec connotatiua; cū nec simpliciter sint nomina, sed solum secundum quid. Solum ergo potest esse dubium, an ad hæc potius quam ad illa reducantur. Toletus in Commentariis huius capituli asserit inter absoluta numerari, quia non habent materiale, & formale significatum, vt connotatiua, sed solum significant negationem in concreto.

Nostra vero sententia est ad connotatiua potius reducenda esse, quia de formali dicunt negationem rei, cui adiunguntur, de materiali vero rem aliam quamcumque, ideo connotatiuorum similitudinem habent.

An nomen infinitū dicatur vniuersale de entibus, & non entibus, vel analogice.

Respondetur vniuersale dici de omnibus, cuius ratio est, quia significatum formale eius est sola negatio eius rei, cui adiungitur, negatio vero æquæ conuenit entibus, & non entibus; ergo æquæ dicitur de omnibus, atque adeo vniuersale, non quiddē propria vniuocatione, quia denominationes non sunt proprie vniuocæ, sed improprie, qualis in denominatiuis reperitur.

Ad notandum tandem est. Circa definitionem nominis, nō esse ei addendas duas illas particulas, finita, & recta, vt excludantur nomina infinita, & obliqui casus, quia per alias particulas definitionis, iam exclusi censentur; nec Arist. eas posuit in definitione, sed post integram explanationem eius.

CAPVT TERTIVM
de Verbo.

TEXTVS ARIST.

Verbum autem est, quod consignificat tempus, cuius pars nihil significat seorsum, & est semper eorum, quæ de altero prædicantur nota, &c.

Breuis expositio text.

IN T E N T V M Arist. est explicare naturam verbi. Diuiditur autem caput in tres partes. In prima definitione verbi proponit, & explicat. In 2. excludit à ratione verbi, infinitum verbum, & casus verbi, hoc est verba aliorum temporum à præsentis. In 3. colligit verbum cum nomine in duobus conuenire.

Definitio verbi talis est. *Verbū est, quod consignificat tempus, cuius pars nihil significat seorsum, & est semper eorum, quæ de altero prædicantur nota.* In qua definitione subintelligi debent duæ istæ particulæ, vox significatiua ad placitū, ex definitione nominis secundum communem expositionem interpretum, quia communes sunt nomini, & verbo, sed quia hoc satis erat notum, noluit Arist. eas in definitione verbi repetere, sed à consignificatione temporis initium eius sumere, quia iam incipit verbum per hanc particulam à nomine differre. Consignificare vero tempus idem est ac connotare tempus, vel ex cōsequenti illud significare, & ita quia verbū actionem, aut passionem per se significat, aut aliquid per modum actionis, aut passionis, & actio aut passio sunt in tempore, dicitur tempus simul, & ex consequenti significare cum actione ipsa, aut passione per se primo signi-

ficata. Itaq. diuersum quid est significare tēpus, & cōsignificare, significare enim tēpus est, rem quæ est tēpus sicut quilibet aliam per se significare, sed consignificare tempus, vel significare cum tempore est significare rem aliam, vt in tempore factam, ex hoc enim licet non significetur tempus, sed res alia, simul tamen denotatur, & simul quasi ex consequenti significatur, quod est consignificari, & hoc soli verbo conuenit, nomini vero solum conuenit significare tēpus, vt dies, & nox determinata quædam tempora significant, non tamen consignant tempus.

Alia vero particula, cuius pars nihil significat seorsum, distinguit verbum ab oratione, & satis fuit explicata in definitione nominis. Solū restat vltima, *& est semper eorum, quæ de altero prædicantur nota*, quasi dicat verbū esse signum, aut significare coniunctionem prædicati cū subiecto, quā facit. Nomen enim prædicatur, aut subiicitur in propositione, sed verbum vnit prædicatum cum subiecto, & talem vñionem significat, in quo etiam distinguitur à nomine, & oratione.

In 2. parte excludit verba infinita, & casus verbi à definitione propter easdem rationes, quibus exclusit nomē infinitum, & casus obliquos à definitione nominis. Quia verbum debet significare determinatā actionem, & passionem, determinatamque coniunctionem prædicati cum subiecto, sed verbum infinitum nihil determinatum significat; ergo non est simpliciter verbum, sed secundum quid, & propterea excludendum est à definitione verbi, atq. etiam casus verbi hoc est verba aliorū temporū à præsentis. Quia nō ratione sui, sed ratione verbi præsentis conuenit eis

In lib. I. De Interpretatione.

officiū verbi, nec actionē, aut passio-
nem simpliciter talem significat, sed
præteritam, aut futuram, quæ cum
non sit actu in rerum natura, solum
est talis secundum quid.

In tertia tādē parte capituli duo
colligit, in quibus verbum conuenit
cum nomine. Primum est, quod ver-
bum per se sumptum, hoc est extra
propositionem, significat aliquam
rem sicut nomen, vt curro significat
cursum. Secundo, quod sicut nomen
per se sumptum non significat verū,
vel falsum, nisi adiungatur ei verbū,
ita verbum per se sumptum, hoc est
extra propositionem non significat
verū aut falsum, nisi ei aliquo modo
adiungatur nomen: Cuius rationem
assignat, quia veritas, & falsitas so-
lum reperiuntur in compositione, &
diuisione, sed verbum per se sumptū
non significat talem compositionē,
quia non potest intelligi sine extre-
mis, hoc est sine prædicato, & subie-
cto: ergo verbum sine nomine sibi
adiuncto non potest veritatem, aut
falsitatem significare.

QVAEST. I.

*An verum sit verbum consigni-
ficare tempus.*

NON videtur hæc particula de-
finitionis cōuenire omni verbo;
ergo non bene fuit posita ab Arist.
in definitione, probatur antecedēs,
quia si verbum consignificat tempus
maximè quia significat actionem, cui
conuenit mensurari tempore, sed nō
omne verbum significat actionē, vt
probat verbum substantiuum est, er-
go neq. omne verbum consignifica-
bit tempus. Quod magis etiā sit ma-
nifestum, dum idem verbum est vnit
extrema secundum naturalem con-
nexionem eorū, quod facit quoties-

cumq. prædicatū est de essentia sub-
iecti, aut propria passio eius, tunc
enim non vnit ea pro aliqua differē-
tia temporis: cum tales propositiones
ante omne tempus, & post omne
tempus sint veræ, & ideo dicantur
esse perpetuæ veritatis, in quibus co-
pula abfoluitur à tempore: ergo in
eis non potest consignificare tēpus.

Nec soli verbo cōuenit, sed etiam
nomini: ergo etiam ex hac parte nō
bene fuit in definitione collocata
eadē particula, probatur antecedēs,
quia prandium, coena, & similia nomi-
na significant actionem comedendi
connotando quod tali tempore fiat,
ergo cōsignificant tempus. Præterea
participium, vt amans currens est ve-
rum nomen; cum ponatur pro sub-
iecto, aut prædicato propositionis,
& tamen consignificat tempus; cum
significet actionem tempore præsen-
ti, aut futuro exercendam; ergo no-
minibus etiam conuenit consignifi-
care tempus.

Circa hanc particulam definitio-
nis duo explicanda sunt. Primum an
soli verbo conueniat consignificare
tempus, vel etiam participio, & aliis
nominibus. Secundū an omnibus ver-
bis, & semper conueniat. Circa pri-
mum præsupponendum est, quid sit
consignificare tempus. Non est enim
aliud, quā significare cum tempore,
& vtrumq. est significare aliquid, nē-
pè actionem, cui conuenit mensurari
tempore, ex hoc enim simul cum re
illa significatur tēpus, quod est con-
significari, vel res illa vt mensurata
tempore, quod est significari cum
tempore.

Quo supposito, circa participium
non locuntur omnes eodem modo,
sed plures negant consignificare tē-
pus, quia licet significet actionem tē-
pore mensuratā, non tamen per mo-
dum

dam actionis, sed per modum formæ inherētis subiecto, ut currens significat actionem currendi per modum formæ inherētis sicut inheret albedo, & ideo non significat eam ut mensuratam tempore, nec proinde consignificat tempus.

Communis tamen sententia tenet participium consignificare tempus, & hoc est verum. Ita D. Th. cap. præfenti ubi asserit participium separari à verbo. Per ultimam particulam definitionis, nempe, *et est semper eorum, quæ de alio prædicantur nota*. Et conuenire cum eo in cæteris omnibus, ita etiam Sorus 2. lib. Sumularū cap. 2. & ibidē Mercatus, Venetus tract. 2. de partibus propositionis ca. 2. Tolerus cū cæteris modernis in hoc cap.

Probatur testimonio Arist. qui ultimam particulam explicantem proprium officium verbi possuit ad excludendum participium, ut docuit D. Th. non enim excludi potest per eam aliud, ergo sensit in reliquis particulis conuenire, cum quarum prima est consignificare tempus.

Probatur etiam ratione, quia participium significat actionem, ut egreditur ab agente, ut calefaciens significat calefactionē, ut à se egressam, ergo significat actionē per modum actionis. Probatur consequentia, quia modus actionis est egredi ab agente, sed actio fit in tempore; ergo participium significat cum tempore, cuius euidentis signum est, quod ei ad iunguntur aduerbia hæc, tardē & velociter, quæ non conueniunt, nisi his, quæ significāt motum, vel actionem, ut actio est. Distinguitur vero participium à verbo per ultimam particulam, ut asserit D. Th. quia licet significet cum tempore, non vnit extrema, in quo consistat propria, & ultima ratio verbi, & ex his habe-

mus, quod consignificare tempus nō conuenit soli verbo, sed etiam participio, quod videtur esse medium inter nomen, & verbum.

Sed an puris nominibus conueniat, ut cœnæ, & prædio, ac similibus. Dicendum est non conuenire, quia solum significāt actionem materialiter, vel ut res quædam est, non formaliter, & per modum actionis, unde nec per modum quo mensuratur tempore, gratia cœplæ cœna significat actionem comedendi, ut rem quandam, sicut albedo significat albedinem, nō tamen, significat eam ex parte sua, ut factam tali tempore, sed solum habet tali tempore fieri ex consuetudine hominum, nō ex eo, quod per tale nomen significandum tempus. Nā verbum ex eo dicitur consignificare tempus, quia significat actionem per modum actionis, & ideo ut mensuratum tempore. Quare ex vi suæ significationis, & nō ex consuetudine, vel alia ratione extrinseca dicitur simul cum actione, significare tempus, & proinde illud consignificare. Et ex hoc intelligitur consignificare tempus soli verbo, & participio conuenire, non puris nominibus.

Circa secundū vero, an omnibus verbis, & semper conueniat, solum est difficultas de verbo substantiuo, est, nam de cæteris satis est manifestum, quod significant cum tempore, & ratio dubitandi est, quia solum significat existentiam simpliciter, vel existentiam rei sub aliqua forma accidentali, primum habet in hac propositione, homo est, secundum in hac homo est albus. Dicendum tamen est ex communi sententia interpretum non significare actionem veram, sed existentiam rei per modum actionis, & hoc satis esse, ut significet cum

b 3 tem.

In lib. I. De Interpretatione.

tempore, quia existentia significata per modum actionis, significatur ut mensurata tempore, nam sicut actio ex se mensuratur tempore, ita etiam, quod per modum actionis significatur, & ideo verbum est, significans existentiam rei per modum actionis, consequenter significat tempus, quod proprie est significare tempus, vel significare cum tempore.

Sed an semper hoc habeat, hoc est in propositionibus etiam, in quibus solum vnit extrema secundum naturalem connexionem prædicari cum subiecto, in quibus dicitur absolui à tempore, maxima difficultas est, quia non ab omnibus eodem modo explicatur, quid sit verbum in his propositionibus absolui à tempore, vel quo modo possit absolui à tempore, & simul significare cum tempore.

Omissis autem aliorum explicacionibus, quia non videntur satisfacere difficultati; notandum est verbum duo habere; duobus particulis definitionis ab Arist. explicatis. Primum consignificare tempus. Secundum vnire extrema, quod explicuit Arist. vltima particula definitionis. *Est est semper eorum, quæ de altero prædicantur nota.* Hoc est signum coniunctionis prædicati cum subiecto, quæ facit. Extrema autem vnit secundum naturam eorum, ita ut si prædicatum dicat actualem existentiam, vel actualem inhaerentiam in subiecto, illud cum eo vniet secundum actualem existentiam, vel inhaerentiam in eo, & in hoc sensu vera, vel falsa iudicanda sit propositio. Si vero prædicatum non dicat actualem existentiam, vel inhaerentiam in subiecto, sed essentialem, aut necessariam connexionem cum eo secundum hanc, & non secundum illam ipsum vniet subiecto, exempli vtriusq. habemus in his propositio-

nibus, homo est albus, homo est rationalis, nam in prima prædicatum dicit actualem inhaerentiam in subiecto, & secundum eam ei vnitur, in secunda vero essentialem connexionem gradus rationalis cum homine abstractentem ab actuali existentia, nam licet nullus sit homo in rerum natura, verum est hominem esse rationalem.

Circa consignificationem etiam temporis, & extremorum vnionem, duo consideramus in verbo. Primum, quod essentialia est ei, nempe consignificare tempus vniendo extrema. Secundum, quasi accidentale, nempe eo significare tempus, & vnire extrema pro tempore significato, itaque essentialia est verbo vnire extrema consignificando tempus, sed ea vnire pro determinata differentia temporis significata solum est accidentale, & ideo ex natura extremorum iudicandum est, an hoc efficiat verbum in propositione; vel non iam si apta sint pro ea coniungi, ita coniungentur, si vero non sint apta pro ea coniungi suspendetur talis modus coniunctionis, & vnientur simpliciter absque tali determinatione, vel restitutione, & quidem extrema propositionum accidentalia, vel modum accidentalem habentium non necessario, sed contingenter vniantur cum accedens; aut habens modum accidentis possit vniri, & non vniri subiecto; quare non sunt apta vniri, nisi pro determinata differentia temporis, & ideo in talibus propositionibus verbum vniet extrema pro determinata differentia temporis, quam consignificat, nempe pro tempore presenti, præterito, aut futuro. Extrema vero propositionum necessaria dicunt naturalem connexionem cum eodem modo habentem semper, quare non petunt vniri pro determinata differentia tem-

22 temporis. Sed absolutè, & simpliciter abstrahendo à qualibet differentia temporis, & ideo non vniuntur cum limitatione, vel restrictione ad aliquam differentiam temporis, sed secundum naturalem, & necessariam connexionem abstrahentem ab illa, vnit igitur verbum in his propositionibus extrema, sed non coarctat vnionem ad differentiam temporis, quam consignificat, sed relinquit in propria natura, & conditione. Et hoc est absolui à tempore, hoc est etiam tales propositiones esse perpetuæ veritatis, quemadmodum eorum connectio necessaria est, atq. perpetua, & semper eodem modo se habens, nec à tempore vlllo modo dependens. Et ecce explicatum quomodo cōueniat omni verbo consignificare tempus, & semper ei conueniat, & quid sit absolui à tempore, & quomodo non repugnet semper consignificare tempus, & aliquando absolui à tempore.

Et ex hac doctrina soluta sunt argumenta in principio posita, nam ad primum distinguenda est minor, quia quædam sunt verba quæ significant veram actionem, alia, quæ significant aliquid per modum actionis, vt substantiua, nempe existentia rei, & cū existentia significata per modum actionis, significetur ex consequenti per modum eius, quod mensuratur tempore, etiam verba substantiua cō significant tempus, quod etiam habent in propositionibus necessariis, in quibus dicuntur absolui à tempore, quia non repugnat significare tempus, & absolui à tempore, vt explicatum est.

Ad 2. distinguendum est antecedens, quod cœna, & prædium significant actionem per modum actionis, sed solum eam significant materialiter, vt rem quandam, sicut cætera no-

mina, & ideo non connotando, quod tali tempore fiat, sed hoc quod est tali tempore fieri ab extrinseco prouenit ex hominum consuetudine, & nō ex vi significationis eorū, quare non sufficit, vt dicantur significare cum tempore, vel consignificare tempus.

QVÆSTIO. II.

An verbum sit vera pars propositionis.

PRima opinio tenet verbum non esse partē propositionis, sed quā partium ligamentum. Ita Sorus in 1. additione Sumularum, & alij cum eo, & probatur 1. ex compositione domus, in qua ligna, & lapides, concurrunt tanquā partes, clauī vero quib. vniuntur ligna, & ligamentum, quō vniuntur lapides, non sunt partes, sed partium nexus; sed ita se habet verbum in propositione cum sit copula per quam vniuntur partes; ergo non est pars propositionis.

Secunda ex eisdem partibus componitur res quælibet, in quas resoluitur, sed propositio solum resoluitur in extrema, quæ sunt subiectum, & prædicatum; ergo solum componitur ex subiecto, & prædicato tanquā ex partibus, quare verbum non erit pars; cum nec sit subiectum, nec prædicatum. Probat minor, ex Aristot. 1. libide Priori resolutione cap. 1. sic definiens terminum. *Terminus est extremum propositionis, in quod propositio resoluitur, tanquam in subiectum, & prædicatum.*

Secunda opinio de verbo saltem substantiuo, est, asserit non esse, partem propositionis, quia nullā actionem significat, quæ possit prædicari de subiecto, ita Villalpandus, & Sanctus cap. præsentis.

Tertia opinio tenet verbum duobus habere, primum, quod significet aliam
b 4 quam

In lib. I. De Interpretatione.

quam rem, in quo conuenit cum nomine. Secundum vnire extrema, & ratione primi est pars propositionis, ratione vero secundi nō est pars, sed nexus partium, ita tenet quidam modum.

Communis sententia, & vera duo asserit. Primum verbum esse partem propositionis, quasi materiale ratione rei significatæ. Secundum, esse partem formalem per proprium officiū verbi, quod est vnire extrema. Ita Porphy. Amonius, Boetius, Albertus Mag. D. Tho. & Tolet. cap. præsentis.

Vt autem verumque explicemus, atque probemus simul norandum est duo habere verbum. Primum rem aliquam significare cum tempore, nempe actionem, vel aliquid per modum actionis, quod habet non solū in propositione, sed extra illam, vt expresse docuit Aristot. in fine præcedentis capitis, curro, enim significat actionem currendi cum tempore, & verbum substantiuum, est, existentiam rei per modum actionis. Habet secundum, quod est esse notam eorum, quæ de altero prædicantur, (vt verbis Aristot. vtamur) quod non est aliud quā esse signum compositionis prædicati cum subiecto: nam ita rem significat cum tempore vt eam applicet subiecto, vnde hoc secundum est quasi propria, & vltima differentia verbi, per quam constituitur in ratione formali, & essentiali verbi, quod nō exercet nisi in propositione, licet aptum semper sit exercēdi talem actū. Gratia exempli, in hac propositione, homo currit, sic actionem currendi significat cū tempore, vt eam applicet homini. Et cum hæc applicatio sit formalis compositio prædicati cum subiecto, verum est, quod verbum continet, atque significat formalem compositionem prædicati cū

subiecto. Itaq. cursus in eadem propositione est, qui componitur cum homine, & prædicatur de illo, sed verbum curro est, quod illum cū homine componit, & quod illum de homine prædicat, cursus etiam est prædicatum, quod, sed verbum curro est quasi prædicatum, quo, cum sit ratio, & quasi forma enuntiandi, & tādē cursus est quasi materiale prædicatum, verbum vero quasi formale. Et ideo D. Tho. asseruit verbum non solum ratione rei significatæ se tenere ex parte prædicati, cum de subiecto illa enuntietur, sed etiam vt est nota compositionis, cum hoc modo sit quasi prædicatū formale, & ita ex vtroque est prædicatum propositionis, ex primo quidem quasi materiale, & vt q, cum res ab eo significata sit, quæ prædicatur, ex secundo vero quasi formale. & vt, quo, cum sit signum compositionis, & prædicationis eiusdem prædicati cum subiecto.

Secundo notādum duobus modis contingere verbum applicare subiecto rem à se significatam vno modo nudam quidem aut solam, dum propositio non habet aliud prædicatum præter verbum. Quod patet in propositionibus de secundo adiacente, vt homo currit, in quibus solā actionem significatam componit verbum cum subiecto, vel eam de illo prædicat. Altero, nō nudam, aut solam, sed coniunctam alteri prædicato, & modificatam per illud, vt in propositionibus de tercio adiacente, vt homo est albus, in quibus non solum esse, q significatur per verbum, enuntiat, sed coniunctum cum albedine, & ita sensus eiusdem propositionis est. homo est ens affectum albedine, & primo modo totale prædicatum est significatum verbi, secundo vero modo quasi partiale, sed vtroque modo est

est prædicatum materiale, & verbū semper formale, quia semper significat, & facit compositionem prædicati cum subiecto.

Ex hac doctrina colliguntur duo argumenta, quibus efficaciter probatur duo illa, quæ nostra sententia, & communis asserit. Primum argumentum probat verbum ratione rei à se significatæ esse prædicatum propositionis materiale, & ut quod, & ex consequenti veram partem eius, & est tale. Verbum significat actionē, vel aliquid per modum actionis, sed hoc est, quod prædicatur de subiecto, nudum quidem in propositionibus de secundo adiacente, vel coniunctum cum alio prædicato, ut in propositionibus de tertio adiacente; ergo verbum per rem à se significatā se nper est prædicatū totale, vel partiale propositionis, & proinde semper est pars propositionis.

Secundum argumentum probat, verbum semper esse prædicatum propositionis formale, & ut quo, atque adeo partē formalem eius, & procedit hoc modo, propositio formaliter est compositio prædicati cum subiecto, sed verbum est signum formale huius compositionis, eam faciens; ergo est ratio formalis eius, & ideo formalis pars, sicut anima est pars formalis viuentis, quod componit tribuens ei esse tamquam vera eius forma. Verbum namq. vnit se subiecto per rem à se significatam, & simul est signū formale efficiens eandē vniōnē, & ideo est quasi forma, tribuens propositioni vitam, ea similitudine, qua anima tribuit corpori esse, & vuerē per informationem. Et veritas hæc ostendit deceptionem aliarum opinionum, quæ putant verbum solum esse materiale nexum propositionis, ita ut solum materialiter

vnit prædicatum cum subiecto, sicut lapides domus vniuntur calcæ, vel ligna clauo, cum tamen hoc plane sit falsum; nam verbum sic vnit prædicatum subiecto, ut semper vniat rem à se significatam, ratione cuius verum prædicatum propositionis est, veraque pars eius, sic etiam vnit, ut formale signum sit eiusdem compositionis prædicati cum subiecto, & signum quidem non solum significatiuum, sed simul factiuum formaliter, quod est esse formam totius propositionis, & ideo partem formalem eius.

Et si dicatur prædicatum esse partem formalem propositionis. Respondet deo comparatione subiecti se habere tamquam formam, quia illud determinat, sed in ordine ad totam propositionem, tam subiectum quam prædicatum sunt partes materiales, & forma totius propositionis, & earundem partium materialium est verbum.

Ex his facillè soluantur argumenta, primæ opinionis, nam ad primum neganda est minor, quod verbum ita se habeat in propositione, sicut se habet ligamentum partium domus; non enim vnit prædicatum, & subiectum materialiter, sed per modum formæ totius compositionis, ut explicatum est.

Ad secundam neganda est etiam minor, quod propositio solum resoluitur in subiectum, & prædicatum, tamquam in partes, sed solum, in hæc resoluitur tamquā in extremas partes, quas ideo vocat Arist. terminos eius, quia terminus non quilibet partem rei significat, sed extremam, & aliquando non partem, sed indiuisibile extremum, quod non est vera pars, ut patet in termino lineæ, verbum igitur vera pars formalis

In lib. 1. De Interpretatione.

propositionis est, licet non sit extrema, quod intelligo in ratione formali verbi, nam per rem a se significatam, quam applicat subiecto, & de eo prædicat, etiam est extrema pars propositionis, cū sit prædicatū eius.

QVÆSTIO. III.

An verbum infinitum possit collocari in propositione.

26 QVÆSTIO hæc vnum præsupponit, tanquam certum apud Aristot. & omnes, videlicet dari verbum infinitum extra propositionem, quod docuit expresse Arist. ca. præsentī illud excludens à definitione verbi, & cū eo omnes interpretes, sed querit aliud, an verbum infinitum, non solum detur extra propositionem, sed etiā possit in propositione collocari.

Et est prima opinio antiquorum interpretum, Alberti Magni, & Boetij, in hoc capite, non posse collocari in propositione. Quod probatur duplici argumento. Primo, quia verbū sit infinitum, sicut nomen per negationē non neganter, sed infinitanter sumptum, ita vt vis eius vltierus non transeat, sed nomen, aut verbum cui adiungitur, solū neget: sed repugnat negationem adiungi verbo in propositione, nisi neganter sumptam, ergo repugāt infinitari verbum in propositione. Probatur minor, quia repugnat negationem adiungi verbo in propositione, quin propositio negetur, sed non potest esse propositio negatiua, nisi negatio adiuncta verbo sumatur neganter, vt per se est manifestum: ergo repugnat summi infinitanter additam verbo in propositione, & ex consequenti, repugnat verbum infinitari.

Secunda negatio infinitanter sumpta negat omnino illud, cui adiungi

tur, licet vis eius vltierus non transeat, ergo adiuncta verbo non solum negat significatum eius, sed propriū officium verbi, quod est esse notam eorum, quæ de altero prædicantur, sed negato officio verbi redditur propositio negatiua; ergo non infinitatur verbum. Probatur consequentia, quia non potest esse negatiua propositio, nisi negatio eius negāter accipiat. Sumpta autem neganter non potest verbum infinitum reddere, sed negatiuum, vtpatet in propositionibus negatiuis.

Secunda opinio tenet, non solum extra propositionē dari verbum infinitum, sed etiam in propositione, ita Amonius, Suesanus, Toletus cap. præsentī, Sotus, & Mercatus 1. lib. Sumularum cap. 2. de verbo, & omnes moderni interpretes. Videturq. nobis probabilior. Probatur primo, duobus testimoniis Arist. nam cap. præsentī sic loquitur de verbo infinito. *Non valet autem, et non laborat non verbum dico, significans enim tempus, et semper de aliquo est.* Quasi dicat semper de aliquo prædicatur, sed nō potest prædicari, nisi in propositione; ergo sentit Aristoteles in propositione posse infinitari.

27 Secundum testimonium habetur lib. 1. posteriorum cap. 10. vbi hanc demonstrationem constituit Arist. in prima figura, stellæ nō micantes sunt propē nos, planetæ non micant; ergo planetæ sunt propē nos. Quæ tamen vitiosus erit syllogismus si negatio in minori sumatur neganter, nam tunc constituet propositionem negatiuam, minori autem negatiua vitiosus est syllogismus in prima figura; ergo necesse est infinitanter accipi ab Arist. ita vt sensus sit, planetæ sunt non micantes, & ita efficiet verbum infinitum in propositione. Probatur etiam

etiam ratione, quia verbū extra propositionem est infinitum; ergo negatio ei adiuncta non accipitur neganter, sed infinitanter, vel ergo negat totum quod habet verbum nempe significatum eius, & officium copulæ, vel solum significatum, si primum dicitur, sequitur posse esse infinitū in propositione, licet totum, quod habet negetur, & etiam sequitur, si dicatur secundum, quia si solum negetur significatum eius, non efficiet propositionem negatiuam, sed affirmatiuam de prædicato infinito, vt contingit in demonstratione Aristotelis adducta.

Vt autem veritas huius sententiæ fiat manifesta, & facilius soluantur argumenta alterius. Notandum est, differentiā vtriusq. in eo solum consistere, quod prima asserit, ex duobus, quæ habet verbum, nempe significare rem cum tempore, & esse notam eorum, quæ de altero prædicantur; primum tantum ei conuenire extra propositionem, secundum vero non nisi in propositione exerceri, & ideo extra propositionem posse infinitari, quia potest negari totum, quod in eo statu habet, in propositione vero non posse; quia non potest ei adiungi negatio, nisi negetur vtrumq. negat autem vtroq. propositio constituitur negatiua, & ideo negatio sumitur neganter, & non potest ipsum efficere infinitum.

Secunda vero opinio, quam sequimur, non putat necessarium, quod negatio adiuncta verbo in propositione neget vtrumque, sed sicut extra propositionem ei adiuncta potest negare solum significatum non negata compositionis nota, ita in propositione potest illud solum negare, non negat eadem compositionis nota, & ita verbum infinitari, & constituere pro

positionem affirmatiuam de prædicato infinito, & huius ratio est, quia duo illa distincta sunt in verbo; ergo potest negari primum non negato secundo. Præterea in eo quod est rem aliquam significare conuenit verbum cum nomine, & ideo quantum ad hoc infinitari potest per negationem, non tamen quantum ad notam compositionis, quia cum hac limitetur ad hoc prædicatum, & hoc subiectum, quæ verbum coniungit necesse est coniunctione hæc, seu compositione negata totā propositione negari, & ideo negationem negatè sumi, non enim datur medium in compositione ipsa inter negatiuam, & affirmatiuam, nec infinita esse potest propositio, vt propositio est formaliter, licet possit esse infinita ex parte prædicati, aut ex parte subiecti.

Ad primum argumentum, neganda est minor, quod non possit negatio adiungi verbo in propositione, nisi neganter sumpta, aut nisi fiat eo ipso propositio negatiua, potest enim solum negare significatum verbi, non negata vnione eiusdē cum subiecto, vt fit extra propositionē, quia distincta est vtraq. ratio in verbo, & ideo potest negatio cadere sub vna, & non sub alia, vt probatum est.

Ad secundū negādum est antecedens, quod necesse sit negationem alicui adiunctā negare quidquid in eo est, sed negare potest in verbo rem significatam, vt negat in nomine, & in eod. in verbo extra propositionē, non negata compositionis nota: quid enim prohibet verbum infinitum extra propositionem existens in propositione collocare, absq. eo, quod vis negationis se extendat ad notam compositionis. nihil profecto, quia negatio infinitanter sumpta eodem modo se habet in propositione, & extra

28

In lib. I. De Interpretatione.

extra illā, necesse est ergo fateri verbum sicut extra propositionem, sic etiam in propositione posse infinitari, ut tenet communis, & vera sententia.

CAPVT QVARTVM de enuntiatione.

TEXTVS ARIST.

Oratio autē est vox significatiua, cuius partium aliqua significatiua est separata, ut dictio, non ut affirmatio, vel negatio, &c.

Br̄uis expositio textus.

IN T E N T V M huius capituli est explicare naturam enuntiationis, diuiditur autem in tres partes, in prima definitio rationem, quæ genus enuntiationis est, & eius definitionē exponit. In secunda definit enuntiationem, & variis diuisionibus eam diuidit. In tertia, incipit agere de oppositione, enuntiationum.

Ut enuntiationem definiat, prius definienda est oratio, quæ genus eius est. Sic autē definitur. *Oratio est vox significatiua, cuius partium aliqua significatiua est separata, ut dictio, non ut affirmatio, uel negatio.* Loco generis ponitur vox, per quam definitur oratio tamquam per subiectum, sicut cætera accidentia in cōcreto, ut diximus cap. de nomine, per secundam particulam excluduntur à definitione voces nihil significantes, & per tertiam subintelligendam, nempe ad placitum, excluduntur voces significantes naturaliter, quam non expressit Arist. quia satis expressa, atq. explicata fuerat cap. de nomine per particulas vero sequentes excluduntur nomen, & verbum, quorum partes separatæ, vel

nihil significant, vel non significant iuxta significationem totius. Cum tamen partes orationis, quæ sunt diuersa nomina, aut nomen, & verbum separatæ significēt, ut patet de partibus huius orationis, homo albus. Sed addit Arist. nō significare, ut affirmationes, vel negationes, sed ut dictiones tantum, quia quælibet pars orationis separata nihil cōtinet de esse, aut nō esse, nisi ei adiungatur verbū.

Orationem iam definitam duplicē esse ait in 2. par. cap. vna enuntiativa, quæ verum, aut falsum continet, & tales sunt orationes modi indicatiui. Ut homo ambulat, alia non enuntiativa, quæ nihil veri, aut falsi continet, ut orationes imperatiui aut optatiui, aliorū vero modorum. Enuntiationem igitur ait, non esse orationem quamlibet, sed eam tantum quæ verum, aut falsum continet, & ideo sic definienda est. *Enuntiativa est oratio verum, uel falsum significans*, in qua definitione insinuantur prima diuisione enuntiationis, in veram, & falsam. Vera enuntiativa est illa, quæ ita enuntiat vnum de alio, sicut à parte rei se habent; ut homo est animal: falsa vero, quæ aliter enuntiat, ac se habet à parte rei, ut animal est lapis.

Secunda diuisione est, enuntiativa alia est vna, alia multiplex, vna est, quæ vnū significat, ut homo est albus, vel cuius partes coniunctione vniuntur, ut Petrus currit, & Ioannes loquitur: multiplex vero, quæ vel non significat vnā, sed terminis, æquiuocis constat, vel cuius partes non vniuntur aliqua coniunctione, ut Petrus loquitur, Ioannes ambulat.

Tertia diuisione est enuntiativa vna, alia est simplex, vnum de vno enuntians, ut homo est albus, alia composita, quæ plures simplices includit cōiunctione unitas, ut Petrus disputat, & Ioan-

& Ioannes ambulat. Diuisio postrema est enuntiationis simplicis in affirmatiuam, & negatiuam, quas species eius vocat Arist.

Agit tandem de contradictione, seu oppositione inter enuntiationes reperta, quam sic definit. Oppositio enuntiationum est, affirmatio, & negatio eiusdem prædicati de eodem subiecto, ad quam vnā saltem conditionem omnino requisitā esse docet, nempe, quod vtraque enuntiatio terminis vniuersis constet: nam si aliquid terminum equiuocum habeat, erunt quidem eiusdem de eodem nomine, sed sola voce, & ideo sola etiam voce, & non re erunt oppositæ. Vt canis latrat, canis non latrat.

QVÆSTIO. I.

An in definitione orationis definiatur oratio in vniuersali, vt perfectam, & imperfectam, simplicem, & compositam comprehendit.

Prima opinio asserit orationē non definiri in vniuersali, sed solū orationem perfectam cōmanem ad orationem modi indicatiui, & aliorum. Ita Alber. Mag. 1. lib. de Interpret. tract. de Ora. c. 1. & Philoponus cap. præsentis. Probant, quia bona definitio debet dari per genus proximum, sed sola oratio perfecta est proximum genus orationis, communis vero ad perfectam, & imperfectam est genus remotum; ergo per illam, & nō per hanc definitur.

Secunda opinio solam orationem simplicem definiri docet, quia putat solam quoque enuntiationem simplicem definiri, cuius genus patet non esse orationem in communi, sed solā simplicem. Ita Porphyry. & Aspasius

in hoc capite. Probant ex de finitione orationis, in qua dicitur, quod partes eius separatæ per se sunt significatiuæ, vt dictiones, non vt affirmationes, sed partes orationis compositæ significant, vt affirmationes, vt patet in hac oratione composita homo loquitur, & equus currit, cuius vtraque pars est propositio affirmatiua; ergo oratio composita non comprehenditur in hac definitione, sed sola simplex definitur.

Tertia opinio est Boetij, & D. T. in hoc loco asserentium orationem in communi definitam esse ab Arist. vt comprehendit perfectam, & imperfectam, simplicem, & compositam, & hæc est vera, & tenenda. Proba. 1. aduersus primam opinionem, quod definiatur oratio vt cōmunis ad perfectam, & imperfectam ex definitione, quæ integra conuenit orationibus imperfectis. Cum quilibet sit vox significatiua ad placitum, cuius partes separatæ per se sunt significatiuæ, vt dictiones, non affirmationes, vt ostendit hæc, homo albus.

Probatur 2. aduersus secundam, quod definiatur oratio in communi ad simplicem, & compositam, quia orationem definitam diuidit statim Arist. in vnā significationem, & in vnā coniunctionem, hoc est in simplicem, & compositam; ergo vtramque comprehendit definitio.

Ad argumentum primæ opinionis neganda est maior, quod bona definitio necessario debeat dari per genus proximum, sed æquē benē, vel etiam melius potest dari per genus remotum, dummodo ponantur cum eo omnes differentię, vsque ad vltimā, vt in prædicabilibus ostēdimus. Benē enim definietur homo, si dicamus, esse substantiam, corpoream, viuētem, sensitiuam, & rationalem.

Ad

In lib. I. De Interpretatione.

Ad. argum. respondent D.Tho. & Alexāder in definitione ea solum poni, quæ conueniunt definito vt tali, non quæ sub alia ratione particulari possunt ei conuenire, vt in definitione animalis ea solum, quæ pertinent ad naturam sensitiuam, non alia quæ possunt conuenire animali in hac vel illa specie considerato, ratione alicuius differentię. Et ita in definitione orationis ponuntur ea, quæ conueniunt ei in genere, nempè vt oratio est abstrahens à simplici, & composita, ex quibus vnum est, quod partes eius non sint significatiuæ vt affirmationes, sed solum vt dictiones. Quod vero oratio aliqua nempè composita habeat partes significatiuas vt affirmationes, non conuenit ei, vt est oratio, aut ex ratione generica orationis, quæ definitur, sed ex ratione specifica orationis compositæ, vnde, hoc nõ cōtradicit definitioni, nec tollit, quin sub ea cōprehēdatur.

QVAESTIO. II.

An enuntiatio sit ens reale, vel rationis.

31 **T**Ria sunt consideranda in enuntiatione, seu propositione: primū voces ipsæ, scripturæ, aut conceptus. Secundū ordinatio eorum in propositione, secundum rationem prædicti, subiecti, & copulę. Tertiū actus intellectus per quem ordinantur, & ex eis sic ordinatis efficitur propositio. Et de primo, & tertio certū est esse realia, & de quo nemo dubitauit, sed quia in his non consistit formalis ratio enūtiationis, sed solum materialis, tertium vero pertinet ad formalem rationem eius, certum erit, quod enuntiatio materialiter accepta, & quasi pro fundamento sit ens reale. Dubium vero, an enuntiatio forma-

liter sit realis, vel ens rationis.

Prima opinio distinguit de enuntiatione vocali, scripta, atque mentali, & de duabus primis asserit formaliter esse ens rationis, sed de mentali docet formaliter esse ens reale. Ita tenent moderni quidā, & utrūq. probant hoc argum. enuntiatio vocalis, & scripta solum sunt reales ex parte vocum, & scripturarum, sed ex parte significationis, & veritatis entia rationis, cum significatio earum, ex libera impositione hominū debeat, quæ nihil reale in eis ponit. Veritas etiam non sit in eis formaliter, sed solum tanquam in signo, & ideo nihil etiam reale, sed rationis: ad rationem autem formalem propositio nis, non pertinent scripturæ, & voces, nisi vt significatiuæ rerum, & veritatis in mente existentis; ergo propositio vocalis, & scripta materialiter tantum est ens reale, formaliter vero ens rationis. Quod vero mentalis sit ens reale formaliter probāt, quia conceptus ex quibus fit non solum sunt reales, sed significatio (quæ inest eis à natura) & veritas quoque reperitur in eis formaliter; ergo tam ex formali significatione, & veritate, in quibus consistit formalis ratio propositionis, quam ex materiali cōceptuum erit ens reale.

Hæc sententia quantum ad enuntiationem vocalem, & scriptam vera est. Non tamen quantum ad mentalem, quod ita probō: nam licet duo illa realia sint in conceptibus, nempè significatio, & veritas, ordinatio tamen in modum compositionis, prædicati, subiecti, & copulę, non potest esse ens reale, quia nihil reale ponit in eis, sed sicut in vocibus, & scripturis, esse subiectum, & prædicatum, & propositionem solum est relatio rationis, quæ consequitur actum reale intel-

intellectus ea ordinantis, ita in conceptibus quantumvis naturaliter significantibus, & formalem rationem veritatis continentibus solum est relatio rationis esse ordinatos in ratione subiecti, & prædicati, ac mentalis propositionis, quare non minus in his quam in scripturis, & vocibus ens rationis est formalis ratio enuntiationis. Quod vero de veritate reali conceptum dicitur (licet in opinione sit positum) admittendum est, sed non sequitur ex eo enuntiationem mentalem formaliter esse ens reale, quia licet conceptus eo ipso quod formatur ab intellectu habeant veritatem realem simplicem, complexam vero, seu compositam non habent, nisi supposita ordinatione intellectus, & constitutione eorum in ratione prædicati, & subiecti, ac propositionis, quæ cum relationes tantum rationis sint, efficitur propositionem mentalem formaliter esse ens rationis:

Nostra igitur sententia est, non solum enuntiationem vocalem, & scriptam formaliter esse entia rationis, sed etiam mentalem absolute loquendo, quia licet aliquid reale habeat pertinens ad rationem formalem propositionis, nempe significationem, & veritatem, sed ultimum, per quod constituitur enuntiatio, in ratione formalis enuntiationis est ens rationis, nempe ordinatio conceptuum in rationi prædicati, & subiecti, atque compositionis ex his, & ideo absolute pronuntiandum est, enuntiationem mentalem formaliter esse ens rationis, & ex consequenti omnes, & singulas enuntiationis esse entia rationis formaliter, & ex his solutum est argumentum oppositæ opinionis.

QVÆSTIO. III.

An enuntiatio quidditativæ sit definita ab Arist. per veritatem, & falsitatem.

Arist. cap. præsentis definit enuntiationem. Per veritatem, & falsitatem, & ideo dubitamus, an veritas, & falsitas pertineant ad essentiam enuntiationis, & ideo talis definitio sit essentialis, vel potius sit accidens, aut propria passio eius, & ita accidens talis, aut descriptiva sit.

Et est prima opinio quorundam modernorum, asserentium veritatem, & falsitatem pertinere ad essentiam enuntiationis, & ideo essentialiter esse per eas definitam. Probatur hoc argumentum, quia illa est differentia essentialis alicuius speciei, per quam à cæteris eiusdem generis distinguitur, sed enuntiationem distinguit Arist. à cæteris orationibus non enuntiationis, per significationem veri, & falsi; ergo veritas, & falsitas sunt differentia essentialis eius, per quam separatur à cæteris speciebus orationis.

Secunda opinio tenet essentiam enuntiationis non consistere in significatione veri, aut falsi, sed in eo quod est unum de altero enuntiare, veritatem vero, aut falsitatem extra essentiam enuntiationis esse tanquam accidens, vel ad summum propriam passionem, per quam descripsit eam Arist. Ita Alexander, Amonius, & Niphus cap. præsentis, & omnes fere moderni, & nos etiam verum id existimamus, & doctrinæ Aristotelis valde consonum.

Probatur testimonio Arist. cap. de substantia in prædicamentis. Vbi docet eandem enuntiationem secundum speciem, & numerum suscipere veritatem, & falsitatem, & mutari de vera in falsam ab extrinseco, nempe ex mutatione rei ad extra. Ut hæc propositio, Petrus sedet, eadem numero permanens, vera nunc est sedente Petro, stante vero sit falsa, & hanc mutationem ab extrinseco ei provenire, & ideo

In lib. i. De Interpretatione.

& ideo suscipere contraria sine sui mutatione, ex quo tale argum. colligo, eadem propositio immutata permanet sub veritate, & falsitate; ergo veritas, & falsitas, non est de essentia propositionis, aut enuntiationis: probatur consequentia, quia si de essentia eius esset, non permaneret eadem, sed alia esset secundum speciem, & numerum vera, & falsa, quare ex mente Aristotelis non pertinet ad essentiam enuntiationis verum, aut falsum significare.

Præterea, propositionem definiens Arist. lib. i. Priorum cap. i. ait esse orationem, quæ aliquid de aliquo affirmat, aut negat, & i. lib. post. cap. 2. asserit propositionem esse alteram partem enuntiationis, in qua vnum de vno enuntiatur: nulla facta mentione veri, aut falsi; ergo sentit non in his, sed in eo, quod est enuntiare vnum de altero consistere essentiam eius. Probatur etiam ratione i. quia si veritas, & falsitas pertinet ad essentiam enuntiationis; ergo enuntiatio vera, & falsa distinguuntur specie, sicut veritas ipsa, & falsitas specie diuersæ sunt, sed differentie specierum essentiales non pertinent ad essentiam generis, sed extra eam sunt, ut ex Arist. & Porphyrio adduximus in tertio prædicabili, ut differentia rationalis, & irrationalis non pertinent ad essentiam animalis; ergo verum, & falsum significare extra essentiam enuntiationis in genere sumptæ esse debent, quare aliquid aliud de essentia eius erit, quod per verum, & falsum contrahatur ad diuersas species, & hoc erit enuntiare vnum de altero, quod aliud erit verum, aliud falsum.

33 Et si dixeris totum disunctum, ne per verum, aut falsum pertinere ad essentiam enuntiationis in genere, & quodlibet eorum per se esse differen-

tiam specierum, probatur hoc esse falsum, quia totum disunctum componitur ex partibus oppositis; ergo non potest esse de essentia vnius, & eiusdem rei.

Secundo probatur eadem sententia, quia enuntiatio genus est ad mentalem, vocalem, & scriptam; ergo conueniet eis vniuocè, sed veritas, & falsitas non possunt eis vniuocè conuenire; ergo nec pertinere ad essentiam eius. Probatur minor, quia in sola enuntiatione mentali reperiuntur formaliter, in vocali vero, & scripta solum tamquam in signo, & ideo per attributionem ad mentalem; ergo conueniet eis analogicæ.

Tertio, quia hæc causalis est vera, quia enuntiatio enuntiat vnum de altero, est vera, aut falsa, & hæc causalis est falsa, quia enuntiatio est vera, aut falsa enuntiat vnum de altero; ergo prius natura est enuntiationem enuntiare vnum de altero, quam esse veram, aut falsam; in illo ergo consistit essentia eius, quam sequuntur verum, & falsum, ut proprium accedens. Et certe ita est, quod eo ipso quod intelligimus vnum enuntiarum de altero, intelligimus orationem enuntiativam, quamuis nihil de vero, aut falso intelligamus; ergo in eo solum consistit essentia enuntiationis, hæc vero extra eam sunt.

Ad argumentum alterius sententiae distinguenda est maior, nam distinguui ab aliis speciebus eiusdem generis dupliciter contingit. Primo distinctione specifica, & hoc modo non potest vnū distinguui ab alio, nisi per differentiam essentialem. Alio modo non distinctione specifica, sed accidentaliter, & sic distinguuntur enuntiationes vera, & falsa, non essentialiter. Voluit autem Arist. enuntiationem definire cap. præsentis, per verum, & falsum,

falsum, tanquam per accidentia eius nobis notiora, ex quibus notior nobis fieret essentia eiusdem enuntiationis, in eo solum consistens, quod vnum de altero enuntietur.

QVAESTIO. IIII.

An enuntiatio mentalis sit vna simplex qualitas.

DE sola enuntiatione mentali quærimus, an sit vna qualitas simplex, vel composita potius ex multis simplicibus, non de vocali, & scripta, de quibus certum est compositas esse ex multis vocibus simplicibus, aut scripturis. Circa mentalem vero notandum est, primo, quod si accipitur pro actu intellectus, quo apprehendimus res, aut de rebus apprehensis iudicamus, non est quid compositum, sed simplex. Nam iudiciū intellectus, quo iudicamus veram esse hanc enuntiationem, homo est albus, vnicus est, atque simplex actus intellectus, nec propriè sumitur pro eo enuntiatione mentalis, ideo de hoc non procedit quæstio, sed de conceptibus, quos format intellectus de rebus ipsis, qui bus formatis iudicat vnum conuenire alteri, & iudicando componit vnum cum altero, & hæc compositio est propositio mentalis, de qua inquirimus, an sit vna qualitas simplex, vel non, nisi ex multis composita.

Secundo notandum est, sic se habere intellectum informantem enuntiationem mentalem, vt primo apprehendat simplicia per plures, ac simplices conceptus, deinde ex his efficiat compositionem, priusquam iudicet de conuenientia vnius respectu alterius, vel aliquando integram apprehensionem totius enuntiationis habeat, ante iudicium, quia prius apprehendit compositionem integram, quam iudicat

de conuenientia prædicati cum subiecto, vt patet, dum audimus hanc propositionem, alia sunt paria: quam integram apprehendimus, antequam iudicemus de veritate, aut falsitate eius, imo cum apprehensionem eius habeamus, nunquam habemus iudicium, quia nulla apparet ratio iudicandi veram esse, potius quam falsam.

De propositione igitur mentali apprehensa euidens est, non esse simplicem qualitatem, quare difficultas quæstionis reducitur ad propositionem mentalem iudicatam, an sit simplex qualitas, vel composita. Nam duobus modis possumus intelligere, quod intellectus iudicet veram esse hanc propositionem apprehensam, homo est albus, ex tribus conceptibus compositam. Primo, ita vt iudicet conceptum simplicem albedinis conuenire conceptui simplici hominis: & tunc euidens est propositionem mentalem iudicatam, quæ est quasi terminus iudicii non esse qualitatem simplicem, sed compositam, sicut propositionem mentalem apprehensam. Alio modo potest se habere intellectus in iudicio, non iudicando vnum conceptum simplicem conuenire alteri, sed ex tota apprehensione composita, vel ex tribus conceptibus simplicibus, prædicati, subiecti, & copulæ, formando quandam alium distinctum, per quem represententur significata totius compositionis, nempe prædicati, subiecti, & copulæ, ita vt simul per vnum illud conceptum iudicet de veritate, aut falsitate totius compositionis, eo modo, quo phantasia ex duplici specie montis, & auri, format tertiam quandam simplicem representantem non tantum aurum, hoc estiam modo, quo Angelus per vnum simplicem conceptum intelligit integram compositionem a nobis factam. Si enim ita fiat, enun-

c tiatio

In lib. i. De Interpretatione

tiatio mentalis erit vnica simplex conceptus, & vna simplex qualitas, per quam repræsententur prædicatum, subiectum, & copula.

Et prima opinio tenet ita fieri, & ideo enuntiationem mentalem iudicatum esse vniam simplicem qualitatem. Ita Sotus 2. lib. Sumularum cap. 5 Toletus 3. lib. de Anima quæst. 19. Probaturq. hoc argumento, intellectus cum sit potentia superior phantasia habet eandem, aut maiorem virtutem componendi, quam illa, sed phantasia ex duplici specie simplici diuersarum rerum elicit vniam etiam simplicem representantem, quidquid per duas illas representabatur; ergo eandem habebit intellectus; & ita poterit sic iudicare de apprehensione composita, vel de conuenientia vnus conceptus simplicis cum altero, vt vnum conceptum eliciat representantem, quidquid per vtrumque conceptum representabatur, vel per totam compositionem apprehensam: & ita enuntiatio iudicata, & repræsentata per vnum illum conceptum erit vna simplex qualitas.

Secunda opinio tenet hoc esse impossibile, & omnino necessarium, vt sicut intellectus apprehendit subiectum, prædicatum, & copulam propositionis, non per vnum, sed per plures conceptus, ita vnum attribuat alteri per iudicium, & per hanc attributionem componat enuntiationem iudicatam, ex eisdem simplicibus conceptibus per apprehensionem formatis. Et sic propositio mentalis iudicata non sit vnus conceptus simplex, neque vna simplex qualitas, sed composita ex multis conceptibus, & qualitatibus simplicibus. Ita patet Gabriel Vazquez tom. 2. 1. par. disputatio. 13. cap. 13. & videtur mihi vera sententia, & expressa apud D. Tho-

1. par. quæst. 8. art. 4. ad 1. vbi de enuntiatione mentali sic loquitur. *Non qualiscumq. multitudo intellectuum compositionem causat, sed multitudo illorum intellectuum, quorum vnus attribuitur alteri.* Per multitudinem namque intellectuum, multitudinem conceptuum intelligit, ex quibus intellectum componere ait enuntiationem mentalem iudicatam, per attributionem vnus ad alterum.

Probatur etiam ratione. Primo, quia intellectus efficit enuntiationem mentalem iudicatam, per attributionem vnus ad alterum, hoc est affirmando vnum de altero, vel negando illud de eo. Sed attribuire vnum alteri ab eo diuerso dicit multipliciter; ergo cum id quod attribuitur alteri in propositione mentali, sit conceptus attributus alteri conceptui, sicut in propositione vocali, est vna vox attributa alteri; propositio mentalis non est minus composita qualitas, quam vocalis.

Secundo, voces significant res mediis conceptibus; ergo propositio vocalis est signum propositionis mentalis, sed illa non est vna vox simplex, sed composita ex multis; ergo neque propositio mentalis erit vnus simplex conceptus, vel qualitas; sed ex multis conceptibus prædicati, subiecti, & copulæ composita. Quod præsertim verum est, ac necessarium, vbi prædicatum, & subiectum sola ratione distinguuntur, vt in propositione identica, quam repugnat intellectui efficere, nisi ea distinguendo, quæ à parte rei non sunt distincta, hæc autem distinguere non potest, nisi per plures conceptus ea intelligat, & vnum eorum alteri attribuat; ergo repugnat talis enuntiationi mentali esse vnum simplicem conceptum, vel vniam simplicem qualitatem.

Ad

Ad argum. alterius sententiæ cō-
cessa maiori distinguenda est minor,
quia ex duplici conceptu simplici di-
uerso clicere tertium, etiam simpli-
cem repræsentantem plura, quæ re-
præsentabatur per illa duob' modis
intelligi potest. Primo, per modū sim-
plicis expressionis, ita ut vno illo cō-
ceptu exprimat quidquid per plu-
res repræsentabatur. Secundo, per at-
tributionem, & compositionē vnius
cum altero. Et primo modo fieri po-
test à phantasia, & intellectu nostro,
sed secundo modo fieri repugnat,
quia componere vnū cum altero di-
cit multipliciter conceptuum, &
cum sic fieri debeat per iudicium,
quo constituitur enuntiatio mentalis,
non potest per vnum conceptum
fieri, sed necessario per plures, ex
quibus enuntiatio mentalis compo-
natur, & propterea non potest esse
enuntiatio mentalis conceptus sim-
plex, aut simplex qualitas, sed compo-
sita ex pluribus conceptibus, &
qualitatibus. In Angelis vero sim-
plex conceptus, & simplex qualitas
est, quia non iudicant componendo
vnum cum altero, vel vnū alteri at-
tribuēdo, sed vno simplici conceptu
exprimendo vtrumq. modus autem
iste pugnat cū imperfectione nostri
intellectus, non intelligentis, nisi cō-
ponendo, & diuidendo.

QVAESTIO. V.

*An diuisio enuntiationis in affir-
matiuam, & negatiuam sit ge-
neris in species, vel analogi in
analogata.*

36 PRIMA opinio est Alexandri, quæ
citat D. Th. cap. præsentis asseren-
tis esse diuisionem analogi, in analo-
gata, quam secuntur etiam Philopo-

nus 1. lib. Poster. cap. 21. Aspasius,
& Burana 1. lib. Priorum cap. 1. Pro-
batur hac ratione, analogū est, quod
de vno membro dicitur per prius, &
de alio per posterius, sed enuntiatio
dicitur per prius de affirmatiua, &
per posterius de negatiua; ergo analo-
gum est respectu earum, & ita diui-
sio erit analogi in analogata, proba-
tur minor. Primo ex Arist. cap. præ-
senti, vbi sic ait. *Est autem vna prima
oratio enuntiativa affirmatio, deinde ne-
gatio.* Probat etiam ratione, quia
affirmatio dicit compositionem, ne-
gatio diuisionem, compositio autem
prior est diuisione. Præterea affirma-
tio dicit formam positiuam, qua pri-
uat negatio, forma vero prior est pri-
uatione, & tandem negatio cadit su-
pra affirmationē: cum propositio ne-
gatiua non sit aliud, quam affirmati-
ua addita negatione, illa igitur prior
est, posterior hæc.

Secunda opinio est Soti 2. lib. Su-
mularum asserētis affirmationem, &
negationem esse diuersas qualitates
enuntiationis, & cum qualitas sit ac-
cidents, diuidetur enuntiatio in affir-
matiuam, & negatiuam, tãquam sub-
iectum in diuersa accidentia. Proba-
tur hoc argum. accidens est, quod
potest adesse, & abesse subiecto, præ-
ter corruptionem eius, sed affirma-
tio, & negatio ita se habent respectu
enuntiationis; ergo sunt accidentia
eius. Probat minor, quia enuntia-
tio eadem permanens secundum es-
sentiam transit de affirmatiua in ne-
gatiuam, ut hæc eadē, Petrus currit,
sic negatiua addita negatione.

Tertia opinio est cōmunis, quod
diuisio enuntiationis sit generis in
species, ita Porphyrius, Ammonius,
Boetius, Simplicius D. Th. Lobanien.
Suesan, Lemosius, & Tolet. cap. præf.
& hæc est probabilior, & tenenda.

In lib. i. De Interpretatione.

Probatur primo, quia essentia enuntiationis, ut superius probauimus consistit in eo quod est attribuere vni alteri, aut enuntiare de illo, sed hoc fit per affirmationem, & negationem; ergo istæ sunt differentie essentialiter diuidentes enuntiationem. Erit ergo diuisio generis in species.

Secundo enuntiatio affirmatiua, & negatiua conueniunt in ratione comuni enuntiationis, quæ de vtraque prædicatur, nam vera est hæc, enuntiatio affirmatiua est enuntiatio, & enuntiatio negatiua est enuntiatio, & distinguuntur species; ergo enuntiatio est genus ad vtramque. Prob. minor, quia affirmatiua dicit vnionem, & compositionem prædicati cum subiecto, negatiua vero diuisionem, & separationem ab illo, isti sunt modi enuntiandi formaliter, & essentialiter diuersi, ut patet; ergo constituunt enuntiationes formaliter, & essentialiter diuersas.

Ad arg. primæ opinionis distinguenda est maior, nam dici per prius de vno, & per posterius de altero, duobus modis contingit, vel ratione prædicati superioris in quo conueniunt, vel ratione differentiarum per quas distinguuntur, & primus modus tollit vniuocationem, & efficit analogiam, secundus vero nullo modo: cum in omnibus generibus reperiatur, in quibus semper datur vna species prior aliis propter maiorem perfectionem suæ differentie, quod non tollit, quin natura generica ex parte sua æqualiter, & vniuocè participetur ab omnibus speciebus. Et ita contingit in enuntiatione, cuius ratio ex parte sua æquè participatur ab affirmatiua, & negatiua, & non secundum prius, & posterius, sed enuntiatio affirmatiua propter maiorem perfectionem suæ differentie prior est negatiua,

ut asserit Aristoteles, & probat argumentum, hoc tamen non tollit vniuocationem, nec rationem genericam.

Ad arg. secundæ opinionis distinguenda est minor, quia propositio eadem permanens solum materialiter, hoc est secundum materiales terminos transit de affirmatiua in negatiuam, non tamen eadem permanens formaliter, & essentialiter, sed diuersæ speciei fit addita negatione, propter diuersum modum enuntiandi, ut probauimus; quare affirmatio, & negatio differentie essentialiter sunt enuntiationis, & non qualitates, nisi eo modo, quo differentie essentialiter dicuntur qualitates generis essentialiter, quare nec sunt villo modo accidentia eius.

QVAEST. VI.

An diuisio enuntiationis in simplicem, & compositam sit generis in species, vel analogi in analogata.

PRima opinio tenet vniuocam esse hanc diuisionem, & ideo generis in suas species. Ita Sotus 2. lib. Summarum. cap. 6. & alij. Probant 1. quia enuntiatio simplex, & composita conueniunt vniuocè in genere orationis; ergo etiam in genere enuntiationis, quod est oratione inferius. Probatur consequentia, quia quæ conueniunt vniuocè sub genere superiori, Necesse est etiam vniuocè conuenire sub genere inferiori, ut si duo animalia conueniunt sub genere viuientis superiori, necesse est sub genere animalis viuente inferiori, etiā vniuocè conuenire.

Secundo, significare verum, aut falsum, vel est de essentia enuntiationis, vel propria passio eius, sed enuntiatio

tio simplex, & composita conueniunt vniuocè in eo, quod est significare, verum, aut falsum; nam enuntiatio cõposita simpliciter est vera, aut falsa, sicut simplex; ergo conueniunt etiam vniuocè in ratione communi enuntiationis, tanquam species sub genere.

Secunda opinio quorundam modernorũ asserit diuisionem hanc esse subiecti in accidentia. Probat hoc argum. nam magis, & minus compositum solum differunt ex hoc accidentaliter, vt paries à tota domo, & enuntiatio omnino simplex ab ea, quæ cõponitur ex parte subiecti ex alia simplici enuntiatione, vt hæc homo est albus est propositio, solum differt accidentaliter ab illa, homo est albus, quia magis composita est: sed enuntiatio composita solum differt à simplici penes magis, & minus compositum, quia simplex solum cõponitur ex subiecto, prædicato, & copula, cõposita vero ex his quidem remotè, proxime vero ex multis enuntiationibus simplicibus; ergo solũ distinguuntur accidentaliter.

Tertia opinio est cõmunis, quod hæc diuisio sit analogi in analogata. Ita Boetius, Amonius, Suesanus, Tolemus cap. præsentis D. I ho. Opusc. 48. cap. 6 & moderni plures, videturque nobis probabilior, & magis conformis doctrinæ Arist. qui enuntiationem simplicem vocauit vnã propter vnum significatũ, & ideo vnã simpliciter, compositam vero vnã cõiunctione, quod est esse vnã secundum quid, & ideo secundũ quid enuntiationem.

Sed probatur ratione primo, quia ratio formalis enuntiationis, vt superius probauimus, consistit in enuntiatione vnum de altero, sed enuntiatio cõposita non enuntiat vnum de altero,

quia non cõponitur proximè ex subiecto, & prædicato, sed solum dicitur enuntiatio ratione simplicium, quibus constat coniunctione vnitis, & solum ratione earum significat veritatem, aut falsitatem; ergo ratio formalis enuntiationis conuenit per se primo simplici, cõpositæ vero solum per participationem, & attributionem ad illam, quod est analogicè conuenire.

Secunda, vnã species non componitur formaliter ex altera, licet materialiter componi non repugnet. sed composita enuntiatio componitur ex simplicibus formaliter, hoc est, in quantum enuntiat vnum de altero, & in quantum veritatem etiam simplicem habent: cum quolibet horum ab eis sublato non consistat enuntiatio cõposita; ergo non possunt esse species enuntiationis, sed erunt analogata eius aduersus primã opinionem. Sed probatur aduersus secundam, quod non differant solum accidentaliter, quia differunt per modum formale, & essentialè, qui in simplici est enuntiatius, in composita vero non, sed forma eius potius consistit in vnione simplicium, aut enuntiationum; ergo differunt essentialiter, quare diuisio non potest esse subiecti in accidentia, sed erit analogi in analogata, vt probauimus aduersus secundã opinionem.

Ad cuius argum. respondendum est, & ad primum concessio antecedenti neganda est consequentia, & ratio est, quia ratio enuntiationis est longè perfectior oratione, quam nõ potest per se attingere cõposita enuntiatio, sed solum per participationem simplicis, quãuis per se, & simpliciter possit attingere rationem orationis. Et licet simile exũplum non facile inueniatur in entibus naturalibus, quia

In lib. I. De Interpretatione.

eorum natura non est ita variabilis, inuenitur tamen in eisdem rebus artificialibus ab intellectu factis, nam species, & indiuiduum vniuocè conueniunt sub genere relationis rationis, tanquam species eius, sub genere tamen inferiori relationis prædicabilitatis non conueniunt, nisi analogicè, quia indiuiduum non attingit perfectionem eius; cum non prædicetur, nisi improprie de seipso. Itaque ratio inferior adeò perfecta esse potest, & ratio superior adeò imperfecta, vt non per se, aut non vniuocè eam possit participare, sed solù per attributionem ad aliud membrum perfectius, cum quo in genere superiori valdè imperfectiori vniuocè conueniebat, & hoc satis est, vt non sit bona consequentia, hæc duo conueniunt vniuocè in prædicato superiori; ergo etiam in prædicato inferiori.

Ad 2. neganda est minor, quod enuntiatio simplex, & composita conueniunt vniuocè in eo, quod est verum, vel falsum significare: nam hoc solù conuenit compositæ per participationem simplicis, quare negandum est etiam, quod sit vera, vel falsa simpliciter.

Ad argu. 2. opin. neganda est etiã minor, quod enuntiatio simplex, & composita solum differant penes magnis, & minus compositum, sed differunt per diuersos modos formales enuntiationis, quia simplex habet modum formalem enuntiandi, composita vero non habet per se modum enuntiationis: vnde nec per se enuntiat, sed solù per participationem simplicis, per se vero solum habet modum conjunctionis enuntiatuarum, & ideo essentialiter sunt diuersæ.

CAPVT QVINTVM de modis oppositionum.

Capite quinto agit Arist. de modis oppositionum inter enuntiationes repositos. Quod caput non est à nobis exponendum, quia de oppositione propositionum, & modis omnibus eius satis disputat Sumulista regulas eorum ex hoc capite, atque ex lib. 2. huius operis deducentes, quare non putamus necessarium hac in parte eas repetere.

CAPVT SEXTVM de oppositione, & veritate enuntiationum de futuro contingenti.

TEXTVS ARIST.

In his ergo quæ sunt, & quæ facta sunt, necesse est affirmationem, & negationem veram esse, vel falsam, &c.

Breuis expositio textus.

INTENTVM Arist. cap. præfati est, ostendere regulam propositionum contradictoriarum, quod si vna est vera, altera necessario debet esse falsa, non esse veram eodem modo in propositionibus singularibus de futuro contingenti, ac vera est in propositionibus materiæ necessariæ, & remotæ, atq. etiam in propositionibus contingentibus de subiecto vniuersali. Diuiditur autem cap. in duas partes: nam in prima proposita quæstio: & soluta, duplici ratione probat propriam sententiam. In 2. vero duplicè distinctionem necessarij, circa res, & propositiones tradit.

Egerat Arist. cap. præcedenti in fine de natura contradictionis, aut oppositionis in propositionibus repositæ, dixeratque necessariam esse contradictionem.

ditionem contradictoriarum enuntiationum, vt si vna sit determinatè vera, altera determinatè sit falsa. Sed cap. præsentì proponit hæc quæst. videlicet, an hæc conditio contradictoriarum vera sit, non solum in propositionibus materiæ necessariæ, & remotæ, sed etiam materiæ contingentis. Loquitur autem non de contingenti raro, quale est fodiētē inuenire thesaurum, nec de contingente frequenter, quale est hominem noctu cubare, sed de contingente ad vtrumlibet, hoc est ad vtramque partē, quod equè potest esse, & non esse, vt Petrum peccare, vel studiosè viuere.

Et præsupponit tanquam certum primo, veram esse regulam in omnibus propositionibus materiæ necessariæ, & remotæ, siue vniuersales sint, vel singulares: nam si determinatè verum est Petrum esse hominem, de determinatè est falsum, Petrū non esse hominem, & si determinatè verum est omnem leonem non esse lapidem, determinatè est falsum, quod aliquis leo sit lapis. Secundo, præsupponit tanquam certum veram quoque esse regulam in propositionibus contingentibus de subiecto vniuersali; nam si determinatè verum est hominem esse album, determinatè est falsum, nullum hominem esse album. Tertiū quoque certum esse ait, nempe eandem regulam esse veram in propositionibus contingentibus de subiecto singulari, si sint de præsentì, aut præterito: nam si determinatè verū est, Petrum studiosè viuere, aut vixisse, determinatè est falsum Petrum non studiosè viuere, aut non studiosè vixisse. Nulla enim in his propositionib* potest esse indeterminatio, sed sicut determinatè verum est, quod fuit, & est, determinatè falsum erit

non fuisse, aut non esse. Solum ergo procedere quæst. ait de propositionibus singularibus de futuro contingenti. An vna earum sit determinatè vera, & alia determinatè falsa. Et ratio dubitandi est manifesta, quia causa contingens, aut libera non est determinata ad effectum futurum, sed potest se determinare, & potest se non determinare, & ideo, quamdiu determinatio eius futura enuntiat per propositionem singularem de futuro, quasi suspēsa manet, & ideo veritas eiusdem propositionis indeterminata semper videtur.

Respondet autem Arist. in his propositionibus. Determinatè verū est totum disiunctum ex vtraque contradictoria constans. Vt Petrus peccabit, aut non peccabit: nam peccare, aut non peccare ita necessarium est, sicut esse, vel non esse: ergo ita determinatè verum. Sed quamlibet contradictoriam per se sumptam nō esse determinatè verā, aut falsam, vt Petrus peccabit, atque etiam Petrus nō peccabit. Quod probat duplici arguente ad impossibile, primo, nam si determinate esset verā, nihil esset in rebus contingens, sed omnia euenirent necessario, vt si determinatè verum esset, Petrus hoc efficeret, aut illud, studiosus, aut vitiosus erit, bellum erit futurum cras, vel non erit futurum, necessario euenirent effectus isti, & ideo non possent nō euenire, quare nihil erit in rebus contingens, quod est absurdum.

Secunda ratio, nam si propositiones istæ singulares de futuro contingenti essent determinatè veræ, & omnes futuri effectus, necessario euenirent, neque aliquis esset effectus contingens. Non esset consultandum de rebus futuris, nec deliberandū, quare nec esset consilium, nec libertas:

In lib. i. De Interpretatione.

nam deliberatio, & consultatio solum est de rebus contingētibus, quæ possunt esse, & non esse, de his enim quæ necessario futura sunt, ut de ortu solis crastino nullus unquam sanè mentis consultandum esse dixit. Tollere autem cōtingentiam, consilium, deliberationem, imo, & libertatem nostram absurdum est: ergo non est dicendum propositiones singulares de futuro contingenti esse determinatè veras, aut determinatè falsas.

40 Explicat tandè duplicem distinctionem necessitatis rerū, & enuntiationum. Prima talis est, quædam res sunt necessariæ ex propria natura, ut cælum, aliæ vero non nisi ex conditione temporis, quo mensuratur: cum tamen ex propria natura contingentes sint. Ut Petrum ambulare, dum ambulat necessarium est, non ex propria natura, sed ex cōditione temporis, quo mensuratur ambulatio eius, & hoc modo verum esse vniuersaliter ait, quod omnis res quādo est, necessario sit, & omnis propositio pro tempore, quo vera est, necessario est vera, sed necessitatem primam simpliciter esse talem affirmat. Secundam vero, non nisi secundum quid, hoc est ab extrinseco, & ex suppositione temporis, in quo res est, vel in quo propositio vera est.

Secunda distinctio necessarij, quædam sunt necessaria absolutè, id est, sine comparatione ad aliud, ut hominem esse animal, alia non nisi ex comparatione ad suum oppositum, ita ut quod per se sumptum contingens est, sumptum cum suo opposito sit necessarium, ut contingens est hæc, Petrus ambulabit, sed si sumatur cum sua opposita, necessarium facit totū disjunctum, Petrus ambulabit, aut non ambulabit. Et hunc etiam modum necessitatis extrinsecum esse

ait, & secundum quid talem, cum tamen primus simpliciter sit talis, & ab intrinseco. Et hunc modum necessitatis, atque etiam secundum primæ distinctionis reperiri docet in enuntiationibus singularibus contingētibus de præsentī, præterito, & futuro, nam dum Petrus ambulat, necessarium est ex suppositione ambulare, & etiam quod ambulauerit supposito, quod ambulauit, & etiam est necessaria hæc de futuro, Petrus ambulabit, ex suppositione, quod ambulabit. Necessarium quodq. est, disjunctum hoc, Petrus ambulabit, vel non ambulabit, sed cum utraque hac necessitate totius disjuncti, & etiā cuiuslibet partis per se sumptæ ex suppositione temporis, verum est quamlibet per se sumptam esse contingentem, & indeterminatè veram.

QVAEST. VNICA.

An singulares enūtiationes de futuro contingenti habeant veritatem, aut falsitatem determinatam.

DE solis singularibus, & contingētibus procedit quæstio, nam propositiones necessariæ, atque etiā in materia remota consistentibus necessario veræ sunt, vel necessario falsæ, siuè sint vniuersales, vel singulares, & ideo determinata est earum veritas, aut falsitas, determinatæ etiam veræ sunt contingentes de subiecto vniuersali, aut determinatè falsæ, ut omnis homo ambulabit, nullus homo ambulabit, & homo ambulabit, homo non ambulabit. Quia licet effectus futurus, atque contingens in singulari possit esse, & non esse,

vni-

vniuersaliter, tamen verum est, quod causa contingens determinabitur ad operandum, imo necessaria est determinatio eius in singulari vago, licet omnino contingens in quolibet, singulari determinato. Necessitate quidem morali, quia moraliter loquendo, hoc est more humano, vel vt res humanæ solent euenire, necesse est, homines ambulare, & ideo determinatè vera hæc, homo ambulabit, & aliquis homo ambulabit, & determinatè falsa, omnis, homo ambulabit, nullas homo ambulabit. In hoc enim sensu accipitur illud Christi apud Matthæum. *Necesse est, ut veniant scandala.* Certum quoque est singulares propositiones contingentes de præsentī, & præterito esse determinatè veras, vel falsas, imo necessarias, non quidem ab intrinseco, vel simpliciter, sed ab extrinseco, & ex suppositione temporis, vt iam fuit à nobis expositum. Solum ergo de singularibus de futuro contingenti quæstio esse potest, an determinatam habeant veritatem, vel indeterminatam, quia determinatio causæ futuræ à qua pendet veritas earum, quamdiu futura enuntiatur, indeterminata est, & ideo non videtur posse tribuere veritatem determinatam eisdem propositionibus.

Ideo prima opinio asserit nullam prorsus habere veritatem, aut falsitatem tales propositiones, sed neutras esse, hoc est, nec veras, nec falsas. Ita Antonius Cordubensis lib. 1. sui *Questionarij*, quæst. 55. dub. 2. Probatur quia veritas, vel falsitas enuntiationis sumitur per conformitatem, aut difformitatem, ad rem significatam, sed res significata per hanc enuntiationem, Petrus peccabit, non est in rerum natura, quamdiu enuntiatur futura; ergo

enuntiatio ipsa non est ei conformis, nec diformis, quare non erit vera, neque falsa, sed neutra, & certè si vera, aut falsa concedatur, sequitur simul esse veram, & falsam, quod repugnat. Probatur consequentia, quia cum res significata indifferens sit ad essendum, & non essendum, & non magis ad vnum, quam ad alterum determinata, non est maior ratio obquam, enuntiatio sit vera, quam falsa, quare vel neutrum habebit, vel vtrunq. & hoc est impossibile; ergo illud necessarium, quod est esse neutram.

Secunda opinio aliquam veritatem tribuit his enuntiationibus, non quidem determinatam, sed confusam, aut indeterminatam. Ita vt totum disunctum ex vtraque contradictoria compositum sit determinatè verum, ac necessarium, vt Petrus disputabit, vel non disputabit, sed quælibet earum per se sumpta in determinatè vera sit, aut falsa, quod est dicere indifferentem esse ad veritatem, aut falsitatem, & ideo non esse actu veram, nec actu falsam, sed quasi in potentia nondum determinata. Ita Albertus Magnus primo libro de Interpretatione tractatu de Oppositione cap. 4. Catherinus in Opusculo de veritate enuntiationū, Lobanienses, & Toletus cap. præsentī. Et hæc videtur expressa sententia Aristotelis, qui eam probauit hæc ratione. Quod determinatè verum est, necessarium existimatur, ergo si enuntiatio singularis de futuro contingenti determinatè vera est, erit necessaria. Ex quo sequitur futura omnia necessario euenire, probatur consequentia, quia si hæc est necessario vera, Petrus disputabit, disputatio Petri, à qua sumit suam veritatem, erit necessario

65. *futura*

In lib. 1. De Interpretatione.

futura, & non contingens, quare nulla relinquetur libertas, nec locum habebit cōsiliū, aut deliberatio, quia de rebus necessario futuris non deliberamus, nec dicuntur esse in nostra potestate, sed contingentia solum, quæ possunt euenire, & non euenire, sic, vel alio modo fieri.

Probatur secūdo, nam ab eo quod res est, vel nō est, enuntiatio dicitur vera, vel falsa, sed res significata per enuntiationem singularem de futuro contingenti, ita est indeterminata, vt quamdiu futura est, & vt talis enuntiatur nullam determinationē habeat; ergo nec propositio de futuro eam enuntians determinatam habebit veritatem, sed indeterminata, atq. indifferens semper erit ad veritatem, & falsitatem.

Tertia opinio tenet tales enuntiationes habere determinatam veritatem, aut falsitatem, sed contingentē, & hæc est vera, & valde conformis fidei Catholicæ, quam tenet Scotus in r.d. 3. quæst. 1. §. ad argumenta principalia. D. Bona, d. 38. ar. 2. q. 1. ad 1. Richar. art. 1. q. 5. ad 1. Greg. quæst. 1. art. 2. Ocham quæst. 1. ad 1. principale. Gabriel quæst. 1. art. 1. Notab. 7. Mars. quæst. 40. Ad 3. Holcoth. in 2. quæst. art. 7. Sotus in cap. 9. Epistolæ ad Rom. p. 5. Pater Franciscus Suarius Opus. de absoluta sciētia futurorum contingentium c. 2. nu. 6. p. Gab. Vazques tomo 1. primæ partis disp. 67. cap. 3. & iam fere omnes moderni nostri temporis.

Sed vt eam simul explicemus, & probemus, notandum est, quid sit de determinata veritas, nam ex hoc constabit, an tribuenda sit singularibus enuntiationibus de futuro contingēti. Determinata autem veritas duo habere debet. Primum, qd sit distincta, & non confusa, sicut confusa est

ea, quæ reperitur in propositionibus æquiuocis, vt in hac canis mouetur, in qua non verificatur prædicatum de aliquo subiecto distincte, sed confusa, & quasi suspensa manet veritas eius. Secundo dicit, quod sit actualis, quæ in ordine ad actuale significatum accipitur, nam si solum sit in potentia indifferenti, suspensa dicitur enuntiatio à veritate. Actuale autem significatum enuntiationis illud dicitur, quod actu est in rerum natura tempore significato per copulam eius, ita vt si enuntiatio sit de præsentī, actualē habeat veritatem, ac determinatam, si res significata existat tempore præsentī, & si sit de præterito, determinatē vera erit, si eius significatum aliquando fuit in rerum natura. Si vero sit enuntiatione de futuro, erit determinatē vera, si eius significatum aliquando futurum sit in rerum natura, vt hæc enuntiatione, sol oriatur cras, determinatē vero est hodie, quia significatum eius crastina die erit in rerum natura.

Secundo notandum est, propositionem de futuro, sicut & de præterito duplicem esse, vnam quæ determinat aliquod tempus, vt hæc Petrus disputabit cras, aliam quæ nullum determinat, sed totum tempus futurum quasi in definitē significat, vt Petrus disputabit, & vt determinatē vera sit prior necesse est disputationem Petri futuram esse die crastino, vt autē posterior, sufficit, quod aliquo tempore habitura sit esse actuale in rerum natura, ita vt verum sit tunc de præsentī enuntiare, Petrus disputat.

His suppositis probatur iam nostra sentētia, quod propositiones singulares de futuro contingenti sint determinatē veræ, aut falsæ ex fide Catholica, quæ docet Deum ab æter-

no euidenter cognouisse veritatem earum, ex quo sequitur eam habuisse ab æterno. Probatur consequentia, quia Deus nō cognoscit futura esse, nisi quæ verē futura sunt. Gratia exēpli. Deus ab æterno cognouit hanc singularem de futuro contingenti, veram esse, Antichristus est peccator; ergo cognouit, quod aliquando erit vera de præsentī, sed propositio, quæ aliquando est vera de præsentī, semper fuit vera de futuro, & determinatē vera; cum aliquando sit de præsentī determinatē vera; ergo cognouit Deus ab æterno determinatam veritatem eius de futuro, quod non potest esse, nisi eam habuerit, alioqui cognouisset Deus tanquā futurum, id quod futurum non est.

Probatur etiam ratione primo, quia si Petrus hodie disputat, determinatē verum erit de præsentī enuntiare, Petrus disputat; ergo etiam fuit determinatē verā heri enuntiare de futuro, Petrus disputabit, probatur euidenter consequentia, quia veritas enuntiationis de futuro mensuratur per significatum eius, & determinata veritas, per determinationem eiusdem significati, sed disputatio præsens habet nunc esse determinatum de præsentī; ergo habuit heri esse determinatum de futuro, & ideo enuntiatio de futuro, quæ illud enūtiabat determinatam veritatem, quam sicut heri habuit, certū est ante mille annos habuisse.

Secundo, determinata veritas enuntiationis sumitur ex significato eius determinato. Sed significatum huius enuntiationis, Petrus disputabit, habebit aliquando esse determinatum de præsentī; ergo habet modo esse determinatū de futuro, & ideo propositio, quæ illud de futuro enūtiat, erit determinatē vera, cum eius sig-

nificatum sit determinatē futurum. Probatur minor, quia disputatio Petri aliquando habebit esse actuā, atque distinctum extra causas.

Probatur tandem, quia si propositiones istæ non habent determinatā veritatē; ergo nullo modo sunt veræ, aut falsæ, nec erunt aliquādo, hoc est, nec actu, nec potentia, quod est absurdum. Probatur consequentia, quia frustrā est potentia, quæ nec re ducitur, nec reduci potest ad actum, sed istæ enuntiationes nūquam erūt de futuro veræ, imo nec esse poterunt, si modo non sunt determinatē veræ, quia cum effectus præsens fuerit, iam non sunt veræ de futuro, sed de præsentī; ergo nec habent veritatē de futuro determinatam actu, nec potentia, quod est nullo prorsus modo esse veras de futuro.

Ad argu. primæ opinionis distinguenda est minor, quod significatū propositionis singularis de futuro contingenti non sit in rerum natura, quia licet non sit in differentia tēporis præsentis. Est tamen in differentia tēporis futuri significata per copulam. In qua habebit esse determinatum, & actuāle, & hoc sufficit, ut determinatē sit vera enuntiatio de futuro, sicut nec modo est in rerū natura significatum propositionis de præterito, sed quia in propria differentia tēporis habuit esse actuāle, ac determinatum, sufficit, ut enūtiatio de præterito sit determinatē vera. Aliud vero, quod infertur simul esse veram, & falsam, si determinatē vera concedatur, negandum est, quia ideo est determinatē vera, quia significatum habebit esse determinatum tempore significato per copulā, quod licet possit non esse; cum sit contingens, erit tamen, & ideo propositio erit vera, non tamen falsa, quia.

In lib. I. De Interpretatione.

quia licet possit non esse, non est verum, quod non sit habiturus esse in propria differentia temporis. Itaque cum enuntietur futurum, & non solum possibile, non satis est, quod possit non esse, ut falsa sit propositio, sed requiritur, ut omnino non sit futurum, quod patet esse falsum, & ideo male infertur propositionem simul esse veram, & falsam.

Pro solutione argum. 2. opin. notandum est. Effectum futurum duplicem esse, necessarium, & contingentem, necessario futurus est ille, qui non potest non esse futurus, quia per causam necessariam futurus est, ut ortus solis crastinus necessario futurus est, quia per causam necessariam, ac determinatam ad unum. Contingenter vero futurus esse dicitur ille, qui tempore quidem futuro habiturus est esse, non minus quam effectus necessarius, contingenter tamen, ita ut possit non esse futurus, quia per causam liberam, aut contingentem, quæ sic eum producit in differentia temporis futuri, ut possit illum non producere, sic se ad operandum determinabit, ut possit se non determinare. Et cum veritas, aut falsitas enuntiationis mensuretur per rem significatam, duplex est etiam enuntiatio de futuro, una necessaria, ut sol orietur cras & alia contingens. Ut Petrus disputabit, sed utraque determinate vera, aut falsa, sed necessario, quia ita est vera, ut non possit esse falsa. Hæc vero contingenter, quia ita est vera, ut possit esse falsa. Vnde sequitur hanc non esse bonam consequentiam hæc enuntiatio, Petrus disputabit esse determinate vera; ergo necessaria, vel necessario vera, sed ita est determinate vera, ut contingens, & contingenter vera, quia sic est vera, ut possit esse falsa, sicut effectus per causam si-

gnificatus sic est determinate futurus, ut possit non esse futurus.

Et ex hac doctrina soluitur argum. Arist. cui negandum est antecedens, quia non omne, quod futurum est, habebit esse per causam necessariam, sed plura per contingentem, & ideo nec sunt necessaria, nec necessario futura, sed contingentia, & contingenter futura, & ex consequenti enuntiationes per quas significantur, licet determinate veræ, non tamen necessarie, sed contingentes, quia sic sunt veræ, ut possint esse falsæ.

Pro solutione alterius aliud est notandum, in quo consistit deceptio huius opinionis. Nempe, causam liberam, vel contingentem indeterminatam esse, atque indifferentem, quia potest se determinare, & potest se non determinare, certum tamen est, quod determinabit se, vel non se determinabit, & ideo certum est etiam effectum eius futurum esse, vel non esse futurum, & si futurus est, posse non esse futurum, & si futurus non est posse etiam esse futurum. Gratia exempli. Voluntas Petri semper est indeterminata, & indifferentis ad disputandum, vel non disputandum, quousque se determinet crastino die tali hora ad disputandum, & tunc cessabit in differentia eius. Quare disputatio determinata erit tali hora diei crastini, ita tamen, ut possit non esse, sed sicut verum erit tunc de præsentis esse determinatam contingenter, & potuisse non habere esse determinatum illa eadem hora, quia posset causa libera se non determinare, ita verum est hodie, quod habitura sit cras esse determinatum, contingenter tamen, quia verum est posse non esse, & ideo est verum quod disputatio habitura sit esse determinatum. Enuntiatio igitur futura, Petrus disputabit die crasti-

no tali hora, non comparatur ad voluntatē eius, vt indeterminatam, sed vt se determinantem tali hora ad disputandum nec significat disputationem, vt in potentia, vel, vt in potestate voluntatis nondum determinatā: sed, vt determinatam, & habentē esse actuale, non presens, sed futurum crastino die tali hora, & ex hoc determinatam habet veritatem, nō minus quam propositio de præsentī eodem tempore, quo fit disputatio prolata. Petrus disputat Quia sicut tunc habet disputatio esse determinatum de præsentī, ita nunc habet esse determinatum de futuro. Et in hoc cōsistit deceptio secundæ opinionis, quia putat propositionem de futuro comparari ad causam, vt indeterminatam tantum: cum tamen non comparetur ad eam, vt nunc indeterminatam, (licet verē nunc indeterminata sit) sed ad eādem, vt se determinatē tempore futuro per copulam significato, ex quo determinatā habet veritatem enuntiatio, licet cōtingentem, quia comparatur ad causam, vt se determinantem in futuro, contingenter tamen iuxta propriam naturam, & ideo potentem se nō determinare.

Ad formam igitur argum. distinguenda est minor, quod res significata per enuntiationem de futuro, quā diu enūtiatur futura nullam habeat determinationem: nam licet nullam habeat determinationē præsentem, habet tamen determinationem futuram, quam significat, & contingētē quidem, cum sic futura sit disputatio determinata, vt possit non esse, hoc enim non tollit futuram eius determinationem, sed ostendit esse contingentem, & ideo non tollit determinatam veritatem enuntiationis de futuro, sed ostendit determinatam

eius veritatem, non esse necessariam, sed contingentem.

Sed quid dicendum ad Arist. qui videtur sentire tales enuntiationes non esse determinatē veras. Respon- deo plures adhiberi solutiones à pluribus, quæ quidem non videntur ad mentem eius esse. Et ideo eas non re- fero. Alii vero, quibus prædictæ solutiones non satisfaciunt, asserunt ita sensisse Arist. quod tales enuntiationes non habeant determinatam veritatem, sed errasse in hoc aduersus fidem nostram, quæ cum ponat à Deo euidenter cognosci ab æterno, quasdam esse veras, & alias falsas. Necesse est concedere determinatē veras esse, aut falsas, quia quod Deus cognoscit futurum esse, determinatē futurum est licet contingens. Quare non est audiendus in hac parte Arist. Ego vero credere non possunt Aristotelē errasse, quia certum est cognouisse libertatem nostræ voluntatis, & cōtingentiam aliarum causarum, quæ sunt duæ radices totius contingentie futurorum effectuum, quos enuntiationes singulares de futuro contingenti enuntiant. Et cum cognouerit eosdem effectus habituros esse determinationem actualem, licet contingentem, tempore futuro per copulam significato. Impossibile est, nō intellexisse, quod tales enuntiationes habeant determinatam veritatē, licet contingentem.

In eo igitur sensu determinatam veritatem eis denegauit, in quo eam concessit enuntiationibus materiæ necessariæ, & remotæ, atque etiam contingentibus de subiecto vniuersali, imo & singularibus de præsentī, & præterito, atque etiam toti diiuncto ex vtraque contradictoria singulari de futuro, quale est hoc, Petrus disputabit, vel non disputabit.

Hic

In lib. I. De Interpretatione.

His autem omnibus concessit veritatem determinatam, sumptam pro necessaria, quam negauit singularibus de futuro contingenti, non tamen eis denegauit determinatam veritatem contingentem. Itaque sensus eius fuit, regulam contradictionis quod ex duobus contradictoriis, vna determinatè est vera, & alia determinatè falsa, id est, vna necessario est vera, alia necessario est falsa, in omnibus enuntiationibus cuiuscumque materię est vera, exceptis singularibus de futuro contingenti, in quibus solis deficit, quia neutra per se sumpta est determinatè vera, id est, necessario vera, sed contingenter veræ sunt, vel falsæ, hanc nihilominus veritatem contingentem determinatam habent, propter determinationem contingentem effectus tempore futuro per copulam earum significato. Quod autem iste fuerit sensus eius, ex duobus ostendo. Primo ex argumentis, quibus id probauit, in quibus arguit à determinata veritate, ad necessariam. Et ex determinata veritate harum enuntiationum infert tolli cōsiliū, & deliberationem, esset autem friuolum argumentum, nisi determinationem veritatis pro necessitate acciperet. Secūdo ex his verbis, quibus apertè eundem sensum significauit. *Sed, & in contradictione eadem ratio est, esse quidem, vel non esse omne necesse est, & futurum esse, vel non. Non tamen diuidentem dicere alterum necessarium. Dico autem, vt necesse est. Futurum esse bellum nauale cras, vel non futurum esse, non tamen cras fieri bellum nauale necesse est, neque non fieri: fieri tamen, vel non fieri necesse est.* Et in hoc sensu explicant Aristotelem Rich. in l.

d. 38. art. 1. quæst. 5. ad 1.

& Maior ibidem

quæst. 2.

Breue dubium, an effectus contingens quando est, sit necessarius, vel adhuc contingens.

NON parum iuuabit ad melius intelligendam præcedentē questionem determinatio huius dubij, ex qua etiam explicabitur vniuersalis illa propositio Aristotelis frequenter in hac materia repetita, nempe. *Omne quod est, quando est, necesse est esse.* Quæ si vera sit, sequitur ex ea futurum contingens, dum iam est in rerū natura non esse contingens, sed necessarium. Quod etiam probo, nam causa libera priusquam se determinet ad operandum, indeterminata, & contingens est, sed dum de presenti operatur, cessat iam indeterminatio; ergo cessat, contingentia eius, & ex consequenti cessabit cōtingentia effectus, & erit necessarius.

Dubium hoc hac distinctione soluendum est, necessarium dupliciter sumitur. Primo ex propria natura, & hoc dicitur necessarium simpliciter, vt ortus solis, quia ita est, vt nō possit non esse, propter necessitatem suæ causæ. Secundo dicitur aliquid necessariam, non ex propria natura, sed ab extrinseco, vt ex determinatione temporis, in quo producit extra causas, licet à causa contingenti. Quo supposito dicimus effectum contingentem, dum iam est, adhuc esse contingentem simpliciter, sed necessarium solum ab extrinseco, ex determinatione temporis. Probat primum, quia causa libera liberè se determinat ad operandum; ergo ita se determinat, vt possit se non determinare, & consequenter ita operatur, vt possit non operari, quare dum operatur, non necessario, sed libere, & contingenter operatur; & ideo operatio ipsa, aut effectus etiam dū fit,

fit, vel præsens est, contingenter pro-
cedit à sua causa, & contingens esse
habet simpliciter. Probatur secu-
ndum, quod sit necessarius ex suppo-
sitione, quia supposito, quod iam ha-
bet esse, non potest non esse, alioqui
simul posset esse, & non esse, quod re-
pugnat. Et in hoc sensu intelligitur
propositio Aristot. Omne quod est,
quando est necesse est esse, quasi di-
cat ex suppositione temporis, in quo
præsens est, non potest non esse, &
hoc tantum probat argumentum fa-
ctum, quia licet per determinatio-
nem causæ liberæ ad operandum, ces-
set indeterminatio, atque indifferen-
tia eius, liberè tamen cessat, & ideo
liber semper est effectus, atque con-

tingens ex propria natura, adhuc
quando præsens est, licet ex suppo-
sitione præsentia litatis sit necessarius
ab extrinseco, & ex suppositione.

In secundo libro huius operis, so-
lum agit Aristoteles de enuntiatio-
nibus modalibus. Et oppositione ear-
um, de quibus copiose in Sumulis
diferitur, & cum ex hoc libro desum-
pta sint, quæ à Sumulistis repetuntur,
& inculcantur, non iudicamus neces-
sarium, ea nunc repetere, nec capita
huius libri exponere, cum iam sit to-
ta eorum doctrina ab adolecen-
tibus satis intellecta. Sed ad

libros de priori resolutione
nec procedendum
esse.

Finis huius operis.



COMMENTARI IN LIB. ARIST. DE PRIORI ANALYSI, SEV RESOLUTIONE.

PROOEMIUM HVIVS OPERIS.



PVS hoc initium est ter-
tiæ partis dialecticæ, in
quo Aristot. incipit agere
de tertia operatione intel-
lectus, ad quam pertinet
syllogismus. Inscribitur autem de
Priori resolutione, & resolutio Logi-
ca, siue intellectualis, de qua intelli-
gitur inscriptio, nō est dissolutio syl-
logismi, sicut materialis, & physica
resolutio rei est eius dissolutio, sed
est quasi examinatio partiū, ex qui-
bus syllogismus, qui est instrumentū
dialecticæ, constare debet, & finis re-
solutionis est perfectio eiusdem syl-
logismi, quæ nota debet esse ex mo-
do ipso resolutionis, aut examinatio-
nis eum componenti, vt vim habere
possit ad inveniendam, ac probandā
veritatem, vt copiosius explicabi-
mus in proœmio librorum de poste-
riori resolutione.

De inscriptione huius operis.

SED cur de priori resolutione ins-
cribantur, non satis cōstat, sed plu-
res dicunt, ideo de priori dici hos li-
bros, sequentes vero de posteriori,
quia in his agitur de forma syllogis-
mi, in sequentibus de materia. Hæc
tamen ratio insufficiens est, quia li-
cet verum sit in his libris agi de syl-
logismo secundum formam: falsum
tamen, quod in sequentibus solum
agatur de eodem secundum materiā,
quæ si hoc esset, demonstratio

non distingueretur à syllogismo in
communi, nec à syllogismo topico,
& sophistico, nisi per materiā, quod
est aperte falsum: nam ex eo seque-
retur, nec demonstrationem esse spe-
ciem syllogismi, nec distingui specie
à syllogismis dialecticis, & sophisti-
cis: probatur euidenter consequen-
tia, quia à materia non sumitur diffe-
rentia essentialis constituens speciē,
& distinguens eam ab aliis, sed à for-
ma: Propterea dicendum est, hos lib.
appellari de resolutioni priori, sequē-
tes vero de resolutione posteriori,
quia in his agitur de forma syllogis-
mi communi, atque generica, quæ su-
mitur ex dispositione eius in figura,
& modo, & quam constat communē
esse omnibus syllogismis. In lib. ve-
ro sequentibus agitur de forma spe-
ciali, nempe de modo concludendi
necessario vnam veritatem de al-
tera, per quem constituitur demon-
stratio in specie syllogismi, & distin-
guitur ab aliis, vt etiam explicatur
copiosius in proœmio operis sequen-
tis. Forma autem communis, atq. ge-
nerica prior est, & notior nobis, ideo
de priori resolutione merito inscri-
buntur libri isti.

Quodnam sit obiectum huius operis.

PRIMA opinio asserit, demonstra-
tionē esse subiectum, quia ex his,
& sequentibus lib. vnum opus effici-
tur, cuius scopus est demonstratio, tā
quam

quam finis in quem proximè ordinatur. Vnde Arist. cap. I. huius lib. proponens intentum, huius operis asserit esse de demonstratione, & disciplina demonstratiua disputare.

Secunda opinio opus hoc à sequēti distinguit, & ideo negat demonstrationem esse obiectum, sed neque asserit syllogismum esse adæquatū obiectum, sed argumentationem in communi, quia Arist. nō de solo syllogismo agit, sed de aliis argumentationibus, vt de inductione, enthymemate, & exemplo, quare aliquid his commune debet esse obiectum huius operis.

Nostra tamen sententia, & magis communis inter expositores hoc loco est, supposita distinctione huius operis à sequenti necessario admitenda, cum diuersa sint ea, de quibus in utroque agitur, solum syllogismū in cōmuni esse adæquatū obiectū eius, quia vel nihil de ceteris argumentationibus agit in ea Arist. vel si aliquid, solum, vt deferuire possūt syllogismo. Sed ratione probatur, quia adæquatū obiectum scientiæ est, cuius partes ex profeso explicat, cuius definitionem tradit, cuius passionem probat, sed in hoc opere traduntur partes syllogismi, assignatur definitio eius, & passionem probatur, vt in I. & II. lib. est manifestum; ergo syllogismus est obiectum huius partis adæquatū. Quod vero Arist. dicit propositum eius esse agere de demonstratione, solum probat, quod libri sequentes, quasi finis sint, in quē ordinatur opus hoc, de quo sine patet non agi, in hoc opere, & ideo neque ad eius obiectum pertinet.

Diuisio totius operis.

3 IN duos libros, aut partes diuiditur opus hoc, in quorum primo, de syl-

logismo, & partibus eius agit Arist. In 2. de eius proprietatibus, seu passionibus, quas potestates seu potentias, & impotentias vocat Arist.

Primus autem hic liber diuiditur in tres partes. In 1. quæ procemij rationem habet, proponit Arist. materiam totius operis, syllogismumque, & partes eius (quæ sunt propositio, & terminus) definit. In 2. agit de conuersionibus propositionum. In 3. de figuris, & modis syllogismorum, & de his quæ ad easdem figuras pertinent.

CAPVT PRIMVM.

TEXTVS ARIST.

Primum dicere circa quid, & cuius sit consideratio, quoniam circa demonstrationem.

Breuis expositio textus.

CAPVT hoc quasi procemium 4 est totius operis, in quo Arist. intendit proponere finem eius, in quem ordinetur, atque etiam ea, de quibus in eo acturus est. Diuiditur in duas partes. In quarum prima proposito sine, proponit ea de quibus agendum est, nempe propositionem, terminum, syllogismum perfectum, & imperfectum, & singula hæc definit, ac diuidit, quæ multiplicia sunt, nempe, propositionē, & syllogismū.

Finē huius operis asserit esse demonstrationem, quæ cum sit potissimum instrumentum dialecticæ: ad illam ordinantur omnia, remotè quidem simplicia, Proximè propositiones, & forma syllogistica de qua in hoc opere agendum est, eo fere modo, quo genus ordinatur ad constituentem potissimam eius speciem.

Defi-

Lib. I. De Priori resolutione. Cap. 4.

Definit ergo primo propositionē, quia notior nobis erat; cum de ea iam egerit in lib. de Interpretatione, & definitio talis est. *Propositio est oratio affirmatiua, vel negatiua alicuius de aliquo.* In qua pro genere ponitur oratio, quæ secundum se nihil affirmat, aut negat. Cōtrahitur autem per affirmationem, & negationem, tanquā per differentias essentielles, vt i. lib. de Interpretatione diximus, & per has definitur potius, quam per verū, vel falsum, quia in ordine ad syllogismum, ad quem proxime ordinatur, nihil refert, quod vera sit, vel falsa, cum forma syllogistica, tam in falsis, quam in veris propositionibus consistere possit, sed necesse est, affirmatiuam esse, aut negatiuam, vt syllogismo deseruat.

Diuidit eandem propositionem duplici diuisione. Prima in vniuersalem, particularem, & indefinitam. Vniuersalis illa est, cuius subiectū pro omnibus inferioribus sub se contentis distribuitur. Vt omnis homo est animal, particularis cuius subiectum afficitur signo particulari, vt aliquis homo est animal, & indefinita cuius subiectum est terminus communis nullo signo affectus, vt homo est animal. De propositione singulari non facit mentionem, quia non pertinet per se ad artem, vel scientiam, nec ad formam syllogisticam.

5 Secunda diuisio propositionis est, in dialecticam, & demonstratiuam. Dialectica est probabilis, ex qua efficitur probabilis syllogismus, sed quæ formam habet interrogationis in eo qui interrogat, in eo vero, qui syllogismum constituit, solum est simplex proposito probabilis, vt si dicas putas ne, animal rationale, est definitio hominis, modum habet interrogationis. Si vero interrogationem auferas,

modum simplicis propositionis, ex qua fit syllogismus. Alia est propositio demonstratiua, quæ vera debet esse, ac necessaria, & ex vtraque potest fieri syllogismus, & ideo propositio syllogistica vtriq. communis est.

Definit deinde terminum tali definitione. *Terminus voco, in quem resoluitur propositio, vt in predicatum, & de quo predicatur.* Vt homo, & animal.

Definit tandem syllogismum hæc definitione. *Syllogismus est oratio, in qua positis quibusdam, alterum quid, & positis, necesse est contingere, eo quod hæc sint.* In qua definitione oratio ponitur pro genere, quia communis est ad omnes argumentationes, cum quibus in ea conuenit syllogismus. In qua quibusdam positis, hoc est duabus præmissis dispositis in modo, & figura, vt distinguatur ab exemplo. Quod ex vna tantū singulari colligit aliam. Ab enthymemate, quod ex vna tantum procedit quasi supprimens ali. Aamq. etiā ab inductione, quæ licet ex multis singularibus colligat vniuersale, nō tamen dispositis in modo, & figura, sed solum numeratis. Addit autem, eo quod hæc sunt, vt explicet conclusionem syllogismi sequi ex virtute præmissarum, sic dispositarū, absq. aliquo extrinseco additamento.

Diuidit syllogismum, in perfectū, & in imperfectū, perfectum esse, ait, qui nullo indiget, vt appareat necessarius, & tales sunt syllogismi primæ figuræ. Imperfectum vero, qui reductione quadam indiget ad perfectū, vt appareat necessarius.

Principia tādē per se nota, quibus innitur tota ars syllogistica, duo esse docet nempe dici de omni, cui innituntur syllogismi affirmatiui, & dici de nullo cui innituntur negatiui. Et dici de omni sic explicat, quādo nihil est sumere sub subiecto, de

CAPVT SECVNDVM.

TEXTVS ARIST.

Quoniam vero omnis propositio est, aut inesse, aut necessario inesse, aut contingenter inesse.

Breuis expositio textus.

IN T E N T V M Arist. est explicare modum, quo propositiones de inesse conuertantur. Diuiditur autem in duas partes. In prima diuidit propositionem in eam, quæ vocatur de inesse, & aliam, quæ vocatur modalis. In 2. docet, quonam modo conuertantur propositiones de inesse, nã de conuersione modalium agit cap. sequenti.

Diuisio est hæc, propositio alia est in qua simpliciter prædicatur vnum de altero, aut negatur de illo, absque modo aliquo necessario, aut contingenti adiuncto, & hæc vocatur propositio de inesse, quia prædicatum dicitur de subiecto secundum esse, & habet in eo, non secundum hunc vel illud modum, quo ei cõuenit, videlicet secundum modum necessitatis, aut contingentie. Vt homo est animal. Alia est propositio modalis; in qua prædicatum dicitur, vel negatur de subiecto cum aliquo modo necessitatis, aut contingentie adiuncto, vt homo necessario est animal, paries contingenter est albus. Accurrit igitur Aristoteles de conuersione propositionum, prius agit de conuersione propositionis de inesse capite præsentis, quam de conuersione modalis, quia propositio de inesse prior est, & quasi fundamentum modalis.

Propositio de inesse, quadruplex est, vniuersalis negatiua, vniuersalis affirmatiua, particularis affirmatiua, & negatiua, quam hoc modo diuidit, quia diuersum modum conuersionis

d 2 habent

de quo non dicatur prædicatum, sed minor propositio sumitur sub maiori quia subiectum eius continetur sub subiecto eiusdem maioris; ergo euidentius est, quod si prædicatum maioris dicitur de subiecto, dicitur etiam de omni contento sub illo, & colligitur in conclusione, vt ostendit hic syllogismus, omne animal est substantia, omnis homo est animal; ergo omnis homo est substantia, in cuius cõclusionem, prædicatum maioris, quod dicitur maior extremitas, prædicatur de subiecto minoris, quod dicitur extremitas minor, & continetur sub subiecto eiusdem minoris. Dici autem de nullo est, quod si prædicatum maioris negatur de subiecto minoris. Negabitur etiam de quodlibet contento sub eo, & hoc fit in conclusione, vt si dicamus, nullum animal est lapis, omnis homo est animal; ergo nullus homo est lapis. Euidens est enim, quod si lapis negatur de omni animali in maiori, negatur etiam de omni homine, in conclusione, quod sub eo assumptum fuit in minori. His autem duobus principiis dici de omni, & dici de nullo, non indiget syllogismus perfectus, vt appareat necessarius, sed vt quibus efficacia eius innitur, & ideo necesse est, sciamus eam probare per illa, vt certi simus de ea. Nam si quis eam probare nesciat, quod est reducere formam syllogisticam ad sua principia indemonstrabilia, non habet scientiam de efficacia eius. Et ideo hæc principia dicuntur dici de omni, & de nullo prioristice, quia in posterioribus sumuntur secundum veritatem, ac necessitatem propositionum, & dicuntur posterioristica, quib' innitur tota ars demonstratoria.

habent affirmatiuæ, & negatiuæ, in definita vero eundem modum conuersionis habet, ac particularis.

- 8 Quatuor igitur assignat regulas pro conuersione harum quatuor propositionum. Primam, pro conuersione vniuersalis negatiuæ, quam dicit cōueri in seipsam, vt nullus homo est animal, in hanc nullum animal est homo. Secundam, pro vniuersalia affirmatiua, quam dicit nō cōueri in seipsam, hoc est nō in aliam vniuersalem, sed in partē, hoc est in particularem, vt omnis homo est animal, in hanc, aliquod animal est homo. Tertiam pro particulari affirmatiua, quā dicit conueri in seipsam, vt aliquis homo est animal; ergo aliquod animal est homo. Vltimā regulā pro cōuersione particularis negatiuæ, quā dicit nullo modo conueri. Vt hæc propositio aliquod animal nō est homo, non conuertitur in hanc, aliquis homo non est animal.

Notabile circa literam.

- 9 Quidā sunt notāda circa hoc ca. vt meli' intelligatur doct. Ari. Primum, quid cōuersio sit. Et licet à pluribus sic definiatur, cōuersio propositionis est. *Transmutatio predicati in subiectū.* In sufficiens est hæc definitio, quia conuersio argumentatio quædā est ab vna propositione, in alterā per transmutationem extremorū, & bona cōuersio illa debet appellari, quæ bona consequentia est, quia in ea repugnat dari antecedens verū, & consequens falsum. Mala vero in qua dari potest. Ita ergo definienda est, cōuersio propositionis est *argumentatio, in qua per transmutationem predicati in subiectum, colligimus vnam propositionem ex altera, vt si sit dicamus, nullus homo est animal; ergo nullum animal est homo.* Transmutatio autem extremo-

rum sic debet fieri in conuersione, vt non solum nō variantur termini. Sed nec significatio eorum, nec suppositio, nec distributio.

Secundum notabile.

10 Secundo notandum est, duplicem esse conuersionem, vna est quæ fit per simplicem transmutationem extremorum, alia quæ fit per contrapositionem eorum, & prima satis per se est manifesta. Secunda vero fit per transmutationē quidem extremorū, sed additis eis duabus negationibus infinitantibus, & huius conuersionis non est vsus, nisi in propositionibus affirmatiuis, quia negationes nō possunt addi suppra alias negationes sine magna cōfusione. Vniuersalis igitur affirmatiua conueri potest in se ipsam per cōtrapositionem, hoc modo. Omnis homo est animal; ergo omne non animal est non homo, & particularis etiam affirmatiua. Vt aliquis homo est animal; ergo aliquod non animal est non homo. Huius autē cōuersionis non fecit mentionem Arist. quia non est propriè conuersio, nam cū extremis addātur negationes, non videntur eadem manere, sed variari quod tamen ad veram conuersionem necessarium esse diximus, vnde non tam est conuersio secundū formā propositionis, quam secundum sensum. Præterea, quia ad cōstitutionem syllogismorum inutilis etiā est propter negationes, quibus obscura redditur forma syllogistica. Alij addunt hanc cōuersionem solum posse fieri in terminis existētibus, quia si non existēt dabitur antecedens verum, & consequens falsum, vtpatet in hac omnis homo est ens; ergo omne nō ens est non homo, in qua antecedens est verū, & cōsequens falsum, cum si propositio affirmatiua de subiecto nō supponēt mihi

mihī tamen videtur etiam in terminis non existentibus fieri posse, nequāquam dari antecedens verum, & consequens falsum, quare nec datur in eodem exemplo. Sed negandū est, quod consequens sit propositio affirmatiua de subiecto non supponente, nam terminus infinitus etiam de non entibus, & de quibuscunq. non existentibus dicitur, vt in 1. lib. de interpretatione probauimus, quare non efficit propositiones de subiecto non supponenti, sed similes essentialibus, in quibus copula absoluitur a tempore, & ideo non est necessaria existentia extremorū ad suppositionē.

Tertium notabile.

Circa conuersionem particularis negatiuæ notandum est, ideo non conuerti, quia dari potest aliquando in conuersione eius antecedens verum, & consequens falsum, quod sufficit, vt conuersio non sit legitima: cum de ratione conuersionis sit argumentatio, & hæc euidenter probetur vitiosa, ex eo tantum, quod semel dari possit antecedens verum, & consequens falsum in simili forma arguendi. Ratio autem fundamentalis, propter quam in tali conuersione datur antecedens verum, & consequens falsum est, quia fit argumentum a termino non distributo in antecedenti ad eundem distributum in consequenti, vt sit manifestum si dicamus, aliquid animal non est homo; ergo aliquis homo non est animal. Animal enim non distribuitur in antecedenti: cum sit subiectum propositionis particularis, & distribuitur in consequenti: cum sit prædicatum propositionis negatiuæ. Et ideo non est bona consequentia a conuersa ad conuertentem, nec proinde legitima conuersio, & hoc vult dicere Aristote-

les, dum particularem negatiuam non conuerti docet, quia mala conuersio, non est conuersio, sicut mala consequentia, non est consequentia.

CAPVT TERTIVM,

TEXTVS ARIST.

Eodem autem modo se habebit, & in necessariis propositionibus, &c.

Breuis expositio text.

IN T E N T V M Arist. in hoc capite est tradere regulas conuertendi propositiones modales, diuiditur autem cap. in duas partes. In prima, tradit regulas conuertendi propositiones de necessesse. In secunda vero regulas conuertendi propositiones de modo contingenti.

Pro conuersione igitur propositionum de necessesse easdem regulas tradit, quas capite præcedenti tradiderat pro conuersione propositionum de inesse. Prima regula est, quod vniuersalis negatiua de necessesse conuertitur simpliciter. Quam probat arg. ducente ad impossibile in terminis non significantibus. Sed vt melius intelligatur, illud constituemus in terminis significantibus hoc modo Si vniuersalis negatiua non conuertitur simpliciter; ergo hæc non est bona consequentia, necesse est nullum hominem esse equum; ergo necesse est nullum equum esse hominē; poteri: ergo dari antecedens verum, & consequens falsum. Sit igitur verū illud antecedens, necesse est nullum hominem esse equum, & hoc consequens falsum, necesse est nullum equum esse hominem, & si hoc consequens falsum est, verum erit,

d ; con-

contingit aliquem equum esse hominem; ex quo bene sequitur; ergo contingit aliquem hominem esse equum, per conversionem simplicem, sed hæc est contradictoria primi antecedentis malæ conuersionis, & concessum est verum, nempe necesse est nullum hominem esse equum; ergo concedendum est vniuersalem negatiuam de necesse conuerti simpliciter, vel dari duas contradictorias simul veras.

13 Secunda regula est, vniuersalem affirmatiuam de necesse conuerti in partem, & particularem affirmatiuam conuerti simpliciter. Quam probat simili alio argumento ducente ad impossibile, quod non est necessarium repeteri. Tertia regula, particularis negatiua de necesse non conuertitur. Hanc probat, quia sicut hæc est mala consequentia, aliquod animal non est homo; ergo aliquis homo non est animal in conuersione particularis negatiuæ de inesse, quia datur antecedens verum, & consequens falsum. Ita in particulari negatiua de necesse, aliquod animal non esse hominem est necesse; ergo aliquem hominem esse animal non est necesse.

In secunda parte capituli agit de conuersione propositionum de contingenti, quod duobus modis sumi posse ait. Primo, prout est idem, quod possibile, & hoc modo etiam conuenit rebus necessariis, quia si necesse est hominem esse animal; ergo etiam est possibile, & consequenter contingens sumpto contingenti pro possibili. Sed hanc acceptionem contingentis impropriad esse docet. Ideo secundo modo sumitur propriè pro eo, quod potest esse, & potest non esse.

Hoc supposito, prima regula est, & omnes propositiones de contingenti. Primo modo, eadem prorsus ratione conuertantur, ac propositiones de in-

esse, & de modo necesse, quam nec oportet probare, nec exemplis ostendere; cum sit satis manifesta.

Secunda regula omnes propositiones affirmatiuæ de contingenti, secundo modo accepto conuertuntur etiam eisdem modis, nempe vniuersalis affirmatiua in partem, ut contingit omnem hominem esse album; ergo contingit aliquod album esse hominem, & particularis affirmatiua simpliciter, ut contingit aliquem hominem esse album; ergo contingit aliquod album esse hominem. Quæ etiam regula non probatur ab Arist. quia manifesta est.

Tertia, vniuersalis negatiua non conuertitur, particularis vero negatiua conuertitur simpliciter, & in hoc differunt propositiones de contingenti ab omnibus aliis. Hanc regulam non probat alia ratione, nisi quia negatiuæ de modo contingenti propriè sumptæ affirmatiuam habent figuram quid autem hoc sit statim explicabitur.

Dubium primum circa conuersionem propositionum de necesse.

An vera sit secunda regula conuersionis vniuersales affirmatiuæ, & particularis affirmatiuæ de necesse.

14 PRIMO agendum est de conuersione propositionum de necesse, ut ordinem Arist. sequamur. Deinde de conuersione propositionum de contingenti, & tandem dicimus quid sentiendum sit de propositionibus de possibili, & impossibili. Est ergo primum dubium, quia secundum hanc regulam, propositio vniuersalis affirmatiua de necesse conuertitur in partem, & particularis affirmatiua sim-

simpliciter, sed probatur vtrumque falsum, quia in vtraque conuersione datur antecedens verum, & consequens falsum; ergo vtraq. est mala conuersio. Probatur antecedens in his, necesse est omne grammaticum esse hominem; ergo necesse est aliquem hominem esse grammaticum, & rursus necesse est aliquod grāmaticum esse hominem; ergo necesse est aliquem hominem esse grammaticum. Aliqui respondent, has propositiones modales duobus modi sumi posse. Primo in sensu composito, ita vt significatio modi cadat supra totum illud concretum, vt compositum ex homine, & grāmatica, & sensus sit, necesse est omne, quod necessarium est grammaticum esse hominem, & tunc antecedens est falsum sicut, & consequens, quare non probatur malam esse conuersionem. Si vero sumantur in sensu diuiso. Ita vt modus non componat grammaticam cū homine, sed naturæ suæ relinquat. Ita vt sensus sit omne grāmaticum, non posse non esse hominem, non possunt conuerti iuxta tradditas regulas, quas solum in sensu composito intellexit Arist. Hæc solutio non placuit Vallalpandeo in Commentariis huius capituli, qui verè diminuta est, nam cum in vtroq. sensu possit sumi modus, & melius, atq. frequentius sumatur in sensu diuiso, vt per se est manifestū, satis diminutus esset Aristoteles, si regulas conuersionis non assignaret iuxta communem, & magis proprium sensum propositionū. Propterea respondet ipsæ veram esse eandem regulam etiam in exemplo arg. si seruetur idem sensus vtriusq. propositionis. Quod in conuersione vniuersalis negatiuæ probat, videlicet, necesse est nullum grāmaticū esse hominem; ergo necesse est nullū

hominem esse grammaticum, nam vtraq. in eodē sensu accepta est falsa.

Sed hæc solutio minus satisfacit, quam prima, nam regula non habet difficultatem in conuersione vniuersalis negatiuæ, sed in solis affirmatiuis, quæ etiam si in eodem sensu accipiantur, necesse est dari aliquando in earum conuersione antecedens verum, & consequens falsum. Vt exemplum arg. probat euidenter.

Ideo respondemus propositiones de modo *Necesse* vniuersaliter loquēdo accipiendas esse supposita existentia extremorum, vt in eis vera esse possit regula cōuersionis tradita ab Arist. Vt in exemplo argumenti supposito, quod homines, & grāmatica sint in rerum natura, & tunc verum est antecedens necesse est omne grammaticum esse hominē, quia sensus est, existente homine, & grāmatica necesse est, omnem grāmaticam esse in homine. Et etiam verum est consequens, necesse est aliquem hominem esse grāmaticum, quia sensus est, homine, & grāmatica existentibus in rerum natura, necesse est aliquem hominem esse grāmaticum, quamuis non supposita existentia extremorum, sed absolute accepta sine tali suppositione falsa esset propositio.

Dubium secundum.

An benè probauerit Arist. regulas conuersionis propositionum de necesse.

Videtur non benè id probasse propter hoc arg. quia non benè probatur res aliqua per medium minus notum, quam ipsa sit, sed Arist. probauit regulas conuertendi propositiones de necesse per conuersionem

d 4 par.

Lib. I. De Priori resolutione. Cap. 3.

particularis de contingenti, de qua nihil adhuc dixerat, ergo minus bene id probauit. Minor patet ex littera Aristotelis. Respondetur, quod si bene intelligatur ratio Arist. non videtur conuersione propositionis de modo contingenti, sed propositionis de inesse, ex qua postea colligit propositionem particularem de contingenti, hoc modo. Si non conuertitur simpliciter vniuersalis negatiua de necesse; ergo potest dari antecedens verum, & consequens falsum, sit ergo verum hoc antecedens, necesse est nullum hominem esse equum, & hoc consequens falsum, necesse est nullum equum esse hominem. Et si hoc consequens falsum est, bene sequitur ex eo veram esse hanc propositionem, contingit aliquem equum esse hominem, quæ est eius contradictoria. Et quia contingens sumpto pro possibili significat id, quod potest esse, ex propositione particulari de contingenti hoc modo sumpto infert Aristoteles propositionem particularem de inesse per illam regulam, possibile posito inesse nullum sequitur in conueniens, hoc modo. Contingit aliquem equum esse hominem, ponatur ergo in esse, quod aliquis equus sit homo; & tunc propositio hæc de inesse, aliquis equus est homo conuertitur simpliciter in hanc, ergo aliquis homo est equus, per regulas conuertendi propositiones de inesse iam traditas cap. præcedenti, ex qua colligit hanc modalem de contingenti pro possibili, contingit aliquem hominem esse equum, quia ex propositione de inesse euidenter colligitur propositio de possibili, sicut ex actu colligitur bene potentia. Et hæc ultima est contradictoria illius antecedentis malæ conuersionis, quod verum concedebatur, videlicet necesse est

nullum hominem esse equum; & ideo colligit duas contradictorias simul veras, sine vlla conuersione propositionis de contingenti, per solam conuersionem propositionis de inesse, & per regulam contradictoriæ oppositionis traditam lib. 2. de interpretatione, quod si vna est falsa, altera debet esse vera, & quod propositiones de necesse habent oppositionem cum propositionibus de contingenti, etiam sumpto pro possibili, modo, quo explicatur.

Circa conuersionem propositionum de modo contingenti.

Primum notabile.

DVobis modis docuit Arist. sumi contingens. Primo improprie pro possibili, & ita sumptum eisdem modis conuerti propositiones eius, ac conuertuntur propositiones de necesse, & eisdem argumentis probanda, sunt, atque etiam, ut regulæ veræ esse possint intelligi debent propositiones supposita existentia extremorum, ut dictum est in eisdem propositionibus de necesse. Et tandem in conuersione omnium modalium intelligendum est solum agere Aristot. de propositionibus de modo affirmato: sed variatis ex parte dicti secundum quantitatem, & qualitatem. Hoc est de vniuersalibus, & particularibus, affirmatiuis, & negatiuis.

Secundum notabile.

Circa propositiones vero de contingenti, secundo modo sumpto, notandum est, omnes propositiones eius efficere sensum copulatiuum, ut hæc propositio contingit hominem esse album efficit hunc sensum, possibile est hominem esse album, & hominem non esse album, sicq. de reliquis

quis, cuius ratio euidens est significatio ipsius modi, quæ est rem posse esse, & posse non esse, & propterea contingens hoc modo sumptum vocatur ad vtrumlibet, quasi vtramque partem possibile significet, vnde sequitur ex affirmatiua inferri negatiuam, & ex negatiua affirmatiuam. Bene enim sequitur, contingit hominem esse album; ergo contingit hominem non esse album; atque etiam, contingit hominem non esse album; ergo contingit hominem esse album. Et ideo propositionibus de modo contingenti opponuntur propositiones de modo necesse, & de modo impossibile, quia ex duobus potest prouenire, quod aliquid non sit contingens, nempe ex eo, quod sit necessarium, & ex eo quod sit impossibile: vnde vtraque hæc est falsa, contingit hominem esse animal, atque etiam contingit hominem esse equum. Prima, quia necessaria. Secunda, quia impossibilis. Et ex hoc procedit, tam diuersum modum conuersionis habere propositiones de contingenti, ab aliis omnibus aliorum modorum. Nam cum vniuersalis negatiua aliorum modorum conuertatur simpliciter, de modo tamen contingenti non conuertitur simpliciter. Et cum particularis negatiua aliorum modorum non conuertatur, si sit de modo contingenti, conuertitur simpliciter, & hæc est sententia Aristotelis.

Tertium notabile.

17 Sed vt eam intelligamus, notandum est, secundo, quod vt aliqua propositio conuertatur, necesse est, secundum omnia, quæ includit conuerti, nam si secundum aliquid non conuertatur, non fiet conuersio secundum integrum sensum eius, nec dicetur ipsa conuerti, sed aliquid eius,

quare talis conuersio fiet secundum vocem tantum, & non secundum sensum, & veritatem, & ideo non erit vera, sed apparens tantum. Ex quo præsupposito certissimo non erit difficile intelligere verum esse vtrumque assertum ab Aristotele. Primum quidem, quod vniuersalis negatiua de contingenti non conuertatur simpliciter. Exempli gratia, contingit nullum hominem esse album, non conuertitur in hanc, contingit nullum album esse hominem, quia includit has duas propositiones, de possibili, nullum hominem esse album, est possibile, & possibile est omnem hominem esse album, sed hæc secunda non conuertitur simpliciter, vt per se est manifestum; ergo nec vniuersalis negatiua eam includens poterit simpliciter conuerti.

Quod vero secunda regula de conuersione particularis negatiue vera sit, hoc modo probatur. Propositio particularis negatiua propter significationem modi infert affirmatiua, vt probauimus; ergo hæc est bona consequentia, contingit aliquem hominem non esse album; ergo contingit aliquem hominem esse album, ex qua sequitur per conuersionem simplicem iam traditam; ergo contingit aliquod album esse hominem, & ex hac sequitur etiam propter significationem modi, negatiua, nempe, contingit aliquod album non esse hominem, quæ est conuertens negatiue particularis in principio sumptæ; ergo euidenter probatur, conuertendam esse simpliciter. Sed vt hæc regula vera sit, propositiones debent sumi supposita existentia extremorum, vt in propositionibus de possibili, & necesse diximus, alioqui dabitur antecedens verum, & consequens falsum, vt in

d s hoc

Lib. I. De Priori resolutione. Cap. 3.

hoc exemplo, contingit hominem non esse ridentem; ergo contingit ridentem non esse hominem, atque etiam, contingit hominem non esse grāmaticum; ergo contingit grāmaticum non esse hominem, supposita autem existentia exterorum, nempe, risi, & hominis, aut Grāmaticæ, & hominis, sicut consequens est falsum, ita & antecedens, nam homine, & Grāmatica existētibz non est contingens, quod Grāmaticū sit homo, sed necessarium ex suppositione, nam si Grāmatica est in rerū natura, non potest non esse in homine, ergo necesse est in homine esse, quare falsum erit, quod contingat Grāmaticum esse hominem.

- 18 Sed aduersus hanc conuersionem particularis negatiuæ est argumentum satis difficile, nam ideo dictum est ab Aristotele, particularem negatiuam de inesse non conuerti simpliciter, quia datur antecedens verum, & consequens falsum, & hoc ideo, quia sit argumentum à termino non distributo, ad terminū distributum ex parte, subiecti propositionis conuertendæ, ut patet in hac, aliquod animal non est homo: ergo aliquis homo non est animal. Animal enim non est distributum in antecedenti, & tamen distribuitur in consequenti ratione negationis supra illud cadentis, sed idem defectus contingit in cōuersione particularis negatiuæ de contingēti; ergo falsum erit, quod conuertatur, & hæc regula erit contraria illi, quæ negat particularem negatiuam de inesse conuerti. Probat minor, quia dum sic procedimus, contingit aliquem hominem nō esse album, ergo contingit aliquod album non esse hominem, homo qui est subiectum in antecedēti, non distribuitur, sed afficitur signo parti-

culari, & tamen distribuitur in consequenti ratione negationis cadentis supra illū; ergo ex parte eius erit talis conuersio argumentum à termino non distributo, ad terminum distributum, sicut conuersio particularis negatiuæ de inesse, & cōsequenter vitiosa, & nulla sicut illa.

Respondetur distinguendo minorem, quod in conuersione negatiuæ de contingenti fiat argumentum à non distributo ad distributum, quia diuerso modo fit, atq. in propositione de inesse, nam in hac fit ex parte totius, atq. integri extremi, sed in modali de contingenti tantum ex parte extremi partialis, cum tamen ex alia parte inaneat extremum sine distributione, nam extremum propositionis modalis est dictum, & cum propositio de modo contingente negatiua contineat etiam affirmatiuā, duas habet partes dictum eius, vnam negatam, & alteram affirmatam. Et ideo vnam distributam, & alteram sine distributione. Gratia exempli, dum sic procedimus in eodem exemplo arg. contingit aliquem hominem nō esse albū, ergo contingit aliquod albū nō esse hominē, hoc cōsequens negatiuum continet etiam affirmatiuum, nempe contingit aliquod album esse hominem, in quo patet hominem non distribui, licet distribuatur in alia parte eiusdem dicti negatiuæ, ex affirmatiua autem sequitur iterum alia pars negatiua, nempe, contingit aliquod album non esse hominem, quæ est conuertens eiusdē particularis negatiuæ, vnde sequitur non impedire conuersionem, nec vitiosam eam reddere argumentationem, à non distributo ad distributū ex parte extremi partialis manentis sine distributione in alia parte affirmatiuæ eiusdem.

Sed

Sed aduersus hanc solutionem est argumentum adhuc difficilius, quia ex hoc sequitur vniuersalem negatiuam eiusdem modi contingentis conuerti simpliciter, contra aliam regulam negantem conuersionem eius. Probatur id sequi, quia ex eo tantum non potest conuerti vniuersalis negatiua simpliciter, quia includit vniuersalem affirmatiuam non conuertibilem simpliciter, sed vniuersalis affirmatiua ex eo solum non potest conuerti simpliciter, quia talis conuersio erit argumentū à non distributo ad distributum ex parte prædicti eius, quod cum non sit in ea distributum, distribuitur in conuertente, ut patet dum sic procedimus, contingit omnem hominem esse album; ergo contingit omne album esse hominem. Constat vero vniuersalem affirmatiuam solum esse partem dicti vniuersalis negatiuæ eam includentis, & ideo solum esse extremum partiale eius: ergo si non reddit vitiosam conuersionem, quod in ea fiat argumentum à nō distributo ad distributum ex parte extremi partialis, ut dictum est in conuersione particularis negatiuæ; ergo nec efficitur vitiosa conuersio vniuersalis negatiuæ. Respondetur esse diuersam rationem in vniuersali negatiua includente vniuersalem affirmatiuam, ac in particulari negatiua, nam in conuersione huius duo sunt, primum, quod idem terminus qui non est distributus in subiecto antecedentis, non distribuitur in vtraque parte consequentis, sed in altera tantum, in alia vero sine distributione manet; cū sit particularis affirmatiua. Secundum est, quod eadē pars affirmatiua conuertitur simpliciter, & per talem conuersionem colligitur euidenter ex ea particularis negatiua, quæ est

conuertens particularis negatiuæ, in principio assumptæ ad conuersionē, & ideo de primo ad vltimum sequitur euidenter particularem negatiuam conuerti. In vniuersali vero affirmatiua inclusa in negatiua vniuersali, neutrum horum reperitur, non primum, quia sic fit argumentum à non distributo ad distributum, dum eam conuertimus, ut terminus qui non distribuitur in antecedenti: semper in consequenti distribuitur. Hoc est tam in conuertente affirmatiua, ut patet, cum sit vniuersalis, quam in negatiua vniuersali, quam includit, cuius omnes terminos patet esse distributos. Ideo omni ex parte est argumentatio à non distributo ad distributum, & plus infertur in consequenti, quam contineatur in antecedenti. Sed nec reperitur secundum, quia vniuersalis affirmatiua in quam conuertitur, nec includit propositionem conuertibilem, ex qua possit deduci conuertens vniuersalis negatiuæ, sed solum vniuersalem negatiuam non conuertibilem, vel de qua disputatio est, an conuertatur, quare non possumus uti conuersione eius in eadem argumentatione, sicut possumus uti conuersione particularis affirmatiuæ inclusæ in alia particulari negatiua, & ideo nūquā possumus colligere ex conuersione vniuersalis affirmatiuæ, quam includit, vniuersalem negatiuam, quæ sit conuertens alterius vniuersalis negatiuæ, de cuius conuersione agitur. Ex his igitur duabus differentiis tanquam à signo euidenti colligimus propositionem particularem negatiuam continere virtualiter suam conuertentem, cum per euidentes consequētiās ex ea deducatur, & ideo conuerti posse, ut docuit Arist. Vniuersalem vero negatiuam non continere suam conuertentem

tem villo modo; cum ex ea non possit deduci, sed solum affirmatiuam vniuersalem, quæ impedimento est ei, ne possit simpliciter conuerti.

Et si tandem dicatur hinc sequi, quod vniuersalis negatiua, saltē possit conuerti in partem, cum vniuersalis affirmatiua, quam includit, & propter quam solam non potest conuerti. In partem conuertatur, quod tamen videtur esse contra regulam Arist. negantem villo modo conuerti. Respondeo necessario concedendum esse, quod vniuersalis negatiua conuertatur in partem, quia id cōvincit argumentum, sed hoc numquam Aristoteles negauit, quia nullum est fundamētum, propter quod negari possit, sed solum negauit conuerti: vt petit propria natura, hoc est conuersio ne simplici, sicut conuertitur in aliis modis, atq. in propositionibus de in esse. Et hæc de conuersione propositionum de modo contingenti,

Notabile vnicum.

Circa conuersionem propositionum de possibili, & impossibili.

21 **V**Ltimo notandum est circa conuersionem propositionū de possibili, & impossibili, non esse locutum Aristotelem expressē, & in particulari de illis, quia eisdem modis conuertuntur secundum sensum, & æquipollentiam, ac propositiones de necesse, licet aliquando diuersæ appareant ab eis, præsertim propositiones de impossibili. Et de propositionibus de possibili res est manifesta, cū sint de contingenti improprie sumpto, de quibus eodem modo conuerti, ac propositiones de necesse vidimus. Sed de propositionibus de impossibili intelligetur facili, si considere-

mus propositiones de impossibili affirmato equipollere propositionibus de necesse habentibus oppositum dictum, vt hæc, impossibile est aliquē hominem esse equū æquipollet huic necesse est nullū hominē esse equū, quare sicut illa conuertenda est, & sic de cæteris de impossibili affirmato modo, nam de his solis loquitur Arist. in his conuersionibus, vt diximus. Solum est repetendum in hac parte, quod intelligitur semper supposita existentia extremorum.

CAPVT QVARTVM.

TEXTVS ARIST.

Determinatis vero his. Dicamus iam per quæ, & quādo, & quomodo fiat omnis syllogismus, &c.

Breuis expositio textus.

IN T E N T V M Arist. cap. præ-
senti est explicare naturam, & rationem primæ figuræ. Diuiditur autem in duas partes. In prima, explicat modos vniuersales, quibus syllogismi fieri possunt, ex quibus alios omnes inuitiles: qui videntur eis similes, reiecit. In secundo explicat duos alios modos particulares vtiles, & ex eis tamquam inuitiles omnes alios, qui in simili dispositione fieri possunt etiam reiecit.

Modos vniuersales explicat his verbis. *Quando tres termini sic habent, vt postremus sit in toto medio, & medius in toto primo. sit, vel non sit, extremorum fieri syllogismum necesse est, &c.* Per mediū terminū intelligit eum, qui bis sumitur in præmissis. Per postremum terminum maiorem extremitatem, & per primum maiorem extremitatem,

tem, sensus igitur verborum eius talis est. Quando tres termini, ita sunt dispositi, vt medium subiiciatur vni uersaliter maiori extremitati. In 1. propositione, in 2. vero minor extremitas subiiciatur vniuersaliter medio, affirmatiue quidem fit syllogismus in primo modo, qui vocatur, *barbara*, quia constat tribus propositionibus affirmatiuis, & est talis. Omne animal est substantia: omnis homo est animal; ergo omnis homo est substantia. Negatiue vero in secundo modo, qui vocatur, *celarent*, quia constat minori affirmatiua, & maiori, & conclusionem negatiuis, & ita constituitur. Nullum animal est lapis, omnis homo est animal; ergo nullus homo est lapis? quomodo cūq. autē aliter disponantur medium, & extremitates in propositionibus vniuersalibus, modos inutiles, ac vitiosos efficiunt, in quibus tam propositiones vniuersales affirmatiue, quam negatiue, indifferenter sequuntur, vel, vt alij dicunt dātur termini, in quibus omni, & etiam termini in quibus nulli, & probatur vitiosas esse cōsequentias, vel dari duas contradictorias simul veras. Itaque ex dispositione vniuersali terminorū solū duo prædicti modi vtilēs resultant, in quibus perfecti efficiūtur, syllogismi. Quod probatur euidenter, quia in primo dicitur de omni, hoc est, prædicatum maioris, quod vniuersaliter dicitur de subiecto in maiori, dicitur necessario de aliquo cōtento, & sumptō sub eo in conclusione. In 2. vero dicitur de nullo, nam prædicatū maioris negatur vniuersaliter de subiecto eiusdē, & ideo negatur etiam necessario de subiecto minoris in conclusione.

In 2. par. cap. explicat duos alios modos vtilēs eiusdem figuræ, quos vocat particulares, quia altera præ-

missarum particularis est, & vniuersalis altera. Si ergo inquit vtraque præmissa sit particularis, inutiles hūc omnes modi, si vero particularis vna, & vniuersalis altera, vel maior est vniuersalis, in qua maior extremitas dicitur vniuersaliter de medio, & minor particularis, in qua mediū dicitur de minori extremitate modo particulari, fit tertius modus perfecti syllogismi, qui dicitur, *dari*, quia constat maiori vniuersali affirmatiua, & minori, & conclusione particularibus etiam affirmatiuis. Et talis est, omne animal rationale est risibile, aliquis homo est animal rationale; ergo aliquis homo est risibilis. Si vero maior sit vniuersalis negatiua, in qua maior extremitas negetur vniuersaliter de medio, & minor particularis affirmatiua, in qua medium dicatur de minori extremitate modo particulari sit modus vtilis quartus primæ figuræ, qui vocatur, *ferio*, & est talis. Nullum animal est lapis, aliquis homo est animal; ergo aliquis homo non est lapis. Quod vero duo isti syllogismi perfecti sint, euident est ex duobus aliis prioribus, à quibus solū differunt ex parte minoris, qui in illis est vniuersalis, & in his particularis, & consequenter cōclusiones eorū sunt particulares; cū ergo particulares propositiones eorum contineantur sub vniuersalibus aliorum, si illi euidentes sunt, & in eis dicitur de omni, & de nullo, idē prorsus habebant isti. Cæteri vero modi, quibus disponi possunt præmissa vniuersalis, & particularis, inutiles sunt, & in quibus dantur termini in quibus omni, & in quibus nulli, Hæc

Arist.

Quid

Lib. I. De Priori resolutione. Cap. 4.

*Quid sit figura, & quadruplex,
& quid modus expli-
catur.*

24 **F**igura syllogismorum nihil aliud est, quam debita dispositio trium terminorum, hoc est medij, & extremitatum secundum debitum modum prædicationis, & subiectionis. Dicitur autem per metaphoram ex similitudine figuræ geometricæ, nam sicut hæc resultat ex lineis terminatis per puncta ita dispositis, eodem modo figura syllogistica ex propositionibus, quæ sunt quasi lineæ terminatæ extremis punctis, hoc est subiecto, & prædicato, quæ vocantur termini propositionum; quia sunt extrema eius.

Figura triplex est, quia tribus tantum modis disponi possunt medij, & extremitates. Nam vel medium in 1. est subiectum, & in 2. prædicatum, & vocatur prima figura, propter tria 1. quia medium in hac dispositione non solum rationem habet medij, quia per eum coniunguntur extremitates, sed proprium situm medio debitum, cum sit inter extremitates collocatum, ita ut sit subiectum vnius, & prædicatum alterius. Secundum, quia in hac figura omne genus propositionis colligitur, nempe vniuersalis affirmatiua, vniuersalis negatiua, particularis affirmatiua, & particularis negatiua. Tertiū, quia ex hac figura derivantur alia, nam vel medium est prædicatum vtriusque præmissæ, & est secunda figura, vel est subiectum vtriusque, & est tertia. Cuius ratio satis congruens est, quia prædicatum est nobilius subiecto, & ideo nobiliorem rationem, & locum habet medium, & nobilior ex consequenti est dispositio ipsa, in qua semper est prædicatum, ea in qua semper est subiectum, & propterea

dispositio illa secundam, hæc vero tertiam merito constituit.

Modus est debita dispositio præmissarum, secundum debitam qualitatem, & quantitatem, hoc est secundum rationem vniuersalis, & particularis, in qua consistit quantitas propositionis; & secundum affirmationem, & negationem, in quibus consistit qualitas.

Modi primæ figuræ quatuor tantum enumerati sunt, nempe duo vniuersales, & duo particulares. Quia his tantum quatuor modis debito modo disponi possunt præmissæ, ut ex eis euidenter inferatur conclusio, cæteri vero omnes modi inutiles sunt, ut dictum est.

Dubium vnicum.

An præter tres figuras enumeratas ab Aristot. addenda sit quarta.

Prima opinio tenet addendam esse quartam, quam tribuunt Gal. medicorum principi. Et probatur hoc arg. figura est debita dispositio medij, & extremitatum secundum debitam subiectionem, & prædicationem, sed præter tres modos, quibus disponuntur ab Arist. possunt quarto alio modo ab eis diuerso disponi; ergo ex tali dispositione efficietur diuersa figura, quæ sit quarta. Probat minor, quia dispositio primæ figuræ est, in qua medium est subiectum maioris, & prædicatum minoris, dispositio secundæ in qua medium est prædicatum vtriusque præmissæ, & dispositio tertiæ in qua medium est vtriusque subiectum, sed possunt etiam quarto disponi, ita ut mediū sit prædicatum maioris, & subiectum minoris, ita ut ex tali dispositione non mi-

nus

nus euidenter sequatur conclusio, quam ex tribus prioribus; ergo resultabit ex tali dispositione quarta figura distincta à tribus. Minor probatur hoc exemplo, omne risibile est homo, omnis homo est animal rationale; ergo omne animal rationale est risibile.

26 Communis tamen consensus totius scholæ tres tantum figuras ponit cum Arist. Et ita nobis sentientium est, & probatur hac ratione, quia figura propriè loquendo est quasi forma syllogismi, in qua formaliter disponuntur propositiones, hoc est secundum modum naturalem, ac debitum formæ earum: quæ in eo consistit, ut id quod se habet, ut forma, sit prædicatum, & quod se habet, ut materia, sit subiectum, sed tribus tantum modis ita possunt propositiones disponi; ergo tres tantum erunt figuræ enumeratæ ab Arist. minorem sic probabo. Non possunt disponi quarto illo modo; nisi in maiori prædicetur, id quod verè se habet ut materia, & subiiciatur, quod se habet ut forma, quæ dispositio præternaturā, & formam propositionis est, ut idè exemplum assignatum probat; ergo ex illa dispositione non potest propria aliqua figura resultare, quare raro, vel nunquam in disputationibus tali dispositione syllogismorum utimur. Talis ergo dispositio, si aliquid figuræ habere potest, imperfectum quidem est, & dispositioni primæ figuræ quodammodo simile, ad quam reduci debet. Ad argum. vero distinguenda est minor, quia disponi possunt, sed non modo debito ad efficiendam figuram, ut probatum est, & ideo talis dispositio figuram distinctam non efficit, sed propter quandam similitudinem reducitur ad primam. Et si aliquis obiciat ex opposito,

primam sufficere, cum per eam inferatur omne genus propositionis, & ideo secundam, & tertiam non fuisse addendas. Respondeo necessarias esse secundam, & tertiam; quia licet in prima colligi possit omne genus propositionis, non semper ea uti possumus in disputationibus, quia non semper tam evidens consequentia constitui potest, ut omnibus evidens appareat, sed necesse est, aliis minus evidenter sapè uti, ut per eas ad euidentiores primæ figuræ perueniamus. Necessariæ præterea sunt, ut copiam syllogismorum habeamus ad instituendas disputationes, quam per solam primam figuram non haberemus.

CAPVT QVINTVM.

TEXTVS ARIST.

Quando vero huic quidem omni, illi autem nulli inest, aut utriusque omni, aut nulli, figuram quidè talem voco secundam.

Breuis expositio text.

INTENTVM Arist. cap. præsentis est explicare naturam secundæ figuræ. Diuiditur autem in duas partes. In primâ explicat dispositionem secundæ figuræ. In secunda, modos omnes utiles syllogizandi in ea, refulatis inutilibus.

Secunda figura efficitur (inquit Arist.) quando sic disponuntur præmissæ, ut medium sit prædicatum vniuersale de extremitatibus in utraque ita ut affirmetur in vna, & negetur in alia, indifferenter quidem, quia siue maior sit negatiua, siue minor, dum modo non sit vtræque affirmatiua, aut negatiua, bona est dispositio, ut his duobus exemplis ostenditur, nullus lapis

Lib. I. De Priori resolutione. Cap. 3.

lapis est animal. Omnis homo est animal; ergo nullus homo est lapis, & rursus, Omnis homo est viuens, nullus lapis est viuens, ergo nullus lapis est homo, ideo medium in hac figura, ait Arist. esse, quod omni, vel nulli extremitati inest. Extremitates vero, quibus inest mediū, & ut utrāq. distinguat, asserit maiorem extremitatem esse eam, quæ iuxta medium posita est, esse autem iuxta medium positam dicit, quia sicut medium est prædicatum in præmissis, ita maior extremitas in conclusione. Ideo medio similis est. Minorem vero extremitatem lōgius ait distare à medio, quia cum medium semper sit prædicatum. Minor extremitas semper est subiectum. Vnde (inquit) sequitur, quod medium quasi foras ponatur respectu extremitatum, quia semper prædicatur, & nunquam subiicitur, utrāque autem extremitas in præmissis subiicitur, atque etiam primū sit positione, quia cum sit prædicatū semper, præcipuum locum in hac figura tenet. In qua nullum syllogismum perfectū fieri dicitur, quia syllogismus perfectus ille est, qui nullo indiget, ut appareat necessarius, sed omnes syllogismi huius figuræ indigent reductione ad syllogismos primæ; ergo nullus eorū perfectus est.

29 In 2. parte capitis enumerat modos viles huius figuræ, inutilesque reiecit. Inquit ergo, quando medium huic quidem omni, illi vero nulli inest, sit primus modus utilis, qui vocatur, *cesare*, hoc modo: nullus lapis est animal, omnis homo est animal; ergo nullus homo est lapis. Reducitur autem ad secundum modum primæ figuræ per solam conversionem simplicem maioris, hac ratione, nullum animal est lapis, omnis homo est animal, ergo nullus homo est lapis.

Si vero ex opposito, medium huic quidem nulli, illi vero omni inest, idest si in maiori negatur vniuersaliter de maiori extremitate, & in minori vniuersaliter affirmatur de extremitate minori, fit secundus modus, qui dicitur, *camestres*, ut ostenditur hoc exēplo, omnis homo est animal; nullus lapis est animal; ergo nullus lapis est homo. Qui reducitur ad secundum modum primæ figuræ conuersa minori simpliciter, & transmutatis præmissis. Ita ut minor conuersa fiat maior, & maior sit minor hoc modo, nullum animal est lapis. Omnis homo est animal, ergo nullus homo est lapis.

Tertium modum fieri, ait, si medium, huic quidem nulli, idest in maiori vniuersaliter negetur de maiori extremitate: & illi quidem alicui inest, idest, in minori dicatur de aliqua extremitate minori, fit tertius modus, qui dicitur, *festino*, sit autem utrumque si maior sit vniuersalis negatiua, & minor particularis affirmatiua hac ratione, nullus lapis est animal, aliquis homo est animal; ergo aliquis homo non est lapis. Reducitur autem ad quartum modum primæ figuræ per solam conversionem simplicem maioris hoc modo, nullū animal est lapis, aliquis homo est animal; ergo aliquis homo nō est lapis.

30 Quartum denique modum fieri ait, quādo medium huic quidem omni, illi vero alicui non inest, hoc est, quando maior est vniuersalis affirmans, in qua vniuersaliter prædicatur de maiori extremitate, & minor particularis negans, in qua negatur de ea sumpta in particulari, resultat modus iste, qui vocatur, *baroco*, & est talis, omnis homo est animal, aliquis lapis non est animal; ergo aliquis lapis non est homo. Modus autē iste

iste non potest reduci ad primam figuram ostensuræ, ut per se est manifestum, ideo Aristoteles illum reducit per impossibile ad primum modum, hac ratione, ut ex maiori, & contradictoria conclusionis pro minori inferatur contradictoria minoris eiusdem syllogismi simul vera cum ea, ut si ita dicamus. Syllogismus in *baroco* non est bona consequentia: ergo dari potest in ea antecedens verum & consequens falsum; sit ergo verum illud antecedens pro maiori, & minori, & conclusio falsa, cuius contradictoria erit vera, nempe omnis lapis est homo, quam sic accipio pro minori, & eum maiori eiusdem syllogismi, hunc efficio, omnis homo est animal, omnis lapis est homo, ergo omnis lapis est animal, quæ est contradictoria minoris illi⁹ syllogismi, nempe, aliquis lapis non est animal, & utraq. est vera, hæc quidē, quia erat pars antecedentis malæ consequentiæ, altera vero, quia erat contradictoria consequentis falsi eiusdem malæ consequentiæ. Vnde sequitur, vel bonū esse syllogismū quarti modi huius figuræ, vel dari duas contradictorias simul veras, Ceteri autem modi huius dispositionis inutiles sunt, & tales probari possunt, per terminos, in quibus omni, & in quibus nulli.

CAPVT SEXTVM.

TEXTVS ARIST.

Si autem eadem hoc quidem omni, illud vero nulli inest, vel ambo omni, vel nulli: figuram quidem huiusmodi voco tertiam.

Breuis expositio textus.

IN TENTVM huius capituli est explicare naturam tertiæ figuræ.

Diuiditur autem in duas partes. In prima definit, & explicat tertiam figuram, medium atque extremitates, ut in ea disposita. In secunda modos utiles, qui in ea fieri possunt enumerat inutilibus exclusis.

Tertia figura fit, quando tres termini sic disponuntur, ut medium in utraque præmissa subiectum sit, maior vero extremitas prædicatū maioris, & minor prædicatum minoris, sed necesse est, ut maior propositio semper sit vniuersalis, & conclusio semper particularis, ideo medium sic definit. *Mediam autem in hac dico, de qua ambo prædicamus.* Id est de quo prædicantur ambæ extremitates. Extremitates vero esse ait, quæ prædicantur, sed maiore lōgius esse à medio, quia semper prædicatur, tam in præmissis, quam in conclusione, medium vero semper subiicitur, ideo quasi dissimiles, & oppositas rationes habet, ac propterea hanc extremitatem longius esse dicitur à medio. Minor vero extremitas (inquit) est *quæ proprius*, hoc est, quæ magis accedit ad medium, cum saltem in conclusione sit subiectum, sicut medium in utraque præmissa. Nullum autem syllogismum perfectum fieri in hac figura docet, quia omnes indigēt reductione ad primam, ut appareant necessarii.

In secunda parte capituli enumerat modos utiles, qui in hac figura effici possunt, in inutilibus exclusis. Primus igitur modus efficitur, quando utraq. præmissa est vniuersalis affirmatiua, ut si dicamus. Omnis homo est viuens, omnis homo est animal: ergo aliquod animal est viuens. Et vocatur modus iste *daraptu*. Reducitur autem ad tertium modum primæ figuræ per solam conuersionem minoris in partem hoc modo, omni

Lib. I. De Priori resolutione. Cap. 6.

nis homo est viuens, aliquod animal est homo; ergo aliquod animal est viuens.

Secundus modus fit, quando maior est vniuersalis negatiua, & minor vniuersalis affirmatiua, & vocatur *selapton*, atque est talis. Nullum animal est lapis, omne animal est viuens; ergo aliquod viuens non est lapis. Reducitur autem ad quartum modum primæ figuræ per solam conuersionem minoris in partem hoc modo. Nullum animal est lapis, aliquod animal est viuens; ergo aliquod viuens non est lapis.

Tertius modus fit, quando maior propositio est particularis affirmatiua, & minor vniuersalis negatiua, & dicitur, *dissimile*. Vt si dicamus, aliquod animal est corpus, omne animal est viuens; ergo aliquod viuens est corpus. Reducitur autem ad tertium modum primæ figuræ per conuersionem maioris, & transmutationem præmissarum. Ita vt maior conuersa fiat minor, & ex minori fiat maior, & per conuersionem simplicem conclusionis, hoc modo. Omne animal est viuens, aliquod corpus est animal; ergo aliquod corpus est viuens.

Quartus modus fit, quando maior est vniuersalis affirmatiua, & minor particularis etiam affirmatiua, vt si dicamus. Omne animal est viuens, aliquod animal est corpus; ergo aliquod corpus est viuens, & vocatur, *dausi*. Reducitur autem ad tertium modum primæ figuræ per solam conuersionem simplicem minoris, hoc modo. Omne animal est viuens, aliquod corpus est animal; ergo aliquod corpus est viuens.

Quintus modus fit, quando maior est particularis affirmatiua, & minor vniuersalis affirmatiua, vt si dicam;

aliquod animal non est lapis, omne animal est viuens; ergo aliquod viuens non est lapis. Et vocatur, *botardo*, qui non potest reduci ad modos primæ figuræ ostēsiue sicut alij, sed solum per impossibile secundum regulas huius reductionis.

Sextus modus fit, quādo maior est vniuersalis negans, & minor particularis affirmans, vt in hoc exemplo. Nullum animal est lapis, aliquod animal est viuens; ergo aliquod viuens non est lapis, & vocatur *ferison*, qui 32
reducitur ad quartum modum primæ figuræ per solam conuersionem simplicem minoris, hoc modo. Nullum animal est lapis, aliquod viuens est animal; ergo aliquod animal non est lapis. Per has autem reductiones, ad modos primæ figuræ probatur euidenter viles, ac bonos esse omnes syllogismos secundæ, ac tertiæ figuræ. Solum autem vltimus reductio-
ne ostensua, quia brevis est, reductio-
nem vero per impossibile tanquam longiorem ad sumulas remittendam censemus, vbi iuuenes in ea frequenter exercentur, & propterea non est necessarium hac in parte eam repetere. Ex tribus figuris resultant quatuordecim tantum modi viles. His dictionibus significati, quarum quælibet significat suum modum, & quatuor primæ significant quatuor modos primæ figuræ, quatuor sequentes significant quatuor alios secundæ figuræ. Sex vero vltimæ, sex alios tertiæ figuræ dictiones vero istæ sunt. *Barbara, celarem, dari, ferio, cesare, camestres, festino, baroco, darapti, selapton, dilesamis, dausi, botardo, ferison*. Quinque enim alij imperfecti primæ figuræ non sunt consti-

tuti ab Aristotele, sed post eum ab alijs additi.

Træ

*Traditur ars inueniendi mediū
ad conficiendos syllogismos, & pro
bandum quodlibet genus
propositionum.*

DE hac arte agit Aristoteles cap. 29. huius primi libri, vbi quod ex se obscurū est, obscurius multo fecit vtens elementis, aut literis, nihil significantibus pro mediis inueniendis. Nos vero eam in terminis significantibus, nobisq. familiaribus, atque etiam verbis minime obscuris breuiter explicabimus, tamquam fundamentum præsupponentes, proprium officiū medi in syllogismo, quod nō est aliud, quam vnire, aut disiungere extremitates, vnire quidem in syllogismo affirmatiuo, seu prædicatiuo, qui componitur. ex propositionibus affirmatiuis, disiungere vero in syllogismo negatiuo, hoc est constante aliqua propositione negatiua. Et ratio huius distinctionis est manifesta, quia per syllogismū affirmatiuum probanda est propositio affirmatiua, in qua aliquod prædicatū vnitur alicui subiecto, medium autem ad vniendum coniungere debet. In syllogismo vero negatiuo probanda est propositio negatiua, in qua prædicatum negatur de subiecto, & est separari ab eo, mediū vero ad aliqua separanda tale debet esse, vt disiungat ea, nō vt vniat; vtrumq. ergo officium conuenit medio respectu diuersorum syllogismorum, & diuersarum propositionum probandarum.

Ex quibus secantur duæ regulæ vniuersales, prima, ad probandā propositionem affirmatiuam quæcunq. querendum esse medium, quo extrema eius, hoc est prædicatum, & subiectum vniantur, ad probandā vero quamlibet negatiuam, mediū potius ea disiungens.

Sed vt particulares regulas, quas Aristoteles tradit intelligam, aliud fundamentū debet præsupponi, nēpe medium comparatum ad extremitates, quas vnire, aut separare debet triplex esse, antecedens, consequens, vel extraneū. Medium antecedens illud dicitur, ex quo aliqua, vel vtraq. extremitas sequitur, vt homo respectu risibilis. Mediū consequens, quod ex vna, vel vtraq. extremitate, sequitur medium denique extraneum quod alteri, vel vtriq. extremitati repugnat vt lapis respectu animalis, atque etiam viuens.

Ex quo infertur 1. quod ad probandam propositionem quamlibet affirmatiuam querendum est medium antecedens, vel consequens, respectu vnius, aut vtriusq. extremitatis, ad probandam vero propositionem negatiuam non est querendum mediū antecedens, neque consequens, sed extraneum.

Secun. sequitur ad probandā quamlibet præpositionē oblatam considerandū esse, quontā modo se habeant prædicatum, & subiectum eius, nam si vnum conueniat alteri per mediū antecedens, vel consequens probanda est, si vero ei repugnet per mediū extraneum. Supponimus autem propositionem probandam, veram esse debere, aut probabilem, vel quod talis existimetur, nam ad probandum propositiones falsas vt tales, nec medium dari potest, neq. ars vlla illud inueniendi.

His suppositis quatuor regulas tradit Aristoteles vbi supra ad inferenda quatuor genera propositionū, sub quibus comprehenduntur omnes. Prima regula est, ad inferendam vniuersalem negatiuam tale medium querendum est, quod sit consequens respectu subiecti, & antecedens res-

c 2 pectū

Lib. I. De Pri ori resolutione. Cap. 9.

pectu prædicati, v. g. ad inferendā hanc propositionem, omnis homo est substantia assumendum erit animal, quod est consequens ad hominem, & antecedens respectu substantiæ, & fiet hoc modo in barbara, omne animal est substantia, omnis homo est animal; ergo omnis homo est substantia.

Secunda regula, ad inferendam particularem affirmatiuam assumendum est medium, quod sit antecedens respectu subiecti, & prædicati eius, quæ sunt extremitates, vt ad inferendum hanc, aliquod animal est substantia, assumi debet homo, ex quo vtrunque sequitur, & fiet hoc modo in *darapti*, omnis homo est substantia, omnis homo est animal; ergo aliquod animal est substantia.

Tertia regula, ad inferendum vniuersalem negatiuam assumendum est medium, quod sit consequens respectu subiecti, & extraneum respectu prædicati, vt ad probandā hanc, nullus homo est lapis assumendum est animal, & sic probabit in *cesare*. Nullus lapis est animal, omnis homo est animal; ergo nullus homo est lapis.

Quarta regula, ad concludendam particularem negatiuam assumendum est medium, quod sit antecedens ad subiectum, & extraneum respectu prædicati, vt ad concludendam hanc, aliquis homo non est lapis, assumendum est animal, & ita concludetur, *infeffino*, nullus lapis est animal, aliquis homo est animal; ergo aliquis homo non est lapis.

Finis huius operis.



COMMENTARI IN DVOS LIB. ARIST. STAGI- RITAE DE POSTERIORI ANALYSI, SEV resolutione: vna cum dubiis, & quæstionibus hac tempe- state agitari solitis.

PRO OEMIUM TOTIVS OPERIS.



CVM officiũ dialecticæ sit dirigere opera rationis, hoc est disponere illa, atque ordinare in diuisiones, definitiones, propositiones, & syllogismos, cæterasq. argumentationes: iuxta triplicem operationem intellectus dirigendam diuiditur hæc scientia ab omnibus. Ita vt prima pars eius censeatur illa, quæ primam operationem, nempe apprehensionem simplicium ordinat, naturam eius sic explicans, vt sciamus ea apprehendere, vt oportet ad efficiendam compositionem, quod pertinet ad secundam operationem intellectus, ita dirigendam, vt per illam sciamus ex simplicibus iam apprehensis compositionem constituere, nempe diuisionem, definitionem, & argumentationem, per debitam namque constructionem horum instrumentorum, directam, atq. ordinatam censeatur operatio. Tertiam vero dirigit logica, dum ex eisdem compositionibus argumentationem constituit. Nam in argumentatione iuxta regulas dialecticæ constituta ordinata censeatur tertia operatio intellectus, cuius officium est vnum ex alio colligere. Prima igitur pars dialecticæ sunt prædicamenta ex simplicibus ordinatis constituta. Prædicabilia vero non tam primam partem constituere censean-

tur, quam præambulum quoddam esse ad primam partem prædicamentorum.

Secunda pars dialecticæ est opus de interpretatione, in quo traduntur regulæ constituendi propositionem, seu enuntiationem. Ad tertiam vero partem pertinent libri priorum, in quibus agitur de syllogismo in communi, libri posteriorum, topicorum, & elenchorum, in quibus de syllogismis in speciali agitur, nempe demonstratio, topico, seu probabili, atq. sophistico. Et ecce totam hanc scientiam in tres partes diuisam, per quam tres operationes intellectus dirigitur, ordinantur, perficiuntur. Ad cuius postremam partem pertinet re duos isto libros, de Posteriori analysi, aut resolutione, quos nunc interpretandos suscipimus, ex eadem diuisione efficitur manifestum, qua supposita ad scopum huius operis, (quod subiectum, vel obiectum vocat) oculis subiiciendum veniamus.

Quodnam sit subiectum, vel obiectum huius operis.

PRO eodem iam accipiuntur subiectum, cuius notitiam tradit scientia demonstrando proprietates, aut passionem eius, & obiectum circa quod, quasi circa scopum versatur confide-

d 1 ratio

In lib. 1. de Poster. resolut. Proœm:

ratio eius, quærimus ergo primo, quodnam sit subiectum, vel obiectum huius posterioriſticæ partis. Præſupponendæ autem ſunt cõditiones obiecti in 6. quæſt. proœmiali à nobis tradita.

- 3 Prima opinio tenet eſſe modum ſciendi, vt comprehendit non ſolâ demonstrationem, ſed definitionem. Imo hanc principaliter, ita commentator Alexander, & Theophrastus in proœmio huius operis, quos ſecũtur nonnulli ex modernis.

Et probatur hac ratione, quia definitio eſt principale instrumentum ſcientiæ; ergo per ſe pertinet ad dialecticam docentem instrumenta omnia ſciendi facere, ſed in nulla alia parte docet Ariſt. modum efficiendi definitionem, niſi in his libris; ergo ad eos pertinet per ſe de definitione agere, quare ad eius obiectum ſimul cum demonstratione pertinebit, probatur minor, quia in libris Topicorum, etſi quæſt eſt alia pars dialecticæ, in qua aliquid de definitione agitur, non de modo eam efficiendi agitur, ſed ſupponendo eam iam conſtitutam in his libris examinatur.

- 4 Secunda opinio eſt communis, & vera, quod ſola demonſtratio, & non modus ſciendi communis demonſtrationi, ac definitioni ſit obiectum huius operis. Sic D. Tho. Albertus Magnus, Cai. Sotus, Toletus, Mercatus, & omnes fere moderni interpretes. Probatur teſtimonio Ariſt. qui ſtatim in principio primi capitis omnẽ doctrinam, omnemq. diſciplinam ex præexiſtenti cognitione fieri docet, & probat, quod potiſſimũ fundamentum eſt totius artis demonſtratiuæ, ex quo cognoscimus aſſenſus conelutionis ex notitia principiorum generari, quod eſt naturam demonſtrationis intelligere.

Probatur deinde ratione, quia illud eſt obiectum alicuius operis, cuius partes eſſentiales traduntur in eo, cuius natura explicatur, & cuius paſſiones probantur, ſed hæc omnia præſtantur in his libris de ſola demonſtratione, & non de modo ſciendi communi, vt in diſcurſu eorum eſt manifeſtum, nam ſi de definitione agitur (quod concedimus) non vt de alio modo ſciendi à demonſtratione diſtincto, ſed tanquam de parte eius eſſentiali, quia potiſſimũ principium eius eſt; ergo ſola demonſtratio eſt obiectum, & non aliquid commune demonſtrationi, & definitioni.

Et ex hoc ſoluitur arg. contrariæ opinionis, cui omnia cõcedenda ſunt, ſed ex conceſſione eorum ſolum habetur, quod per ſe in his libris agatur de definitione tanquã de parte eſſentiali demonſtrationis, non tanquã de alio modo ſciendi diſtincto, vnde qui aſſerit demonſtrationem ſolam eſſe obiectum non excludit definitionem, ſed eam comprehendit, non tanquam ſub aliquo prædicato communi, ſed vt pars comprehenditur ſub toto, & conſequenti ſub conſideratione eius.

Dignioremeſſe hæc partem dialecticæ cæteris omnibus offenditur.

Cum notum ſit ſcientiam ex obiecto ſumere dignitatem, colligitur opus hoc dignius, atque perfectius eſſe cæteris partib⁹ dialecticæ, quod ſic probò notitia ſimplicium de quibus agit prima pars dialecticæ ordinatur ad compoſitionem tanquã ad finem, de qua agitur in 2. parte, & compoſitio ad ſyllogiſmum eodem modo; ergo ſic compoſitio eſt perfectior ſimplicib⁹. Pari ratione ſyllogiſmus

gilimus erit perfectior cōpositione, & eisdem simplicibus, sed inter syllogismos perfectior est demonstratio, ad quam ordinantur, quæcunq. tractantur in hac scientia, tanquā ad potissimū instrumentum, per q̄ generatur scientia; ergo opus hoc quasi finis est aliarum partiū dialecticæ: & ideo dignius erit cæteris omnibus.

Sed contra hoc est arg. difficile, quia libri de priori resolutione agūt de forma syllogismi, hoc est, de figura, & modo, in quo debet constitui, cæteri vero libri, de materia eiusdē, nempe libri de posteriori resolutione de materia necessaria, ex qua cōstat demonstratio, libri Topicorum de materia probabili, ex qua conficitur syllogismus dialecticus, libri Elenchorum de materia apparenti, ex qua conficitur syllogismus falsigraphus, aut deceptorius, sed forma cum sit actus, est perfectior materia, quæ est potentia; ergo libri Priorū sunt pars nobilior dialecticæ, quam libri Posteriorum, Topicorū, & Elenchorū, probatur consequentia, quia sicut scientia totalis sumit suam dignitatē ex dignitate obiecti totalis, ita quælibet pars sciētiæ ex obiecto partiali sibi proprio. Vnde sequitur falsum esse quod dicimus hos libros posteriorum esse nobiliorem partem totius dialecticæ.

7 Hoc arg. concludit aduersus plures, qui tenent hoc opus solum agere de materia necessaria syllogismi, & per hanc distingui à libris Priorū agentibus de forma syllogistica. & à libris Topicorum, & Elenchorum agentibus de materia probabili, & apparenti. Ideo dicendum est, hoc opus non solum de materia syllogismi agere, sed etiam de forma. Sed forma syllogismi duplex est generica, & specifica. Forma generica est

dispositio in modo, & figura, forma vero specifica ex modo speciali concludendi vnū ex alio sumitur. Quod sic probo, forma generica syllogismi sumitur ex modo inferendi conclusionem ex præmissis dispositis in modo, & figura; ergo specialis modus inferendi cōclusionem ex præmissis erit specialis forma syllogismi, sed demonstratio, de qua agitur in hoc opere tanquam de proprio obiecto continet non solum dispositionem in modo, & figura, sed specialem modum inferendi conclusionem ex præmissis, nempe tanquam effectum ex causa per se, & propria, aut tanquam causam ex effectu proprio, & per se; ergo continet formam specialem, & perfectissimam syllogismi.

Secundo probatur, quia demonstratio generat scientiam, syllogismus probabilis opinionem. Isti sunt effectus specie distincti; ergo duo isti syllogismi, nempe demonstratiuus, & probabilis, qui sunt causæ per se eorundem effectuum distinguuntur specie. Et distinctio specifica nō est per materiam, sed per formā; ergo distinguuntur per formā, non per formam communē, quæ est dispositio in modo, & figura, cum hæc sit generica, & vtrique cōmunis; ergo per formam specialem, & non solum per materiam.

Et ita tenendum est, quod præter communem formam, & genericam syllogismi ex modo, & figura desumptam datur duplex forma specialis ex modo speciali concludendi desumpta, per quam distinguuntur specie demonstratio, & syllogismus dialecticus, seu probabilis, forma specialis demonstrationis est modus concludendi euidenter effectum per se ex causa, vel causam per se ex effectu, modus vero concludendi syllogismi probabilis, non est euident, sed probabi-

In lib. de Poster. resolut. Proœm.

habitis, itaq. in modo, & figura conueniunt, sed in modo speciali inferendi cōclusionem ex præmissis dispositis in modo, & figura distinguuntur, quia modus concludendi demonstrationis euidens, & necessarius est. Modus vero concludendi syllogismi dialectici non euidens, aut necessarius, sed probabilis, & cum iste sit perfectissimus, perfectissima species syllogismi est demonstratio. Exemplo esse possunt duo isti syllogismi, omne animal diligit sibi simile, sed omnis homo est animal simile alteri homini; ergo hominis homo diligit alterum hominem. Et omne animal rationale est risibile, omnis homo est animal rationale; ergo omnis homo est risibilis. Nam cum uterque sit cōstitutus in primo modo primæ figuræ, secūds concludit euidenter, quia conclusio eius sequitur ex præmissis, tanquam effectus proprius, & per se ex sua causa. Nam risibilitas proprius effectus, necessarius, & per se rationalitatis est, cum qua conuertitur. Sed primus syllogismus non concludit euidenter, sed solum probabiliter, quia conclusio eius non sequitur ex præmissis, tãquam effectus necessarius, aut per se, sed tanquam effectus quasi contingens, nam licet similitudo inclinet ad dilectionem, sed non tanquam effectum necessarium, sed liberum, & qui sepè impeditur aliis rationibus. Syllogismus vero sophisticus distinguitur specie ab utroq. quia peccat in forma, non enim habet debitam dispositionem in modo, & figura, licet videatur habere, quare nec habet veram formā, sed solum apparentem.

10. Ad arg. igitur, negandum est antecedens, quod opus hoc solum agat de materia syllogismi, sed agit de forma, non communi, aut generica,

de qua agunt libri Priorum, sed de specifica, & perfectissima quidem, ex perfectissimo modo euidenter cōcludendi desumpta, & ex hoc habet, quod sit nobilissima pars totius dialecticæ, ad quam ordinantur ceteræ omnes tanquam ad finem. Sed decipio eorum, qui falso putant agere de sola materia: occasionem sumpsit ex hoc, quod modus iste perfectissimus euidenter inferendi conclusionem ex præmissis non reperitur, nisi in propositionibus in materia necessaria constitutis, vnde verum est opus hoc agere de materia necessaria syllogismi, sed falsum, quod agat de sola materia, sed præcipuè de forma speciali, & perfectissima.

Finis huius operis, et titulus, seu inscriptio eius explicatur.

Enis huius operis nobilissimus est, quia naturale desiderium hominis ut rationalis perficit. Ab ipsa enim rationali natura hominis procedit naturale desiderium sciendi, hoc est cognoscendi effectus per causas, aut causas per effectus, ut docuit expressè Arist. 1. lib. Meta. in principio dicens, omnes homines natura scire desideras. & ad hoc desiderium adimplendum ordinatur opus hoc; de natura demonstrationis agens, quæ est potissimum instrumentum sciendi, ut patet ex eius definitione tradita ab Arist. cap. 2. huius 1. lib. *Demonstratio est syllogismus faciens scire.* Inscrībatur vero, de posteriori resolutione. Quem titulum ut intelligamus, utraque particula eius explicanda est, nempe, resolutio, & posterior, resolutio vero alienius rei duplex est, physica, seu realis, & logica, aut rationalis, physica resolutio est dissolutio, aut destructio realis rei, ut dum equus mori-

sur

tur, dicitur resolui in materiam, & dum domus destruitur, dissolui, aut resolui dicimus in ligna, lapides, & terram, ex quibus constructa fuit. Logica vero, seu rationalis resolutio nō est destructio, sed perfectio rei, consistit enim in quoddam examine singularium partium, ex quibus res est constituta, quo examine ostenditur singulas eius partes tales esse, quales esse debent secūdum præcepta illius artis, per quam constructa est. Vt dū examinamus partes definitionis iuxta regulas definiendi traditas à dialectica ostendente proprio genere, & propria differentia constare, dicimus resolvere definitionem. Quod patet idem esse, ac ostendere perfectam esse. Resolvere igitur demonstrationem non erit aliud, quam partes, hoc est principia, seu præmissas eius examinare, ostendentes non utcumque veras, sed necessarias esse, & per se, atque immediatas, ita ut cognitis terminis sine vilo argumento, quo probentur, eis assentiatur intellectus, vel certè per euidentes demonstrationes reducantur, vsque ad primæ principia ex sola notitia terminorum euidentia: nisi enim vno, aut altero modo cognoscat quis, esse per se euidentia, nec veram demonstrationem habebit, nec scientiam cōclusionis, sed syllogismum dialecticum, & opinionem. Vt Aristot. docet cap. 2. huius l. lib. his verbis. *Ex primis autem in demonstrabilibus, quoniam non sciet non habens demonstrationem ipsorum*. Res fit manifesta hac demonstratione. Omne animal rationale est risibile: omnis homo est animal rationale; ergo omnis homo est risibilis, cuius minor est propositio per se nota, aut immediata; cū in ea prædicatur definitio de suo definito; & definitio sine vilo medio, vel argumento proban-

te, sed per se immediatè conueniat definito, ita ut statim ac significatio nō terminorum cognoscat intellectus, iudicet esse verā. Hoc est enim esse principium immediatū, aut per se notum. Sed maior nō est per se nota, quia risibilitas non conuenit homini immediate, sed media alia passione priori, nempe admiratione. Demonstranda igitur est, ut intellectus certū, atque euidentè cognoscat esse veram. Demonstratur vero per admirationem pro medio assumptam hoc modo. Omne admiratiuum est risibile, omnis homo est admiratiuus; ergo omnis homo est risibilis. Sed adhuc demonstratio hæc non sufficit, quia licet maior præmissa sit immediata, in qua prædicatur vna passio immediata de alia, nempe risibilitas de admiratione, quæ sine vilo medio ex ea sequitur, minor tamen, in qua prædicatur admiratio de homine, nō est immediata; quia admiratio nō sequitur ex rationalitate per se immediatè, sed media alia passione priori, nempe capacitate disciplinæ; quare ut cognoscat intellectus esse certā, & euidentem: scire debet eam demonstrare per capacitatem disciplinæ sumptā pro medio hoc modo. Quidquid est capax disciplinæ est admiratiuum, omnis homo est capax disciplinæ; ergo omnis homo est admiratiuus; & hæc demonstratio perfectissima est, quia constat præmissis immediatis, aut per se euidentibus, atque in demonstrabilibus, talis est enim maior, in qua vna passio immediata prædicatur de alia, nempe admiratio de capacitate disciplinæ, quæ mediante sequitur ex rationalitate. Talis est etiam minor, in qua prima passio, quæ immediatè sequitur essentiam, prædicatur de definitione explicante eandē essentiam, & ad hanc demonstratio-

nem

In lib. i. de Poster. resolut. Proœm.

nem reducta est prima, quæ nõ esset vera demonstratio, nisi ad eam reduceretur per veras demonstrationes, & si aliquis nesciat eam ita reducere, nec erit in eius intellectu demonstratio vera, sed syllogismus probabilis, nec habebit per eam scientiam conclusionis, sed opinionem. Et hæc reductio est resolutio logica, & rationalis, quia per eam examinantur partes demonstrationis, & probatur euidenter tales esse, quales esse debent secundum regulas huius artis, hoc est, secundum definitionem eiusdem demonstrationis tradendam in 2. cap. huius lib. quæ prima regula est totius artis, & scientiæ. Et tandẽ, quia in hoc opere docetur modus iste resoluendi demonstrationem per reductionem præmissarum vsq. ad prima principia per se nota, aut in demonstrabilia, ideo inscribitur de resolutione.

14 Sed quia demonstratio duplici forma constat (vt iam diximus) communis, aut generica, ex modo, & figura desumpta, & speciali desumpta ex modo concludendi, duobus modis resoluitur, nempe secundum formam communem, quæ examinatur, & probatur per illa principia dici de omni, & dici de nullo, & etiam secundum formam specialem, quam resolutionem modo ostendimus, & resolutio secundum formam genericam prior est, resolutione secundum formam specificam, quia vniuersaliora sunt priora, & genus est prius specie, ideo libri agentes de syllogismo in communi appellantur de priori resolutione, hoc est de resolutione syllogismi secundum formam genericam, quæ prior est. Hoc vero opus docens resolvere syllogismum secundum formam specialem, quæ est posterior, inscribitur de posteriori resolutione.

Sed cõtra hoc est arg. quia in his libris non solum docet Arist. resolvere demonstrationem, vsque ad prima principia, sed etiam componere illam ex talibus præmissis, & partibus: & prius est demonstrationem cõponere, quam eam resolvere, quia resolutio est quasi examen compositionis: ergo de compositione potius tanquam de prima, quam de resolutione debent appellari. Respondeo 15 omissis aliis solutionibus, concessio antecedere, sed negata consequentia, quia licet de cõpositione per se tractetur, & prior sit, resolutio tamẽ est perfectior, quia est quasi forma, & anima compositionis, per quam constat euidenter factam esse secundum regulas artis, & ideo bonam esse, & demonstrationem compositam esse exactam, formam, & stabilem, atque generatiuam scientiæ.

Ex quibus sequitur nõ esse distinguendam resolutionem rationis, in Logicã, & Mathematicam, vt distinguit Toletus in proœmio huius operis q. 2. quia si resolutio certa sit, per veras demonstrationes fieri debet, omnis autem resolutio facta per demonstrationes est logica, quia ad solam logicam pertinet eam docere, sed solum potest appellari mathematica, in quantum ad hæc scientiam applicatur, sicut etiam potest appellari physica, aut metaphysica, vt applicatur ad has scientias, nam licet omnis scientia resoluat suas conclusiones, & demonstrationes vsq. ad prima principia, sed modum resoluendi per veras demonstrationes à dialectica accipit, cuius proprium est id docere.

Explicatur quem locum obtinere debeat opus hoc inter ceteras partes dialecticæ.

Qui.

16 Quidam (vt Villalpædeus) in proœmio lib. de priori resolutione asserunt vnum, & eundem tractatum componi ex libris priorum, & posteriorum, & ideo eundem locum esse concedendum his lib. & illis. Alij vero, vt Philoponus, & Auicena distinctum tractatum esse dicunt, sed lib. topicorum collocat immediate post lib. priorum, hoc vero opus statim post lib. topicorum.

17 Communis tamen sententia duo asserit. Primum, opus hoc distinctū esse à lib. priorum. Quia in eo agitur de syllogismo secundum formā specialem, in lib. vero priorū de eodem secundum formam communem, & cōsiderationes istæ diuersæ sunt, ideo ad distinctos pertinent tractatus. Secundū, hos lib. immediatē post lib. priorum, & antē lib. topicorum, & elenchorum esse collocandum, ita D. Tho. in proœmio huius operis, Albertus Mag. i. posteriorum, tract. 1. Caiet. Sotus, Lobanien. Tole. Merc. & moderni omnes in hoc proœmio, & ratio est manifesta, quia in libris priorum agitur de syllogismo in genere, sub qua consideratione prior est quam secundum suas species, de quibus agitur in cæteris libris, ergo lib. priorum debetur primus locus respectu aliorū in quibus agitur de syllogismo, sed inter species syllogismi perfectissima est demonstratio (de qua agit hoc opus) & ex consequenti prima, ergo statim post lib. priorum collocari debet.

Quare dicatur iudicatiua hæc pars posterioristica pars vero topica inuentiua.

Sed quæritādem solet in hoc proœmio, quare hæc pars dialecticæ dicatur iudicatiua, cui omnis aliis

opinionibus respondeo ex doctrina D. Tho. in hoc proœmio, rationem huius esse, quia iudicium intellectus de veritate rei est quædam sententiā, & perfectum iudicium non quæcūq. sententiā ab intellectu prolata, sed forma, atq. certa, formam autem, & certam sententiā non potest ferre intellectus, nisi firmiter, & certō adhæreat alteri parti contradictionis, quod consequitur per demonstrationem, cuius non solum præmissæ, sed conclusio ex eis deducta certa, atque euidens est, vt docuit Aristot. lib. 2. cap. 1. dicens. *Oportet scientem simpliciter à credulitate impermutabilem esse.* Merito ergo dicitur hæc pars posterioristica iudicatiua, quia in ea docetur modus certum iudiciū ferendi de veritate propositionū, quod perfectissimum quid est. Pars vero topica non vocatur iudicatiua, quia per syllogismum topicum non fertur iudicium certum de conclusione, sed probabilē tantū, inuentiua vero dicitur, quia ad inuentionem (vt bene D. Thom.) non requiritur certitudo, quāuis loca ipsa inuenta per certam demonstrationem probentur in parte topicæ in quantum pars est logicæ doctis. Per quam eadem logica docet ceteras scientias loca adinuenire ad eruenda argumenta probabilia. Itaque quælibet pars dialecticæ habet aliquid inuentionis, & aliquid etiā iudicij, sed iudicare quasi per anthonomasiam conuenit huic operi posterioristici eo, cæteris vero per participationem ei⁹, & inuenire loca argumentorum probabilium eodē modo conuenit parti topicæ, & cæteris ex eius participatione, ideo pars posterioristica vocatur iudicatiua, topica vero inuentiua, quia ab eo, quod principale est, vel principalius conuenit sumitur appellatio.

Mo-

In lib. de Poster. resolut. Proœm.

Modus procedendi, & diuisio totius operis.

19 **C**irca modum procedendi, an definiendo, ac diuidendo procedat Arist. vel etiam demonstrando, non omnes conueniunt. Sed Venetus c. 1. huius operis affirmat diuisionibus, ac definitionibus uti Arist. in discursu huius operis; non demonstrationibus, quod probari potest testimonio Arist. qui in 2. cap. 1. lib. duplici definitione definit demonstrationem. Et etiam hoc argum. Aristot. in hoc opere agit de demonstratione; ergo non procedit demonstrando. Probatur consequentia, quia si demonstrationibus procederet, daretur processus in infinitum, & idem probaretur per seipsum. Probat consequentia, quia si per demonstrationem probaretur natura demonstrationis: ergo natura illius demonstrationis, quæ uteretur, esset probanda per aliam demonstrationem, & ita in infinitum. Et si per demonstrationem probatur natura demonstrationis, illa eadem demonstratio: per quæ probaretur, seipsam probaret, cum sit vera demonstratio, vel ignotum per ignotius, cum ante demonstrationem, per quam probatur natura demonstrationis, non sit illa demonstratio cognita.

20 **D**uo tamen dicenda sunt in hac re. Primo, omnem scientiam, aut omnem partem scientiæ ut plurimum procedere definiendo, quia necesse est proprium obiectum in principio definire, ut definitio eius assumi possit tanquam medium ad probandas passionem de illo, & ideo in hoc opere non sic procedit Arist. demonstrando, quin etiam procedat definiendo. Sed secundo dicendum est proprium modum procedendi huius operis esse per demonstrationem, ut in 2. & 10.

cap. pluribusque alijs ostenditur, in quibus demonstrationibus utitur Arist. ad ostendendam naturam demonstrationis, & proprietates eius, & de hoc nemo potest dubitare. Ad argum. vero negandum est inconuenientia illa sequi, nam assignata prius definitione demonstrationis, iam per illam cognoscitur natura cuiuscunque demonstrationis, etiam illius, quæ postea adducitur ad probandum aliquid de demonstratione. Nec tamen demonstratio, quæ adducitur, indiget alia, per quam probetur, sed seipsam probat diuersa ratione, quia in quantum conuenit cum cæteris demonstrationibus in natura communi demonstrationis explicata per definitionem, est id, de quo aliquid probatur, & in quantum est medium, per quod probatur, est, quo aliquid de natura eadem communi aliquid probatur, non vero de qua id probatur; diuersa autem ratione esse id, de quo aliquid probatur, & quo illud idem probatur, non est inconueniens, quia definitio per quam explicatur natura communis definitionis, seipsam explicat diuersa ratione, ut notum est.

Generalis diuisio totius operis est in duos libros: in quorum primo de natura demonstrationis, & partibus eius agit Arist. In 2. de modo constituendi definitionem, quæ potissimum medium est eiusdem demonstrationis, particularis autem diuisio cuiuscunque libri suis locis designabitur.

CAPVT PRIMVM.

TEXTVS ARIST.

Omnis doctrina, omnisq. disciplinæ intellectiua ex præexistenti sit cognitione, &c.

Brœuis

Brenis expositio text.

PRIMVS hic liber de posteriori resolutione in tres partes diuiditur. In 1. docet Aristot. demonstrationem esse. In 2. quid sit demonstratio, & quibus partibus cōstet. In 3. qualis sit, hoc est, quas habeat passionēs, aut proprietates.

Intētiū huius cap. est docere, atque probare, quod actualis rerum notitia, atque scientia vere sit in nobis, & ex alia notitia priori generetur. Habet autem duas partes, in quarū prima tradit Arist. vniuersalem quandam propositionem prædictam veritatem continentem, eamque probat in omni genere intellectualis cognitionis. In 2. quot, & quæ sint præcognitiones, & de quibus habeantur.

Duo versabantur errores in schola tempore Arist. circa acquisitionē sciētiæ. Primus Heracliti, & Cratili antiquorum philosophorum, qui non distinguētes notitiam intellectiuiam à sensitiua, nec putantes aliquid esse in rebus vniuersale, sed solum singularia sensibilia, quæ in continuo motu, & fluxu sunt, consequenter asserēbant, nec dari scientiam de rebus, nec dari posse, quia scientia si esset possibilis de vniuersalibus, atque perpetuis deberet esse. Secundus error fuit Platonis, vt testatur idem Arist. 1. & 7. lib. Meth. concedentis quidem scientiam, non tamen de nouo acquisitam, sed à principio habitam hoc modo, vt dū materia, ex qua generatur homo disponitur ab agente naturali, statim per impressionē, atque virtutem idē hominis separatā infunditur anima plena speciebus rerum omnium, per quas posset scire omnia, sed non exit in actum cognoscendi propter impedimentum corporis, & quasi ligamentum sen-

sum, quousque tale impedimentum exercitatione tollatur, quo sublato cognoscere incipit anima, nō ea, quæ prius ignorabat, sed quæ à principio cognouerat, impedita tamen fuerat ab actuali consideratione eorum, & ideo ita se habet ac si obliuioni tradidisset, quæ prius cognouerat. Unde inferebat Plato scire nostrū esse, quasi reminiscētiā quandam eorū quæ prius cognouimus. Quod hoc argum. probabat in quodam dialogo de scientia, & virtute, qui vocatur, *menon*. A persona quadam eiusdē appellationis in eo introducta. Dum homo vult aliquid scire, aut scire vult, id quod iam sciebat, vel quod nesciebat, primum est impossibile, quia nemo scire vult ea, quæ iam cognoscit. Nec minus impossibile est, quod scire velit, quod ignorat, nam sicut frustra aliquis quæreret hominem, quem non nouit, quia etiam si illum inueniat cognoscere non poterit, ita frustra quæreret aliquis sciētiā eius, quod non cognouit, quia non poterit illud cognoscere, etiam si ei sese offerat, necesse est ergo dicere, quod ea velimus scire, quæ prius cognoscebamus, sed quasi obliuione tradidimus, & ideo non de nouo, sed quasi per quandam reminiscētiā illud modo cognoscimus.

Aduersus hos duos errores proponit Aristoteles hanc propositionem **3** vniuersalem. *Omnis doctrina, omnisque disciplina intellectiua ex præexistēti fit cognitione*, cuius sensus est, omne iudicium intellectus non ex sola notitia terminorum habitum, sed aliquo medio, aut ratiocinatione acquisitum, siue propria industria, aut labore, ita vt doctrina appelletur, siue à magistro acceptū, & ideo disciplina vocatū, fit, hoc est verè datur aduersus Heraclitum, & fit de nouo: ita

vt

In lib. de Poster. resolut. Proœm.

ut res per illud cognita, non cognoscatur prius, simpliciter ignoraretur aduersus Platonem. Hanc veritatem vniuersalem probat Arist. in triplici genere cognitionis. In scientificis quidem certissima, qualis est ea, quæ habetur per mathematicas disciplinas, in quibus evidens est iudicium, ac notitiam conclusionis fieri, ex notitia præmissarum prius habita. Et eodẽ modo in cæteris artibus, non solum liberalibus, sed mechanicis: in quibus vnum semper cognoscitur ex notitia alterius prius habita, quousq. perueniatur ad primũ principium illius artis, non per aliud, sed per se notum, hoc est ex sola notitia terminorum. Probat deinde in cognitione probabili, quæ habetur per syllogismum dialecticum, cuius conclusio cognoscitur ex notitia probabili præmissarum, vel euidenti, per consequentiam probabilem, aut per inductionem: in qua ex notitia singularium fit experimētum, quod est iudicium vniuersale. Probat tãdem in rethoricis argumentationibus, quæ sunt enthymema, & exemplum, nam enthymema est quasi syllogismus truncatus, cui deficit maior, vel minor, sub intellecta tamen ab arguente, & iudicium conclusionis, sit ex iudicio alterius præmissæ prius habito. Exemplum vero procedit ex vno singulari ad aliud per similitudinẽ, & ideo notitia vnius habetur, ex notitia alterius prius habita.

In 2. par. cap. agit Arist. de præcognitionendis, & præcognitis. Nam si notitia conclusionis debet fieri ex præexistenti cognitione, necesse est explicare, quæ, & quot sint præcognitiones, & de quibus, ut ex eis haberi possit notitia conclusionis. Duo autem esse præcognitiones, aut duas esse præcognitiones ad notitiam conclu-

sionis necessarias, an sit, & quid sit, tria autẽ esse: de quib. habenda sunt præcognitiones, nempe subiectũ, passio, & principium, & hæc appellatur præcognita. Subiectũ est illud de quo est scientia, vel scientifica cõclusio, principia sunt præmissæ demonstrationis: ex quibus inferitur conclusio, passio est, quæ demonstratur de subiecto in conclusione. Exempla ponit Arist. in mathematicis disciplinis, sed nos ea afferemus in rebus nobis notioribus hoc modo. Ut habeamus evidentem notitiam huius cõclusionis, omnis homo est risibilis, necesse est, duo præcognoscamus, an sit, & quid sit, & de tribus quidem, nempe de subiecto circa quod versatur conclusio, quod est homo, de principiis, quæ sunt præmissæ istæ per quas demonstratur, nempe omne animal rationale est risibile, & omnis homo, est animal rationale, & de passione demonstrata de illo, quæ est risibilitas. Non est tamen habenda vtraque præcognitio de singulis, sed de subiecto tantum, de principiis vero prima, nempe an sint, hoc est an sint vera, de passione vero secundum, nempe quid sit, hoc est, quid nomen significet, nam quod sit probatur in conclusione, idest, quod insit subiecto, quia cũ sit accidens non habet aliud esse, quam subiecto inesse.

His explicatis respondet Arist. in fine cap. ad argum. Platonis. Distinguendo maiorem, nam dum interrogatur, an qui vult scire aliquid, velit scire, quod sciebat prius, vel quod ignorabat. Respondendum esse ait, nõ velle scire, quod simpliciter sciebat, nec quod omnino ignorabat, sed quod ignorabat formaliter, atque simpliciter, sciebat tamen virtualiter, & secundum quid, hoc est non in se, sed in alio prius cognito: in quo virtualiter

liter continetur. Gratia exempli, dū volo scire, an homo sit capax disciplinæ, volo scire, id quod non sciebam actu, & formaliter, sed solum virtualiter in illis duabus præmissis prius cognitis, omne animal rationale est capax disciplinæ, & omnis homo est animal rationale, in quibus notitia eius virtualiter continetur, & ideo dū infertur ex eis, cognosci potest, quia nō prorsus ignorabatur, sed virtualiter saltē cognoscebatur, & per illationem cognoscitur formaliter.

QVAESTIO. I.

An de omni, & sola cognitione intellectiua, intelligatur vniuersa salua propositio Arist.

6 PRIUS quā diuersas sentētiās proponamus, paucis explicāda est propositio Arist. in qua per doctrinam, & disciplinam idem assensus intellectus significatur, qui vt propria industria acquiritur, vel vt à magistro procedit doctrina dicitur, sed vt à discipulo acceptus disciplina. Deinde per cognitionem intellectiua, non quodlibet iudicium intellectus significatur, sed illud solum, quod per aliquod medium, vel ratiocinationem habetur, nā si ex sola cognitione terminorum habeatur: certum est non fieri ex alio iudicio intellectus, quamuis fiat ex notitia apprehē sua terminorū, & significationis eorum. Alioqui si ex alio iudicio fieret, daretur processus in infinitum. Sensus igitur propositionis est, omne iudicium intellectus per aliquod medium, vel ratiocinationem habitum, fit ex alio habito etiam per ratiocinationem, vel ex sola notitia terminorum, ita vt tandem ad aliud per se notum, aut sine medio habitum redu-

catur. Iste est sensus propositionis, de qua inquiritur, an de omni, & sola cognitione intellectiua accipiat, & vera sit.

Et prima opinio tenet, non solū in sciētis, sed etiam in opinione, & fide ⁷ humana verum esse, ac de eis intelligi; & ex consequenti de omni iudicio intellectus per medium habito, ita Sotus q. 1. huius cap. in solutione ad primam confirmationem 2. arg. probat, quia vtraque generatur ex aliquo principio euidenti per probabilem, aut inuidentem consequentiam: opinio quidē, dum sic argumentatur. Corpus sphaericum, aut perfectē rotundum tangit aliud corpus perfectē planum in puncto, ergo datur punctum indiuisibile. Fides etiā humana, dū dicimus, homini fidedigno credendum est, ergo vera sunt, quæ ab hoc homine fidedigno dicuntur.

Secunda opinio asserit, non solum ad scientias humanas, sed etiam ad scientiās angelorum se extendere, & in ea veram esse. Ita moderni quidā, qui ita probant, nam angelus cognoscit effectum per causam, vt quod homo sit risibilis, quia est rationalis, & cognitio causæ est prior cognitione effectus, sicut causa est prior effectus, ergo cognitio effectus fit in eo ex præexistenti cognitione causæ. Præterea, angeli inferiores illuminantur à superioribus, & illuminatio nō videtur esse aliud, quam manifestatio veritatis, quam superior cognoscit, & ignorat inferior; ergo cognitio inferioris angeli fit ex præexistenti cognitione superioris.

⁸ Nostra sententia, & cōmunis omnium ferè expositorum Arist. in hoc capite his cōclusionibus explicatur. Prima, non intelligitur propositio Arist. de scientia angelorum, nec in ea potest habere veritatem. Vt hanc expli-

In lib. de Poster. resolut. Proœm:

explicemus, atq. probemus simul, no-
tandum est aliud esse cognoscere, q̃
vnum sit ab alio, aut ex alio, vel pro-
pter aliud, & habere cognitionem
vnius ex cognitione alterius, nā pri-
mum non dicit distinctam cogniti-
onem vtriusque, nec vllam imperfe-
ctionem ex parte cognoscentis, sed
per vnam, & eādem cognitionem po-
test vtrumque cognosci cum illo or-
dine, aut dependentia, quam secundū
se habent, & ita cognoscuntur adeo,
& angelis causa, & effectus quicūq.
ita vt per vnam simplicem cogniti-
onem vtrumque cognoscant, & quod
vnum habet esse ab alio, sic etiam co-
gnoscent essentiam quamcumque, &
omnes passionēs ab ea procedentes.
Habere autē cognitionem vnius ex
cognitione alterius dicit distinctio-
nem cognitionum, & causalitatem,
non solum inter obiecta cognita, sed
etiam inter cognitiones ipsas, ita vt
vna sit causa alterius in aliquo gene-
re; & hæc est maxima imperfectio,
quæ solum reperitur in cognitione
nostra discursiua, per quam successi-
ue plura cognoscimus, & cognitio
vnius sequitur post aliam, & fit ex al-
lia, & hoc est fieri ex præexistēti co-
gnitione, vt asserit propositio Arist.

Ex hac ergo verissima doctrina
probat̃ iam nullum iudæium intel-
lectū diuini, aut angelici fieri ex præ-
existēti cognitione. Quod sic probo,
iudicium intellectus fieri ex præexi-
stēti cognitione, dicit distinctionem
cognitionū, quia eadem cognitio nō
dicitur fieri ex seipsa, sed Deus, & an-
geli non cognoscūt effectum, & cau-
sam distinctis cognitionibus; ergo
cognitio effectus in eis nō fit ex præ-
existēti cognitione causæ. 11
Quod vero dicitur angelum cog-
noscere effectum per causam, distin-
guendum est, nam ex parte rei cogni-

tæ verum est, quia verē cognoscit an-
gelus effectum habere esse à causa,
& propteream esse, sed ex parte cog-
nitionis non est verum, quia cum co-
gnitio causæ, & effectus sit eadem,
non est verum, quod cognitio vnius
fiat ex cognitione alterius, hoc enim
distinctionē cognitionum dicit, quæ
non reperitur in Deo, nec in angelis
respectu causæ, & effectus. Et quod
de scientia angelorum dicimus, eodē
modo intelligendum est de scientia
infusa primi parentis. Quam habuit
à principio, quo factus est à Deo.

De illuminatione vero concedi-
mus, quod cognitio inferioris angeli
fiat ex præexistēti cognitione su-
prioris, sed propositio Arist. intelli-
gitur in eodem intellectu, non in di-
uersis. 10

Secunda conclusio in opinionibus
non semper est verum, quod vna co-
gnitio fiat ex alia, vt asserit prima
opinio, sed solum de ea, quæ habetur
per discursum. Probat̃ hæc, quia
opinio non solū habetur per discursum
ex propositione euidenti, sed dā-
tur etiam opiniones per se notæ, hoc
est per se probabiles, sicut principia
scientiarum per se euidētia, & in eis
nō habetur vna cognitio ex alia, sed
ex sola notitia terminorum, vt hæc
propositio; mater diligit filium suū
per se est probabilis, & non quia col-
ligitur ex alia, sed sola significatio-
ne terminorum habita necessario iu-
dicat intellectus esse probabilem; er-
go in his opinionibus non fit cog-
nitio ex præexistēti alia cognitione,
sed hoc ex professo explicabitur. ca.
26. huius libri.

Tertia conclusio, assensus fidei hu-
manæ non fit ex præexistēti cog-
nitione. Probat̃ hæc etiam contra So-
crum, quia formalis, & proxima ratio
à sentiendi in fide est testimonium
fidei. 11

fidedigni, per quam distinguitur ab opinione, cuius assensus, vel habetur ex sola notitia terminorum, vel colligitur ex alio assensu euidenti, per consequentiam probabilem, ergo assensus fidei non fit ex alio, nec per discursum, sed ex solo testimonio habetur sine discursu, quare non fit ex præexistenti cognitione; Et quod de fide humana dicimus eodem modo intelligendum est de fide diuina, & de reuelationibus Prophetarum.

Ad arg. vero primæ opinionis. Respondendo assensum opinionis habitum per illum discursum fieri ex præexistenti cognitione, sed non omnem assensum opinionis haberi per discursum, ut probauimus, & ideo non semper fieri ex præexistenti cognitione.

Quod vero assensus fidei humane fiat per illud discursum, negamus. Sed immediate habetur ex testimonio fidedigni, qui vero fieret per illud discursum, opinio esset, non fides humana.

Ex his tribus conclusionibus sequitur propositionem Arist. vniuersaliter esse veram in omni scientia humano more acquisita, & in opinione quæ habetur per discursum tantum. Et ideo assensum eius hunc esse, omne iudicium intellectus per discursum habitum, siue euidens sit, vel probabile fieri ex præexistenti alio iudicio intellectus ex sola notitia terminorum habito, vel etiam per discursum, reducibili tamen ad iudicium aliud ex sola notitia terminorum habendum.

Q V A E S T. II.

An de subiecto sit præsupponenda actualis existentia.

12 **D**Vas præcognitiones assignauit Arist. nepe an res sit, & quid sit: & utramque habendam esse docuit de subiecto, vel obiecto, circa quod ver-

satur scientia, & huius ratio est manifesta, quia si subiectum non habet esse, neque habebit essentiam, aut quidditatem, & ideo nec proprias passionem, quæ de illo probentur in scientia. Nec denique habebit definitionem quidditativam, per quam probentur, quare si non sit, non poterit esse obiectum scientiæ. Esse autem, ut modo loquimur, non est aliud quam existentia in rerum natura, sed hæc duobus modis habetur, actu quidem; dum res existit extra suas causas, vel potentia, dum non est extra illas, sed in virtute earum, à quibus produci potest. De existentia autem subiecti possibili nemo dubitat, quin sit necessario præsupponenda, quia si non possit vilo modo eam habere, reputabitur ens impossibile sicut chimæra; quare non poterit de illo haberi scientia. Ideo solum quærimus de existentia actuali, an necesse sit de subiecto præcognoscere, quod actu sit in rerum natura, ut de illo habeatur scientia, vel sufficiat præsupponere, quod eam possit habere.

Et 1. opinio affirmat necessarium esse, quod de subiecto præsupponatur actualis existentia, non quam semper habeat, sed saltem temporibus à natura statutis, ut de rosa actu non existente habetur scientia in hieme, quia præcognoscimus illam habituram tempore veris. Si vero eam suo tempore non esset habitura, non posset de ea habere scientia. Ita Caiet. cap. præsentis, & Toler. quæst. vnica ad 5.

Et probatur testimonio Arist. id expresse asserentis lib. 2. huius operis textu 8. his verbis. *Quære autem quid est non habens, quod est, nihil est quærere. Quasi dicat non esse quærendam de finitionem eius, quod non habet existentiam, quia non poterit inueniri, & ideo nec poterit esse obiectum scientiæ.*

Probatur etiam ratione, quia ab eo quod

In lib. 1. de Poster. resolutionē.

quod res est, vel non est, propositio dicitur vera, vel falsa, idest ab eo q̄ actu existit, vel non existit; ergo actualis existentia subiecti temporibus saltem, quibus eam accipere potest à causis naturalibus, fundamentū est omnium veritatū, quę de illo possunt cognosci in scientia, quare necessario erit de illo præcognoscēda.

14 Secunda opinio est opposita, quod non sit necessario præcognoscenda actualis existentia subiecti temporibus etiam à natura statutis, sed licet eam nunquam habeat, nec habiturū sit posse haberi scientiam de illo, si præcognoscatur, q̄ eam habere possit. Ita Sotus q. 1. de præcognitis ubi docet, quod dum Arist. ait de subiecto præcognoscendum esse an sit, hūc sensum tenet, idest an sit verū ens habēs saltē esse possibile in suis causis.

Ratio huius sententię est, quia sufficit subiectū habere esse possibile in suis causis, vt verā habeat definitionē, verasq̄ passiones, quę de illo possint probari in scientia, ergo sufficit hoc de illo præcognoscere. Nostra sententiā duabus cōclusionibus explicatur, prima est, intrinseca ratio scientię, non petit actualē existentia subiecti, ideo non est necessario præcognoscenda de illo, sed sufficit præcognoscere existentiam possibilem. Probat hoc arg. scientia ex propria natura est perpetua, & circa obiectū necessariū n., & perpetuū debet versari, sed actualis existentia, nec semper conuenit subiecto, nec necessario, sed modo quoddam cōtingenti, cum passim res eam amittant, dum corrumpuntur, ergo non habetur scientia de subiecto, vt actu existenti etiā statutis temporibus. Nec erit necessario præcognoscenda actualis eius existentia, sed sufficit præcognoscere possibilem. Hęc est contra Caiet.

Secun. conclusio, vt habeatur scientia de aliquo subiecto à nobis imperfectē cognoscētibus, necesse est, quod habuerit aliquando actualem existentia, non quocunq. tempore à natura statuto, sed semel, hęc ex parte est contra vtranque opinionem. Et probatur hęc ratione, imperfecta nostra cognitio habetur per sensus; ergo non possumus habere scientiam de aliquo obiecto, nisi per aliquem sensum illud percipiamus, sed sensus non percipiunt, nisi res actu existentes; ergo necesse est obiectum aliquando habuisse actualem existentia, vt notitia eius scientifica ad intellectū perueniat mediis sensibus. Quod vero temporibus à natura statutis eam habeat, necessarium nō est, cum possit per eam, quā semel habuit modo scientifico à nobis cognosci, vtramq. conclusionem nostram tenet Ferr. 1. libro contra gentes cap. 66.

Testimonium vero Aristotelis pro sententia Caiet. adductū, de esse possibili intelligendum est, q̄, sufficit, vt quidditas eius inueniatur. Vel si de actuali intelligitur, de modo quo à nobis acquiritur scientia loquitur in eo Aristoteles, non de scientia secundum rationem intrinsecam.

Ad arg. vero eiusdem sententię distinguendum est antecedens, nam ab eo, quod res est, vel non est, idest ab eius existentia possibili accipitur veritas propositionis scientificę, nō ab actuali, & illa est fundamentum sufficiens veritatem totius scientię.

Argum. vero pro sententia Soti concedendum est, quia solum probat sufficere existentiam possibilem subiecti præcognoscere ad intrinsecam rationem scientię, vt asserit prima cōclusio nostra, sed ad imperfectum modū, quo eam nos communiter acquirimus, necesse est, eam habuerit ali-

15

16

1

aliquando, & aliquando de illo faisse præcognitam, vt probat conclusio secunda.

QVAEST. III.

Ande subiecto præcognoscendū sit quid rei, vel solum quid nominis.

17 **D**uplex est definitio, vna per quam explicatur essentia rei, & hæc vocatur definitio rei, vel quid rei, vt animal rationale, alia est definitio, seu potius explicatio vocis, vt dum dicimus, magnanimum esse magnum habentem animum, vel infinitum, quod non habet finem. Et hæc dicitur definitio nominis, vel quid nominis, quia quidditas nominis videtur esse significatio eius per eam explicata. Et hac non est dubium, quin sit necessario præcognoscenda de subiecto scientiæ, nam si ignoremus, quid significet hæc vox homo non poterimus habere de illo veram aliquam notitiam, nec scientiam. Sed quæstio procedit de definitione quid rei, aut quidditativa subiecti, an sit necessario præcognoscenda.

Et r. opinio asserit non esse necessario præcognoscendam, sed sine eius notitia posse haberi de illo scientiā. Ita Tolet. vbi supra, probat, quia ad demonstrandum effectum per causam, non requiritur præcognoscere quid sit causa, & quid effectus, sed solū quod effectus procedit per se à causa; ergo nõ requiritur præcognitio quod quid est. Vnde Astrologi demonstrant lunam eclipsari per suam causam ignorantes definitionem lunæ, & cælorum; & Mathematici multa demonstrant de figuris, & numeris ignorantes definitiones eorum.

28 **V**t autem quid sit tenendum in hac quæstione, decernamus; notandum est

duplicem esse demonstrationem, quia, & propter quid; demonstratio propter quid est illa, per quam demonstramus effectum per suam causam, & talis est hæc. Omne animal rationale est risibile, omnis homo est animal rationale; ergo omnis homo est risibilis. Demonstratio quia est, per quam ex opposito demonstramus causam per effectum, vt si dicas. Omne risibile est admiratiuum, omnis homo est risibilis; ergo omnis homo est admiratiuus. Præterea demonstratio propter quid adhuc est duplex, vna per quam demonstratur propria passio de subiecto, & talis est prima, quam adduximus: tales etiam sunt plures in scientiis particularibus demonstrantibus passiones de subiecto, vt in Metaphysica, & vtraque Philosophia naturali, & morali, alia est in qua demonstratur effectus per causam, cuius non est propria passio, & talis est secunda demonstratio adducta, tales etiam sunt ferè omnes demonstrationes Mathematicæ. Nam istæ scientiæ non tam demonstrant passiones de subiecto, quam rationes quasdam, figurarum, & proportionum numerorum posteriores per priores.

His suppositis tribus conclusionibus explicatur nostra sententia. 19 Prima est, præcognitiones, & ordo, quo habendæ sunt de subiecto, passione, & principiis, quæ vocantur præcognita, nõ habent locum in demonstratione quia, sed solum in demonstratione, propter quid. Probatur testimonio Arist. qui cap. 2. huius 1. lib. asserit de modo sciendi à posteriori, hoc est per demonstrationem, quia, nondū fuisse locutū, sed nec locuturū vsq. ad decimū cap. vbi veramq. demonstrationem distinguit. Ergo regulæ in hoc capite traditæ de præcognitionibus, & præcognitis solum intelligū-

tur in processu demonstrationis propter quid, ut etiam ostendunt exempla omnia ab Arist. adducta.

Prob. etiam ratione, quia per demonstrationem quia sepè demonstratur definitio, vel essentia rei per propriam passionem: ut ostendit hæc demonstratio, omne risibile est animal rationale; omnis homo est risibilis; ergo omnis homo est animal rationale, aliquando etiam probari solet, quod subiectum sit, quando non est adeo manifestum, sed id quod demonstratur, non potest præsupponi, aut præcognosci; ergo in demonstratione, quia non est præcognoscendum de subiecto, an sit, neque quid sit, sed sufficit præcognoscere quid nominis.

Secunda conclusio, in demonstrationibus etiam propter quid, in quibus non demonstratur propria passio de subiecto, sed effectus de sua causa, non est necessario præcognoscendum quid rei de subiecto, sed sufficit præcognoscere proprium conceptum causæ, ac dependentiæ effectus ab ea, seu rationis per quam demonstratur effectus. Probat. hæc, quia in his definitionibus non sumitur pro medio demonstrandi definitio subiecti, sed solum dependentia per se effectus à causa; ergo non requiritur præcognitio illius, sed huius sufficiet.

20 Tertia conclusio in demonstrationibus probantibus passionem de subiecto necessario præcognoscenda est definitio quid rei. Hæc est etiam manifesta, quia in his demonstrationibus definitio quid rei à sumitur pro medio, ergo est altera præmissarum, sed præmissæ præcognoscuntur ad inferendam conclusionem; ergo necesse est quid rei de subiecto præcognoscere. Et in his demonstrationibus intelligitur præceptum Arist. de præcognoscendo quid rei de subiecto, ut

docet expressè D. Th. 1. p. q. 1. art. 7. ad primū, ex quo desumptæ sunt omnes tres conclusiones nostræ, quas tenet etiam Caic. cap. præf. Ex quibus intelligitur regulas Arist. de præcognitionibus, & præcognitis secundum proportionem intelligendas esse in diversis demonstrationibus. Ita ut de subiecto præcognoscendum sit quid rei, atque etiā quid nominis in his demonstrationibus, quæ prob. passionem de subiecto, in aliis vero in quibus ratio posterior, vel effectus per rationem priorem, vel causam, solum conceptus causæ, & dependentia eius ab effectu, sed quid nominis in omnibus.

Arg. vero vult. solum prob. non esse necessario præcognoscendum quid rei de subiecto in demonstrationibus probantibus effectus per causas, vel rationes posteriores per priores, & concedit secunda conclusio nostra, ideo nihil efficit contra tertiam.

QVAESTIO. III.

An præcognitiones de subiecto, passione, et principio haberi debeant ante demonstrationem, vel etiam in demonstratione ipsa.

21 VT intelligatur titulus questionis explicandum est, quid sit aliquid præcognoscere de aliquo, & qua necessitate haberi debeat præcognitiones istæ de tribus præcognitis. Præcognoscere aliquid de aliquo est, priusquam de illo disputetur, vel prob. vñ aliquid, aliud distinctum cognoscere, vel præsupponere, quod non prob. sed tanquam certum præsupponitur. Gratia exempli, si demonstrare velimus de homine, quod si admiratiuus, aut risibilis, priusquam intellectus assentiat conclusioni, oportet, intelligat hominem esse, & etiam quid sit, quid nomen risibile significet. Nisi enim hæc

hæc cognoscantur, non poterit intel lectus præmissis assentire, nec ex eis inferre conclusionem. Et hæc est necessitas præcognoscendi. An vero hæc præcognoscenda sint, antequam formetur demonstratio, vel satis sit, dū præmissa disponuntur, & eis assentitur intellectus ea præcognoscere, de hoc est quæstio.

22 Circa quā r. opinio tenet ante totam demonstrationē necessario esse præcognoscenda, & non sufficere in demonstratione ipsa. Ita Tolet. quod probat testimonio Arist. qui exēpla posuit in illo principio vniuersalissimo, quodlibet est, vel non est, & in vnitare, quæ est principium numeri pro subiecto. In triangulo vero pro passione; de quib⁹ euidēs est cognosci ante totam demonstrationem: ergo intellexit Arist. præcognitiones ante demonstrationem habēdas esse, & non in demonstratione ipsa.

Probat etiam ratione, quia præcognitiones, & præcognita præsupponuntur scientiæ acquirendæ, sed ad acquisitionē sciētiæ pertinet tota de monstratio: cū sciētia acquiratur per eā; ergo ante demonstrationē necessario habendæ sunt præcognitiones.

Pro solutione quæst. notandū est præcognitiones, & præcognita duobus modis considerari posse, in communi, & in particulari, vel in exercitio, aut in apprehensione vniuersali, vt si dicamus principium esse, totū est maius sua parte, subiectum vero vnitatem, & cōmunē passionē triāgulus, hæc enim vix, aut nunquā ingrediuntur demonstrationē, sed tanquā communissima exempla, & quasi speculatiua afferentur. Subiectū vero passio, & principium accipiuntur in particulari pro his, quæ ingrediuntur demonstrationem, & pertinent ad particulares scientias, vt subiectum in

scientia de homine, est homo, passiones, quæ de illo probantur sunt admiratio, & risibilitas. Principium per quod probantur, est eius definitio.

23 Quo supposito duo asserit nostra sententia. Primū est præcognitiones, & præcognita sub vniuersali ratione considerata ante demonstrationē haberi. Secundum, si considerentur in particulari, hoc est, ea quæ pertinent ad particulares scientias, possunt quidem ante demonstrationem haberi, & communiter ante illam habentur, hoc tamē nō est necessariū ad assensum conclusionis, nec ad acquisitionem scientiæ, sed in demonstratione ipsa haberi possunt, simul ac intellectus disponit præmissas, & eis assentitur. Hæc est cōmunis sententia, quā tenent Themistius in sua Paraphrasi super 1. lib. posterior. cap. 1. & 2. D. T. Caiet. Venetus, Sotus, & ceteri cap. præf. Et primū non oportet probare: cum illud concedat opposita sententia, sed prob. secun. hac ratione. Præcognosci dicitur illud, quod non prob. per demonstrationem, sed præsupponitur ante assensum conclusionis. Sed ea quæ cognoscuntur in præmissis demonstratiōis, & non ante demonstratiōem integrā, non probantur per demonstratiōem, sed præsupponuntur ante assensum conclusionis; ergo verē, & propriē dicuntur præcognosci, & sufficit ad assensum conclusionis, & acquisitionem scientiæ, & intra demonstratiōem præcognoscantur. Quod vero communiter præsupponantur demonstratiōi manifestum est, quia experientia constat fere semper nos ea cognoscere, antequā formemus syllogismum demonstratiuum, sed contingere posset vñ vel alterum eorum non esse nobis cognitū, & tunc sufficeret inter disponendas præmissas illud percipere.

f 3 Testi,

24 **Testimonium Aristot.** pro prima opinione nihil probat contra nostrā, quia Aristoteles in communissimis præcognitis exempla posuit, quæ cū demonstrationem vix, aut nunquam ingrediatur, ante illam habendæ sunt eorum præcognitiones. Ad arg. vero distinguendum est antecedens, nam per acquisitionem scientiæ possumus intelligere constitutionē totius demonstrationis, & tunc negādum est, quod ante acquisitionem scientiæ, necellario debeant haberi præcognitiones. Vel solum assensum conclusionis in quo proprius consistit acquisitio scientiæ, nam præmissæ potius sunt principia acquisitionis, quam acquisitio, & in hoc sensu magis proprio concedendum est antecedens, quod ante acquisitionem scientiæ haberi debeant, sed ex hoc non sequitur, quod ante demonstrationem: vt per se est manifestum.

QVÆST. V.

An assensus conclusionis fiat, ex assensu præmissarum, aut principiorum in genere causæ efficientis, vel solum materialis.

25 **Q**uæstio hæc fundamentum habet in propositione vniuersali Aristotelis afferentis doctrinam, vel disciplinam, quæ est iudicium conclusionis fieri ex præexistenti iudicio præmissarum, vel principiorū. Vnum autem fieri ex alio, aliquod genus causæ denotat sed potest denotare materiale, vt dum dicimus domum fieri ex lignis, & lapidibus, vel cognitionem intellectiua fieri ex sensitiua, hoc enim materiale quoque causalitatem denotat. Quia cognitio sensitiua concurret ad intellectiua determinando materiam, vel obiectum cir-

ca quod versari debeat. Et potest etiā denotare causam efficientem, vt dum dicimus calorem fieri ex igne, aut ab igne, ideo querimus, an assensus conclusionis fiat ex assensu principiorū in genere causæ efficientis, vel materialis tantum. Et quod materialiter ex eo fiat certissimum est, quia conclusio componitur ex terminis præmissarum, nempe ex maiori, & minori extremitate: & præterea determinatur per assensum principiorū, quia ex talibus principiis, tales conclusiones deducere potest intellectus, & nō alias diuersas, hæc autem ad genus causæ materialis pertinere manifestum est. Sed an præter genus causæ materialis, efficiens quoque reperitur in eis, ita vt assensus earum sint causæ efficientes assensus conclusionis, de hoc est quæstio. Circa quam est prima opinio durandi negantis eis efficientiā in 2. d. 2. q. 2. ad quartū: propter hæc duo argumenta primo. Quia causa efficiens agit inquantū est actu in rerum natura, nam quod non est, nihil potest efficere, sed dum intellectus assentitur conclusioni, iā non sunt assensus principiorum; ergo non possunt esse causa efficiens eius: 26 probat minorem, quia intellectus nō potest simul habere plures actus, vel assensus, sed vnum post alterū; ergo dum habet assensum conclusionis, iā transiuit assensus præmissarum: quare non poterit esse efficiens causa eius. Et vniuersaliter loquendo vnus actus non potest habere virtutem effectiuam alterius.

2. Assensus principiorū, cum per solam notitiam terminorum habeatur, specie distinguitur ab assensu conclusionis, qui habetur per medium demonstrationis; ergo si ille sit causa efficiens huius, erit causa æquiuoca specie distincta ab effectū, sed

sed non potest esse causa æquiuoca, ergo nec erit efficiens. Probatur minor, quia causa æquiuoca est vniuersalis, & remota, vt coelum, vel Sol, assensus autem principiorum est causa particularis, & proxima conclusionis; vt per se est manifestum; ergo non est æquiuoca.

27 2. Opinio est opposita, & assensus principiorum non solum sint causa materialis conclusionis, sed etiam efficiens, hanc tenet expressè D. Tho. cap. presenti lect. 3. vbi asserit esse sententiam Arist. 2. lib. Physicorum, & 1. lib. contra gentes cap. 57. ratione 4. vbi eum exponit, & sequitur ferre, atq. etiam Gabriel quæst. 8. prologi dub. 2. Sotus quæst. 1. huius capituli ad 2. Toletus in expositione primi textu, notab. 3. & hæc est vera, & tenenda.

Probatur duplici arg. 1. quia illud quod constituit potentiam in actu primo, concurrat cum ea efficienter ad actum secundum; vt species coloris tanquam virtus eiusdem coloris, qui est obiectum visus: constituit potentiam visiuam in actu primo ad videndum, & ideo concurrat efficienter cum ea ad visionem, quæ est actus secundus; sed per species principiorum, & assensum eorum constituitur intellectus in actu primo ad assentiendum conclusioni; ergo assensus eorum concurrat efficienter ad assensum conclusionis. Minorem proba, quia intellectus nudus non est sufficiens, neq. completa causa assensus conclusionis, nisi informetur per assensum principiorum; ergo assensus iste concurrat per modum forme determinantis in intellectum, & constituentis ipsum in actu primo ad assensum conclusionis, sed forma determinans, atque constituens in actu primo est causa efficiens operationis; ergo assensus prin-

cipiorum concurrat efficiens ad assensum conclusionis.

28 Secundo, ratio formalis obiectiua est causa efficiens actus, vt patet, in actu videndi, cuius ratio formalis obiectiua est visibilitas eiusdem coloris, & ideo efficiens causa, & in fide humana cuius ratio formalis obiectiua est testimonium fidei digni, & ideo efficiens causa actus credendi, sed ratio formalis obiectiua, propter quam assentitur intellectus conclusioni, est assensus principiorum, vt docet expressè Arist. cap. sequenti. Et probat euidens ratio, quia propter principia assentitur intellectus conclusioni: ergo erit causa efficiens assensus conclusionis.

Ad primum argum. Duran. neganda est minor, quod dum intellectus assentitur conclusioni non permanent assensus principiorum. Et eum dicitur intellectum non posse simul habere plures assensus, distinguendum est, quia duobus modis possunt se habere plures assensus, vel per modum plurium, quando non sunt inter se ordinati, vel per modum vnius, quando ordinati; sunt intellectus ergo non potest habere plures assensus per modum plurium, bene tamen per modum vnius, & ita se habent assensus principiorum & conclusionis, qui ordinati sunt; cum ille sit ratio formalis assentiendi huius. Dum ergo intellectus assentitur conclusioni perseuerare potest, & per seuerat in assensibus principiorum, quasi continuans eos & ideo possunt esse causa efficiens assensus conclusionis, quod vero vnus actus intellectus non possit esse causa alterius, negandum est, nam saltem potest esse, causa, quæ, licet non sit causa, quæ, hoc est ratio formalis causandi, licet, non sit quid causat, & ita assensus principiorum est ratio

formalis assentiendi, licet non sit causa, quæ efficiat assensum conclusionis, sed hoc solus intellectus habet ratio ne eiusdem assensus principiorum, & ideo assensus iste est efficiens, quo, assensus conclusionis, non efficiens, quod, sicut veritas rei est causa efficiens intellectus eius tanquā, quo, non tanquam quod.

- 29 Ad secundum concedenda est prima consequentia, quod assensus principiorum sit causa æquivoca assensus conclusionis, quia specie distinctus ab eo, sed minor neganda, quod sola causa vniuersalis, & remota sit æquivoca, nam omnis causa, siue vniuersalis, siue particularis, proxima, vel remota verè est æquivoca; quia ratio causæ æquivocæ non consistit in eo, quod particularis sit, vel vniuersalis, proxima, vel remota, sed solum in eo, quod sit distincta specie à suo effectu, quod patet, quia eo ipso, quod est eiusdē speciei, est vniuoca.

QVAESTIO. VI.

An assensus principiorum includatur formaliter in assensu conclusionis.

- 30 Certum est quod intellectus diuerso actu, atque priora assentitur præmissis, & cōclusioni, & diuerso quidem numero, atque specie; quia principiis assentitur propter se: hoc est sine aliquo medio, sed habita solū significatione terminorum. Conclusio autem vero non propter se, sed propter principia, quorum assensus præsupponitur assensui conclusionis. Quæstio igitur est, an postquā intellectus habuit assensum principiorum, & accedit ad assentiendū conclusioni, sic ei assentiatur propter principia, ut assensum eorum iterum repetat, vel satis sit, ut dicatur assentire cōclusioni

propter principia, quod assensus eorum immediate habuerit absque eius repetitione; nam si primo modo fiat, includetur formaliter assensus principiorum in assensu cōclusionis: si vero secundo modo, non includetur formaliter, sed solum præsuppositiōe, quod est verè nō includi formaliter, sed præsupponi.

Et prima opinio, quā secuntur moderni quidam, tenet necessario quidem præsupponi, sed cum sit prior, realiter atque specie distinctus ab assensu conclusionis, non posse in eo includi formaliter. Probāt testimonio Arist. Et duplici arg. Arist. enim in libris priorum agens de forma syllogistica asserit medium bis sumendum esse in præmissis, & ideo non esse repetendum in cōclusionione, sed in eavā extremitatē prædicari de altera. Pec caret igitur syllogismus in forma, si medium ingrederetur cōclusionem, sed hoc est necessario concedendum, si assensus principiorum includatur formaliter in cōclusionione; ergo non potest includi. Minorem sic probō, præmissæ componuntur ex medio, & extremitatibus, ergo si repetantur in assensu conclusionis, medium erit necessario in cōclusionione repetendum: sed non potest includi formaliter, nisi si repetatur, ut per se est manifestū; ergo falsū est, quod formaliter includatur. Asserit etiā Arist. cap. præf. agēs de modo demonstrandi, notitiam cōclusionis fieri ex præexistēti notitia principiorum, si ergo assensus principiorū præexistēs est respectu assensus conclusionis, erit præsuppositus, & consequēter non inclusus formaliter in eo, nā si formaliter includeretur, simul haberetur, & non prius.

Primum arg. eiusdem sententiæ est, quia si principia includuntur formaliter in cōclusionione; ergo eodem actu,

actu, quo assentitur intellectus cōclusioni, assentitur etiam principiis, sed assensus conclusionis est scientificus procedens ab habitu scientiæ; ergo per actū, & habitū scientiæ assentiremus principiis cōsequens, autē est falsum, quia assensus principiorū est notitia discursiua, assensus vero principiorū intuitiua, & sine discursu; ergo nō potest iste formaliter in illo includi. Quod etiā probatur impossibile, quia assensus principiorū numero, & specie distinctus est ab assensu cōclusionis; ergo non potest includi in eo formaliter. Probatur consequentia, quia quæ sic distincta sunt, non possunt formaliter se includere.

32 Prob. 2. quia in syllogismo euidēti infertur aliquando conclusio vera ex præmissis falsis. Vt patet in hoc, omnis arbor est animal: omnis homo est arbor; ergo omnis homo est animal, si ergo præmissæ includūtur in conclusione formaliter, falsum includetur formaliter in vero, quod repugnat. Confirmari etiā potest experientia, quia in conclusione solū coniungitur vna extremitas cum altera nulla ibi facta mentione medij; coniungitur ergo propter medium præsuppositum nō formaliter inclusum, sed ad sumum virtualiter. Probatur consequentia, quia formalis inclusio impossibilis est sine formali mentione, aut repetitione.

Secundū opinio affirmat assensum principiorum nō solum præsupponi assensui conclusionis, sed formaliter includi in eo Ita D. Th. 1. 2. q. 8. ar. 3. his verbis. *Primo aliqui intelligit ipsa principia secundū se: post modum autē intelligit ea in ipsis cōclusionibus, secundū quod assentit cōclusionibus propter principia* Idē etiam tenet q. 1. 2. art. 4. D. Th. secūtur Capr. in 1. d. 2. q. 1. in solutione ad arg. contra 4. concl. Ferra. 1. lib.

cōtra gentes cap. 57. Somein. 6. meth. q. 10. Duran. in 2. d. 3. 8. q. 3. ad 3. quod omnes docent intellectum eodē actu ferri in cōclusionē, & principia, cū ei propter principia assentiatur; quod repugnat, nisi assensus principiorū includatur formaliter in assensu concl.

Sed prob. hoc argu. satis efficaci. Eodē actu fertur potentia quolibet in obiectum, & in rationem formalem eius. Vt visus eodē actu fertur in colorem, & in rationem visibilitatis, aut in colorem, & lucem, si lux se tenet ex parte obiecti in visione coloris; Et ratio huius euidēs est, quia ex obiecto, quod percipitur, & ex ratione formali eum percipiendi cōstituitur vnum obiectum totale, atq. completum tanquā ex quo, & quod, sed assensus principiorum est ratio formalis obiectiua assentiendi conclusioni; ergo eodē actu fertur intellectus in conclusionem, quæ est obiectum, cui assentitur: & principia, quæ sunt rationes assentiendi, sed non potest ferri in principia eodē actu, nisi in obiecto eiusdem actus includantur formaliter; ergo necessariū est formaliter includi: præsertim cum assensus conclusionis distinguatur specie, à fide humana, & opinione solū propter diuersam rationem formalem assentiendi, quæ in opinione est ratio probabilis, in fide humana testimonium fidedigni, in assensu scientifico principia per se euidētia.

34 Prob. 2. in ductione in actibus intellectus, & voluntatis, nā in actu fidei formaliter includitur testimonij fidedigni, quia est ratio formalis credendi, & in actu voluntatis, per quē volumus media includitur voluntas finis, tanquā ratio volendi media, ut in actu quo volumus sumere portionem propter sanitatē, includitur formaliter actus intentionis, quo vo-

f 3 lumus

Iamvis sanitatem, sed assensus principiorum est ratio formalis, & actualis, propterquam assensus conclusionis, ergo actu, & formaliter includitur in assensu conclusionis.

Sed ut veritas nostrae sententiae intelligatur, & argu. oppositae melius solvantur, notandum est. Principia, & conclusionem, & assensus utriusque duobus modis considerari posse, primo in quantum intellectus assentitur principiis per se, & ex sola cognitione terminorum, & conclusioni, tanquam alteri obiecto distincto, non considerando, quod ei assentiatur propter principia; cum constet posse ei assentire propter aliam rationem, ut propter testimonium fidedigni, aut propter argu. probabile. Et hoc modo, nec praemissae includuntur in conclusione, nec assensus eorum. Alio modo considerantur, in quantum habent ordinem, ac dependentiam inter sese, nempe conclusio, ut ei assentitur intellectus propter principia, & principia, ut sunt causa conclusionis, tanquam formalis ratio assentiendi, & haec dependentia, & hic ordo essentialis est assensui conclusionis. Sicut ordo, ac dependentia assensus fidei ex testimonio intrinsecus est ei. Eui dens igitur est assensum conclusionis essentialiter includere ordinem dependentiae ad assensum principiorum, tanquam ad rationem formalem obiectivam. Sed ubi clauditur formaliter ordo, clauditur ex consequenti illud, ad quod ordo ipse terminatur; ergo in assensu conclusionis clauditur etiam ex consequenti assensus principiorum, tanquam terminus dependentiae essentialis, quam habet ab eo assensus conclusionis. Itaque assensus non clauditur formaliter, aut essentialiter in assensu, cum distinguatur specie, & numero, sed ordo dependē

tiae unius ab altero clauditur formaliter, & consequenter assensus ipse, a quo essentialiter dependet: unde ordo dependentiae tanquam quid intrinsecum, & formale, assensus vero tanquam extrinsecum a quo dependet, & sine quo idem ordo dependentiae essentialis, nec esse, nec intelligi potest. Sed actu includitur, quia actualis est ordo, nec includitur ut quod, sed solum ut quo, quia solum, ut ratio assentiendi. Exemplum huius possumus adducere in visione coloris, supposito quod lux sit necessaria ex parte obiecti ad videndum, tunc enim eodem actu fertur visus in colorem, & lucem, non ita, ut lux sit, quod videtur, sed ratio formalis videndi, nec lux ipsa includitur in colore ipso, qui videtur, imo nec in obiecto actu videndi, tanquam aliquid intrinsecum, sed quia color, ut est obiectum visus, habet essentialem ordinem dependentiae a luce, qui nec esse potest, nec intelligi sine illa, propterea illa etiam actu includitur in obiecto visionis, per quam videtur color, tanquam terminus actualis dependentiae obiectivae. Sic ergo intelligendum est principia, & eorum assensus includi in conclusione, & assensu eius, quia essentialis est ordo dependentiae ab eis assensui conclusionis, & quia ordo iste actu formaliter, & essentialiter includitur in assensu conclusionis, necesse est, principia etiam, & eorum assensum actu, & formaliter includi, non tanquam ei intrinseca, sed tanquam id, sine quo essentialis ipse ordo, nec esse potest, nec intelligi.

Ex hac ergo doctrina respondetur ad testimonia Aristot. ad primum quidem concedendo, quod medium non debet ingredi conclusionem, nec sequitur ex nostra sententia, quod formaliter ingreditur, quia principia non

non ingrediuntur, vt quod, hoc est vt quibus assentitur intellectus. sed solum vt, quo. Ideo non sunt formaliter exprimenda, aut repetenda in conclusione, sed sufficit extremitates formaliter exprimere, aut repetere, atque coniungere cum actuali dependentia à principiis, & consequenter à medio, vt formaliter includantur, licet non exprimantur, sicut in actu fidei non exprimimus testimonium dicentes nos credere propter testimonium fidedigni, sed solum exprimitur illud, quod creditur: ratione tamen actualis dependentiæ ab eodem testimonio inclusum cõsetur testimonium, licet non exprimat. Ad secundum testimonium respondemus notitiam conclusionis fieri ex præexistenti notitia principiorum, præsupposita quidem vt, quod, sed inclusa in ea, vt quo. Hoc est vt ratio assentiendi eidem conclusioni.

Ad 1. argum. concedendum est, quidquid assumit, & concludit, præter ultimam consequentiam, qua infert, ergo per actum, & habitum scientiæ assentire intellectus principiis. Hæc enim neganda est, quia principia, vel eorum assensus non includuntur in assensu conclusionis, tanquam cui assentitur intellectus, sed tanquam ratio assentiendi: unde solum sequitur, quod per actum, & habitum scientiæ assentiatur intellectus conclusioni propter principia.

37 Quod vero dicitur assensum principiorum specie, & numero distinguere ab assensu conclusionis, verum est, sed ex hoc solum sequitur, quod non possit in eo includi, tanquam aliquid ei intrinsicum, sed tanquam extrinsecum, sine quo nec esse, nec intelligi potest essentialis ordo dependentiæ, quem includit assensus conclusionis ab eo. Hunc enim modum in-

clusionis non tollit differentia numerica, nec specifica, vt per se est manifestum.

Ad 2. concedendum est antecedens, & neganda consequentia, quod falsum includatur in vero, quia conclusio vera non sequitur ex præmissis, vt falsis, sed vt sic dispositis in forma syllogistica, quare solum infertur, & illæ, vt sic dispositæ includantur in assensu conclusionis, tanquam, quo, modo iam explicato.

Ad confirmationem cõcedendum est antecedens, quod solum in cõclusionem cõiungantur extremitates nulla facta mentione medij, sed quia cõiunguntur per medium, hoc est cum actuali, & formali dependentia ab eo, necesse est, medium includi formaliter in tali cõiunctione, quæ est assensus ipse conclusionis, veruntamen, quia non includitur, tanquam, quod, hoc est tanquam id cui assentiatur intellectus per assensum conclusionis, sed tanquam quo, id est tanquam ratio formalis, & actualis assentiendi eidem conclusioni, ideo non exprimitur, nec expressa mentio eius fit, sed nec ex primi potest absque peccato contra formam syllogisticam.

QVAEST. VII.

An habito assensu præmissarum assentiatur intellectus conclusioni in eodem instanti.

SI præmissæ disponantur debito ordine, quem postulat ars syllogistica, ac demonstratiua, certum est, assensum maioris prius tempore haberi posse, quam assensum minoris, & conclusionis habeatur: quia vniuersalis propositio est, sub qua subsumenda est minor, tanquam particularis, & ex vtraque inferenda conclusio, ideo

non

32 non dependet ab assensu minoris, & conclusionis. Certum est etiam, quod si non seruetur ordo disponendi præmissas, etiam assensus minoris poterit haberi prius tempore, quàm assensus maioris, & conclusionis, quia dum minor non subordinatur maiori, siue illa esse potest, et si ita habeatur, non est necessarium, quod statim ex ea inferatur conclusio. Gratia exempli prius tempore habere potest intellectus hunc assensum maioris. Omne animal rationale est risibile, quàm habeat hunc assensum minoris, homo est animal rationale, & hunc assensum conclusionis, omnis homo est risibilis. Potest etiam nullo ordine seruari prius tempore habere secundum, quam primum & tertium, de his igitur non potest esse dubium.

Sed solū an habitis assensibus maioris, & minoris dispositis, & ordinatis necesse sit simul habere assensum conclusionis, vel prius haberi possint illi, quam habeatur iste. Et de prioritate naturæ certum est prius illos haberi, quia sunt causa assensus conclusionis, causa autē prior est natura suo effectu. Quæstio ergo procedit de prioritate temporis, an possit intellectus habere assensum maioris, & minoris dispositis in hoc instanti, & non habere in eodem assensum conclusionis, vel necesse sit, quod in eodem instanti sequatur ex eis, & cum eis simul tempore habeatur.

Et videtur non esse necessarium, quod habeatur in eodem instanti, quia intellectus non potest simul plura intelligere ut docet Arist. 1. lib. Top. cap. 3. loco 33. his verbis. *Contingit enim plura scire, cogitare autem non.* Per cogitationem intelligens actualem cognitionem, sed præmissæ, & conclusio sunt plura; ergo non poterit ea simul, hoc est in eodem instanti intel-

ligere. Et si dicas plura quidem esse, sed habere modum vnius, in quantum ordinata sunt in eodem syllogismo. Adhuc duplex est aliud impedimentum, primum, quia potest habere errorem contrarium conclusioni, & nimis radicatum in subiecto per plures actus, tunc ergo non poterit statim cum expellere per assensum conclusionis, & ideo nec statim ei assentire. Secundum, quia capacitas intellectus, per quam potest multa simul intelligere, finita est; ergo si numerus eorum, quæ potest actu considerare, impleatur per assensum præmissarum, non poterit simul habere assensum conclusionis, quousque alium dimittat.

Vera tamen sententia est, assensum conclusionis in eodem instanti sequi ex assensibus præmissarum. Cuius ratio est, quia ut Arist. docuit cap. præfati, ex terminis eorum fit, & in eis continetur virtualiter tanquam in causa, aut tanquam arbor in semine, ideo nullum potest esse impedimentum, quin statim ex eis sequatur.

Ad testimonium Arist. respondetur, intelligendum esse de pluribus ut plura sunt, hoc est diuersa, & nullo modo inter se, vel ad tertium ordinata, nam quæ per modum vnius intelliguntur, non dicuntur plura simpliciter, sed vni assensus autem præmissarum, & conclusionis modum vnius habent, quia in eodem syllogismo ordinati sunt, ideo simul possunt haberi ab intellectu. Cui non obstat impedimentum erroris, nam cum fortior causa sit demonstratio, statim illi vincit, atque expellit: & etiam si nimis sit radicatus, non impedit assensum conclusionis, neque habitum scientiæ, qui per illum producit in eodem instanti, sed permanebit simul cum eo, quousque multiplicatis demon-

demonstrationibus omnino expellatur, non enim repugnat contrarios habitus remissos simul permanere in eodem subiecto, sicut neque contrarias qualitates remissas, ut calorem, & frigus. Aliud denique impedimentum de capacitate intellectus finita (circa quod multa verba consumit Sotus cap. præsentis) difficultate caret, nam licet intellectus, duo, vel quatuor tantum diuersa simul possit intelligere, & vnum, vel tria actu consideret, dum accedit ad constituendam demonstrationem, poterit assensus præmissarum, & conclusionis simul habere, cum modum vnius habeant, licet sint tres.

QVÆST. VIII.

An habitus assensibus præmissarum liberum sit intellectui assentire conclusioni, vel necesse sit assensum eius habere in eodem instanti.

40 **D**Vplex est libertas voluntatis, contrarietatis, & contradictionis, & illa vocatur etiam libertas quoad specificationem, hæc vero libertas quoad exercitium. Libertas contrarietatis est, posse voluntatem actum bonum, & malum habere, aut intellectum assensum, vel dissensum. Et dicitur contrarietatis, qui actus bonus, & malus contrarij sunt, atque etiam assensus, & dissensus intellectus. Specificationis vero, quia ab obiecto speciem accipiunt actus. Libertas vero contradictionis est posse voluntatem, vel intellectum exercere actum, vel eum suspendere, quia habere actum, & non habere contradictionem opponitur. Et exercere actum, vel non exercere denotat exercitium potentie intellectus autem, licet radicale,

quædam rationem libertatis habear, in quantum formalis libertas voluntatis originem habet ab eo, quod intellectus plura potest ei obiecta proponere, & ideo ipsa operari, circa vnum, vel alterum, ut sibi placuerit, sed formalem libertatem, quæ consistit in eo, quod est velle se applicare ad operandum, vel nolle operari, sola voluntas habet, à qua eam participat intellectus, in quantum potest applicari ad intelligendum, non à se, sed à voluntate, & etiam potest ab intellegendi diuertere, aut remoueri.

Quo supposito quærimus, an habitus assensibus euidentibus maioris, & minoris, possit intellectus per dependentiam à voluntate assensum conclusionis suspendere. Ita ut in eo instanti, vel non operetur, vel à voluntate diuertatur ad operandum circa aliud obiectum diuersum ab assensu conclusionis, vel omnino necessitetur ad assentiendum eidem conclusioni.

Certum est autem necessitari quantum ad specificationem, ita ut non sit ei liberum assentire, aut dissentire, sed si operetur circa obiectum propositum assentire debeat conclusioni, dissentire vero nullo modo possit, quia ex assensibus principiorum veris, & necessariis non potest, nisi assensus verus, ac necessarius procederes, ergo si procedat aliquis, assensus debet esse, dissensus esse non potest, nam sicut voluntas non potest odio profectui bonum, ut bonum sibi representatum, ita intellectus non potest dissentire vero ac necessario, ut tali sibi proposito. Quæstio igitur est, an possit non assentire conclusioni, vel quod idem est assensum suspendere, cessando omnino ab operatione, vel operando circa aliud.

Et est opinio quorundam modorum

42
norum asserētium, nullo modo posse intellectum suspendere assensum conclusionis, sed necessario eum elicer. Probat primo, quia assensus principiorum sunt per se evidentes, & necessarii, & continent virtualiter assensum conclusionis, & continentia quidem naturali, sicut semen continet virtualiter arborē, & arbor fructū; ergo conuincitur ab eis intellectus naturaliter, vt assentiat conclusioni, sed necessitas naturalis nō subditur libertati voluntatis. Vt patet in actu potentiae nutritiuae, quem nō potest suspendere voluntas, quin cibum sibi applicatum conuertat in substantiam viuētis; ergo nec poterit voluntas suspendere actum intellectus, quin statim assentiatur conclusioni.

Secundo, quia sicut se habet in voluntate intentio finis ad electionem mediorum, sic se habet in intellectu assensus principiorum ad assensum conclusionis, vt D. Tho. docet 1. 2. q. 8. art. 1. & cū eo tota schola, sed certum est apud omnes, quod posita efficiendi intentione finis, & perseverante voluntate in ea, non potest suspendere actum electionis, sed necessitatur omnino ad eligendum aliquod mediū pro consecutione eius, ergo habito assensu principiorū, & perseverante in eo intellectu, nō potest vllō modo suspendere actum conclusionis.

Secunda opinio est opposita, quod adhuc positis assensibus praeiudicari possit intellectus suspendere assensum conclusionis, ita vt à voluntate diuertatur ad operandum circa aliud obiectum. Hanc sequitur iam maior pars modernorum, & continetur in doctrina D. Tho. & ideo à nobis tenenda est.

Sed vt eam explicemus simul, & probemus, duo sunt notanda ex doctrina D. Tho. ab omnibus iam rece-

pta. Primū est, quod intellectus subditur voluntati, quantum ad exercitium actus, hoc est quantum ad applicationem eius ad operandum, vel remotionem ab operatione hac, vel illa, ita docet D. Tho. 1. 2. q. 9. art. 1. ad 3. his verbis. *Voluntas movet intellectum quantum ad exercitium actus, quia, & ipsum verum quod est perfectio intellectus, continetur sub vniuersali bono, vt quoddam bonum particulare.* Ex quibus deducitur hæc distinctio, sicut bonum est duplex, sumum, & perfectissimum, in quo continetur omnis ratio boni, quale est Deus, & particulare, ac limitatū, quale est quodlibet bonū creatum. Eodē modo duplex est verum, sumum, & perfectissimum continens omnem rationem veritatis, vt idemmet Deus. Et particulare, ac limitatum, quale est quodlibet verum creatū, siue sit principium evidens, siue conclusio ex eo deducta. Præterea sicut voluntas libera est circa quodcumque bonum particulare, siue, sit finis, vel mediū, ita vt possit operari, & non operari circa illud, circa bonum vero sumum perfectē cognitum quale est Deus clarē vltus à beatis, nullam habet libertatem, sed omnino necessitatur ad illud diligendum. Eodem modo intellectus circa quodlibet verum particulare liber est per dependentiam à voluntate, ita vt possit applicari à voluntate ad operandum circa illud, & diuerſi ab operatione. Sed circa sumum verum clarē sibi ostensum nullam habet libertatē, nec potest diuerſi à voluntate, quin operetur circa illud. Et rationem huius reddit D. Th. quia quodlibet verum particulare, & operatio intellectus circa illud, est etiam particulare bonum, sed circa particulare bonum quodcumque non necessitatur voluntas, sed potest velle, & non velle illud,

illud ; ergo liberum est volûtati vel le applicare intellectum ad operandum circa quodcumque verum particulare, vel diuertere illum ab operando circa illud, nō tamen circa verum vniuersale, ac perfectissimū clarē ei ostensum, quale est Deus in patria. Quia omnis potētia naturaliter determinata est ad operandum circa illud: quod perfectissimē cōtinet omnem rationem sui objecti, ita vt dum sibi offertur, non possit suspendere operationem. Sed Deus clarē visus cōtinet perfectissimē omnem rationem boni, & omnem rationem veri; ergo nec voluntas potest suspendere actum circa illud sibi propositum ab intellectu, nec intellectus circa illud sibi clarē ostēdum. Quia sicut est vniuersale bonū, sic operari circa illud est vniuersale bonum potentie, & ideo clarē illud videre intellectum sumum bonum eius est, & sumum bonum voluntatis, & ita nec ipsa potest eum non diligere, nec diuertere intellectum à visione clara eius.

45 Ex tota hac doctrina colligitur hæc ratio efficaciter probās nostram sententiam. Voluntas non necessitatur ad operandum circa aliquod particulare bonum: ergo nec intellectus circa particulare verum. Probatur consequētia, supposito, quod intellectus subditur voluntati quātum ad applicationem, seu exercitium operandi, quia intellectum operari circa particulare verum, est bonum particulare eius, atque etiam bonum particulare voluntatis; ergo nō necessitat voluntatem ad applicandum intellectū, vt operetur circa illud, sed liberum est ei eum applicare, aut diuertere, conclusio autem demonstratio est verum quoddam particulare; ergo etiam habito assensu principiorum non necessitatur voluntas ad appli-

candum intellectum; vt assentiatur conclusioni, sed potest eum diuertere ab assentiendo.

Secun. notandum est. Ex doctrina eiusdem D. Th. 1. 2. q. 50. art. 1. & 3. deducta ex Aristo. & recepta etiam ab omnibus, quod potentia non est capax habitus, nisi in ordine ad obiectum, circa quod potest operari liberē, vnde potentia omnino naturalis nullam habens libertatē in suis operationibus saltem ex participatione voluntatis nō est capax habitus, nec potest eum acquirere, quātumuis frequenter operetur, vt patet in potētia visua, quæ non est capax habitus ad videndum, neque potest illum adquirere per frequētes actus visionis, sed intellectus per assensum principiorū acquirit habitum, qui vocatur intellectus, & habitus assensibus principiorum, etiam acquirit habitum scientie per assensum conclusionis secundum communem sententiam totius Scholæ; ergo aliquam habet libertatem in assensu principiorum, & eo habito in assensu cōclusionis: minima autem libertas est posse assentire, & assensum suspendere; ergo negari nō potest, quod hanc habeat.

Ad primum arg. oppositæ sententie concedendum est antecedens cū 47 consequentia, sed distinguendum consequens, quod conuincatur intellectus per assensum principiorum ad assentiendum conclusioni, nam licet communicare quantum ad specificationem actus. Quia non est ei liberū si operatur circa conclusionem elicere actum dissensus, sed necessario assentiendum est ei. Quantum ad exercitium tamen non conuincitur, quia intellectus non est potentia purē naturalis, sicut visus, nec operatur omnino ex determinatione ad vñ, sicut ille, sed subdatur imperio voluntatis circa

CAPVT SECVNDVM.

TEXTVS ARIST.

Scire autem arbitramur vnum-
quodque simpliciter, & non so-
phistico more, &c.

Breuis expositio text.

CAP. præcedenti docuit Arist. scientiam esse, & de nouo acqui-
ri per demonstrationem ex præ-
existenti cognitione principiorum.
In hoc autem secundo cap. intendit
docere, quid scientia, & quid demō-
stratio sit. Diuiditur autem in tres
partes. In 1. vnam definitionem sciē-
tiæ, & duplicem demonstrationis tra-
dit. In 2. definit principium, illudq.
duplici diuisione diuidit. Et in ter-
tia docet, & probat principia, seu præ-
missas notiores esse conclusionē.

Pluribus verbis definit scire, hoc
est scientiam in concreto, ex quibus
paucæ hæc sumenda sunt, quibus bre-
uis definitio assignatur. *Scire est cog-
noscere causam rei, & quod illius est causa,
& quod non contingit aliter se habere.* Per
quam solum definit Arist. perfectis-
simam scientiam, quam vocat scien-
tiam propter quid; (nam de sciētia,
quia minus perfectæ, cap. 10. huius li-
bri se acturum promittit) ad quā ha-
bendam triplicem conditionem re-
quiri affirmat. Prima est, q̄ causam
conclusionis cognoscamus. Secunda,
quod cognoscamus talem causam, nō
solum secundum cognitionem nostrā
esse causam, sed secundum rem, nam
dum probamus hominem esse ratio-
nalem, quia est risibilis, risibile prius
est in nostro intellectu, & ideo causa
cognoscendi rationale, sed nō est cau-
sa essendi ei, sed potius est effectus.
Et ideo non habemus scientiam pro-
pter quid de rationali, sed solū, quia

Ter-

circa quodcumque particulare verū
quantum ad applicationem, vel exer-
citium, & ita potest à volūtate appli-
cari ad assentiendum principiis, &
conclusioni (quæ vera particularia
sunt) & diuerſi ab assensu eorum.

Ad 2. distinguendum est antee-
dens, quia sic se habet in intellectu
assensus principiorum ad assensum
conclusionis, sicut in voluntate intē-
tio finis ad electionem mediōrū, quā-
tum ad aliquid, sed quātum ad aliud
se habet diuerso modo. Conueniunt
namque in eo, quod sicut voluntas
per se primo tēdit in finem, & ex in-
tentione finis mouetur ad media, sic
intellectus per se primo mouetur ad
assensum principiorum, & ex assensu
principiorum mouetur ad assensum
conclusionis. Differunt tamen, quod
voluntas non elegit media propter
finem vteumq. sed propter consecū-
tionē eius, & ex hoc prouenit, quod
si velit perseverare in intentione fi-
nis, non possit suspendere actum ele-
ctionis. Sed quamuis liberum sit ei
vnum, aut alterum medium eligere,
non possit nō eligere aliquid. In in-
tellectu vero hoc nō reperitur, quia
assensus conclusionis non ordinatur
ad consecutionem alicuius finis, sed
solum habet necessitatem consequē-
tiæ, quia virtualiter continetur in
principiis, ex quib⁹ procedit per eui-
dentem consequentiam, sed procede-
re, aut non procedere, pendet ex ap-
plicatione voluntatis ad eum elicē-
dū, quæ applicatio libera est, vt pro-
bauimus, cum sit circa verum quod-
dam particulare, & distinctum ab ip-
sismet principiis. Vnde liberum est
voluntati applicare, aut diuertere
intellectum ab assen-
tiendo.

Tertia conditio est, quod cognoscamus non solum esse causam essendi, sed causam necessariam, ita ut ea posita necessario sequatur effectus, hoc enim significatur illo verbo, *et quod non contingit aliter se habere*. Integræ definitionem brevissimè explicat Arist. dicens, scire esse per demonstrationē intelligere, quia si vera sit demonstratio propter quid, tres illæ conditiones reperiuntur in præmissis respectu conclusionis.

Definit deinde demonstrationem duplici definitione, quarū prima ita habet, Demonstratio est syllogismus scientialis, siue syllogismus faciens scire, & est definitio finalis, quia finis demonstrationis est generare scientiam, & hæc scientia genita per demonstrationem est assensus conclusionis eius genitus ex præmissis.

Secunda definitio materialis est, nam sicut ex fine propter quem efficitur domus, nempe ut à pluuiis. Aliisque temporum iniuriis nos defendat, colligimus, ex quibus partibus materialibus constare debeat, nempe ex lignis, lapidibus, aliisque partibus tali modo dispositis, ita Arist. ex fine demonstrationis colligit, quibus partibus dispositis, & ordinatis constare debeat demonstratio; quasi ita arguens, demonstratio ordinatur ad generandam scientiam, tanquam ad finem; ergo talis debet esse. *Ut procedat ex veris, primis, et immediatis, notioribus, et prioribus, causisq. conclusionis.* Probat singulas particulas definitionis, & primo, quod demonstratio procedat ex veris hoc modo. Obiectum scientiæ debet habere esse; ergo quod non est, non scitur, sed falsum nihil est; ergo non potest de illo esse scientia; veram igitur esse oportet conclusionem demonstrationis, cuius assensus est scientia. Ergo debet procede

re ex præmissis veris, tãquam ex causa. Probatur consequentia, quia falsum cum nihil sit, nō potest esse causa veri. Quod vero demonstratio procedat ex primis probat, quia nisi præmissæ sint principia per se evidētia formaliter, hoc est, quibus cognita significatione terminorū statim eis assētiatur intellectus, vel saltem virtualiter, si is qui demonstrationem facit, sciat ea reducere ad principia per se nota per alias demonstrationes, non habebit scientiam conclusionis, nec proinde veram demonstrationem, sed dialecticam tantum syllogismam, & assensum opinionis de conclusione. Probat tandem, quod ex notioribus, prioribus, & causis conclusionis procedat, quia scire est rem per causam cognoscere; ergo præmissæ debent esse vera causa conclusionis, sed causa est prior, & notior effectu; ergo debent esse priores, & notiores, non solum quoad nos, quoad pactio illud est prius, quod notius est nobis, licet secundum naturam sit posterius, ut effectus notior nobis est causa, & ideo prior quoad nostrā cognitionē, sed præmissæ debent esse priores, & notiores conclusionē ex natura rei, quod habebunt si secundum rem sint causæ eius, ut expositū est.

In 2. par. cap. quia dixerat demonstrationem debere procedere ex primis, hoc est ex præmissis, quæ sint principia indemonstrabilia, definit principium indemonstrabile hoc modo, principium est *propositio immediata demonstrationis*. Explicat autem, quid sit esse propositionem demonstrationis, vel demonstratiuam, & quid sit esse immediatam. *Propositio, inquit, est altera pars enuntiationis cuius de uno complexione.* Nam enūtiatio diuiditur in affirmatiuam, & negatiuam, est igitur *propositionem demonstrationis idē*

est, ac esse enuntiationem affirmati-
uam, aut negatiuam, quæ tanquã præ-
missa ponitur in demonstratione ad
inferendam conclusionẽ, & ideo de-
bet esse vera, ac necessaria, vt distin-
guatur à propositione dialectica, quæ
solum est probabilis, & ideo potest
esse falsa. *Immediata vero propositio est,
quæ non est alia prior.* Hoc est, quæ non
habet aliam, per quam demonstrari
possit, sed cui intellectus ex sola no-
titia terminorum assentitur.

5 Diuidit deinde principiũ in duo
membra, nempe in dignitatem, & po-
sitionem, dignitas est propositio im-
mediata, atque indemonstrabilis adeo
vniuersalis, & manifesta: vt eius ve-
ritas omnibus pateat, & hæc fortè ra-
tione vocatur dignitas, quia dignũ
est cui assentiantur omnes. Et hæc
etiam de causa inquit Arist. dignita-
tes cognoscere debere omnes, qui
scientiam aliquam acquirere volunt,
priusquam ad eam addiscendam ac-
cedant, tales sunt, quodlibet est, vel
non est, totum est maius sua parte, &
similes. Positio vero est propositio
per se nota, & indemonstrabilis, sed
nec vniuersalis adeo, nec cuius veri-
tas omnib' sit manifesta, & ideo quã
non est necessario, cognoscat prius,
qui aliquam scientiam addiscere in-
cipit, sed tunc potest per se, vel à ma-
gistro eam accipere, & talia sunt om-
nia principia particularium, scientia-
rum, vt definitiones. Est autem alia
differentia inter dignitatem & po-
sitionem, quod dignitates vix, aut nũ-
quam ingrediũtur demonstrationẽ,
sed omnibus scientis præsupponun-
tur. Positiones vero præmissæ demõ-
strationis, sunt, & ideo positiones vo-
cantur, quia ponuntur in demonstra-
tione: ad inferendam conclusionem.
Positionem rursus diuidit in eam
quæ verum, vel falsum continet, &

hæc est propositio, quã appellat sup-
positionem, quia sub tali dispositio-
ne ponitur indemonstratio ad infe-
rendam cõclusionem. Et in eam, quæ
non continet verum, nec falsum, sed
ex illa potest suppositio fieri, & di-
cit esse definitionẽ, vt animal ratio-
nale est principiũ, quod vocatur de-
finitio, ex qua potest fieri aliud prin-
cipiũ, quod sit suppositio, vt si dica-
m' homo est animal rationale suppo-
sitio est, quia verũ, vel falsũ cõtinet.

In 3. p. docet principia, vel præ-
missas demonstrationes magis euidẽ-
tes, magisque certas esse debere, quã
6 conclusio eiusdem demonstrationis.
Quod probat, ex communi illo axio-
mate. *Propter quod innumquodque tale, &
illud magis.* Vt si Petrum diligo pro-
pter Ioannem, magis diligo Petrum
quam Ioannem? sed conclusioni de-
monstrationis assentitur intellectus
propter præmissas; ergo fortius, ac
certius assentitur præmissis, quare
certiores, & notiores esse debent cõ-
clusionem.

QVAESTIO. I.

*An secunda definitio demonstra-
tionis sit bona.*

QVæstio hæc non tam proponitur
ad rei difficultatem discutien-
dam, quam ad elucidandam defini-
tionem Aristot. atque ostendendum
exactam esse. Quod vt fiat duo arg.
aduërsus eam proponemus, ex quorũ
solutione manifestum sit. Primum
est, quia definitio per genus, & diffe-
rentiam dari debet, vel per aliquid,
& loco generis, aut differẽtiæ ponat-
ur, sed nihil ponitur pro genere in
hac definitione, vt verba eius osten-
dunt, quibus ab aliis arg. distingua-
tur, in nullo vero eorum cõ eis conue-
nit; ergo caret omnino genere, &
ideo

ideo non est integra, vel completa.

Secundo, quia bona definitio nec verbū debet habere superuacaneū, sed hæc habet plura eiusmodi; ergo non est bona. Probatur minor, quia demonstracionem procedere ex primis, & prioribus idem sunt, nam prima, & priora idē prorsus significāt; ergo redundat alterum. Præterea, causa est prior, & notior effectus; ergo qui dicit demonstracionem procedere ex causis, dicit debere procedere ex prioribus, & notioribus, sufficeret, ergo ponere in definitione particulam ex causis, & duæ aliæ, nē pe ex prioribus, & notioribus videntur superflue, totamque definitionē vitiosam efficere. Et tandem quod procedat ex primis. Et ex immediatis, aut indemonstrabilibus idem est. Cum idem sit principia demonstracionis esse prima, & esse immediata, aut indemonstrabilia; ergo aliquod horum verborum superfluum est.

Nihilominus definitio hæc bona est, quod ita probō. Bona definitio est, per quam sufficienter explicatur natura definiti, & distinguitur à cæteris, sed hæc duo præstat hæc definitio demonstracionis explicans naturam demonstracionis, & eam distinguens à cæteris argumentationibus; exacta igitur censenda est. Probatur minor, quia hæc definitio explicat partes, ex quibus demonstratio consistere debet, nempe præmissas veras, necessarias. Et quæ sint veræ causæ, & per se conclusiones, & quæ sic disponantur, vt ex eis euidenter inferatur conclusio, & demonstratio ex his constituta essentialiter distinguitur ab aliis speciebus argumentationis, cum quibus conuenit in genere remoto argumentacionis, & cum syllogismo dialectico in genere syllogismi, quod genus sub intelligitur,

absque dubio ab Arist. nec necessarium fuit illud expressē in definitione ponere, quia & in lib. Priorū proximè antecedētibz syllogismū definiat, & in prima definitione eiusdē demonstracionis præsentī cap. traditā eundem syllogismū expressē posuit pro genere dicens, demonstracionem esse syllogismum scientialem, aut facientem scire. Quare secunda definitio his verbis debet assignari. *Demonstratio est syllogismus procedens ex veris, primis, & immediatis, notioribus, & prioribus, causisque conclusionis.* Ita vt per syllogismum conueniat in genere immediato cum dialectico, & per eandem particulam censeantur separatē ab ea cæteræ argumentationes, atq. etiā syllogismus sophisticus, qui dū peccat in forma, non est syllogismus simpliciter, sed secundum quid, & ideo non conuenit cū demonstracione in syllogismo, tāquam in genere, sed solum analogicē, & ideo sic censeatur separatus. Per cæteras vero particulas definitionis distinguitur demonstratio à syllogismo dialectico, qui ex aliis valde diuersis procedit, vt in topicis dicitur. Et ex his manet explicata definitio demonstracionis, & solum primum arg.

Ad secundum neganda est minor, quod in definitione aliquod verbum sit superuacaneum, quia licet quædā eandem rem significant, omnia tamē diuersam rationem eiusdem rei significant, quod satis est, vt nullum sit superfluum. Vt principia esse prima, & esse immediata, aut indemonstrabilia diuersas rationes principiorū denotāt, principium namque dicitur primum in ordine ad conclusionem, quæ non est prima, sed à primo deriuata. Immediatum vero, aut indemonstrabile respectu alterius mediij prioris, per quod demonstrari pos-

sit quo caret. Prima quoque dicuntur principia propter dignitatē, sed priora propter causalitatē. Causa de niq. duplicem habet dignitatem respectu effectus, & quod sit prior natura illo, & quod sit notior, & licet vna sequatur ex altera, ratione tamen distinguuntur. Et ecce nullum est verbum in definitione, quod non significet rationem aliquam, vel dignitatem principiorum distinctam ab ea, quam significat aliud, quod satis est, vt nullum sit superfluum. Imo necesse fuit omnia illa verba in definitione ponere, vt omnes rationes principiorum exprimerentur, & ratio, atq. dignitas demonstrationis explicatius traderetur. Vnum tamen est notandum quod dum dicitur demonstrationem procedere ex causis, per causas nō solum intelliguntur illæ, ex quibus realiter procedit effectus, sed quęcunq. rationes priores aliis. Nam de ente demonstrantur proprietates, aut passionesejus in Metaphysica, vt quod sit vnum, verū, & bonum, & de Deo demonstramus, quod sit æternus, quia est immutabilis, & per veras demonstrationes, & tamē non potest esse vera causalitas, inter vnum, & alterū, cum nec sit distinctio ex natura rei, sed sufficit prioritas rationis, quam intellectus noster inter ea ponit ad veram demonstrationem.

QVÆSTIO II.

Quotplex sit propositio per se nota, & an omnis immediata sit appellanda per se nota.

Circa definitionem, & diuisionem propositionis per se notæ, non videntur eodem modo sentire D. Th. & Scotus, atq. ex consequēti, nec sectatores vtriusq. Nam D. Th. de veritate q. 2. ar. 2. lib. 2. contra gentes

cap. 10. & 11. & 1. p. q. 2. ar. 1. sic definit propositionem per se notā. *Propositio per se nota est, cuius prædicatum includitur in ratione intrinseca subiecti.* Vt homo est animal. Deinde diuidit primo propositionem per se notam in eam, quæ est per se nota secundū suam naturam, & non quoad nos, & in eam, quæ est per se nota etiā quoad nos. Per se nota ex natura sua, & non quoad nos est illa, cuius prædicatum verè est intrinsecū respectu subiecti, sed nos id ignoramus, & talis erit illa in qua definitio nobis ignota prædicatur de suo definito. Per se nota vero ex natura sua, & quoad nos erit illa, cuius prædicatum verè est subiecto intrinsecum, & à nobis cognoscitur, vt homo est animal rationale.

Secundo diuidit propositionem per se notam ex natura sua, & quoad nos in vnam, cuius termini omnibus patet. Et tales sunt principia vniuersalissima, vt quodlibet est, vel nō est, & totum est maius sua parte. Et in aliā, cuius termini nō omnibus sunt manifesti, sed solis sapientibus, & talis est hæc, spiritualia non sunt in loco circumscriptiue. Hæc definitionē propositionis per se notæ cum vtraque diuisione amplectuntur serè omnes, Rich. in 1. d. 3. ar. 1. q. 2. Duran. ibidem q. 3. Ferr. 1. lib. contra gentes cap. 10. Capreol. in 1. d. 2. q. 2. ar. 1. & 2. Caiet. 1. p. q. 2. ar. 1. & cap. præfati, Sotus cap. præcedenti quæst. 2. ad 9. & plures alij.

Secūda opinio Scoti, opposita est, quia nec definitio ei placet, nec diuisiones recipit, sed aliam definitionē ipse assignat prolixam satis, & obscuram his verbis. *Propositio per se nota est quæ ex terminis propriis, qui sunt aliquid eius, vt sunt eius, hoc est, vt sic concepti, ex nō propter aliquid aliud, quod sit extra terminos proprios, habet evidentem veritatem.* Vt om

IO

nē totum est maius sua parte, & talē ait esse omnem propositionem per se notam, & ideo non esse diuidendam illis diuisionibus traditis à D. Thom.

I Ex qua definitione colligitur distinctionem esse propositionem, in qua prædicatur prima passio de definitione, vt animal rationale. est capax disciplinæ, & in qua prædicatur de definito, vt homo est capax disciplinæ, quod multis probat argumentis putans fortē contrarium hoc esse sententiæ D. T. Sed hæc arg. omittenda sunt, quia id non negat D. Th. vt videbimus, Scotum secūtur Aureol. & Greg. quos citat Capreol. in 1. d. 2. q. 2. art. 1. qui aduersus definitionem D. Th. sic arguunt.

Multæ sunt propositiones per se notæ in Mathem. sciētiis, in quibus prædicatum nō est de intrinseca ratione subiecti, vt totū est maius sua parte, & à quolibet pūcto in quodlibet pūctū possumus lineā ducere. Et in Philosophia naturali, motū esse, atq. etiā naturam esse, imo, & hæc per se nota est, animal rationale est capax disciplinæ, nix est alba, coruus est niger. Et ex opposito alię sunt, in quib⁹ prædicatū est de intrinseca ratione subiecti, vt homo est substantia, animal est corpus, & tamen non sunt immediate, quia inter prædicatū, & subiectum datur alia prædicata media, vt patet. Ergo definitio D. Th. ex vtraq. parte probatur insufficiens.

Secundo arguunt contra diuisionem, quia propositionē esse per se notam non consistit in eo, quod termini eius à nobis cognoscantur, sed solum in eo, quod ex se habeat euidētem veritatem, & multo minus consistit in eo, quod à solis sapientibus, vel ab omnibus cognoscantur eius termini, sed solum in eo, quod per se sint cognoscibiles. Ergo diuisiones

in per se notam ex natura sua, & quoad nos, & in per se notam sapientibus, vel insipientibus extra rationem propositionis per se notæ sunt, & ideo admitti non debent.

Tertia, quia propositio per se nota est illa, quæ ex propriis conceptibus, à quocumq. intellectu formati talis est; ergo omnis propositio per se nota, nobis etiam erit per se nota, & ideo malè diuiditur in per se notam ex natura sua, & quoad nos. Antecedens probat, quia, vel formamus proprios conceptus eius, vel alios diuersos, si proprios, nobis erit per se nota, si diuersos, non erit eadē propositio, sed alia diuersa; ergo proposito per se nota ex se cuiuslibet intellectu erit per se nota, nulla ergo dabitur per se nota ex natura sua, quæ nō sit etiam per se nota quoad nos.

In hac re nostra sententiā esse, propositionem per se notam definiendā esse, ac diuidendam, vt Arist. cap. præfati definiuit ac diuisit, eius autem definitioni, ac diuisionib⁹ magis esse conformem sententiā D. T. & communem, quam sententiā Scoti.

Verba Arist. sic habent. *Principium demonstrationis est propositio immediata, im-* **13**
mediata vero, quæ nō est alia prior. Quibus per principium demonstrationis intelligit propositionē per se notam, hæc enim sola principii vocari potest, nā quæ mediata est, non principii, sed conclusio vocatur. Sic ergo definienda est propositio per se nota apud Arist. vt breuius, clara, & vniuersalis sit definitio. Propositio per se nota est, inter cuius prædicatum, & subiectum nullū datur medium, per quod à priori possit demonstrari. In qua definitione solum definitur, propositio per se nota demonstrationis, aut demonstratiua, hoc est necessaria, q. Arist. à parte significauit dicēs, principii demonstrationis esse propositionē immediate

diatam, quod dicimus ad excludendas aliquas propositiones, quæ cum verè accidentales sint, & ex se contingentes, & non demonstratiuæ, ab aliquibus dicuntur per se notæ, atque immediate, vt nix est alba, superficies est colorata, & similes.

14 Ex definitione autem sic intellecta colligitur primo, omnino cōuer-
ti propositionem per se notam, & im-
mediatam, atque indemonstrabilem,
quia de qualibet verum est, nullum
habere medium per quod à priori
possit demonstrari. A priori autem
dicimus, quia non tollit, quin propo-
sicio sit per se nota, quod per effectū
demonstratur, vt homo est animal ra-
tionale, demonstratur per illam, ho-
mo est risibilis, & nihilominus est
per se nota, quia non demonstratur
à priori, sed à posteriori, & hæc de
definitione propositionis per se notæ.

Quam Aristot. diuisit quatuor di-
uisionibus, ex quibus tres posuit cap.
præsenti, quartam vero cap. sequen-
ti. Prima, in dignitatē, & positionē:
dignitatem vocauit vniuersalissimā,
quæ vix ingreditur scientiā, vel de-
monstrationem, sed quasi fundamen-
tum est plurium, vel omnium scien-
tiarum, & demonstrationū, vt quod-
libet est, vel nō est, totum est maius
sua parte, quā ideo dixit necessarium
debere cognosci ab his, qui aliquam
scientiam addiscere incipiunt. Vero
positionem quæ est propositio per se
nota nō tamen vniuersalis, nec etiā,
quam cognoscere debet, qui aliquam
scientiam addiscere vult, sed parti-
cularis, & ppria alicuius scientiæ, ex
qua fiunt demonstrationes in ea, &
quæ in ipsamet scientia traditur, &
tales sunt omnes definitiones, & om-
nia principia propria particularium
scientiarum. Hæc autem diuisio eadē
est cum secunda, quam tradit D. Th.

dicens, propositionem per se notam
vnā esse, cuius termini omnibus pa-
tent, quales sunt vniuersalissimæ,
quas appellauit Arist. dignitates. Et
in aliā cuius termini nō omnibus, sed
sapientibus tantum sunt manifesti, &
istæ sūt, quas vocat Arist. positiones.

15 Secūd. diuisione eā diuisit in po-
sitionē, & suppositionem, circa quā
versabitur quæstio sequens.

Tertiam vero diuisionem satis ap-
perte insinuaui, dum notiora diuisit
in ea, quæ sunt notiora natura, &
quoad nos, ex hac enim diuisione se-
quitur per se notum. Aliud esse ex na-
tura sua, & non quoad nos, aliud ve-
ro ex natura sua, & quoad nos, & ex
consequenti propositionem per se no-
tam eisdem modis diuidi ab Aristot.
Et prob. hoc argum. omnis definitio
constituit propositionem per se no-
tam cum definitio, sed plures sunt de-
finitiones nobis incognitæ, ergo pro-
positiones quas constituere possunt
cum suis definitis erūt, ex natura sua
per se notæ, non tamē quoad nos, sed
quæ demonstrari quoad nos poterūt
à posteriori per aliquem eff. cum.

16 Quartam denique diuisionem po-
sui cap. sequenti. In per se notam po-
sitiuē, cuius prædicatum positium
sine medio demonstratio conuenit
subiecto, & in per se notā negatiuē,
cuius prædicatum negatiuum, sine
medio conuenit subiecto, tales sunt
propositiones, in quibus vnum prædi-
camentum negatur de altero, vt sub-
stantia non est quantitas, sed non il-
læ in quibus particulare genus vni-
us prædicamenti, aut vna species nega-
tor de alia, vel de supremo genere al-
terius prædicamenti, vt albedo non
est quantitas, linea non est color, ha-
bitus non est numerus, quia istæ pos-
sunt demonstrari per supremum ge-
nus alterius prædicamenti negatiu.

vt

ut albedo non est quantitas, quia est qualitas, & qualitas non est quantitas, & linea non est color, quia non est qualitas. Et una species, vel unum genus de altero, ut substantia non est quantitas, & homo non est equus. Negationes enim istæ essentialia sunt, & ideo propositiones necessarias, atque demonstrativas, & per se notas constituunt. Verba Arist. sunt. *Sicut quædam principia sunt indemonstrabilia. Quod sit hoc illud, & quod sit hoc in illo, sic, & quod non erit hoc illud, nec quod sit hoc in illo, quare hæc quidem esse aliquid, alia autem non esse aliquid, erunt principia.*

Quod vero duas divisiones à D. T. assignatas sint conformes primæ, ac tertiæ divisioni designatis ab Arist. vel potius, quod sint eadem probavimus iam. Restat igitur ostendere, quod eius definitio conformis sit definitioni Arist. à nobis ex verbis eius desumptæ. Quod sic probari potest. De finitio D. i. h. o. *Propositio per se nota est ea, cuius prædicatur includitur in ratione intrinseca subiecti.* Sed propositio talis non habet mediū, per quod possit à priori demonstrari: ut probabitur ex solutionibus argumentorum Scoti, & aliorum; ergo consona est definitioni Arist. definitionem vero Scoti non reiecit ex eo, quod non possit reduci ad eandem, sed quia prolata satis est, atque obscura, ut verba eius ostendunt.

Pro solutione 1. arg. duplici distinctione distinguendum est prædicatū intrinsecum, primo quidem in recto, aut in obliquo. Deinde secundū esse, aut secundum causalitatem, & in recto nulla pars est prædicatum intrinsecum respectu totius, quamvis secundum esse sit ei intrinseca, sed in obliquo intrinsecum est, & hoc modo est per se nota, totum est maius sua parte. Præterea effectus per se, atque im-

mediatus non est intrinsecus causæ, sed intrinsecus est ordo causalitatis inter causam proximam, & per se, atque eius effectum, & ex consequenti effectus ipse quodammodo est prædicatum intrinsecū respectu causæ ratione eiusdem ordinis intrinseci. Dū autem definit D. Tho. propositionē per se notam, cuius prædicatum est intrinsecum subiecto, quacumque ratione intrinsecum esse debere intelligit. Hoc est, aut secundum esse, aut secundum ordinem intrinsecum proximæ causalitatis.

Ex his respondetur ad arg. negando antecedens, quod aliqua sit propositio per se nota, cuius prædicatum non sit intrinsecum subiecto, aut secundum esse, aut secundum intrinsecum ordinem proximæ causalitatis. In recto, aut in obliquo, secundū se, aut secundum ordinem intrinsecum unius ad alterum. Et cum intrinsecus sit ordo causalitatis inter effectū & causam proximam, & per se, propositio per se notam constituit, dum de causa prædicatur, cum sit intrinsecum prædicatum causæ, si non ratione sui, bene tamen ratione ordinis intrinseci. Et si non in recto, bene tamen in obliquo. Aliæ autem prædicationes accidentales, si aliquo modo sint per se notæ, non sunt propositiones demonstrativæ, quia non sunt necessariæ, & D. Tho. solum definit propositionem per se notam demonstrativam, ut de Arist. etiam notum est hanc tantum diffinisse.

Pro aliis denique propositionibus essentialibus, & mediatis, quas adducit idem arg. alia distinctione utendum est, nempe medium esse duplex reale, vel rationis, aut formale, & virtuale, medium reale dicitur illud, quod est res distincta à prædicato, & subiecto, inter quæ ponitur mediū, ut ad-

miratiū est medium reale inter hominem, & risibile, & hoc etiam dicitur medium formale. Medium vero rationis est, quod solum ratione nostra distinguitur à subiecto, & prædicato, & dicitur medium virtuale, quia secundum rem, aut formam non est distinctum ab extremis, sed secundum nostrum intellectum plures conceptus eiusdem rei concipientem, virtute tamen, & quasi fundamētaliter contenti in re ipsa. Et quantum pertinet ad propositiones demonstratiuas utrumque medium constituit propositionem simpliciter mediatā, & simpliciter demonstrabilem. Probatur ex Arist. qui concedit definitionem esse medium demonstrationis, quæ solum potest esse medium rationis, & virtuale.

Vnde sequitur omnes propositiones, quæ possunt demonstrari per definitionē prædicati, aut subiecti esse simpliciter mediatas, ut sunt illæ, in quibus prima passio prædicatur de definito, atque etiam de definitione, quia illa potest demonstrari per definitionem subiecti, hæc vero per definitionem passionis, & etiam illa, in qua una passio prædicatur de alia, ut admiratiuum est risibile, & etiam illæ, quæ assumuntur in arg. sed communiter dicuntur immediatæ, quia secundum rem tales sunt.

19 Ad 2. distinguendum est antecedens, nam sicut notiora, vel minus nota dicuntur talia, & ex natura sua, & etiam in ordine ad intellectum imperfectè cognoscētem, sic etiam propositio per se nota, & licet per accidens sit ad rationē propositionis per se notæ secundum se sumptæ, quod non sit per se nota, quoad nos, nihilo minus sumpta in communi, quasi analogice dividitur in propositionem per se notā natura sua, & quoad nos.

Ad 3. negandum est antecedens, quod propositio per se nota sit, quæ ex propriis conceptibus, à quocumque intellectu formatis talis est, sed inter cuius prædicatum, & subiectum non datur medium, per quod à priori sit demonstrabilis, & quia hoc non est semper nobis notum de quacumque propositione, ideo non quæcumque per se nota ex natura sua, est per se nota quoad nos. Talis autem propositionis non formamus proprios conceptus distinctos, sed confusos, & ideo non est alia, sed eadem, sed tamē per se nota nobis, quia immediationem prædicati, & subiecti non cognoscimus.

QVÆST. III.

An nuda definitio sit principii, quod vocatur positio.

Definitio duobus modis considerari potest. Primo, secundum rationem definitionis præcissam, ut explicat naturam definiti, ut animal rationale. Secundo, ut simul definito coniungitur in propositione, ut cum dicimus, homo est animal rationale. Et primo modo nuda sumitur, hoc est sine definito, & de easce accepta quærimus, an sit principium demonstrationis, quod vocatur positio. Et rationem dubitandi ex una parte præbuit Arist. qui positionem diuisit in eam, quæ est propositio, verum, aut falsum continens. Et in aliam, quæ non continet verum, aut falsum, qualis est definitio, nudè quidem accepta, & non cum definito, quia dum de finito coniungitur, iam continet verum, aut falsum, cum efficiat cum eo propositionem. Ex quo euidenter inferitur pars affirmatiua, quod nudè definitio sit principium, quod vocatur positio.

21 Sed opposita pars, quod nō possit esse positio, videtur probari euidenter hoc argu. à superiori ad inferius negatiuē, nam principium diuisit Arist. in dignitatem, & positionem, & rursus positionem in eam, quæ continet verum, aut falsum, & in eam quæ nihil horum dicit, qualis est definitio. Ex hoc ergo desumitur tale arg. principium est quid superius ad dignitatem, & positionem; cum in hæc principia specialia diuidatur; ergo euidens est consequentia à superiori ad inferius negatiuē. Definitio nō est principium; ergo non est positio, sed antecedens probatur, ex definitione principij tradita ab eodem Arist. Principium inquit est, propositio immediata, sed nuda definitio nō est propositio; ergo nec propositio immediata, & ex consequenti nec est principium.

Plures solutiones adhibentur huic difficultati, quas cōsulto prætermittō, quia iam nemo eas sequitur. Solū afferam solutionem D. Tho. in Commentariis huius cap. quā secuntur fere omnes moderni, & videtur mihi necessario admittenda. Positionē duplicem esse, formalem, & virtualē, formalis est propositio, virtualis vero est definitio, quia ex ea proximè potest effici propositio, quæ sit formalis suppositio. Arist. ergo vocauit definitionem positionem, non quod formalis sit positio, sed quod sit virtualis. Et hoc etiam modo est principium, & immediata propositio. Sed contra hanc solutionem est arg. quia 22 si hoc sufficit, vt definitio dicatur positio, etiam definitum poterit vocari positio. Probatur consequentia, quia sicut ex definitione adiūcta de finito potest proximè effici propositio, quæ sit formalis positio, eodem modo ex definito adiūcto definitio-

ni, sed definitum nō potest vllō modo vocari positio, alioqui, cuiuslibet parti poterit attribui denominatio totius; ergo nec definitio vocari potest positio propter illam rationem virtualem. Respondetur negando cōsequentiā, quia specialis est ratio in definitione, vt dicatur positio virtualis, quæ non est in definito, nec in aliis, nam definitio ex propria natura est medium ordinatum: per quod passionēs demonstrantur de subiecto in scientia, vnde per se & proximè ordinatur ad constituendam positionem necessariā & per se notā, quā non potest constituere, nisi cum definito. Per se etiam ponitur in scientia, tanquam fundamentum omnium veritatum eius, & hæc est etiam specialis ratio: propter quā vocari debet positio. Et has speciales rationes considerans Arist. merito eam vocauit principium, & positionem, quæ non reperiuntur in definito, nam cum non sit medium ordinatum ad demonstrandas passionēs, nec per se ordinatur ad positionem per se notā constituendam, potius quā ad constituendam quamlibet aliam, nec ponitur, tanquam fundamentum proximum omnium veritatum eiusdem scientiæ, sed ad sumum remotum. Ideo non potest vllō modo vocari positio.

QVAEST. III.

An principia demonstrationis sint magis vera quam conclusio, & vniuersaliter vna propositio possit esse verior altera.

PRæsupponenda est definitio veritatis, quā omnes recipiant. Veritas est adæquatio intellectus cum re, vel ad rem.

In lib. i. de Poster. resoluť.

rem. Adæquatio intellectus vocatur, quia veritas saltem complexa (quam formalē vocare solent) primo, & formaliter reperitur in intellectu, & propositione mentali, per quam enuntiat vnum de altero. In propositione vero vocali, & scripta solum reperitur tanquam in signo, dum ergo intellectus ita enuntiat per propositionem mentalem, sicut res se habet in se, dicitur verus, dū vero enuntiat aliter, ac res se habet in se, dicitur falsus; nam vt sæpe Aristoteles repetit, ab eo quod res est, vel non est, enuntiatio dicitur vera, vel falsa, vt si de Petro sedente enuntiet, quod sedet, verus est, si vero quod stet, vel non sedeat, erit falsus. Veritas igitur consistit in adæquatione conceptus cum re ipsa, vel in adæquatione rei, vt repræsentatæ per conceptum, cum se ipsa, vt est in se. Querimus ergo, an complexa hæc veritas suscipiat magis, & minus in ordine ad præmissas, & cōclusionem, ita vt intellectus dū assentitur præmissis, magis verus sit, quam dum assentitur cōclusioni, & ex consequenti præmissæ in intellectu, quæ sunt propositiones mentales, sint magis veræ, quam conclusio etiā in mente, quæ est propositio mentalis ex eis deducta, & consequēter eadem principia, vt sunt propositiones vocales, aut scriptæ, sint veriora cōclusionem vocali, aut scripta. Et vniuersaliter intellectus per vnam propositionem mentalem magis verus sit, quam per alteram, & propositio ipsa mentalis sit verior, atque ex consequenti vocalis, & scripta.

- 24 Prima opinio negat præmissas esse veriores cōclusionem, & vniuersaliter vnam propositionem esse veriorē altera. Ita tenet ex modernis nōdūli. Probant ex intrinsecatione veritatis. Nam veritas consistit in adæ-

quatione conceptus cum re ipsa repræsentata. Ita vt tunc verus sit, quādo repræsentat rem, sicut se habet in se, falsus vero, cū eam alio modo repræsentat, sed adæquatio consistit in indiuisibili, ita vt nō possit intelligi maior, aut minor; ergo veritas propositiones etiā consistit in indiuisibili, ita, vt non possit maior, aut minor intelligi indiuisis propositionibus. Prob. minor, quia adæquatio est quædam æqualitas conceptus repræsentantis, cū re repræsentata, sed æqualitas consistit in indiuisibili, ita vt nō possit esse maior, vel minor, quia vel duo corpora habent æquale magnitudinem, ita vt nullum excedat alterum, & tunc dicuntur æqualia, si vero vnum excedat alterum, quantumvis minimo excessu, non erunt æqualia, sed simpliciter inæqualia; ergo eodem modo, vel conceptus repræsentat rem, sicut est in se, vel excedat, aut deficit, quantumlibet minimo excessu. Si primo modo se habeat, verus erit, si secundo falsus, & cōsequenter si propositio enuntiat rem sicuti est, erit vera, si vero excedat, vel deficiat quantumlibet parum, erit falsa, non potest igitur intelligi, quod sit vna magis vera, quam alia, sed eo ipso, quod minus vera excogitatur, erit falsa. Gratia exempli, non minus verum erit Petrum esse albū, si ei albedo inhæreat, quam esse hominem, quia non minus adæquatur vna propositio rei significatæ quā altera, sicut si duo corpora sint æqualia, nō erit possibile ex cogitare alia magis æqualia.

Secundā opinionem tenet ex modernis alij affirmantes principia esse veriora cōclusionem, & vniuersaliter vnam propositionē veriorē altera. Prob. testimonio Arist. 4. meth. text. 18. vbi docet aliquid esse magis verū quam

quam aliud, & pariter magis falsum, quod probat, quia non a quæ mentitur, qui dicit quatuor esse quinq. ac ille, qui dicit quatuor esse millia, ergo magis falsum est, quod iste asserit, quam quod ille, sed falsum, est contrarium veritati; ergo eodem modo erit vna propositio magis vera, quã alia. Probatur consequentia, quia contrariorum eadem est ratio. Præterea cap. præsentis docet expressè conclusionem esse verã propter præmissas; ergo præmissæ erunt magis veræ, quia propter quod vnumquodque tale, & illud magis.

Probant deinde ratione, quia à nemine negatur principia esse certiora, euidentiora, & magis necessaria quam conclusio: cum sint per se certa, per se euidentia, per se necessaria, hoc est, sine villo medio, sed quibus intellectus cognita tantum significatione terminorum assentitur, conclusio vero non sit certa, euidens, aut necessaria per se, sed per aliud, hoc est p. principia, quib' mediis ei assentitur intellectus, sed magis certum, magis euidens, & magis necessarium est magis verum; ergo erit eodem modo magis vera. Et certe si vna propositio nō esset verior altera, nō esset fides diuina magis vera, quam scientia, aut quam quælibet alia cognitio humana, vnde nec magis verū esset, quod Deus est trinus, & vnus, quam quod paries est albus, cui inhæret albedo, quod tamen falsum est, & contra D. Th. 2. q. 4. ar. 3. vbi docet fidem diuinam ex propria natura certiorē esse quæcūq. scientia nostra.

26 Nostra sententia medium tenet inter hæc extrema, & explicatur hac distinctione, verita duobus modis potest considerari, primo, formaliter ex parte essentia, quæ consistit in adæquatione intellectus per conceptum,

vel iudicium cum re extra existente per eundem conceptum representata, secundo ex parte fundamenti, & causarum eius, fundamentum est entitas & perfectio ipsarum rerum, circa quas versatur. Nam cum verum sit passio entis, quæ perfectiora sunt secundum entitatem, censetur etiam perfectiora secundum veritatē. Causæ autem veritatis esse possunt necessitas, infabilitas, certitudo, atque euidentia, pondus etiam, siue momentum rationum, quibus probatur.

Duplici ergo conclusione respondemus. Prima, veritas ex parte rationis formalis, & essentialis ipsius adæquationis in qua consistit, non potest esse maior in vna propositione, quã in alia. Secunda, ex parte fundamenti, & causarum eius, maior esse potest, & ideo vna propositio ex hac parte magis vera, quam altera. Vtraque conclusio cum distinctione adducta. Continetur expressè in doctrina D. Th. q. 2. de virtutibus art. 9. ad 1. vbi ita ait. *Cum veritas consistat in adæquatione intellectus, & rei, si consideretur veritas secundum rationem æqualitatis, quæ non recitat magis, & minus, sic non contingit esse aliquid magis, & minus verum. Sed si consideretur ipsum esse rei, quæ est ratio veritatis, sic ut dicitur in 2. meth. eadem est dispositio verum in esse, & veritate: vnde quæ sunt magis entia, sunt magis vera: & propter hæc etiam in scientiis demonstratiuis, magis creduntur principia quam conclusiones. Et primam conclusionem nostram probat argum. primæ opinionis. Secundam vero probant argum. opinionis secundæ, & ideo non est necessarium illi, aut his respondere.*

Solum restat explicandum, quo modo sit loquendum absolute in hac re, an dicendum sit absolute, præmissas esse veriores conclusione, & vnam propositionē veriorē alia, vel absolute

solute negandum. Respondeo, eodem modo loquendum esse, ac loquimur in substantia, quia sicut substantia non habet latitudinem, gradualem, sed consistit in indivisibili ratio eius, ita veritas non habet latitudinem gradualem, sed ratio eius consistit in indivisibili adaequationis. In substantiis autem non dicimus unam esse magis, substantiam, quam aliam, sed id negamus absolute cum Aristoteli dicimus autem unam substantiam esse meliorem, aut perfectiorem alia, aut secundum maiorem perfectionem specificam, aut individualement, pari ratione de veritatibus, seu propositionibus veris loquendum est. Ita ut absolute negandum sit unam propositionem esse veriorē altera; concedendum tamen habere perfectiorem veritatem, aut essentialiter, aut individualement, & ideo dicendum est praemissas perfectiorem veritatem specificam continere, quam conclusionem, & unam conclusionem perfectiorem veritatem individualement, quam alteram, quia proximior est principiis, à quibus ambae derivantur. Et eodem modo loquendum est de falsitate, quamvis perfectio non bene ad falsitatem applicetur, quae nihil est, sed loquendum est de illa iuxta naturam eius, eodem modo, ac loquimur, de veritate, quamvis distinctis terminis, aut modis loquendi. Haec tamen ratio reperitur particularis in falsitate, quae cum sit quasi recessus à veritate, praeter causas illas, propter quas una veritas dicitur perfectior alia, & una propositio perfectiorem veritatem continere, quam alia, una falsitas dicitur maior, aut ingentior alia, & una propositio continere maiorem falsitatem, quam alia, quia magis à veritate recessit, in quo sensu dixit Aristoteles. ubi supra, magis mentiri eum, qui dicit

quatuor esse mille, quam alium, qui diceret quatuor esse quinque, cuius sensus est ingentius proferre mendacium.

QVAEST. V.

An semper sit necessarium utraque praemissam demonstrationis certioresse conclusionem.

PRaemissae demonstrationis in duplici differentia possunt esse, nam vel sunt propositiones immediatae, atque indemonstrabiles, vel demonstrari possunt, quod, ut intelligatur sciendum est, quod omnes conclusiones totius scientiae continentur virtualiter in principiis eiusdem scientiae, à quibus suo ordine procedunt, ita ut quaedam proximiores sint principiis, quam aliae. Unde quaedam demonstrantur per alias priores, medietas tamen, & adhuc demonstrabiles, quousque perveniatur ad aliquam immediatam derivatam ex principiis. Et hinc est, quod non omnes demonstrationes habent praemissas immediatas, vel indemonstrabiles, sed plures, unam saltem, vel alteram, quae demonstrari potest. Gratia exempli ab essentia hominis procedunt plures passionēs. Ut capacitas disciplinae, admiratio, & risibilitas tali ordine, ut capacitas disciplinae procedat immediatè, & hac media, admiratio; media vero ad mirationem, risibilitas, & iuxta hunc ordinem demonstrantur in scientia de illo, prima per essentiam, secunda per primam, & tertia per secundam, & ideo demonstratio illa per quam demonstratur prima passio de essentia habet utramque praemissam immediatam, atque indemonstrabilem, aliae vero in quibus demonstrantur reliquae, unam quiddam pra-

præmissam indemonstrabilem, & aliâ quæ demonstrari potest. Prima passio demonstratur sic, omne animal rationale est capax disciplinæ, omnis homo est animal rationale, ergo omnis homo est capax disciplinæ. Cuius demonstrationis utraq. præmissa est immediata, maior quidem in qua prædicatur prima passio de essentia, & minor in qua prædicatur definitio de definito. Sed in hac demonstratione demonstratur passio secunda, quidquid est capax disciplinæ est admirandum. Omnis homo est capax disciplinæ, ergo omnis homo est admirandus. Cuius maior est propositio immediata, in qua una passio immediata prædicatur de altera, minor vero demonstrari potest.

31 His expositis unum præsupponit quæstio, & alterum querit. Præsupponit quidem præmissas esse certiores conclusionis sic in cōmuni. Quod non solum est assertum ab Aristotele, sed expressè probatum, quia certitudo conclusionis deriuatur à præmissis, & ideo certiores esse oportet. Quod præfertim verū est, ac necessarium dum præmissæ sunt propositiones immediatæ, nam illæ ex se, & à se habent certitudinem, conclusio vero, non ex se, neque à se, sed deriuata ab eis: sed magis certū est, quod à se habet certitudinem, quam quod habet ab alio; ergo præmissæ immediate certiores sunt conclusioni. Quæstio igitur solum potest esse de præmissis demonstrabilibus, an istæ etiā debeant esse certiores conclusioni, ita ut dum demonstratio habet unā immediatam, & alteram demonstrabilem, sufficiat conclusioem esse minus certam quam illam, & possit esse æqualis in certitudine cū altera, vel necesse sit etiam esse minus certam, quam præmissam demonstrabilem.

Et 1. opin. tenet hoc non esse necessarium, sed posse esse conclusionē 32 æqualiter certam cum præmissa demonstrabili. Ita tenent moderni quidam. Et probant, testimonio Arist. in fine huius cap. ubi non dixit necessariū esse magis credere omnibus principiis quam conclusioni, sed aut omnibus, aut aliquibus. Sentit ergo habere conclusionem æqualem certitudinem cum aliquo eorum.

Probāt deinde ratione, quia si præmissæ debent semper esse certiores conclusioni maxime, propter rationem Arist. nempe propter quod unumquodque tale, & illud magis, sed hæc non probat, nisi in causis æquivocis, non in univocis; ergo non probat de omnibus præmissis, sed solum de immediatis. Probatur consequentia, quia solum præmissæ immediate sunt causæ æquivocæ conclusionis, quia differūt specie ab illa, præmissa vero demonstrabilis, cum sit assensus scientificus eiusdem speciei est cum conclusione; & ideo non potest esse causa æquivoca eius, sed univoca semper erit. Unde non erit necessarium, quod sit certior conclusio. Minorem vero probāt, quia effectus causæ univocæ æqualis perfectionis est cum ea, ut patet in homine generante, & genito.

Secund. potest probari, quia conclusiones eiusdem scientiæ deriuntur ab eisdem principiis; ergo æqualem habent certitudinem ab eis deriuatam, sed sæpè contingit conclusionem, & præmissam demonstrabilem pertinere ad eandem scientiā, ut ostendit secunda demonstratio à nobis adducta in principio huius quæstionis; ergo habebit æqualem certitudinem eam. Quod fortius probari potest in demonstrationibus Theologicis, in quibus conclusio procedit ex una præmissa.

33 præmissa pertinente ad fidem diuinam, & ex altera pertinente ad Philosophiam naturalem, vt ostenditur in hac. Omnis homo est risibilis, Christus est homo; ergo Christus est risibilis. Tunc ergo vel conclusio pertinet ad fidem diuinam, vel ad habitū scientiæ Theologiæ, & utroque modo est certior præmissa euidenti. Quia fides diuina certior est scientia. Et id etiam, quod à fide diuina derivatur certius erit, illa ergo conclusio, Christus est risibilis, certior est quocumque modo accipiatur maiori præmissa, nempe omnis homo est risibilis; quare non solum conclusio æqualem potest habere certitudinē, cum altera præmissarum, sed aliquādo maiorem.

Nostra sententia est vtramq. præmissam semper, & necessario esse certiorē conclusione, ita, vt in nullo casu possit habere æqualem certitudinem cum aliqua earum. Et hæc est magis communis inter modernos.

Probatur duplici arg. 1. quia in demonstratione propter quid (de qua loquimur) præmissa demonstrabilis agit in virtute principiorum, à quibus proximius derivatur, quam conclusio; cum hæc deriuatur mediante illa; ergo maiorem habebit certitudinem. Probatur euidenter consequentia, quia quo effectus proximius derivatur à causa, perfectius participat virtutem eius, præsertim comparatione alterius effectus, à quo non nisi illo mediante participatur.

34 Secund. quia præmissæ quæcūq. illæ sint, continent vnionem extremitatum cum medio, conclusio vero continet vnitatem earundem extremitatū inter sese, mediā vnione earum cum medio tāquam ratione formatā, ac totali propterquam vniūtur inter se; ergo prior vnio, à qua to-

taliter dependet secūda, fortior est, cum sit immediatior, sed fortiorem esse vnionem extremitatum cum medio est certiores esse præmissas; ergo maior certitudo provenit eis ex natura demonstrationis, quare repugnat conclusionem habere æqualem certitudinem cum aliqua earum.

Ad testimonium Arist. respondet D. Th. in Commentariis illius nō dixisse omnia principia certiora esse cōclusionē, sed saltem aliqua, quia licet ex virtute demonstrationis semper sit vtraque præmissa certior, cōtingit tamen aliquando, conclusionē habere aliam certitudinem experiētiæ, præteream, quā à præmissis participat, ratione cuius habebit æqualem cum aliqua præmissarum, vt dū quod luna nunc eclipsetur experientia sensuum cognoscimus, & ideo nō est minus nobis certa, quā quod terra interponatur inter eam, & solem, per quam demonstratur à priori, sed per accidens contingit hoc, & ideo non tollit quin per se, & ex virtute demonstrationis semper sit vtraque præmissa certior conclusione.

Primum arg. petit expositionem illius vniuersalis axiomatis. Propter quod vnumquodque tale, et illud magis. Vt constet in quo sensu verum sit, & ab Arist. adductum ad probandum præmissas debere esse certiores conclusionē. Et ex illo efficaciter probatur. Plures ac varias expositiones ei adducuntur aduersis interpretibus. Plures etiā, & diuersas condiciones requirūt ad veritatem eius, quas molestum esset referre. Nos igitur tres condiciones requisitas esse dicimus, vt verum sit, quarum duas posuit ipse semet Arist. 4. lib. Meth. tex. 4. idem in axiomate referēs his verbis. Vnumquodque autem maxime tale est præterea, cuius causam nominat, ratione idem conueniens. Sic

hic ignis est calidissimus, quod cæteris caloribus causa sit. Quibus primo asserit prædicatum debere convenire pluribus formaliter, & vni eorum per se primo, aliis vero per participationem eius, & non aliunde, secundo, eidem primo & cæteris nomine, & ratione, hoc est vniuocè, & ideo essetialiter. Tertiam conditionem posuit D. Th. 1. p. q. 87. art. 2. ad 3. quod in eodem ordine causarum contineantur, hoc est in eodem genere causæ efficientis, vel finalis, aut quouis alio. Ita vt si illud cui per se primo prædicatum conuenit, sit finis, cætera sint media ad ipsum ordinata, & si efficiens, cætera sint, quasi effectus ab ipso procedentes. His igitur tribus conditionibus concurrentibus verum est, ac necessarium illud axioma, *propter quod vnumquodque tale, & illud magis.* Cuius sensus est, si aliquid conuenit multis, & vni eorum per se primo, quod ideo dicitur maxime tale, aliis vero propter ipsum, necesse est magis conuenire primo, quam cæteris. Nec est dabilis aliquis casus in quo oppositum contingat.

Ex eodem axiomatè efficax deduxit arg. Arist. ad probandum, certiores, euidentiores, magis necessarias, perfectioremque veritatem continere præmissas, quam conclusionē, quia tam illis, quam huic conuenit formaliter certitudo, euidentia, necessitas, atque veritas, & omnes continentur in eodem ordine causæ efficientis, præmissis etiam conueniunt hæc per se primo, conclusioni vero, vt conclusio demonstrationis est solum propter præmissas, & non aliunde, ideo euidenter infertur, quod magis, aut perfectius eis conueniant.

36

Ad formam etiam argum. neganda est consequentia, quod solum teneat verum prædictum axioma in cau-

lis æquiuocis, & negandum est, quod solum probet de præmissis immediatis, & non de demonstrabilibus. Nam licet primo probet de illis. Consequenter etiam probat de his, quia præmissæ demonstrabiles non sunt causa cōclusionis ex propria virtute, aut secundū se, sed virtute principiorū à quibus deriuantur, & vt ab eis deriuantur, cuius euidēs signum est, quod si is qui demonstrationem constituit nesciat eas reducere ad prima principia per euidentes demonstrationes, non efficiet demonstrationē, nec habebit scientiam conclusionis, sed efficiet arg. probabile generans opinionem. Vnde sequitur prima principia virtualiter, & vt talia esse causam conclusionis. Et ideo per se primo secundum eandem rationem virtualem conuenire eis veritatem, necessitatem, certitudinem, & euidentiam, cōclusioni vero solum propter illas, & propterea illis perfectius.

Ad 2. neganda est consequentia, quod æquale habeat certitudinem conclusio cum præmissis demonstrabilibus, quia omnes deriuantur ab eisdem principiis, nam non deriuantur æque proximè, ideo non æqualiter participant certitudinem principiorū, sed perfectius illæ, quia magis proximè deriuantur.

Vltimum quod additur in eodem secundo arg. tangit demonstrationes scientiæ Theologicæ, quæ procedūt, ex vna præmissa diuinæ fidei, & ex altera euidenti, & aliquādo ex utraque de fide per consequentiam euidentem. In quibus dicimus conuicere rationem Arist. quod ambæ præmissæ sint certiores cōclusionē, quod præterea probatur ex communi alio axiomatè in Schola recepto, conclusio sequitur debiliorem partem præmissarum; ergo si vna vel ambæ sint fidei

37

fidei diuinæ, cum diuina fides sit ob-
scura, non poterit esse euidens con-
clusio, imo neque habere eandem cer-
titudinem fidei, sed obscura quoque
erit, etsi vtraque præmissa sit diuinæ
fidei, cōclusio obscura erit, & minus
certa vtraque præmissa. Cuius ratio
est, quia præmissæ fidei non concu-
runt in demonstratione Theologica
ad inferendam cōclusionem, nisi me-
dia demonstratione; ergo certitudo
earum modificatur per certitudinē
consequentis, quæ non potest esse, ni-
si naturalis: vnde nec poterunt pro-
ducere conclusionem perfectiorem
in certitudine, quā sit perfectio cer-
titudinis naturalis, sed hæc est minor
certitudine diuinæ fidei; ergo mino-
rem habebit certitudinem cōclusio,
quam præmissæ, etsi altera præmissa
sit certa certitudine Philosophi-
ca, minorem habebit certitudinem
conclusio, etsi contingeret, quod al-
tera præmissarum esset solum proba-
bilis, non posset esse certa conclusio,
sed probabilis tantū. Probantur hæc,
duplici illa ratione, quibus probatū
est, præmissas perfectiores esse debe-
re conclusionem, in veritate, in certitu-
dine, necessitate, atque euidencia, &
in cæteris omnibus. Ex quo deductū
est hoc idem axioma, cōclusio sequi-
tur debiliore partem præmissarū, cu-
ius sensus est nullā posse habere per-
fectionem æqualem, cum præmissis,
sed quidquid imperfectionis est in
eis, manifestari debet in cōclusionem.

38 Ex quibus infero conclusionē de-
monstrationis Theologicæ non per-
tinere ad habitum fidei diuinæ, vt
quibusdam modernis placuit, sed ad
habitum sciētiae Theologicæ. Quod
hæc ratione probō, habitus fidei di-
uinæ solum innititur testimonio, aut
revelationi diuinæ, & immediatē ei
innititur, non discursui, aut ratiocina-

tionem, seu demonstrationem, sed cōclu-
sio demonstrationis Theologicæ in-
nititur immediatē discursui, aut de-
monstrationi, per quam deducitur
ex præmissis, & non testimonio, aut
revelationi immediatē; ergo nō per-
tinet ad habitum diuinæ fidei, sed
sciētiae Theol. Minorē licet satis per
se certam, probō, quia si vtraq. præ-
missa syllogismi sit diuinæ fidei, vel
altera euidens euidencia naturali, &
syllogismus solum probabilis, certū
est conclusionem solum esse proba-
bilem, hoc est, nec scientiam, nec fi-
dem diuinam, sed opinionem; ergo,
non causatur à præmissis secundum
se, sed vt modificatis per certitudi-
nē demonstrationis, huic ergo inni-
tur proximē cōclusio, & non testimo-
nio, aut revelationi diuinæ.

Et ex his respondetur ad arg. cō-
clusionem demonstrationis Theolo-
gicæ, nec pertinere ad fidem diuinā,
neque ad scientiam naturalem, sed
ad scientiam Theologicam imperfe-
ctam, & obscuram: vnde fit, imperfe-
ctiorem esse, & minus certam vtraq.
præmissa, concedimus ergo, quod fi-
des diuina sit certior scientia, nega-
mus tamen, quod conclusio ab ea de-
riviata sit etiam certior scientia, nam
conclusio ab ea deriuata non habet
maiorem certitudinem, quam sit cer-
titudino consequentis, vel illationis,
per quam modificantur præmissæ ad
inferendam cōclusionem, in illatio-
ne vero, aut syllogismo perfectius
esse habent præmissæ, quam conclu-
sio in certitudine, euidencia, neces-
sitate, ac veritate, vt probauimus, &
ideo impossibile est conclusionem
esse æqualem in his cum al-
tera præmissa-
rum.

CAPVT QVARTVM.

TEXTVS ARIST.

Quoniam autē impossibile aliter se habere, cuius est scientia simpliciter, necessarium utique fuerit scibi e, &c.

Breuis expositio text.

IN TENTVM Aristot. in presenti cap. est, docere quales debeant esse propositiones: ex quibus demonstratio componitur. Diuiditur autem in duas partes. In 1. proponit hanc conclusionem vniuersalem, nempe, scientiam, quæ per demonstrationem generatur esse de rebus necessariis, & ex ea colligit demonstrationem debere procedere, aut componi ex propositionibus necessariis. In 2. parte ponit tres condiciones, quas habere debent propositiones, vt ita sint necessariæ, quod ex eis possit componi demonstratio. Conclusio, quam proponit est, scientia, quæ est conclusio demonstrationis debet esse de rebus necessariis. Quam sic probat, conclusionem demonstrationis scimus ex principiis, quæ sunt propositiones immediatæ; ergo non potest aliter se habere, sed quod non potest aliter se habere est necessarium; ergo conclusio demonstrationis est necessaria. Probatur prima consequentia, nam cetera per se patet. Scire est rem per causam cognoscere, & quod illi est causa, & non potest aliter se habere; ergo non solum scientia, sed id, quod scitur, nempe obiectum, circa quod versatur, non possunt aliter se habere, & est esse necessaria, cum necessarium sic definitur, quod non potest aliter se habere.

Ex hoc infert, quod demonstratio

debeat componi, aut procedere ex propositionibus necessariis. Quod sic potest probari, conclusio demonstrationis, quæ est scientia est necessaria, & de rebus necessariis; & procedit ex præmissis, tanquam ex causis; ergo præmissæ, ex quibus componitur demonstratio, non solum veræ, sed necessariæ debent esse. Probatur consequentia, quia licet ex præmissis falsis contingat colligi conclusio veram, & ex non necessariis necessariam, non tamen ex causis, sed virtute dispositionis syllogisticæ, alioqui effectus esset nobilior sua causa, quod est impossibile.

In 2. par. proponit tres condiciones, quas habere debent propositiones, vt ita sint necessariæ, quod ex eis componi possit demonstratio. Quorum prima est, vt sint de omni. Hoc est, vt prædicatum in eis dicatur de quolibet contento sub subiecto, & pro quolibet tempore. Defectu primi, hæc propositio non est de omni. Omnis homo disputat, quia plures sunt de quibus non verificatur prædicatum. Defectu secundi, neque ista est de omni, omnis homo vigilat, quia licet prædicatum dicatur de quolibet contento sub subiecto, non pro quolibet tempore, sed pro certo quodam, ac determinato. Hæc vero omnis homo est coloratus est de omni, quia habet vtrumq. vt per se patet.

Secunda conditio est, quod propositiones sint per se, id est, vt eam explicet, diuidit per se in quatuor modos. Primus modus per se est, quando prædicatum pertinet ad essentiam subiecti, quia vel est definitio eius, vel pars definitionis, vnde istæ omnes propositiones sunt in primo modo per se, homo est animal, homo est rationalis, homo est animal rationale.

h Secunda

In lib. 1. de Poster. resolut.

Secundus modus est, quādo ex op-
posito subiectum pertinet ad defini-
tionem prædicati, vt homo est admi-
ratiuus, homo est risibilis.

3 Tercius modus non est prædican-
di, sed essendi, & illud dicitur per se
hoc modo, quod per se subsistit, &
non inhæret alteri, tāquam accidēs,
& iste est modus proprius prædica-
menti substantiæ.

Quartus modus est per se causan-
di, quādo prædicatur effectus de sua
causa per se. Effectus per se dicitur,
qui sequitur ex propria virtute cau-
sæ, & non aliunde, hoc est non casu,
aut fortuna, quia effectus casuales, &
fortuiti, qui non secuntur ex virtute
causæ, sed ex quodam cōcursu casua-
li, aut per accidens, non dicūtur esse
per se, sed per accidēs, vnde pro-
positio hæc, fodiens terram inuenit
thesaurum, non est per se, sed per se
sunt istæ in hoc quarto modo. Iugu-
latus interiit, ædificator ædificat. Ex
his igitur quatuor modis per se, duo
priores sunt per se prædicandi, ter-
tius per se essendi, quartus per se cau-
sandi, & vt propositiones sint aptæ
ad demonstrationem necesse est, sint
per se in primo, secundo, aut quarto
modo. Tertius terminus est vniuer-
saliter, quod sic definit Aristoteles.

*Vniuersale autem dico, quod vtrique & de omni
re, & per se, & secundum quod ipsum.*
Quæ definitio triplicem conditio-
nem continet, quam habere debet
propositio, vt in ea prædicatum di-
catur vniuersaliter de subiecto. Pri-
ma est, quod dicatur de omni, & de-
fectu huius conditionis in hac non
dicitur prædicatum vniuersaliter.
Homo vigilat, quia nō dicitur de om-
ni. Defectu secundæ conditionis, ne-
que in hac dicitur vniuersaliter præ-
dicatum de subiecto, homo est colora-
tus, quia nec dicitur per se, sed defe-

ctu tertiæ non dicitur in hac vniuer-
saliter, homo est sensibilis, quia sensi-
bile non conuenit homini secundum
quod ipsum, hoc est in quantum ho-
mo est, sed in quātum est animal. Cō-
uenire enim prædicatum subiecto se-
cundum quod ipsum idem videtur
esse, ac conuenire illi, in quā tale est,
hoc est non secundum rationem com-
munem, sed secundum propriam.

QVAESTIO. I.

*An demonstratio debeat procedere
re ex necessariis.*

4 **T**Ria proponam arg. quibus vide-
tur probari non omnem demon-
strationē procedere ex necessariis,
primum sit, hæc est vera demonstra-
tio propter quid, quotiescunque ter-
ra interponitur inter solem, & lunā
sequitur eclipsis, sed dum duo hæc
astra ad talem punctum perueniunt,
interponitur terra inter vtrumque;
ergo eclipsis sequitur. Minor vero
non est necessaria, sed contingens.
Quia, quod ad talem punctum perue-
niant, vel nō, accidentale omnino est
naturæ eorum, cū possit eis adesse,
& abesse præter corruptionem; ergo
non omnis demonstratio constat ex
propositionibus necessariis.

Secundum, quia hæc etiam est ve-
ra, & propria demonstratio, 'omne
album est disgregatiuum visus, sed
corpus habens albedinem est album,
ergo est disgregatiuum visus. Et ta-
men minor non est necessaria, sed
contingens, quia cōtingens est, quod
corpus habeat albedinem, & quod
sit album: vnde neque etiam conclu-
sio necessaria est, quia sicut non est
necessarium corpus esse album, ita
neque quod eum sit album, sit etiam
disgregatiuum visus; ergo nō omnis
demonstratio procedit ex necessariis.

Ter-

Tertiū, quia necessarium est, quod non potest aliter se habere, sed in Philosophia naturali, & morali dantur multæ propositiones demonstratiuæ, multæ etiam conclusiones demonstratæ, quæ possunt aliter se habere, & aliquando aliter se habent, vt quod futuræ sint pluuiæ in hieme, & calores vigeant in æstate; ergo non omnes demonstrationes procedere debent ex necessariis.

5 Sententia tamen Arist. vniuersaliter vera est, & tenenda, quod non possit vlla demonstratio procedere, ex propositionibus contingentibus, aut non necessariis. Quod hac ratione deducta ex doctrina eius euidenter probatur. Conclusio cuiuslibet demonstrationis est scientia, sed scientia habetur per causam necessariam, vt constat ex definitione eius, quæ talis est. *Scire est rem per causam cognoscere, & quod illius est causa, & quod non potest aliter se habere, quin ea posita sequatur effectus*; ergo debet procedere ex necessariis; probatur consequentia, quia præmissæ ex quibus procedit sunt causa per se, & necessaria conclusionis; ergo debent esse necessaria.

Ad 1. arg. diuersis modis respondetur, nam Venetus cap. præsentis respondet, non demonstrari lunam eclipsari actu, sed potentia, vel aptitudine, hoc est non demonstrari, quod eclipsetur, sed quod sit eclipsibilis. Et licet actu eclipsari non sit necessarium, esse tamē eclipsibilem necessarium est, & pari ratione, licet non sit necessarium, quod ad talem punctum ipsam & solem perueniant, sed quod peruenire, possint necessariū est. Vnde propositiones illius demonstrationis ita sumptæ necessariae sunt. Hæc tamen solutio falsa est, propter duo. Primum, quia Astrologi non solum

demonstrant lunam esse eclipsibilem, sed tali die, tali hora, & tali puncto eclipsandam esse; ergo secundum actum accipi debent propositiones illius demonstrationis. Secundum, quia causa per se, & effectus per se non solum secundum aptitudinem, sed etiā secundum actum constituunt propositionem per se in quarto modo; ergo secundum actum constituunt propositionem necessariam. Probatur consequentia, quia omnis propositio per se est necessaria apud Aristotelem, & omnes.

Ideo est secunda solutio aliorum modernorum. Quod demonstratio illa non procedit de hac luna, & de hoc sole, vt singularibus, sed secundum rationem communē, & specificam, aut genericam eorum, quam constat multis possibilibus esse communem, nam plures possunt soles, plures etiam lunæ adeo fieri, licet ergo contingens sit, quod sol iste, & hæc luna, ad talem punctum perueniant, sed quod soli, & lunæ, vt sic conueniat, non est contingens, sed necessarium. Sed hæc etiam solutio, aut nihil dicit, aut non est minus falsa quam præcedens. Quod ita probo, nam vel ad talem punctum peruenire, & eclipsari accipiuntur secundum actum, vel secundum potentiam, si secundum actum, eo ipso, quod sunt prædicata accidentalitæ, & contingentia respectu horum indiuiduorum, euidenter probatur esse accidentalia respectu speciei, nam si albedo contingenter inest Petro, euidenter sequitur contingenter in esse homini, & animali; ergo si prædicata illa contingenter in sunt isti soli, & huic lunæ, contingenter etiam conuenire debent soli, & lunæ sub ratione communi, aut specifica acceptis. Et præterea effectus per se non solum in communi, sed etiam in singulari prædicatur

tur per se, & necessario de sua causa etiam in singulari, & actu accepta, vt ostendunt propositiones istæ, iugulatis interit, ædificator ædificat.

Nostra igitur sententia duo asserit, primum demonstrationem illam, per se primo procedere de sole, & luna, secundum rationem communem, vel certe de communi ipsa ratione, & specifica. Sed etiã de hoc de sole, & hac luna per applicationem. Quemadmodum passio demonstrata de specie applicari potest ad hoc, vel illud indiuiduum, vt si de homine demonstramus, quod sit risibilis, eãdem demonstrationem possumus applicare Petro sumpto pro minori extremitate, ac dicere, omne animal rationale est risibile, Petrus est animal rationale; ergo Petrus est risibilis. Ita ergo, quod ad talem punctum perueniant sol, & luna, & hæc eclipsetur per interpositionem terræ, de ratione eorũ communi demonstratur primo, sed per applicationem de his singularibus.

7 Secun. dicimus, non secundum potentiam, sed secundum actum demonstrari eclipsim, per actualẽ interpositionem terræ, & nihilominus utrãq. propositionẽ esse per se. Nõ quidẽ in primo, aut secundo modo, sed in quarto, & ideo sicut sunt per se perfectitate causalitatis, sic etiam sunt necessariz, necessitate causalitatis. Nam prædicatum duobus modis potest comparari ad subiectum, vel prædicari de illo, atq. ei conuenire, aut secundum rationem essendi, vel inhærendi, aut secundum rationem causandi, & secundum primam rationem sumuntur in propositionibus primi, & secundi modi per se, iuxta secundam vero in propositionibus quarti modi, quia primus, & secundus modus sunt modi per se prædicandi, tertius per se essendi, & quartus, per se cau-

sandi, vt docuit Arist. vnde intelligitur, quod si propositiones quarti modi accipiantur in ratione prædicandi, nulla ferẽ erit per se, sed omnes erunt per accidens, vtpatet in his, iugulatus interit, ædificator ædificat, actu enim ædificare accidit planẽ ædificatori, & de illo prædicatur prædicatione quinti prædicabilis, vt constat, sed in ratione causandi, per se sunt, quia effectus per se, etiam secundum actum per se prædicatur de sua causa actu causante perfectitate causandi.

Ad formam igitur arg. distinguenda est minor, quia solem, & lunam ad talem punctum peruenire, vt interpositio terræ sequatur, per se eis conuenit perfectitate causandi, & eodem modo per se sequitur ex interpositione eclipsidis, nõ impossibile est rem aliter se habere, quin ex motu horũ astrorum non sequatur quod ad talem punctum perueniant, & ex hoc quod nõ sequatur eclipsidis lunæ, si ergo in ratione causandi sumantur necessariae sunt propositiones, & ita sumuntur, si vero in ratione essendi, vel prædicandi non sunt necessariae, sed accidentales, & contingentes, sed non accipiuntur hoc modo. Pro solutione aliorum argumentorum notandum est, propositionem necessariam esse, quæ enuntiat rem necessariam, hoc est, quæ non potest aliter se habere: Sed rem esse necessariam duobus modis contingit, simpliciter, vel ex suppositione, necessariũ simpliciter est illud, quod ex propria natura tale est, vt non possit nõ esse, vt quod homo sit animal, vel rationalis. Necessarium vero ex suppositione, quod ex propria natura potest non esse, aut non esse tale, vt corpus disgregare visum non est necessarium secundum naturam corporis, sed contingens, ex suppositione vero, quod sit albu, necessa-

cessarium est. Præterea necessarium simpliciter, adhuc est triplex, primū quod nullo modo potest non esse, sed implicat contradictionem, quod non sit, vt hominem esse animal, vel rationale. Secundum, quod non potest non esse per virtutem naturalem causarum, bene tamen per supernaturalem Dei, vt quod ignis sit calidus, vel homo sit risibilis. Nam per potētiā supernaturalem Dei separari potest calor ab igne, & risibilitas ab homine. Tertium, quod non potest non esse per virtutem naturalem causarum, vt plurimum, quamuis raro possit per eandem virtutem non esse. Et secundus hos quatuor modos necessarij, distinguendi sunt, quatuor alij, modi propositionū necessariarū, dicendumq. demonstrationem debere procedere ex necessariis propositionibus vno, vel alio modo, sed perfectior erit si procedat ex propositionibus necessariis simpliciter, quam si solum procedat ex propositionibus necessariis ex suppositione, & perfectissima si procedat ex necessariis simpliciter iuxta primū modum, minus perfecta si iuxta secundum. Imperfectissima vero si iuxta tertium, & ideo demonstrationes Philosophiæ naturalis, & moralis, ex quibus plures constāt propositionibus, quæ solum, vt plurimum veræ sunt, imperfectissimæ censentur, & scientiæ ipsæ infimum locum certitudinis inter omnes tenent.

Ex his ergo solutum est secundum, & tertium arg. nam licet demonstrationes illæ non procedant ex necessariis simpliciter, sed ex suppositione, vt ea quæ adducitur in secundo arg. vel si ex necessariis simpliciter, non tamen semper euenientibus, sed vt plurimū tantum, sufficit his modis procedere ex necessariis. Et quod

sufficiat procedere ex necessariis, vt plurimum euenientibus docuit expresse Arist. cap. 24. huius primi libri, & recipiunt omnes. Quia omnes recipiunt vtramq. Philosophiam pro vera scientia, & merito, quia necessarium reputatur, quod vt plurimum euenit, necessitate naturali, aut morali, ergo obiectū scientiæ esse potest, nec est periculum errandi in tali modo demonstrandi, quia non demonstratur effectum semper euenire, sed vt substat virtuti, aut modo operandi causarum, hoc autem deficere non potest, ideo nec erroris periculo se exponit ita procedens. Quod vero sufficiat propositiones esse necessarias ex suppositione probatur, quia sic acceptæ non possunt aliter se habere, quare cum in tali processu demonstrandi sic accipiantur, conclusionem euidenter inferant, quæ vt substat præmissis, nō potest aliter se habere, & ideo scientifica est, atque necessaria.

QVAEST. II.

An demonstratio debeat constare ex propositionibus de omni, per se, & vniuersaliter.

TRia propono arg. aduersus hos tres terminos, vt eorum occasione explicentur singuli. Primum erit aduersus primum terminum de omni. Nam propositiones singulares, necessariæ, atque per se possunt demonstrationem componere, & tamen non sunt de omni, ergo non omnes propositiones demonstratiuæ debent esse de omni. Maior satis est per se manifesta, cum in Philosophia demonstratur de Deo, quod sit, & quod sit vnus, nec solum à posteriori, vel demonstratione, quia, sed etiam demonstratione propter quid demonstrare possi-

mus de eo, quod sit æternus, quia est immutabilis. Et de Christo Domino demonstrantur plura in Theologia suppositis principiis fidei: quæ omnia non possunt, nisi per propositiones singulares demonstrari, nam cum Deus, & Christus sint termini singulares, non possunt ex eis fieri, nisi propositiones singulares. Minor vero quæ tales, propositiones non sint de omni, euidens est. Cum repugnet propositionem esse de omni, & non esse vniuersalem, quomodo enim in propositione singulari conuenire potest prædicatum cuiuslibet contento subiecto, & pro quolibet tempore, cum nihil sub subiecto singulari contineatur.

Secundo argo. aduersus primum & secundum modum per se hac ratione. Primus modus per se est quando prædicatum est definitio, aut pars definitionis subiecti; ergo hæc propositio, risibile est homo, & similes erunt in secundo modo per se, quod est falsum, quia indirectæ sunt, & ex quibus demonstrationes saltim propter quid non possunt componi. Præterea, secundus modus per se est, quando subiectum pertinet ad definitionem prædicati: sed omnia accidentia definiuntur per subiectum aliquo modo, cum habeant intrinsecum ordinem apertitudinalis inhxerentiæ ad illud, qui non potest explicari, nisi posito eodem subiecto in definitione eorum; ergo omnia accidentia prædicabuntur de subiectis in secundo modo per se, & ita, hæc propositio corpus est album, & similes erunt in secundo modo, cum album definiatur per corpus, quod tamē patet esse falsum, quia omnes sunt accidentales, & contingentes, ex quibus demonstratio componi repugnat; ergo secundus modus per se falsus est, & ad demonstrationem ineptus.

Tertiū arg. est contra modum vniuersaliter, quem sic exponit Aristot. vniuersaliter dicitur prædicatū de subiecto, si ei conueniat secundum quod ipsum, hoc est secundum rationem propriam, vel ut tale est, quod patet non habere, nisi conuertatur cum eo; ergo nulla propositio superioris prædicati, quales sunt istæ homo est animal, homo est corpus erūt vniuersales, sed constat esse in primo modo per se, & ex eis posse demonstrationē propter quid componi; ergo modus vniuersaliter diminutus est non comprehendens omnes propositiones, ex quibus perfectissima demonstratio potest procedere.

Circa ordinem horum trium terminorum D. Tho. cap. præsentis, & cum eo Sotus, & iam fere omnes moderni asserunt se habere, tanquam prædicata superiora, & inferiora, ita ut vniuersaliter sit inferior ceteris, & post ipsum sequatur per se, tandem de omni. Itaque se habent sicut homo, animal, & viuens, nam quidquid dicitur vniuersaliter est per se, & de omni, & quidquid est per se, est etiā de omni, non tamen quidquid est de omni est per se, nec omne per se est vniuersaliter. Quod colligitur ex Arist. definiētis vniuersaliter quod sit de omni, & per se, & quod conueniat prædicatum subiecto: secundum quod ipsum, vel ut tale est, quibus aperte satis significat per se aliquid addere supra vniuersaliter, sicut vniuersaliter aliquid addit supra per se, & de omni, quod non potest esse verum, nisi tamquam quid superius, & inferius se habeant modo explicato, & hæc est vera sententia, & tenenda.

Licet contrarium teneat Toletus, quantum ad modum per se, & de omni, affirmās plures propositionis esse per se, quæ non sunt de omni, ut hominem

minem esse grammaticum est in secundo modo per se, & non est de omni, cum non conueniat omni homini actu habere grammaticam, nam de aptitudine euidens est cōuenire omnibus, & curuitas etiam conuenit naso per se, non tamen omni, falsum est enim, quod propositiones istæ sint per se, nam neque grammatica proxime ac per se definitur per hominem, sicut nec reliquæ scientiæ, aut artes, neque curuitas definitur per nasum adæquatè, & per se, cum constet aliis subiectis conuenire posse præter nasum, & hominem, unde ad quintum prædicabile pertinent similes propositiones, tanquam purè accidentales.

3 Circa terminum de omni notandum est cum D. Tho. lect. 9. horum Commentariorum, Themistio ca. 9. suæ Paraphrasis, & Soro cap. præsentis. Quod dici de omni duplex est, prioristicum, & posterioristicum. Prioristicum vocatur in eo sensu, quo adducitur ab Aristot. in lib. priorum, & à Sumulisticis in 4. lib. Sumularum, & significatio eius est, quod nihil sit sumere sub subiecto, de quo non dicatur prædicatum, non quidem secundum veritatem propositionis, sed secundum modum enuntiandi, nam ad formam syllogisticam impertinens est, quod propositiones sint veræ, vel falsæ, & solum per se requiritur forma, aut modus enuntiandi vniuersalis, ex quo habetur, vt si prædicatum dicitur de subiecto distributo, necesse sit dici de quolibet assumpto sub eo cum pro omnibus distribuatur. Dicitur vero de omni posterioristicum vocatur in eo sensu, quo adducitur ab Aristot. in hoc opere; nempe in ordine ad demonstrationem, quæ cum ex veris propositionibus constare debeat, necesse est, vt prædicatum de omni, dicatur de quolibet contento sub

subiecto, non solum secundum modum enuntiandi, sed etiam secundum veritatem propositionis. Et in eodem sensu accipiendum est dici de nullo, de quo non fecit mentionem Aristot. in hoc cap. quia facile intelligi potest, idem esse in propositionibus negatiuis, prædicatum negari de omni subiecto, ac in affirmatiuis dici, unde, negatiuæ omnes propositiones, in quibus prædicatum negatur de omni subiecto, & quolibet contento sub eo, & pro quolibet tempore, etiam sunt de omni modo negatiuæ.

14 Circa terminum per se notanda est ratio propter quā, in quatuor modos diuiditur ab Aristot. ita vt nec sint plures, nec pauciores, & est hæc. Res de qua aliquid demonstramus quatuor tantum potest habere considerationes: primā vt est in se, & per se: secundam in ordine ad prædicata essentialia. Tertiam in ordine ad proprias passionēs. Quartam in ordine ad proprias operationes, cuius est causa per se. Et prima consideratio constituit tertium modum, qui non est prædicandi, sed essendi. Secunda consideratio constituit primum, & tertia constituit secundum, qui sunt modi prædicandi: quarta vero constituit quartum, qui nec est modus essendi, nec prædicandi, sed per se causandi: De termino vero vniuersaliter dicemus quæst. sequenti.

His suppositis sententia Aristot. est, quam secuntur omnes expositores, quod omnis demonstratio propter quid debet constare propositionibus de omni, & per se, sed non omnis debeat constare propositionibus, quæ sint vniuersaliter, sed solum perfectissima inter has, illa inquam, quæ procedit ex causa adæquate cōuertibili cū effectu, & vtrumque probari potest, efficaciter. Primum quidem hoc arg.

h 4 organis

omnis demonstratio debet procedere ex necessariis, vt asseruit, & probauit Aristoteles in principio huius capituli, sed omnis propositio necessaria debet esse aliquo modo de omni, atque etiam per se; ergo omnis demonstratio debet constare propositionibus de omni, & per se. Quod vero non omnis demonstratio propter quid procedere debeat ex propositionibus, in quibus prædicatum dicitur vniuersaliter de subiecto insequentibus erit manifestum.

15 Circa solutionem 1. argu. distinguenda sunt diuersa singularia, nam quædã sunt, in quibus indiuidualis differentia non distinguitur ab specifica, vt plures tenent de angelis, vel certe à prædicatis essentialibus, vt in Deo in quo sicut esse, & essentia nõ distinguuntur, eadem ratione, nec distinguuntur prædicata essentialia ab indiuidualibus. Alia sunt singularia in quibus certum est distinguere indiuidualem differentiam aliquo modo ab specifica, cum indiuidualia multiplicentur sub eadem specie, & in angelis etiã apud alios distinguitur, & in his indiuidualis in quibus nõ distinguitur, dantur propositiones singulares, quæ sint per se, & ex quibus demonstratio componi potest, sed istæ æquivalent vniuersalibus, quia essentielles sunt, & si plura darentur indiuidualia illius essentia, essent de prædicato communis, vnde virtute saltem sunt de omni, & hoc sufficit, vt verum sit omnẽ propositionem demonstratiuam esse de omni. In indiuiduali vero in quibus differentia indiuidualis distinguitur ab specifica, nulla potest dari propositio, ex qua possit fieri demonstratio propter quid, quia de his indiuidualibus sub ratione potestatem indiuidualitatis accipitis, vt de Petro vt Petrus est, non potest dari demonstratio,

nec scientia propter quid, vt expresse docet Arist. 7. lib. Meta. cap. 24. & pluribus aliis locis. Et D. Tho. qu. 9. de Potentia art. 2. ad 1. & 1. p. q. 29. art. 1. ad 5. negat singularia posse de finiri, & proinde esse obiectum scientia, quia definitio est medium demonstrationis, & scientia. Vnde sequitur, nec in his dari propositionem, quæ propriè sit per se, neq. de omni, sed dum aliquid demonstratur de eis de demonstratione propter quid, solum de monstrantur passionibus communes speciei, per essentiam quoque communẽ, & hoc est de illis demonstrari, in quãtun participant naturam speciei, nõ ratione differentia indiuidualis, & est quasi applicatio scientia de specie ad illa. Et hoc modo demonstratur in Theologia de Christo passionibus hominis, & etiam diuina attributa, & proprietates. In quantum habet vtramque naturã diuinam, & humanam, quasi per applicationem scientia de Deo, & homine, illi personæ, illique indiuiduali habenti vtramque naturam. Et hoc esse verum ostendunt demonstrationes ipsæ, quod certe non est dari scientiam, vel demonstrationem propter quid de singulari naturæ corruptibilis, vt tali, sed vt habenti naturam specificam, vel simul diuinam, de qua vera scientia esse potest, vt explicatum est.

De his tamẽ indiuidualis potest dari scientia à posteriori, quæ vocatur scientia, quia, atque etiam demonstratio, quia, ex effectibus per experientiam cognitis procedens, & ideo tam scientia ipsa, quam demonstratio experimentalis vocatur. Qualis de Petro daretur, etiam si de homine nullam scientiam à priori haberemus: quia per experientiam cognoscimus Petrum, & Ioãnem esse capaces disciplinæ, & consequenter, per eandem

ex-

experientiam quod homo, sit capax disciplinæ, quod admiratiuus, atque risibilis: talem ergo demonstrationem possumus constituere de Petro. Omne illud, quod assequitur notitiā alicuius rei est capax disciplinæ, Petrus consequitur notitiā huius, aut illius rei; ergo est capax disciplinæ, & etiā quidquid admiratur est admiratiuum, Petrus admiratur, ergo est admiratiuus, & pariter probare possumus, quod sit risibilis, & rationalis. Sed demonstraciones istæ nimis sunt imperfectæ, vt cap. 10. ostendit Arist. Quare non est necessarium cōstare propositionibus per se, aut de omni, sed satis est constare propositionibus vteumque necessariis. Quia hos tres terminos, de omni, per se, & vniuersaliter solū adduxit Arist. pro demonstracionibus perfectis, quæ vocantur propter quid. Et ex his cōstat solutum esse primum arg.

17 Circa propositiones indirectas, de quibus procedit prima pars 2. argum. diuersæ sunt opiniones. Prima, Caiet. cap. præsentī, qui dicit esse per se in secundo modo, cum conueniat eis definitio, nam prædicatū est de definitione subiecti, vt in hac risibile est homo, aut rationale est homo. Alij vero negant omnino vllam propositionē indirectam esse per se, aut ex ea posse fieri demonstratiōē propter quid. Et hoc mihi videtur probabilius, quia propositiones indirectæ earent formā, & modo naturali propositionum, in quibus prædicatum habet modum formæ, subiectum vero modum materiæ, in indirectis vero oppositum videmus, cum illud habeat locum prædicati, quod verè subiectum est, & ideo sunt quasi propositiones contra naturam; ergo nō conuenit illis ratio per se, vel de omni, qui modi cum pro demonstratiō-

nibus propter quid traditi sint ab Aristotele, non conueniunt nisi propositionibus naturalibus, & habentibus veram formam propositionis, ex quibus demonstratio propter quid fieri potest. Nihilominus quandam habent similitudinem cum propositionibus per se, & de omni.

Ad formam igitur argu. neganda est consequētia, quia definitiones horum modorum præsupponunt rationem directam propositionum; vnde sensus eorum est, primus modus per se est, quando prædicatum pertinet ad definitionē subiecti directæ propositionis, & secundus quando subiectum directæ propositionis pertinet ad definitionem prædicati.

Ad aliam partem eiusdem argum. neganda est consequentia, quod omne accidens prædicetur de subiecto in secundo modo per se, quia modi per se præsupponunt propositionem necessariam, sicut diximus modo præsupponere propositionem directam. Vnde sensus definitionis secundi modi per se est, secundus modus per se est, quando subiectū pertinet ad definitionem prædicati in propositione necessaria. Ita sentiunt communiter expositores cap. præsentī, præsertim Sotus, & Caiet. & colligitur ex Arist. qui priusquam definisset modos per se, probauit demonstrationem procedere ex necessariis, & explicatis 1. & 2. modo per se subdit. Cætera omnia esse accidentia, quasi præsupponens hos modos non reperiri, nisi in propositionibus necessariis, cap. etiam 6. huius libri docet expressè, quod, ea quæ conueniunt per se his modis, necessario cōueniant. Falsum est ergo, & superius à nobis refutatum, quod Toletus asserit, quasdam propositiones accidentales esse in 2. modo per se.

Ad formam igitur argu. concessio

h f ante

In lib. I. de Poster. resolutione.

antecedenti, neganda est consequentia, quod accidens prædicetur de subiecto in secundo modo, non enim satis est quod ad definitionem accidentis pertineat subiectum, vt prædicetur per se de illo, sed requiritur, quod necessario ei conueniat, & non contingenter, vel purè accidentaliter.

Ad 3. arg. concedimus, non omnem demonstrationem propter quid constare propositionibus, in quibus prædicatum dicatur de subiecto vniuersaliter, sed solū perfectissimam, quæ procedit ex causis adæquatis, & conuertibilibus cum effectibus, vt in sequentibus constabit.

QVAEST. III.

Quidnam significetur per terminum vniuersaliter, & an conueniat propositionibus superiorum de inferioribus, vel solū his quæ sunt in terminis conuertibilibus.

19 **C**irca primum, quod quærit titulus quæstionis notandum est, vniuersale duobus modis sumi. 1. vt est modus subiecti, ratione cui⁹ constituitur propositio vniuersalis. Vt omnis homo est animal. Secundo, vt est modus prædicati constituentis propositionem de prædicato communi, aut vniuersali. Certum est autem non sumi hoc loco ab Arist. vt est modus subiecti, sed prædicati, cum accipiatur comparatione subiecti. Sed adhuc, vt est modus prædicati dupliciter sumitur, communi quidem ratione pro quolibet prædicato multis communi, in qua acceptione sumitur à Porphyrio in prædicabilibus, & definitur ab Arist. quod sit vnum in multis 2. lib. de interpretatione. Sed in arte

posterioristica specialius accipitur, non pro quolibet prædicato multis communi, sed solum pro eo, quod cōuenit subiecto, secundū, quod ipsum, vel primo, quale est prædicatum huius propositionis, homo est rationalis, & in hac acceptione sumitur ab Aristotele cap. præsentis, atque in titulo quæstionis.

Quo supposito quærit secundo, an conueniat propositionibus de prædicato communi pertinente ad essentiam rei. Ita vt omnes propositiones in quibus prædicatur genus proximum de specie, sint vniuersaliter, vel solum illæ in quibus prædicatum cōuenit per se subiecto, & cum eo cōuertitur.

Prima opinio asserit idem esse vniuersaliter conuenire prædicatum subiecto, quod conuenire ei per se primo, atque immediatè, & ideo prædicationes generis tales esse. Ita Ferrar. 2. lib. contra gentes cap. 15. & Sorus cap. præsentis quæstione vnica. Probant testimonio Aristotelis, cap. præsentis, vbi sic ait. *Per se autem, & secundum quod ipsum idem, vt per se linea in est punctum, & rectum.* Sed propositio in qua prædicatur genus proximum de specie est per se, ergo erit etiam secundum quod ipsum. Et secundum quod ipsum est idem, quod vniuersaliter, vt ideminet Arist. docet explicans, quid sit vniuersaliter; ergo erit etiam vniuersaliter. Et idem asserit D. Th. 2. lib. cōtra gentes cap. 15, vbi prædicatum quod ita conuenit per se alicui, vt non conueniat ei per aliquam causam, sed immediatè, & per se docet conuenire secundum quod ipsum, & ideo vniuersaliter, sic autem conuenire animal homini patet; ergo sentit D. Thom. conuenire vniuersaliter.

Probat deinde ratione, quia idem est

est prædicatum conuenire subiecto vniuersaliter, ac ei conuenire primo, vel secundum quod ipsum, nempe vt tale est, aut non per aliud, sed tota definitio conuenit speciei, vt tali, & non per aliud medium, sed immediata, quod est conuenire ei primo; ergo conuenit ei vniuersaliter, & ex consequenti quælibet pars definitionis vniuersaliter conueniet, & altera est genus.

21 Secun. opinio est expressa D. Th. asserentis illud solum prædicatum conuenire vniuersaliter, quod non excedit subiectum, sed per se ei conuenit, & cum eo conuertitur. Verba eius sunt. *Impossibile est aliquod vnum duobus conuenire, & vtrique secundum quod ipsum, quod enim de aliquo secundum quod ipsum dicitur ipsum non excedit, sicut habere tres angulos æquales duobus velle non excedit, triangulum, de quo prædicatur, sed est idem conuertibiliter, &c.* Ita etiam Albertus Magnus 1. lib. posteriorum tractatu. 2. cap. 12. Venetus, Caietanus, Tolet, & moderni omnes, & hæc est vera sententia, & tenenda.

22 Probatur testimonio Arist. qui explicans terminum vniuersaliter docuit expresse aliquid addere supra duos alios terminos, nempe de omni, & per se; ergo sentit non sufficere quod sit prædicatum per se, in primo, aut secundo modo, vt dicatur vniuersaliter. Asserit præterea addere supra terminum de omni, & per se, quod conueniat subiecto secundum quod ipsum, vel vt tale est, sed genus proximum non conuenit speciei, vt talis est, cum sit commune cæteris speciebus; ergo non conueniet ei secundum quod ipsum, nec vniuersaliter.

Probatur etiam ratione, quia prædicatum conuenire subiecto secundum quod ipsum, est conuenire ei, vt tale est, quod expresse docet Ari-

stoteles, & concedunt aduersarii, sed animal non conuenit homini, vt talis est; ergo neq. secundum quod ipsum. Probatur minor, homo vt talis est distinguitur ab equo, & leone, ac cæteris speciebus. Sed per genus animalis non distinguitur ab eis, sed potius cum eis conuenit; ergo animal non prædicatur de homine, vt talis est, atq. adeo, nec secundum quod ipsum, nec vniuersaliter.

Secundo, nihil conuenit alicui secundum quod ipsum, vel vt tale est, nisi quod est sibi proprium, & non commune aliis, nam quod commune est, potius conuenit illi, vt communis est cum eis. Gratiæ exempli, quod conuenit homini, vt talis est, nempe vt est homo, conuenit illi, vt est tale animal, & non vt habet naturam sensitiuam communem cæteris animalibus; sed vt est animal, non est tale animal; ergo animal non conuenit ei vt tale, nec secundum quod ipsum, vel vniuersaliter. Itaque nostra sententia duo asserit. Primum est, quod vt prædicatum conueniat subiecto vniuersaliter, non requiritur, nec sufficit, quod conueniat ei essentialiter, aut in primo modo per se, vel etiam immediate, nam bene potest his modis conuenire, & non conuenire vniuersaliter, & ex opposito bene potest conuenire in secundo modo, & non essentialiter, nec immediate, & conuenire vniuersaliter, vt substantia conuenit homini essentialiter, & in primo modo per se, & animal etiam immediate, & neutrum conuenit ei vniuersaliter, & capacitas discipline vel admiratio, non conueniunt ei his modis, & conueniunt vniuersaliter.

Secundo asserit, illud prædicatum conuenire subiecto vniuersaliter, & conuenit ei primo, & secundum quod ipsum, vel vt tale est, & hoc modo

con-

CAPVT DECIMVM

TEXTVS ARIST.

Quod vero differt, & propter quid scire, primum quidem in eadem scientia, & in hac dupliciter.

Breuis expositio textus.

IN T E N T V M Arist. in hoc decimo cap. est distinguere demonstrationem quia, & demonstrationem propter quid, & rationem vtriusque explicare, diuiditur caput in duas partes. In prima docet deferre demonstrationem, quia, à demonstratione propter quid in eadem scientia. In secunda differre in diuersis scientiis.

Differunt inquit scire, quia, & scire propter quid, & consequenter demonstrationes ipsæ in eadem scientia duobus modis, nam demonstratio propter quid procedit à causa proxima, & adequata, demonstratio quia à causa remota, & inadæquata, quæ non infert positivè effectum, sed solū per modum negationis. Et ponit duplex exemplum, primum in hac demonstratione, quidquid respirat est animal, paries non est animal; ergo paries non respirat, in qua patet esse animal non esse causam proximam respirandi, sed habere pulmonem, nec etiam esse adequatam, quia multa sunt animalia quæ non respirant, quia pulmone carent. Exemplum secundum adducit ex dicto cuiusdam philosophi, qui cū Scythia esset, & Athenis videret mulieres saltantes, rogatus an in scythia essent similes saltatrices respondit quod esse vites, causam remotam, & inadæquatam redens, ex qua talis demonstratio constitui potest, vbi non sunt vites non sunt saltatrices, sed in scythia

conuenire, est esse adæquatam rationem eius, vel secundum adæquatam rationem ei conuenire, & eius ratione, quibuscumq. aliis, quibus attribuitur. Gratia exempli, sensibile non conuenit homini ratione sui, quia non conuenit ei, vt homo est, sed vt est animal, nec conuenit ei secundum adæquatam rationem, sed secundum inadæquatam, neq. animal conuenit homini, vt homo est, cum sit ei commune cum aliis animalibus, nec est adæquata ratio eius. Et vt vno verbo hoc explicetur, illud solum prædicatum conuenit vniuersaliter subiecto, quod conuenit illi per se, & cum eo conuertitur, tales sunt propositiones, in quibus prædicatur tota definitio de definito, vel etiam differentia, tales etiam in quibus prædicatur propria passio de sua specie, vel genere, à quo proximè, & adæquate procedit. Et quotiescumq. aliquid conuenit alicui cū reduplicatione, dicitur conuenire ei vniuersaliter, aut secundum quod ipsum.

Ad testimonium Aristotelis. Respondetur primo, quod dum dicit vniuersaliter idem esse, quod per se, non est sensus quod cum eo conuertatur, sed quod sit idem, cum eo secundum rem, sicut prædicatum inferius cum superiori. Vel secundo idem esse vniuersaliter asserit, quod per se conuertibiliter, quod enim non intelligat esse idem simpliciter, patet ex eo, quod statim docet nempe addere supra vtrumq. terminum, de omni, & per se, quod sit secundum quod ipsum.

Ad arg. concessa maiori, & minori, negatur consequentia, quod quilibet pars definitionis per se sumpta prædicetur vniuersaliter de definito, qui non conuenit ei vtraq. vt tale est, sed sola differentia.

thia non sunt vites, ergo non sunt sal-
tatrices, proxima vero causa esset ne-
gatio vini, quod cum sit causa lætitiæ
ex qua saltatio provenit, negatio
eius causa esset negationis saltandi,
& quia demonstrationes istæ proce-
dunt per negationem, asserit Aristo-
teles fieri semper in 2. figura, quia
medium quoq. in eis debet esse præ-
dicatum. 2. differunt quia in eadem
scientia demonstratio propter quid
semper procedit à causa, & cum cau-
sa sit prior effectu, dicitur demonstra-
tio à priori, sed demonstratio, quia
procedit ab effectu, qui cum sit poste-
rior dicitur demonstratio à postero-
ri. Duo alia exempla demonstratio-
nis, quia, adducit Aristot. primum in
stellis, quæ sunt in duplici differen-
tia, nã aliæ sunt fixæ, vt illæ qui sunt
in octavo cœlo, quod firmamentum
appellatur, aliæ vero quæ sunt in cor-
poribus cœlestibus inferioribus. Et
istæ dicuntur Planetæ. Illæ igitur, quia
longe distant à nobis videntur habe-
re motum quandam trepidationis, &
ideo videtur micare, vel scintillare,
cum tamen nullum talem motum ha-
beant, sed propter imperfectionem
visus apparet nobis illū habere. Pla-
netæ vero non apparēt cum tali mo-
tu, quia minus distant à nobis, ex hoc
igitur effectu talem demonstrationem,
quia, constitui potest. Stellæ
non scintillantes sunt propè nos. Pla-
netæ non scintillant, ergo sunt propè
nos. Aliud exemplum adducit in
Luna, de qua probare possumus, quod
sit circularis, aut rotunda ex hoc ef-
fectu, quia augmentum lucis modo
circulari suscipit, erit autem talis,
quidquid circulariter illuminatur ro-
tundum est, sed Luna illuminatur cir-
culariter à Sole; ergo est rotunda.

Sed distinguit duplicem effectū,
adæquatū, qui cōuertitur cum cau-

sa, & inadæquatū, quod non con-
uertitur cum ea, & inquit, quod si
effectus sit adæquatus, ex demonstra-
tione, quia procedente ab eo potest
fieri demonstratio propter quid, &
ex opposito ex demonstratione pro-
pter quid demonstratio quia, vt patet
in rationalitate, & risibilitate,
nam illā possumus probare per hanc,
& erit demonstratio quia, & rursus
hanc per illam, & erit demonstratio
propter quid. Si vero effectus sit
inadæquatus poterit ex eo fieri de-
monstratio, quia per quam probe-
mus causam, sed non demonstratio
propter quid, per quam ex causa
probemus effectum. Et ratio huius
differentiæ est, quia effectus adæqua-
tus cōuertitur cum sua causa, sed in-
adæquatus non cōuertitur, & ideo
in illo potest vtrq. demonstratio fie-
ri. In hoc vero solum demonstratio,
quia, nam causa in adæquata non ne-
cessario infert effectum. Vt si dica-
mus, quidquid mouetur motu progre-
sivo est animal, homo mouetur motu
progressivo; ergo est animal, non lice-
bit demonstrationem propter quid
à causa procedente constituere, quia
non est verum dicere, quidquid est
animal mouetur motu progressivo,
nam quædam sunt animalia, quibus
talis motus non conuenit.

In secunda parte docet Arist. dis-
ferre demonstrationem propter quid
à demonstratione, quia, in diuersis
scientiis, sed diuersas esse scientias
duobus modis contingit, vel subor-
dinatas, ita vt vna collocetur sub al-
tera, & tales sunt geometria, & pers-
pectiua, illa agit de linea, & hæc de
linea visuali, & ideo illa vocatur sub-
alternans. Hæc vero subalternata, &
eodem modo Arithmetica agens de
numero dicitur subalternas. Musica
vero agens de numero sonoro, ei sub-
alter-

alternata, alia sunt diuersae scientiae non subalternatae, ut geometria, & medicina. Afferit ergo Arist. differre demonstrationem, quia, & propter quid in scientiis subalternatis, quia demonstratio propter quid pertinet ad scientiam subalternantem; quae cum sit superior, reddit causam principiorum scientiae subalternatae, & ea probat à priori, demonstratio vero, quia, pertinet ad scientiam subalternatam procedentem ab effectu.

Differunt etiam in diuersis scientiis non subalternatis, quia aliquando contingit, quod aliqua propositio in vna scientia sit euidens, quae tamen non reddit causam eius, sed ad aliam scientiam pertinet reddere tale causam per demonstrationem propter quid, & ideo ad illam scientiam pertinet demonstrare talem propositionem per demonstrationem, quia, ad hanc vero per demonstrationem propter quid. Vt in medicina, aut chirurgia euidens est haec propositio, vulnus circulare difficilius sanatur, quam longum. Eius tamen causam non reddit haec scientia, sed geometria, quia latera circuli magis distant, & ideo difficilius coniungantur. Distinguntur ergo in his scientiis diuersis demonstratio, quia, & propter quid.

QVAESTIO. I.

An demonstratio procedens à causa remota sit, quia, vel propter quid.

CAusa remota duplex est adaequata, & inadaequata: adaequata quae conuertitur cum effectu, ut rationalis est causa remota risibilitatis conuertibilis cum ea. Causa remota inadaequata est, quae non conuertitur cum effectu, ut natura sensitiua est cau-

sa remota respirationis, quae non conuertitur cum effectu, cum constet non omne animal respirare. Et de causa remota adaequata certum est non constituit demonstrationem, quia, sed propter quid, quaestio igitur procedit de causa remota inadaequata, an demonstratio ab ea procedens sit demonstratio, quia, vel propter quid.

Et quod non sit demonstratio, quia, sed propter quid, probatur testimonio Arist. cap. 2. huius lib. ubi agens de demonstratione propter quid asserit procedere ex primis, vel ex his quae reducuntur ad prima, & cum principia sint causa conclusionis, id est, ac si dicat procedere ex causa proxima, aut remota, quae ad proximam reduci possit, sed causa remota, etiam inadaequata potest reduci ad proximam, cum respectu illius dicatur remota; ergo demonstratio ex ea procedens erit propter quid.

Probatur etiam ratione, r. quia demonstratio propter quid est demonstratio à priori, demonstratio vero, quia à posteriori, non alia ratione, nisi quia illa procedit à causa, quae prior est effectu, & haec ab effectu, qui posterior est causa, sed causa remota vera causa est, & prior effectu; ergo demonstratio ab ea procedens à priori est, & causam conclusionis reddit; ideo est demonstratio propter quid.

Secundo, omnis demonstratio procedens ab effectu, proximo, vel remoto, adaequato, vel inadaequato est demonstratio, quia, ergo omnis demonstratio procedens à causa proxima, vel remota, adaequata, vel inadaequata erit demonstratio propter quid. Probatur consequentia, quia sicut se habet effectus ad demonstrationem, quia, ita se habet causa ad demonstrationem propter quid.

Pro

4 Pro solutione huius quæst. notandum est causam remotam, & inadæquatam, de qua procedit duplicem esse, superiorem, & inferiorem. Superior est, ex qua quidem procedit effectus mediante proxima, sed non ab omni ea procedit, sed ab aliqua, ut effectus animal est causa remota, & inadæquata respirationis, quia ab ea procedit respiratio media proxima, quæ est habere pulmonem, & sanguinem calidum, sed non ab omni animali procedit, cum sint multa, quæ his carerent, & ideo natura sensitiva in eis non est causa respirationis. Alia est causa remota, & inadæquata inferior, à qua quidem semper procedit effectus, & ab omni ea, sed non à sola; cum possit etiam ab alia procedere, ut patet in exemplo saltationis adducto ab Arist. cuius causa remota, & inadæquata sunt vites, & vinum, non tamē ab his solū procedit, sed ab aliis causis lætitia, quæ proxima causa saltationis est.

Hæc est autem differentia inter has duas causas, quod inferior infert effectum. Bene enim sequitur ex vitibus, & vino saltatio aliqua, sed non infertur ab illo, cum non sequatur: si saltatio aliqua est vinum esse, & vites, nam ex causa alia provenire potest, etiam si neutrum horum sit. Negatio tamen effectus bene infert negationem causæ: unde bene respondit Philosophus ille Scythæ, dum rogatus, cur in Scythia non essent saltatrices. Respondit ideo non esse, quia non sunt vites, causam reddens inadæquatam per modum negationis.

5 Secundo notandum est, quod dum Arist. asserit demonstrationem procedentem à causa remota, non solum de adæquata non loquitur, sed nec de inadæquata inferiori, & ideo de sola inadæquata superiori, quod colli-

gitur evidenter ex verbis eius, nam postquam propriam sententiam proposuit, & eam exemplis comprobavit. Hæc verba subiunxit. *Assimilatur autem tales causæ his, quæ secundum effectum dicuntur.* Id est prædicatis superioribus, quæ inferiora dicuntur excedere; ergo de solis causis superioribus loquitur. Ex quibus solum potest inferri effectus per modum negationis.

Sed notandum est tertio, quod ad huc non infertur effectus ex his per modum negationis, tanquam ex causis formaliter, sed sicut ex negatione prædicati superioris infertur negatio inferioris, & ex negatione generis negatio differentia, atque ex opposito ex negatione differentia negatio generis, absque ulla causalitate propria. Quod probari potest effusim, his exemplis, quidquid est homo, est vivens, sed paries non est vivens; ergo paries non est homo, quidquid est rationale est animal, lapis non est animal; ergo non est rationalis. Sed in his non infertur, tanquam ex causis, sed tanquam ex puris negationibus superioris prædicati; ergo nec in illis causis remotis infertur ratione alicuius causalitatis, sed solū ratione negationis superioris prædicati. Probatur consequentia, quia sicut probamus de pariete, quod non respicit, quia non est animal, probare possumus non esse rationale, quia non est animal hoc modo, quidquid est rationale est animal, paries non est animal; ergo non est rationalis. Imo quod non respicit ex sola negatione risibilitatis dicentes, quidquid est risibile respicit, paries non est risibilis; ergo non respicit, ubi nulla interuenit ratio causalitatis, sed ex sola negatione generis sequitur negatio differentia. Aut ex negatione proprietatis negatio eiusdem respirationis: vnde

vnde sequitur, & sicut per demonstrationes procedentes ab effectibus non redditur causa conclusionis, nec propter quid eius, sed solum probatur, quod hoc, vel illud sit, ut quod homo sit rationalis per risibilitatem, & ideo appellantur ab Arist. demonstrationes, quod hoc est. Ita per negationem causæ remotæ superioris solum probatur, quod in aliquo non sit effectus eius non reddendo propter quid talis negationis, & absque vlla causalitate, sicut ex negatione vnius prædicati probatur negatio alterius, etiam absque causalitate. Quare ratio causæ in his solum reperitur materialiter, & ideo valde similes sunt demonstrationes, istæ procedentes à causa remota, & inadæquata per negationem, demonstrationibus, quia, vel quod hoc est, & propterea Arist. eas reduxit potius ad demonstrationes, quia, quam ad demonstrationes propter quid.

Duo igitur asserit nostra sententia. Primum, omnem demonstrationem procedentem à causa, ut causa est, siue sit proxima, vel remota, siue sit adæquata, vel inadæquata, esse propter quid. Quod euidenter probant testimonium Arist. & rationes adductæ pro hac parte.

7 Secundum, demonstrationes procedentes à causa, remota inadæquata, & superiori per negationem, de quibus solum loquitur Arist. cap. præsentis merito fuisse, ab eo connumeratas, inter demonstrationes quia, potius quam inter demonstrationes propter quid, cuius ea est ratio, quia non procedunt ex negatione talis causæ per modum causalitatis, sed solum per modum negationis superioris prædicati, sicut in simili forma probantur negationes quorundam prædicatorum per negationes aliorum, imo etiam

negatio eiusdem effectus causæ remotæ, per negationem alterius, absque vlla causalitate; ergo negatio causæ solum concurret materialiter, quare per tales demonstrationes non redditur propter quid, sed solum probatur, quod negatio effectus talis causæ conueniat alicui, sicut probatur ex effectū, & per demonstrationem quia, & homo sit animal, vel rationale ex effectū. Quare argu. non sunt soluenda cum ethicaciter probent, & intendunt.

QVAESTIO. II.

An diuisio demonstrationis in demonstrationem quia, & propter quid sit generis in species, vel analogi in analogata.

PRæsupponit rit. quæst. tanquam certum hanc diuisionem esse sufficientem, quod admittunt omnes. Et potest probari hac ratione. Illa diuisio est sufficiens, cuius membra continent omnia, quæ sub diuiso comprehenduntur. Sed membra huius diuisionis comprehendunt quamcumque demonstrationem; ergo continent, quidquid continetur sub demonstratione in communi, quæ est diuisum eiusdem diuisionis. Probatur minor, nam præter demonstrationem procedentem à causa, & ab effectū enumeratur ab Arist. in sequentibus demonstratio ad impossibile, per quam probatur vnum esse alterum, vel non esse deducendo ad impossibile. Ab aliis etiam additur demonstratio à signo, per quam ex signo nobis euidenter noto probamus rem ita se habere, ut lunam eclipsari, quia videmus lumen amittere, sed vtraque hæc demonstratio comprehenditur, sub demonstra-

tionem quia, & propter quid, atq. etiã alia quæcunque excogitabilis, vt bene Sotus, & Toletus cap. præsentis; ergo hæc diuisio comprehendit omnes demonstrationes. Probo iterum minorem, quia demonstrationes ad impossibile semper procedunt per viã causæ, aut effectus, & ideo reducuntur ad demonstrationem, quia, vel propter quid, vt ostendunt duæ istæ, si homo non esset risibilis, non esset rationalis, sed consequens est impossibile; ergo antecedens, cuius sensus est, si homo non esset risibilis, non esset rationalis, sed verum est esse rationalem; ergo verum est esse risibilem. Et hæc etiã si homo non esset rationalis, non esset admiratiuus, sed consequens est impossibile; ergo antecedens. Illa enim procedit à causâ, hæc vero ab effectu, vt patet. Demonstratio vero à signo semper procedit ab effectu, quia signum nobis notum per experientiam semper est effectus. Vt exemplum eclipsis lunæ adductum manifestat. Duo autem membra huius diuisionis, nempe demonstratio quia, & propter quid cõmunia sunt, sub quibus comprehenduntur diuersæ demonstrationes procedentes à causis, vel ab effectibus. Vnde malè Caiet. dixit aliud membrum demonstrationis propter quid esse distinguendum, nam quodcũq. illud sit comprehenditur sub vno membro huius diuisionis, tanquam species sub genere. Supposito, quod diuisio sufficiens sit, querimus an sit vniuoca, ita vt demonstratio diuidatur in hæc duo membra, tanquam genus in suas species, vel analogæ, ita vt tanquam analogum potius in sua analogata. Et prima opinio asserit analogam esse diuisionem, & non vniuocã. Ita Themistius in sua paraphrasi super v. li. posteriorum cap. 7. Venetus cap. præ-

senti. Et probatur testimonio Arist. qui definiens demonstrationem cap. 2. huius libri solam demonstrationem propter quid duplici definitione explicauit, quæ non potest vllò modo cõuenire de demonstratiõni, quia. Imo ipsemet Aristot. eodem cap. quasi ex cõditione asseruit de demonstratiõne, quia, loquens. *Si autem sit alius modus sciendi, dicemus postea.* Et ad hoc decimum cap. se referens secundum cõmunem sententiam expositorum. Ex quo inferitur demonstrationem non esse vniuocam, nec genus ad vtrũq. nam si vniuoca esset, vt communis vtrique definienda esset, & non pro vna eius specie tantum, cum ergo sola demonstratio propter quid definita sit, hanc solam esse demonstratiõnem simpliciter sentit Arist. demonstrationem vero, quia, non nisi secundum quid, & per attributionem ad illam, tanquam ad principalem analogatum. Cuius signum est etiã, quod Aristot. nunquam eam definiuit, satis esse putans definisse præcipuam, ex cuius similitudine, & attributione facile intelligitur alia.

Sed ratione probatur, quia demonstratio est instrumentum acquirendi scientiam, sed scientia acquisita per demonstrationem, quia, non potest esse talis simpliciter, sed solum secundum quid; ergo, nec demonstratio, quia, erit demonstratio simpliciter, sed secundum quid. Probatur minor ex duobus. Ex primo quidem, quia non scimus simpliciter aliquid, cuius naturam, & essentiam ignoramus, sed habita demonstratione, quia, ignoramus naturam, & essentiam rei, & solum cognoscimus eam esse talem, ex aliquo effectu extrinseco, ex quo procedat demonstratio, quia, vt dum demonstramus hominem esse rationalem, ex effectu ridendi, quem experimur

ergo

In lib. 1. de Poster. resolut.

ergo non potest esse demonstratio simpliciter. Ex secundo vero, quia de primis principiis non habetur scientia simpliciter, cum ex terminis sine nota, sed nullum est principium quatenus immediatum, quod non possit probari aliquo modo per demonstrationem, quia; ergo hæc non generat scientiam simpliciter, sed quandam aliam notitiam conclusionis scientia inferiori, & ideo non erit simpliciter demonstratio, sed secundum quid.

II Secundo, si demonstratio generis est ad demonstrationem, quia, & propter quid; ergo scientia erit etiam generis ad eam, quæ generatur per utramque, distinguunturque specie, tam scientia actualis, quia, & propter quid, quæ sunt assensus utriusque demonstrationis, quam habitualis generis per utrumque assensum. Sed consequens est falsum; ergo etiam antecedens. Probatur minor, quia utraque demonstratio habetur sæpe de eodem obiecto, ut de homine, aut quouis alio, sed scientiæ distinguuntur specie per obiecta; ergo nec scientiæ actuales, nec habituales generis per has demonstrationes possunt distingui specie, nec ideo demonstrationes ipsæ, sed solum ut quædam analogata demonstrationis in comuni, quæ in eas diuiditur.

Secunda opinio tenet demonstrationem diuisam esse ab Aristotele, in demonstrationem, quia, & propter quid, tanquam vniocum quid, & verbi gratia in suas species. Ita videntur sentire Ammonius super 1. lib. de Anima, textu 11. & 14. Et Placidius ibidem, q. 19. art. 3. Sed expressio Sotus, & Toletus, cap. præsentis, & omnes moderni interpretes, & videtur mihi vera; & tenenda. Prob. 1. quia demonstratio, quia, procedit ex principiis certis, & euidens, & per consequens euidens in modo, & si-

gura constituta; ergo est syllogismus necessarius, & euidens specie distinctus a probabili, & sophistico. Quod est esse speciem syllogismi demonstratiui distinctam ab ea, quam constituit demonstratio propter quid, ab utraque, ergo specie syllogismi demonstratiui abstrahi potest ratio communis syllogismi demonstratiui vniocæ, atque generica, sub qua distinguetur specie.

Quod prob. 2. ex principiis utriusque, & assensibus conclusionum, per utramque genitis. Nam demonstrationes, distinguuntur per principia, ex quibus procedunt, & per assensus conclusionum, quos generant, cum principia sint rationes formales assentiendi conclusionibus, & conclusiones effectus proprii principiorum, ac demonstrationum, sed principia demonstrationis, quia, & propter quid distinguuntur essentialiter, quia hæc continent causam conclusionis, & reddunt propter quid eius. Illa vero effectus, & ideo solum probant conclusionem à posteriori. Et etiam assensus conclusionum distinguuntur essentialiter per eadem principia diuersa, tanquam per diuersas rationes assentiendi, quæ sunt quasi obiecta formalia earum; ergo utraque parte distinguuntur specie demonstratio, quia, & propter quid, ideoque demonstratio in comuni diuidetur in eas, tanquam genus, 12. Ut autem explicetur testimoniū Aristotele. & solvatur 1. arg. notandum est, quod licet genus ex parte sua æqualiter participetur ab speciebus, nihilominus ex parte differentiarum inæqualis perfectione, per quas descendit ad illas, constituit easdem species inæquales in perfectione, ut constat in genere animalis. Ita ergo demonstratio in comuni abstrahitur ab utraque æqualiter participatur ab eis ex parte sua, sed differentia utriusque diuersa.

diuersæ sunt perfectionis, quia longe perfectius est reddere causam conclusionis; & ideo propter quid eius, quam solum eam probare ex effectu, ideo demonstratio propter quid longe perfectior species demonstrationis est, quam demonstratio quia, non ratione generis, sed ratione differentie perfectissimæ, sicut homo inter species animalis. Et sicut hæc maior perfectio speciei humanæ non tollit rationem vniocam animalis, eodem modo, nec maior perfectio demonstrationis propter quid tollit rationem vniocam, aut genericam respectu vtriusque demonstrationis.

Arist. ergo solum definiuit præcipuam speciem demonstrationis in 2. cap. quia illa est potissimum instrumentum artis demonstratiuæ ad generandam scientiam, explicaturus aliam speciem imperfectam cap. præfenti, quod & fecit, dicens talem esse ut procedat ab effectu, non reddens propter quid conclusionis. Sed ostendens ita esse, negamus igitur Arist. sentire, quod sola demonstratio propter quid sit demonstratio simpliciter, demonstratio vero, quia, tantum secundum quid, quamvis sentiat perfectissimam speciem demonstrationis esse illā, hanc vero imperfectissimam ratione differentiarum.

Ad 1. argum. neganda est minor, quod assensus demonstrationis, quia, non sit scientia simpliciter, & dum primo dicitur, per illam nos non cognoscere naturā, & essentiam rei. Respondetur essentiam rei non cognoscei per demonstrationem etiam propter quid, sed cognitam præsupponi per habitum principiorum, eū definitio sit principium ex se indemonstrabile, & non cognoscibile per scientiam propter quid in suo genere, sed ex sola notitia terminorum, vnde nec

est defectus demonstrationis, quia, & per eam non cognoscatur essentia rei, sed officium vtriusque demonstrationis est, tradere cognitionē obiecti ex aliqua eius proprietate, & facit demonstratio propter quid, probans à priori, & ex causa proprietates subiecti, officium vero demonstrationis, quia, ex proprietate ipsa per experientiam cognita tradit cognitionem eiusdē subiecti. Nullam causam reddens, sed solum probās, quod talis sit naturæ ex illa proprietate. Negandum igitur est, quod scientia genita per demonstrationem, quia, non sit simpliciter talis, quamvis cedamus esse valde imperfectam. Quod vero secundo dicitur, de principis non haberi scientiam distinguendum est, quia perfecta scientia, & à priori non potest de illis haberi, quia per se nota sunt, & à priori indemonstrabilia, esse autem per se nota non tollit, quin à posteriori possint demonstrari per demonstrationem, quia, per quam habebitur scientia de illis. Imperfecta quidem, sed vniocē talis, cum scientia à priori, & propter quid, quare & demonstrationes ipsæ vniocam, atque genericam habebunt conuenientiam.

Secundam arg. duo petit, primum, an assensus demonstrationis quia, & propter quid, qui dicuntur scientiæ actuales distinguantur specie; secundum, an per assensus generentur habitus scientiæ specie distincti. Circa primum est prima sententia Soti, q. 1. huius cap. qui licet teneat demonstrationes ipsas distingui specie, negat tamen assensus specie distingui, sed vult esse eiusdem speciei. Quod probat hoc arg. principia demonstrationis sunt causa æquiuoca conclusionis, cum distinguantur specie ab ea, sicut sol est causa æquiuoca calo-

ris, sed idem effectus secundum speciem potest procedere à causis æquiuocis diuersæ speciei, vt idem calor à sole, & igne; ergo idem assensus conclusionis poterit procedere à diuersis principiis, diuersisque demonstrationibus secundum speciem, licet ergo demonstrationes sint specie distinctæ, non sequitur, quod assensus conclusionis vtriusque speciei distinguantur. Quod videtur sibi necessario concedendum de eclipsi lunæ, demonstrato per demonstrationem propter quid ex causa, & per demonstrationem, quia, ex effectu, non enim habemus ex eo assensus specie diuersos, sed eundem secundum speciem, & solum accidentali quadam, atq. extrinseca ratione distinctum, vt per vnam & aliam demonstrationem procedit.

Hæc tamen sententia falsa est, & ita probō. Assensus conclusionis sumit suam speciem ex principiis, à quibus procedit, tanquam ex medio formali assentiendi, vt concedunt omnes. Et probat euidens ratio, nam assensus huius conclusionis, terra est rotunda, genitus ex principiis philosophicis, hoc est motus physici, & ex principiis mathematicis, distinguitur specie, etiā si sit eiusdem propositionis, & ab eodem intellectu habeatur, sed media assentiendi conclusioni demonstrationis, quia, & propter quid, (quæ sunt principia continentia causam eius, vel ab effectu eam probantia) constat distingui specie; sicut de demonstrationibus quia, & propter quid probatum est; ergo assensus conclusionum vtriusque demonstrationis, etiam si de eadē re habeatur specie distinctuserit, quia per diuersa media formalia habetur.

Nostra igitur sententia est, assensus vtriusque demonstrationis specie distinctus. Quod euidenter probatur sup-

posita distinctione specifica demonstrationum, quam admittit Soto, nā repugnat per diuersa media assentiendi, quæ sunt obiecta formalia eorundem assensuum, non generari diuersos assensus secundum speciem.

Nec arg. Soti probat oppositum, sed minor distinguenda est, nempe, quod à causis æquiuocis specie diuersis possit procedere idem effectus secundum speciem, nam si inadæquate sint, potest, si vero sint adæquate repugnat. Et ratio huius distinctionis est, quia à causis inadæquatis indifferenter procedit idem effectus, à causis vero adæquatis determinatè, & necessario, quia causa adæquata conuertitur cum suo effectu, ideo repugnat eundem effectum secundum speciem procedere à causis adæquatis diuersæ speciei. Ignis vero & sol causæ sunt æquiuocæ caloris diuersæ speciei, sed inadæquate, & in eo potest calor à qualibet indifferenter procedere, & ab vtraque calor idem secundum speciem, sed assensus conclusionis procedit à demonstratione, & principiis eius, tanquam à causa adæquata, & ideo repugnat, quod idē assensus secundum speciem procedat ab vtraque supposita distinctione specifica earum à nobis probata, & ab eodem Soto concessa.

Secundum, quod petebat idem arg. est, an per has demonstrationes non solum generentur assensus diuersi, qui vocantur diuersæ scientiæ actuales, sed etiam diuersi habitus, qui vocantur absolute diuersæ scientiæ. Circa quod est prima opinio multorum, ex his, qui nobis eum tenent diuersos esse assensus vtriusque demonstrationis. Asserentium nō generare diuersum habitum scientiæ secundum speciem, si tales demonstrationes circa eandem rem versentur, vt circa hominem,

nem, vel circa ens naturale, quod est obiectum naturalis philosophiæ. Sed assensus vtriusque demonstrationis esse inadæquatum respectu eiusdem habitus, & solū differre ab alio, quasi specie partiali, & inadæquata, ideo posse procedere ab eodē habitu sciētiæ secundum speciem. Quia habitus solum distinguuntur specie per actus adæquatos, sicut etiam per adæquata obiecta, & non per inadæquatos.

17 Probat testimonio Aristot. qui cap. præsentis docet demonstrationē, quia, & propter quid differre in eadem scientia, atq. in diuersis. Quod non potest esse verum, nisi pertineāt aliquando ad eandem scientiam, sed eadem scientia est idem habitus; ergo nec verum esse potest, nisi pertineant ad eundem habitum, quare nō potest defendi in doctrina Aristot. quod per demonstrationem, quia, & propter quid circa eandem rem, generetur diuersi habitus scientiæ, alio qui de eodem homine habebit quis plures scientias, & de eodem ente naturali plures philosophias, si per demonstrationes, quia, & propter quid, naturam, & proprietates eorum cognoscat, & inauditum est in schola.

Probat deinde ratione, quia sicut potentia habet maiorem extensionē, quam habitus, & ideo potest eadem secundum speciem intra latitudinē sui obiecti habere plures habitus specie distinctos, qui sint quasi inadæquati respectu illius, eodem modo habitus habet maiorem extensionē, quam actus, cum videamus eundem habitum scientiæ plures, atque diuersas habere demonstrationes, & ideo plures assensus diuersos, qui sunt plures actus, etiam si solum procedat à causa, vel solum ab effectu; ergo poterit habere plures actus, vel assensus, quorum quidam procedat à cau-

sa per demonstrationem propter quid, alij vero ab effectu per demonstrationem, quia, & sicut demonstrationes, ita à sensus erunt inadæquati respectu eiusdem habitus, non est ergo necessarium plures multiplicare habitus, circa idem obiectum, propter demonstrationes, quia, & propter quid, & assensus earum specie distinctos, sed idem habitus poterit se extendere ad illos, tanquam ad diuersos, sed inadæquatos.

Nostra sententia est, per has demonstrationes non solum generari diuersos assensus secundum speciem, sed etiā diuersos habitus sciētiæ. Quod ex distinctione specifica, assensuum, vel actuum (quam admittit opposita sententia) sic probō, habitus generantur ex actibus, & ab eisdem sumunt unitatem, & distinctionem specificā, sed assensus conclusionum vtriusque demonstrationis, qui sunt proprii, actus, ex quibus generantur habitus distinguuntur specie; ergo generant habitus distinctos. Et si dicas esse partiales actus, & inadæquatos. Ex hoc imprimis sequitur euidenter generare habitus distinctos specie partiali, unde iam teneris concedere circa idem obiectum plures habitus, & plures scientias partiales, quod falsum probauimus in quæst. præoëcialibus. Sed probō deinde, quod non solum assensus distinguantur specie partiali, sed etiam totali, quia ea quæ distinguuntur partialiter, debent esse partes aliquius totius; ergo si assensus distinguuntur partialiter, & inadæquate, cū distinguui debeant per rationem formalem obiectiuam, dabitur aliqua ratio obiectiua totalis, atq. communis cuius sint partes, sed hæc est impossibilis; ergo impossibile est, & distinguantur specie partiali. Probat minor, quia principia sunt ratio

obiectiua assensuum, sicut sunt ratio assentiendi conclusionibus, sed principia quæ continent causam, & quæ continent effectum, sunt quasi opposita, & omnino diuersa, nec dantur alia superiora, vel inferiora, quorum sint partes: ergo non possunt distinguui specie partiali, sed totali debet distinguui: & ex consequenti non possunt generare habitus specie partiali distinctos, sed totali.

19 Sed vt testimonium Arist. explicemus, & arg. soluere possimus, notandum est vtrumque genus demonstrationis, quia, & propter quid versari aliquando circa eandem rem, aliquando circa diuersas, res autem circa quam versatur scientia, solum est obiectum materiale, formale vero sunt principia, per quæ demonstrantur passionibus de illo, vnde licet versentur aliquando circa idem obiectum materiale, semper habent diuersa obiecta formalia, neque hoc villam continet repugnantiam; cum circa idem obiectum materiale versari etiam possint scientia, & opinio per diuersa media, aut principia, quæ sunt rationes assentiendi, & quasi obiecta formalia. Non est ergo nouum circa eandem rem ponere diuersos habitus scientiæ, cum plus differant scientia, & opinio, & etiam sint aliquando de eadem re. Isti autem diuersi habitus geniti per demonstrationem, quia, & propter quid circa eandem rem sub nomine eiusdem scientiæ comprehenduntur, propter identitatem obiecti materialis, & abstractionis à materia, & hoc est, quod voluit Arist. significare, dum dixit scire, quia, & propter quid, & ex consequenti demonstrationes differre in eadem scientia, & in diuersis: per eandem scientiam vtrumque habitum intelligens, qui intra latitudinem eiusdem obiecti

materialis, & eodem modo abstractis à materia continentur, per scientias vero diuersas eas etiam intelligens, quæ versantur circa res diuersas, & diuerso modo abstrahentes à materia, vt exempla eius ostendunt. Itaque non est sensus eius, quod scire quia, & propter quid differant intra eundem habitum, sed intra cognitionem scientificam eiusdem rei, circa quam versari solent, & quam nomine eiusdem scientiæ intelligit. Et eadē ratione sub nomine eiusdem Philosophiæ intelligitur vterque habitus, quia Philosophiam naturalem vocamus in cōmuni modo loquendi cognitionem scientificam entis naturalis, siue per plures assensus, vel habitus distinguatur scire quia, & scire propter quid, siue non.

Ad arg. vero concedimus primū, quod in antecedenti assumitur, nempe, maiorem habere extensionem potestiam, quam habitum, sed negamus secundum, quod habitus maiorem habeat extensionem, quam actus, vel assensus, & huius ratio est, quia habitus proximè specificatur ab actu secundum rationem formalem, qua per illum attingit obiectum, & cum hæc sit limitata, non habet maiorem extensionem habitus, quam actus. Potestiam vero vniuersalior est, & sub vniuersaliori ratione attingit obiectum, & ideo per actus, & habitus diuersæ speciei. Vnde sequitur non esse superfluum multiplicare habitus, vbi actus distinguuntur specie, sed omnino necessarium, vt iam probauimus.



TRACTATUS DE Subalternatione scientiarum.

Quid nomine scientie subalternantis, & subalternata intelligatur.

IN 2. parte cap. docuit Arist. scire, quia, & propter quid, & consequenter demonstrationes differre in diuersis scientiis non subordinatis, sed totaliter diuersis, & quasi disparatis. Atque etiam in diuersis scientiis, subordinatis tamen, quas vocat subalternatas in eodem sensu, quo propositiones docuit 1. lib. de Interpretatione, quandam habere oppositionem quasi subalternam, quando fiunt ex eodem prædicato, & subiecto, sed vna collocatur subaltera, vna est vniuersalis, & particularis altera. Tales igitur asserit esse quasdam scientias, quarum vna versatur circa rem aliquam vniuersalem, alia vero circa rem particularem sub ea cõtentam, vt geometria, quæ versatur circa lineam, & perspectiua circa lineam visuaalem, & Arithmetica circa numerum, musica vero circa numerum sonorum, & vniuersalem vocat subalternantem, particularem vero subalternatam, aut illam continentem, & hanc contentam. De natura igitur, & ratione harum scientiarum agendam nobis est, de qua agunt omnes interpretes Aristot. cap. præsentis, vt differentiam demonstrationis, quia, & propter quid in eis designatam intelligamus: nam quæ sint scientiæ totaliter diuersæ, & quomodo in eis differant, satis notum est.

Expositis nominibus subalternantis, & subalternatæ scientiæ, quatuor de illis explicanda sunt. Primū, quid

nam sit vnā scientiam esse subalternatam alteri. Secundum, an talis subalternatio sit possibilis. Tertium, quonammodo depēdeat scientia subalternata à subalternante, & an sine illa esse possit, & veram habere rationem scientiæ. Quartum, an subalternata intra proprios limites demonstraret propter quid suarum cõclusionum.

Quidnam sit subalternatio scientiarum.

CIRCA cõditiones requisitas, & sufficientes ad subalternationem scientiarum diuerso modo locuntur auctores, nam quidam plures, alij vero pauciores assignant, quidam easdem, alij diuersas. Inter omnes vero melius eas videtur enumerasse Caic. in tractatu de Subalternatione scientiarum, vbi ad quatuor, aut quinque principales reduxit omnes. Prima est, quod subiectū vnius contineatur sub subiecto alterius, defectu cuius medicina nō subalternatur geometriæ, nā corpus sanabile nō cõtinetur sub linea, sed disparata sunt. Secunda, quod subiectum inferioris includat subiectum superioris, & addat supra illud aliquam differentiam accidentalem. De festu cuius scientia de specie nō subalternatur scientiæ de genere, nam licet species sit sub genere, nō addit supra genus conditionem accidentalem, sed essentialē differentiam: vnde ferè semper eadem est scientia de vtroque. Tertia conditio est, quod differentia, quam addit non sit propria passio eiusdem subiecti, quia licet passio sit differentia quodammodo accidentalis, non est tamen purè accidentalis, & ideo non pertinet ad distinctam scientiam, ac subiectum, sed ad eandem, in qua demonstratur de illo. Quarta conditio est, quod

23 principia scientiæ inferioris probentur à priori, & per causam à scientia superiori. Principia autem, quæ assumit scientia subalternata ad probandum suas conclusiones, sunt in duplici differentia, quædam sumit ex subiecto scientiæ subalternantis, alia ex materia alterius scientiæ, ad quam per se pertinet conditio accidentalis, quam addit obiectum eius supra obiectum scientiæ subalternantis, & illa omnia, & sola debet probare à priori scientia subalternans, nō alia, quia cum ad materiam alterius scientiæ pertineant, non possunt ab illa probari. Exempli gratia, perspectiua assumit vnum principium, quasi geometricum ex materia lineæ, quæ obiectum geometriæ est, & aliud philosophicū ex materia visualis, nam visuale ad philosophiam naturalem pertinet: geometria igitur, cui subalternatur, solum probare debet illa quæ ex eius materia, aut obiecto deriuantur, non, quæ pertinent ad philosophiam naturalem. Ex his conditionib⁹ vna, vel altera reperietur aliquo modo in diuersis scientis nō subalternatis, sed omnes simul in solis subalternatis reperiri possūt, & ideo oēs simul sunt requisitæ, & sufficientes ad veram, & propriam subalternationem. Ita vt solum illæ scientiæ, & omnes, in quibus reperiuntur, veræ, & propriæ sint subalternatæ. Et ecce explicatum quid sit subalternatio scientiarum.

An subalternatio scientiarum explicata sit possibilis, vel sola imaginatione excogitata.

24 **T**Ria arg. proponemus, quæ videntur probare subalternationē scientiarum non esse possibilem, & est primum, quia si obiectum scientiæ sub-

alternatæ addit conditionem accidentalem supra obiectum scientiæ subalternantis, sequitur subalternatam nō esse vnam scientiam per se. Probat̃ur consequētia, quia scientia sumit suā unitatem per se ab obiecto, sed obiectum eius non est vnum per se, sed per accidens, cum constet ex duplici ente in actu, vt ostendit linea visualis, aut numerus sonorus; ergo nec ipsa erit vna scientia per se, sed per accidens. Secundum, scientia subalternans, & subalternata debent esse distinctæ specie, sed non possunt distinguī specie, si vera est eadem conditio; ergo nec erit possibilis subalternatio. Probat̃ur minor, quia scientiæ distinguuntur specie per obiecta, sed obiectum scientiæ subalternatæ solum distinguitur accidentaliter ab obiecto scientiæ subalternantis: cum solum addat supra ipsum differentiam accidentalem, vt linea visualis solum distinguitur accidentaliter à linea; ergo scientia ipsa subalternata solum modo distinguetur accidentaliter, à scientia subalternante. Quod etiam videtur probari ex vltima conditione subalternationis, quod subalternans debeat probare à priori principia scientiæ subalternatæ; nam si hoc verum est principia subalternatæ, erunt conclusiones subalternantis, sed conclusiones pertinent ad eandem scientiam, in qua probantur à priori; ergo eandem scientiam efficiet subalternata cum subalternante.

25 Tertium, si subalternata addit in suo subiecto conditionem accidentalem supra obiectum subalternantis, sequitur obiectum eius habere duplicem partem, vna erit obiectum subalternantis, alia vero accidentalis conditio addita supra illud, & pertinēs quidē ad aliam scientiam, quo supposito non erit maior ratio, quare dicatur.

tur subalternata vni, quam alteri, & ideo nec vni, nec alteri subalternata erit, sed subalternatio ipsa impossibilis reputabitur. Gratia exempli. Obiectum perspectiue, quod est linea visualis includit duplicem partem, nempe lineam pertinentem ad geometriam, & conditionem accidentalem visualis pertinentem ad philosophiam naturalem, ideo non erit maior ratio, obquam vni earum, quā alteri subalternetur, & ita non erit alicui earum subalternata.

His tamen non obstantibus omnes tenent cum Arist. possibile esse subalternationem scientiarum, & quādam esse scientias subalternatas aliis, in quibus quatuor illæ conditiones concurrunt, vt perspectiua subalternatur geometriæ, & musica arithmetiæ.

Sed circa solutionem 1. argu. est 1. opin. Sonc. 4. Met. qu. 9. asserentis scientiam subalternatam esse vnam per se, atque distinctam à subalternante, quia differentia, quam obiectum eius addit, supra obiectum subalternantis, nō est accidens commune, sed propria passio eiusdem obiecti subalternantis, vt visuale, inquit, nō est accidens commune lineæ, sed propria passio eius, quia linea est quantitas, & quantitas est per se sensibilis, vt docet Arist. 2. lib. de Anima; ergo linea est per se visibilis, ita vt visibilitas sit propria eius passio, ex subiecto autē, & propria passione fit vnū per se, & non per accidens, sicut fit ex subiecto, & accidenti communi, vt ex corpore, & albedine.

26 Hæc tamen sententia falsa est, & vt talis refutatur à Caie. cap. præsentati. Probat euidenter, quia duo, quæ asserit sunt aperte falsa. Primū, quod visuale sit propria passio lineæ, vt est obiectum geometriæ. Nam geometria est scientia mathematica abstra-

hens à materia sensibili; ergo agit de linea, vt abstrahit à materia sensibili, sed visuale est conditio per se sensibilis, cum dicat respectum ad visum; ergo euidenter est non conuenire lineæ, vt est obiectum geometriæ, quare falsum erit, quod conditio quæ addit perspectiua supra geometriam sit propria passio obiecti geometriæ.

Sed iam quod daremus esse propriam passionem eius, falsum est secundum, quod asserit efficere vnum per se cum linea, quia propria passio verum accidens est, & extra essentiam subiecti; ergo si accidens commune non potest facere vnum per se cum subiecto, nec poterit accidens proprium efficere vnum per se cum eo, quia non minus risibile constabit duplici enti in actu, nempe subiecto, & accidenti, quam album. Et tandem si conditio addita in obiecto scientiæ subalternatæ sit propria passio obiecti subalternantis ad eandem scientiam pertinebit cum eo. Probat consequentia, quia propria passio obiecti alicuius scientiæ probatur de illo in eadem scientia, cuius est obiectum.

Nostra igitur sententia imprimis asserit, conditionem, quam addit obiectum scientiæ subalternatæ, non esse propriam passionem obiecti subalternantis, sed accidens commune. Obiectum tamen includens talem conditionem, vt lineam visualem dupliciter sumi posse, vel prout includit vtrumque per modum aggregationis, & hoc modo euidenter est, quod sit vnū per accidens, & non possit esse obiectum scientiæ, quia vt sic sumptum, nec habet vnam naturam, vel essentiam, sed duplicem essentiam, nec vnā definitionem, nec determinatas passiones, quæ de eo probari possint. Alio modo sumitur prout includit vnum cum ordine ad aliud, vel vt determinatū

27

per illud, aliud vero ut determinas, & ita est unum per se, non entitate, sed ordine, quæ unitas sufficit ut de finiri possit, & per se considerari ab una scientia, & ut determinatæ passionis de eo probari possint in ea. Et hoc modo consideratur obiectum scientiæ subalternatæ ab ea, quare ut unum per se, ex quo habebit illa, quod sit una scientia per se. Et ideo ex hac parte non erit impossibilis subalternatio scientiarum.

28 Secundum argumentum soluitur alia distinctione, nam cõditio, quam addit obiectum scientiæ subalternatæ, duobus modis sumi potest, vel ut est accidens obiecti subalternantis, ei inhxrens, vel ut per se consideratur à tali scientia, & primo modo solum accidentaliter illud determinat, vel contrahit, sicut quodlibet aliud accidens subiectum, cui inhxeret. Secundum vero modo cõtrahit illud per se, ad considerationem talis scientiæ, quia linea per se consideratur à perspektiva, ut visualis est. Itaque licet visuale sit accidens lineæ, ut sumitur secundum propriam entitatem, vel essentiam, sed ut ad obiectum perspektivæ pertinet, per se cõiungitur cū visuali, quia per se consideratur à tali scientia in ordine ad visuale, vel ut per talem conditionem determinatur. Vnde quamvis linea, quæ est obiectum geometriæ secundum entitatem, solum distinguatur à linea visuali, quæ est obiectum perspektivæ, etiam secundum entitatem sumptæ accidentaliter, si vero utraq. sumatur, ut per se consideratur à sua scientia, per se, & essentialiter distinguuntur, vel ut vno verbo dicatur, solum distinguuntur accidentaliter in esse rei, sed inesse obiecti essentialiter, & per se, & ideo possunt distinguere scientias specie.

Ad formam ergo 2. arg. distinguenda est minor secūdi syllogismi, quod obiectum scientiæ subalternatæ solum distinguatur accidentaliter ab obiecto subalternantis, nam inesse rei accidentaliter solum distinguitur, sed inesse obiecti scibilis per talem scientiam essentialiter. Et ideo scientia subalternata non accidentaliter, sed essentialiter distinguitur à subalternante.

Pro solutione tertij notandū est, quod ex duobus, quæ includit obiectum subalternatæ scientiæ, nempe obiectum subalternantis; & accidentalem conditionē superadditam: primum, ac præcipuum est illud, hæc vero quasi conditio eius, per quam determinatur, & imperfectior quidem, quia materialis, atque sensibilis, obiectum vero subalternantis, ut magis à materia abstractum perfectius est. Et ex hoc sequitur ratione eius eandem scientiam esse subordinatam, superiori, & vocari subalternatam, & non ratione conditionis, quod ex alta conditione colligitur euidēter, quia principia subalternatæ scientiæ superior probat à priori, potius quam illa scientia ad quam conditio pertinet. Et ideo potius illi subalternatur, quam huic. Gratia exempli. Obiectum perspektivæ includit lineam, & conditionem visualem, ex quibus linea est primum, & principale, ratione cuius subordinatur geometriæ, est etiā magis abstracta à materia, & quia demonstrare propter quid conclusionum potius pertinet ad illam scientiam, quæ magis abstrahit à materia sensibili; cum scientiæ respectientes materiam sensibilem ab effectu potius demonstrare soleant, hinc est, quod perspektiva potius subalternatur geometriæ, quam philosophiæ naturalis. Hoc est enim principium per-

29

30

perspectiue, visio facta secundum lineam rectam est perfectissima, quod licet præsupponat aliud per se notum in philosophia, nempe agens naturale fortius agit in proximum, quam in remotum, sed à priori demonstratur à geometria, quia linea recta est perfectissima.

Ad formam igitur argu. neganda est consequentia, quod non sit maior ratio, propter quam scientia inferior dicatur subalternata uni, quam alteri scientie, quia cum obiectum superioris scientie sit primum, quod includit, & ratione cuius subordinatur scientie superiori agenti de illo, ad quam etiam pertinet probare à priori principia eiusdem scientie inferioris, potius quam ad aliam scientiam, ad quam conditio pertinet, ideo potius illi, quam huic subalternatur.

An subalternata scientia existens sine subalternante sit vera scientia, vel potius opinio.

PRÆsupponit titulus questionis tantamquam certum, quod scientia subalternata possit esse separata à scientia subalternante, & omnino sine ea, quod constat experientia, cum plures cognoscamus musicos, ignorantes Arithmeticam. Querit autem hoc supposito, an musica in his sit vera scientia, vel solum opinio.

Et prima sententia tenet non esse scientiam sed opinionem, ita Soncinas 4. meth. q. 9. quem secuntur plures moderni, quorum hæc est ratio, quia ut docuit Arist. 2. cap. huius libri, ut aliquis habeat scientiam alicuius conclusionis, necesse est, quod principia sint ei certa. Ita ut exterminis ea cognoscat, vel si demonstrabilia sint, sciat ea reducere ad prima indemonstrabilia, & qui hoc non scit

(inquit Arist.) non habet demonstrationem, nec scientiam conclusionis, sed principia scientie subalternata non sunt immediata, sed demonstrabilia, per scientiam subalternantem, quam cum non habeat musicus, nescit ea reducere ad immediata, sed solum ea credit propter testimonium Arithmeticorum, ergo non habet scientiam conclusionem eius, sed opinionem.

Secunda opinio est aliorum, quod vera sit scientia, quamvis imperfecta. Et ratio horum est opposita, quia si non esset scientia, sed opinio, maxime quia his, qui eam habet sine subalternante, non habet certitudinem principiorum, sed fides humana potest esse certa propter frequentia testimonia, ut patet in hac propositione Roma est, cui licet multi ei assentiantur solum propter testimonium eorum, qui eam viderunt, tot tamen testimonia multiplicantur, ut certum efficiant assensum eorum; cuius signum est, quia nemo est qui dubitet de veritate eius.

Pro explicatione nostre sententie notandum est duobus modis posse contingere, quod scientia subalternata sit sine subalternante. Primo, ita ut principia eius solum sint accepta per testimonium habentium scientiam subalternantem. Secundo, ita ut etiam sint ab eo, qui habet eam sine subalternante, nota per experientiam euidenter multorum singularium, ex quibus colligitur euidenter experientium vniuersale principiorum.

Hoc supposito, tria asserit nostra sententia. Primum est, siue subalternata scientia, siue subalternante existens sit vera scientia, vel non, certum est non esse actum, & formaliter scientiam subalternatam, prout sic habetur, sed solum materialiter. Quod sic probe,

probo, scientia dicitur subalternata, quia subordinatur subalternanti, à qua principia eius accipiunt certitudinem, & euidentiā requisitam ad veram scientiā, sed scientia inferior existens sine superiori, vt sic existēs non subordinatur actu superiori scientiæ, nec ab ea participat euidentiā suorum principiorum; ergo non est actu, & formaliter scientia subalternata, sed solum materialiter, & quasi in potentia, in quantum cum ea coniungi potest; in eo qui vtramque habeat.

33 Secundū, quod asserit est, quod scientia subalternata, sine subalternante erit vera scientia (licet imperfecta) si ei, qui eā habuerit, nota sint principia per experiētiā. Probatur hoc, quia tunc erunt certa, atque euidētia principia, ex quibus per demonstrationem à posteriori colligitur euidenter conclusio, quæ ex consequenti erit certa, & euident, & ex consequenti vere scientifica.

Tertio dicimus, quod si principia eius solum cognoscantur per testimonium eorum, qui habent subalternantem scientiam, nō erit vera scientia, sed opinio. Et hoc probat efficaciter arg. primæ opinionis. Quam in hoc sensu veram esse existimamus. Arg. vero secundæ opinionis nihil probat, quia testimonium humanum per se loquendo non potest generare assensum certum, cū non repugnet ei subesse falsum. Quod vero per frequentiam testimoniorum sublatum sit actuale dubium, per accidēs est, quia hoc non obstante assensus illius propositionis, Roma est, ab intrinseco 34 est incertus, & cui potest subesse falsum, ex eo igitur non potest per se colligi certa conclusio, nisi ratione quadam materiali, & accidentali, per se autem incerta, quod repugnat scientiæ.

Quemadmodum dicimus conclusionē nō esse per se, & formaliter certam, nec scientificam, quæ colligitur per aliquam consequentiā, solum necessariam in his, aut illis terminis, quod est esse necessariam solum materialiter, formaliter vero, & per se incertam, cū in simili forma possit dari antecedens verū, & consequens falsum.

An scientia subalternata intra proprios limites demonstret propter quid, vel solum quia.

I Am hoc intelligitur de scientia subalternata, non sine subalternante, sed illi actu coniuncta in eo, qui habet vtramque, & tunc habet statum scientiæ subalternatæ, de qua querimus an intra proprios limites, hoc est, in quantum solum se extendit, vsque ad principia à se indemonstrabilia, sed quæ possunt demonstrari à priori, & vere demonstrantur à subalternante, cui quasi cōtinuantur, an inquam intra hos limites veras habeat demonstrationes propter quid, per quas demonstret à priori suas conclusiones ex propriis principiis, vel solum dicatur demonstrare ea, quasi per demonstrationes, quia. Exempli gratia. Hæc est conclusio perspectiuæ scientiæ, res ad maiorem distantiam visa minor apparet, quam ipsamet perspectiua demonstrat per hanc, res à longè visa minori, aut acutiori angulo mouet potentiā, & ideo apparet minor, sed illius secundæ propositionis, per quam probat primam, nescit reddere causam, eā vero reddit geometria, quia angulus eo est acutior, 35 quo magis protrahitur, esse vero acutior est esse minorem. Et ideo res visa ad maiorem distantiam minori angulo

angulo mouet potentiam, quærimus ergo, an demonstratio illa, per quam perspectiua probat, quod res à longè visa minor apparet, quia minori angulo mouet potentia (hoc est enim intra proprios limites demonstrare suas conclusiones) sit demonstratio propter quid, & à priori, vel solum demonstratio quia.

Prima opinio est Soti, & Veneti cap. præsentis. Assensum verè demonstrare propter quid intra latitudinē propriam, quam tamen sine limitatione videtur tenuisse Alber. Magn. tract. 2. de vsu principiorum cap. 7. Vbi negare omnino videtur, quod propria principia subalternatæ scientiæ demonstrantur à scientia subalternante. Quia cum hæc abstrahat à materia sensibili, & principia illius respiciant materiam sensibilem, non potest se extendere, aut descendere ad illa demonstranda. Quod si verum est, non solum intra proprios limites demonstrabit, propter quid suarum conclusionum scientia subalternata, sed omnino, nam si principia eius nō demonstrantur à subalternante, neq. ab alia, erunt prorsus indemonstrabilia, ex quibus eodem modo demonstrabit subalternata proprias conclusiones, ac quælibet alia scientia etiam subalternans.

36 Probat hanc sententia primo, quia scientia subalternata licet non reddat causam primam suæ conclusionis, nec demonstrat illam, vsq. ad principium primum, reddit causam proximam eius; ergo eam demonstrat à priori per causam proximam, vt patet in exēplo designato. Et certe, si sola scientia subalternans demonstraret à priori conclusiones scientiæ subalternatæ, solus Arithm. diceretur musicus, & solus geometra perspectiuus. Quod patet esse falsum. Probat

consequentia, quia sciens, & scientia denominationem accipiunt à cōclusionibus, quas demonstrant, cū in eis consistat vera, & propria ratio scientiæ; ergo sicut dicitur philosophus, qui scit demonstrare cōclusiones philosophiæ, ita dicitur perspectiuus, qui scit demonstrare conclusiones perspectiue, præsertim si à nullo alio demonstrarentur, sed ab eo solo.

Secundo, quia si scientia subalternata non demonstrat à priori suas cōclusiones, maxime quia non reddit causam earum, vsque ad primam, sed solum reddit proximam, relinquens primam reddendam à subalternante, sed hoc est impossibile; ergo nō est negandum, quod demonstrat à priori suas cōclusiones. Probat minor, quia si hoc ita esset, sequeretur subalternantem demonstrare à priori principia subalternatæ, & idco principia subalternatæ esse conclusiones subalternantis. Quod repugnat propter duo. Primum, quia subalternans abstrahit à materia sensibili, principia vero subalternatæ respiciunt materiam sensibilem; ergo repugnat q. hæc illis coniungantur in eadem demonstratione, coniungi autē necessarium est, si sunt conclusiones per illa demonstratæ. Secundum, quia si principia inferioris essent conclusiones superioris, non essent distinctæ scientiæ superior, & inferior, sed eandem efficient. Probatur cōsequentia, nā conclusiones ad eam scientiam pertinent, in qua demonstrantur. sed principia inferioris sunt conclusiones demonstratæ à superiori; ergo ad hæc pertinebunt, & non efficient scientiam subalternatam distinctam.

37 Secunda opinio negat subalternantem, aut simpliciter demonstrare proprias conclusiones à priori, aut etiā intra proprios limites, sed solum auxilia.

alio superioris, & ut continuatur eum illa veras demonstrationes efficere posse. Hæc est communis, quam tenent D. Th. in Commentariis huius capituli & Soncinas 4. meth. q. 2. Caiet. tractatu de subalternatione scientiarum circa finem, Lobanienfes, & Tolerus in expositione huius capituli. Et videtur nobis in doctrina Arist. necessaria, & in ratione vera. Probatur primum, quia Arist. cap. præfenti in principio docet expressè differre demonstrationem quia, & propter quid in diuersis scientiis subalternatis, quia demonstratio propter quid pertinet ad scientiam subalternantem. Demonstratio vero, quia, ad subalternantem, quæ differentia non potest esse vera, si scientia subalternata demonstrat proprias conclusiones demonstratione propter quid, etiam intra proprios limites, vel etiam reddens causam proximam earum, licet non primam, nam si hoc verum est, ad eam pertinebit demonstratio propter quid, & non quia. Præterea loquens Aristoteles de utraque scientia in particulari, & vocans subalternantem Mathematicam, & subalternatam sensibilem, quia illa abstrahit à materia sensibili, hæc vero respicit illam, expressè docet subalternatam solum demonstrare quia, ad subalternantem vero pertinere demonstrationem propter quid his verbis. *Hic enim ipsum quidem sensitiuorum est scire, ipsum vero propter quid Mathematicorum.*

38 Secundum vero, quod vera sit nostra sententia, probatur hoc arg. ut aliquis habeat scientiam alicuius conclusionis, & veram demonstrationem eius, necesse est, quod præmissis assentiatur ex sola notitia terminorum. Vel si demonstrabiles sint, eas sciatur reducere usque ad principia omnino

indemonstrabilia, alioqui si sic eas reducere nesciat, non habebit veram demonstrationem conclusionis, nec veram scientiam eius, sed principia propria scientiæ subalternatæ, per quæ demonstrat suas conclusiones non sunt immediata, sed demonstrabilia: cum possint demonstrari à scientia subalternante, ergo non fiet vera demonstratio alicuius conclusionis ex eis, nisi ab ea, qui sciatur ea reducere usque ad prima omnino indemonstrabilia, per veras demonstrationes, sed subalternata scientia intra proprios limites nescit ea sic reducere, ut patet; sed à sola subalternante reduci possunt; ergo subalternata intra proprios limites non potest veram demonstrationem propter quid suarum conclusionem efficere, nisi auxilio scientiæ subalternantis, aut in quantum cum ea continuatur.

39 Sed ut explicemus, quonammodo sit continuatio hæc, quo etiam modo demonstrantur à subalternante, notandum est, quod in quacunque demonstratione necessarium est medium coniungi cum extremitatibus in præmissis, ut ratione talis coniunctionis, extremitates ipsæ coniungantur in conclusione, & hoc est fundamentum totius artis demonstratiuæ. Ut ostenditur in hac demonstratione. Omne animal rationale est risibile, omnis homo est animal rationale; ergo omnis homo est risibilis, in qua animal rationale, quod est medium, coniungitur in præmissis cum homine, qui est maior extremitas, & cum risibilitate, quæ est minor; & virtute huius coniunctionis coniunguntur homo, & risibile in conclusione.

Secundum notandum, medium indemonstratione propter quid continere causam conclusionis. Vnde sequitur non posse scientiam subalternantem

tem

sem demonstrare à priori principium scientiæ subalternatæ per medium sibi proprium nudè acceptum, hoc est in propria abstractione à materia sensibili consideratum, sed necesse est, ut tale medium coniungatur extremitatibus, ex quibus constat principium eiusdem subalternatæ scientiæ demonstrandum tanquam conclusio alioqui non erit medium, sed extremitates eius respiciunt materiam sensibilem; ergo necesse est medium scientiæ subalternantis, quæ si descendere ad materiam sensibilem ad eamq. determinari, ut per talem coniunctionem cum extremitatibus in præmissis, efficiat, ut coniungantur extremitates ipsæ in conclusione, & ita conclusio ipsa, quæ principium est subalternatæ scientiæ à priori demonstretur. Et talis coniunctio mediæ cum extremitatibus, ex quibus constat principium scientiæ subalternatæ demonstrandum, est continuatio inferioris scientiæ cum superiori, in qua continuatione consistit formalis ratio subalternationis.

Quæ omnia hoc exemplo sunt manifestata. Principium scientiæ subalternatæ, nempe perspectivæ, quod ipsa nec scit, nec potest demonstrare intra proprios limites, est hoc; res à longè videtur sub minori, vel acutiori angulo. Demonstratur autem sic à scientia subalternante, nempe à geometria. Res quæ videtur sub angulo magis protracto, videt sub angulo minori, (nam angulus magis protractus acutior est, & ideo minor) sed res à longè videtur per angulum magis protractum, aut longiorem, ut est manifestum; ergo videtur sub angulo minori.

40 Ecce medium geometricum, nempe angulum magis protractum esse maiorem, quod non posset demonstra-

re principium illud perspectivæ, nisi coniungeretur cum extremitatibus ex quibus componitur, videlicet eum re à longè visa, & cum minori angulo, & ita coniunctum, efficeret cum eis utranq. præmissam eiusdem demonstrationis, per quam demonstraretur idem principium tanquam conclusio composita ex eisdem extremitatibus.

Et ecce continuatâ scientiam subalternatam cum subalternante in eadem demonstratione per tales coniunctiones. Continuativum autem est medium scientiæ subalternantis; ut coniunctum in præmissis cum extremitatibus, ex quibus componitur principium scientiæ subalternatæ per eum demonstratum.

Et continuatio hæc non tollit distinctionem utriusque scientiæ, ut statim probabitur. Ex his intelligitur primo, quomodo sit possibile, quod scientia subalternans probet per demonstrationem à priori principia scientiæ subalternatæ, etiam si abstrahat à materia sensibili, & principia probanda eam respiciant. Id enim facit, per unionem proprii mediæ cum extremitatibus principij probandi, cum quibus coniungitur in præmissis, & per coniunctionem quasi descendit, & contrahitur per eas ad materiam sensibilem; & per talem contractionem continuatur eum.


43 Iam ergo solvitur facile arg. oppositæ opinionis, nam ad primum cedimus antecedens, quod subalternata reddat causam proximam suæ conclusionis, sed negamus consequentiam, quod demonstret eas intra proprios limites, nam ad veram demonstrationem non sufficit reddere causam proximam, sed requiritur reddere omnes usque ad primam, aliqui non habet.

habet certum assensum præmissarum, cum nesciat eas reducere usque ad principia per se nota & indemonstrabilia, & ideo nec habebit veram scientiam conclusionis, nec veram demonstrationem eius.

Ad aliud vero, quod additur in eodem arg. nempe solum Arithmeti cum esse musicum, & solum geometram perspectiuum, si hi soli demonstrant à priori conclusiones musicæ, & perspectivæ, negandum est, quia principia alicuius scientiæ, per quæ demonstrantur conclusiones eius, non pertinent ad habitum talis scientiæ, sed ad alium distinctum, qui dicitur habitus principiorum, & ideo nec suscipiunt denominationem scientiæ, nec ea habens denominationem scientiæ. Principia autem scientiæ subalternatæ, quæ demonstrantur à scientia subalternante, comparantur ad principia eius, per quæ demonstrantur tanquam conclusiones eorum, & ideo non pertinent ad eam, sed ad alium habitum inferiorem, qui est scientia subalternata, quare nec geometra denominatur perspectiuus, nec Arithmeticus denominatur musicus, sicut nec conclusiones musicæ dicuntur geometria, quamvis verum sit non de nominari, musicum verè scientem, nisi simul sit Arithmeticus, nec scientem perspectiuum, nisi simul sit geometra.

Ad secundum, concedimus primam, & secundam consequentiam, quod principia subalternatæ sunt conclusiones subalternantis, negamus tamè, quod non possint eis coniungi in eadem demonstratione, nam licet principia subalternantis abstrahant à materia sensibili determinari possunt, & quasi contrahi per principia subalternatæ, ad constituendam eandem demonstrationem, ut explicatum est. Per hanc autem rationem principio-

rum vnius cum principiis alterius, ut conclusionibus eorum, non tollitur distinctio vtriusque scientiæ, sicut per unionem principiorum cuiuslibet scientiæ cum conclusionibus eiusdem in eisdem demonstrationibus non tollitur distinctio habitus scientiæ ab habitu principiorum. Præsertim cum semper scientia subalternata, & subalternans habeant diuersa obiecta, & diuerso modo à materia abstrahentia, ex quibus distinctio habituum aperte colligitur. Etsi aliquis quærat quid ergo, aut quomodo dicendum est demonstrare scientiam subalternatam intra proprios limites, aut quomodo loquendum. Respondedo, si intra proprios limites accipiatur præcisse nullam demonstrationem propter quid habere posse, neque etiam, quia, neque aliquam posse demonstrare conclusionem, unde neque esse scientiam, hoc modo sumptam, quia sub hac præcisione accepta nescit demonstrare propria principia verè demonstrabilia, ergo non habebit certum assensum eorum, & ideo nec poterit certam conclusionem, aut scientificam colligere. De demonstratione vero, quia, certum est eam non habere sub ratione formali scientiæ subalternatæ, quia ut talis est, non procedit ab effectu, sed à causa. Solum igitur demonstrat suas conclusiones demonstratione propter quid auxilio subalternantis, ut continuantur cum ea, quare solum hoc modo est vera scientia subalternata.

Cap. 10.  CAP.

CAPVT VIGESIMVM
SEXTVM.

TEXTVS ARIST.

Scibile autem, & scientia differunt ab opinabili, & opinione, quoniam scientia quidem vniuersalis.

Breuis expositio text.

IN TENTVM Arist. in hoc cap. est distinguere scientiam ab opinione, postquam scientias distinguit inter se in his capitulis intermediiis à decimo; usque ad hoc vigesimum sextum. Diuiditur autem in duas partes. In 1. asserit, & probat scientiam, & scibile distinguere ab opinione, & opinabili. In 2. duo proponit dubia in contrarium, & soluit.

Conclusio Arist. est hæc, scientia, & scibile ex vna parte differunt ab opinione, & opinabili ex altera, quæ probat hac ratione, scientia versatur circa vniuersale, & necessarium; ergo scibile est vniuersale, & necessarium, opinio vero circa contingens, & sæpe particulare, aut etiã singulare; ergo opinabile est contingens, & particulare; ergo diuersa est scientia ab opinione, & scibile ab opinabili. Antec. probat ex parte scientiæ, quia vt cap. 2. dictum est, scientia est de his quæ non possunt aliter se habere; ergo de necessariis, quia necessarium est, quod non potest aliter se habere. Præterea scientia est de his, quæ sunt de omni, per se, & vniuersaliter, aut secundum quod ipsum; ergo est de vniuersalibus. Probat deinde idem antecedens de opinione, & opinabili, nam quædam ait vera sunt in exi-

stimatione, quæ in re possunt esse vera, aut falsa, de quibus non est scientia, neque intellectus, qui est notitia principiorum; ergo de his erit opinio, & cum possint aliter se habere, quod est esse contingens, erit de contingenti, & ideo opinabile erit contingens. Probatur antecedens, quod de his, quæ possunt aliter se habere, non sit scientia, neque intellectus, quia scientia, est de his, quæ non possunt aliter se habere; intellectus vero quasi scientia quædam immediata est; & sic definiri potest, intellectus est certa cognitio immediata propositionis, quod est esse certam cognitionem ex sola significatione terminorum habita, sed certa cognitio ex terminis habita non potest esse de re contingenti, sed necessaria; ergo repugnat, quod intellectus, & scientia sint de re contingenti. Consequentiam vero, quod de re contingenti sit opinio probat; quia si certa cognitio dari non potest de re contingenti; dabitur incerta, & fallibilis. Hoc est talis, quæ licet vera esse existimetur, non repugnet ei subesse falsum.

Vnde inferi sic esse definiendam opinionem. *Opinio est acceptio, vel existimatio, seu assensus immediata propositionis, et non necessaria.* Et per primam partem immediatæ propositionis distinguitur opinio à scientia, quæ est cognitio propositionis mediatæ, & conuenit cum intellectu. Per secundam vero, nempe, non necessariam, distinguitur ab utroque, videlicet intellectu, & scientia, quia vterque est de necessariis, vt probatum est.

Sed hæc definitio opinionis non traditur ab Arist. de omni opinione, sed solum de immediata. Datur enim mediata opinio, quæ ex immediata colligitur per eundem, aut

k pro-

probabilem consequentiam, vel ex propositione evidenti per consequentiam non necessariam, vt Aristot. docet in hoc eodem cap. sed solum voluit immediatam definire, vt cum notum sit dari opinionem mediatam, de finitione ipsa ostēderet dari opiniones immediatas, quibus assentitur intellectus probabiliter ex sola notitia terminorum, sicut dantur propositiones necessariae, quibus ex sola notitia terminorum assentitur assensu certo, ac necessario.

Sed aduersus differentiam probatam inter scibile, & scientiam, & opinabile, & opinionem proponit duo dubia in secunda parte capitis. Primum est ad probandum, quod non differat scibile, & opinabile, quia saepe contingit, vt quod vnus scit, alter opinetur; ergo idem erit scibile, & opinabile. Respondet, quod de eadē re simpliciter, aut incomplexa possunt esse scientia, & opinio, vt de homine. Nō tamen de eadem re complexa, vt de propositione. Nam de homine potest esse scientia, & opinio, sed nō de propositione, vt de hac, quod diameter sit commensurabilis, aut aequalis costae, opinio fortē esse poterit, non scientia.

Secundum dubium est, quia sicut scientia procedit ex immediatis principiis ad mediatam conclusionem, ita opinio potest procedere ex propositione immediata probabili, ad mediatam, quam de ea colligit. Praeterea, sicut demonstratio si procedat à causa, erit propter quid, & si ab effectu quia, eadem ratione opinio, si procedat ab immediata continente causam conclusionis, dicetur propter quid, si vero ab ea, quae continet effectum, dicetur quia, ergo conueniunt in his duobus scientia, & opinio, quare non distinguuntur. Respondet ve-

rum esse antecedens, sed negandam esse consequentiam, quia diuersus est modus procedendi vtriusque, nam scientia procedit per mediū necessariū, hoc est ex necessariis principiis, & per necessariam consequentiam, opinio vero per medium contingēs, hoc est, vel ex principiis non necessariis, vel per consequentiam non necessariam, sed probabilem; & hoc est distingui essentialiter per diuersa media assentiēdi, vnde sequitur scientia non posse subesse falsum, opinionem vero falsam esse posse.

TRACTATUS I. de habitu principiorum.

DE tribus agit Aristot. cap. praesentis, de intellectu qui est notitia principiorum, de scientia, quae est notitia conclusionum, quae demonstrantur ex principiis, & de opinione, quā ab his differre docet. De quibus eodem ordine agendū nobis est, & de singulis singulos tractatus instituimus, in quibus ea, quae necessaria sunt ad intelligendam eorum naturam, & rationem, breuissimē explicabimus. Vt sic melius possimus intelligere differentiam, quam inter ea posuit Aristot. Et primo de habitu principiorū quatuor explicabuntur. Primum, an sit, hoc est, an praeter potentiam intellectiuam, & species intelligibiles per quas principia, hoc est propositiones immediatas apprehendimus ponendū sit habitus per quem facile possit intellectus iudicare de veritate eorum, eisdemque assensum praestare. Secundum, quid sit habitus iste. Tertium, an sit naturalis, ita

ita ut illum receperit anima simul eū potētia intellectiua, dum creata fuit adeo, vel acquisitus per proprios actus. Quartum, an sit vnus secundum speciem, pro principiis omnium scientiarum, vel diuersus pro diuersis principijs.

An præter intellectū, & species intelligibiles detur habitus principiorum.

Primo præsupponendum est tanquam certum in doctrina Aristot. & in schola peripatētica, quod in intellectu, & voluntate datur habitus virtutum moralium, & intellectua-

Secundo præsupponendum est, hos habitus ponendos esse in intellectu distinctos ab speciebus intelligibilibus, quod eorum, & illarum officium efficaciter, probat, nam officium speciei intelligibilis solum est vnire obiectum intelligendum cum potētia intellectiua; ex qua vnione sequitur apprehensio eius, (quæ est prima operatio intellectus) vel vnio ipsa est apprehensio. Vnde sequitur species intelligibiles solum ad apprehendendum obiecta proxime discernere. Sed cum post apprehensionem sequatur iudiciū de veritate, aut falsitate propositionum, in quo principaliter consistit secunda operatio intellectus, & in quo potest esse aliqua indifferētia, aut etiam difficultas, ad iudicandū, additur habitus, ab Aristotele & omnibus (solis exceptis nominalibus) qui species ipsas intelligibiles dicūt esse habitus, & ideo nihil aliud præter illas ad iudicandum ponunt.

His suppositis primū dubium est, an præter species intelligibiles, per quas principia apprehēdimus: necessarius sit habitus principiorum ad iu-

dicandū de veritate eorum, quod est eis assentire. Et est prima opinio Duran. in 3. d. 3. q. 1. ad finem. & Soti 1. lib. de iustitia, & iure q. 4. art. 2. qui licet habitus scientiarū in intellectu ponant præter species intelligibiles, ad assensum conclusionum, sed ad assentiendum principiis, nullum habitum esse ponendum assētur, sed sufficere lumē naturale, quod est potentia ipsa intellectiua.

Probant hoc arg. ad operationes naturales, in quibus nulla est indifferētia, vel libertas, non ponuntur habitus, vt in potentia visiva, inō nec in voluntate respectu vltimi finis, in quem naturaliter tendit per amorē, sed intellectus naturaliter assentitur principiis, cum sint veritates immediatæ, ac necessariæ, ita vt eis propositis nō possit non assentire, ita enim se habet ad illa, sicut voluntas ad vltimum finem, vel visus ad colores: ergo nullo indiget habitu ad eis assentiendum.

Opposita sententia tenet præter intellectum, & species intelligibiles ponendum esse habitum ad assentiendum primis principiis indemonstrabilibus. Hæc est expressa apud Arist. 6. lib. Ethic. cap. 3. vbi inter virtutes intellectuales, quæ sunt habitus superadditi potentiis, enumerat intellectum, qui est habitus principiorū. Et D. Tho. in Commentariis eiusdē loci, declarat non de intellectu potentia, sed pro habitu superaddito potentiæ loqui his verbis: *Accipitur autem hic intellectus non pro ipsa intellectuā potentia, sed pro habitu quodam, quo homo ex virtute luminis intellectus agentis naturaliter cognoscit principia indemonstrabilia.* Et 1. 2. q. 94. art. 1. inquit *Principia indemonstrabilia in speculatione, non sunt ipse habitus principiorū, sed sunt principia quorum est habitus, quam secuntur Henrici*

cus quod lib. 1. q. 18. Caiet. 12. q. 1. art. 1. & ibidem, Conradus, Ferr. 1. lib. contra gentes capit. 94. Medina 12. q. 49. art. 2. & moderni omnes, & videtur nobis vera, & tenenda.

8. Probatur 1. necessitas ponendi habitum in potentia circa aliquod obiectum est indifferētia eius ad bonū, vel malū operandum circa illud, ut cum utroq. modo possit operari, determinetur ad bonū operandum per habitum, nam habitus, ut vidimus apud Arist. in prædicamento qualitatibus est dispositio subiecti, per quam bonū vel malū se habet in ordine ad propriam naturam, vel operationē, sed intellectus circa prima principia potest bonū, vel malū operari, cum possit errare circa illa; ergo indiget habitu ad bonū operandum, & ideo necesse est eum ponere.

Secundo, quia si intellectus non indiget habitu ad assentiendū principiis, quia sunt euidētia, & naturaliter eum movent, sequitur nec indigere habitu ad assentiendum conclusionibus. Prob. consequentia, quia habito assensu principiorum euidētem veritatem continet conclusio in eis contenta, & etiam naturaliter movet intellectum, sed opposita opinio ponit habitum pro conclusionibus; ergo necessario debet eum ponere circa principia.

9. Et ad argumentum eius distinguēda est minor, quod intellectus naturaliter assentiat primis principiis, nam quantum ad specificationem verum est, quia supposita debita apprehensione eorum, si iudicium ferat circa illa, non potest esse iudicium dissensūs, sed assensus debet esse, quantum ad exercitium vero libertatem habet circa illa dependenter à voluntate, & ideo potest assensum suspendere, ut superius probauimus, quam

non habent sensus, nec voluntas circa bonum in cōmuni, ideo non sunt capaces habitus.

Quidnam sit habitus principiorum.

Natura, & essentia habitus ex proprio actu, & obiecto circa quod natus est operari intelligenda est, nā ab his sumunt speciem potentie, & habitus, ut docet Arist. lib. 2. de Anima ca. 4. Explicare igitur oportet, quodnam sit proprium obiectum huius habitus, & quē habeat actum circa illud. Obiectum proprium huius habitus est euidens, & immediata veritas, siue vniuersalis sit illa, vel particularis. Proprius modus tendendi in obiectum, à quo formalis, & vltima ratio habitus desumitur, est per immediatam comparisonem ad ipsam veritatem euidētem, quam sine vllō medio respicit. Vnde sicut alij habitus intellectus constituuntur, & distinguuntur specie per tale, vel tale medium assentiendi, ut scientia per medium demonstratum, opinio per medium probabile, & fides per testimonium, ita habitus principiorum, qui dicitur intellectus: talis est in propria specie, & à ceteris habitibus distinguitur, quia per se immediatē cōparatur ad euidētiā veritatis. Vnde proprius actus eius est sine vllō medio ei assentire, sicut actus scientie assentire per medium demonstratum. Definitio igitur eius talis erit, *Habitus principiorum est virtus intellectualis, per quam potentia intellectiva determinatur ad assensum principiorum per se euidētem, et facile elicendum.* In quo autem consistat hæc facilitas, dicemus inferius.

An habitus principiorum sit naturalis, vel acquisitus ab intellectu per proprios actus.

HABITO iam, quod habitus intellectus sit, & quid sit, sequitur tertium explicandum, quonammodo generetur, aut fiat in nobis. Videlicet, an eum accipiat anima simul cum propria natura, & intellectu: dum creatur adeo, vel sicut in ipsa creatione accipit intellectum sine vlla specie intelligibili, sed tanquam tabula rasa, in qua nihil de pictum est, vt asseruit Aristot. eodem modo eum accipiat sine vlllo habitu principiorum, nam de cæteris habitibus scientiarum, & virtutum certum est nullum habere intellectum à principio, & ita sicut eos acquirit successu temporis per proprios actus, pari ratione acquirit habitum principiorum. Nam si cum intellectu eum accipiat anima: naturalis dicitur, hoc est à natura inditus, si vero per actus eum acquirit, non naturalis, sed acquisitus dicitur, sicut cæteri.

Prima opinio affirmat esse naturalem, & non acquisitum. Ita Contradus 12. q. 94. art. 1. & Bañes 1. p. q. 1. art. 6. notabili 3. & videtur expressa apud D. Th. 12. q. 49. art. 1. ad 3. vbi sic ait. *Puer non potest vti habitu intellectus principiorum, vel etiã lege naturalis, quibus verbis habitum principiorum ponit in puero nondum habente vsum rationis, & addit non posse eo vti propter defectum ætatis; ergo sentit inesse ei à natura, & non esse acquisitum per actus, & in 2. d. 24. q. 2. art. 3. ad 3. Vocat eum naturalem his verbis. *Habitus naturalis nunquam amittitur, sicut patet de habitu principiorum.**

Et ratione probatur, quia habitus

acquisiti sunt facultates quedam, & ideo ponuntur ad vincendam difficultatem, quã habet potentia ad operandum circa tale obiectum, sed intellectus nullam habet difficultatem in assentiendo primis principiis, præsertim vniuersalissimis, vt his. Quod liber est, vel nõ est, totum est maius sua parte; ergo neq. aliquam acquirat facilitatem in assensu frequentiorum, imo neque ea indiget. Prob. consequentia, quia facilitas difficultati opponitur, & ad eam superandã ordinatur: vnde sequitur, vel nõ esse ponendum talem habitũ, vel esse naturalem, & non acquisitum. Et talem enim appellat cõmunis modus loquendi, fundatus fortè in nomine ipso, quia intellectus vocatur, sicut potentia ipsa in qua recipitur, quia naturalis est ei.

Secũda opinio est Caisc. 12. q. 51. art. 1. dub. 1. vbi negat esse acquisitum, sic autem esse naturalem docet, vt eum non accipiat anima à principio, cum ipso intellectu, sed sicut in intellectu nullam accipit speciem intelligibilem: dum creatur anima, & infunditur corpori. Ita nullum accipit habitum, sed acquisitis speciebus primorum principiorum per abstractionem intellectus agentis, statim ait fluere naturaliter habitum principiorum ab ipsa natura intellectus possibilis, cui tribuitur, vt statim per ipsum assentiatur eisdem principiis apprehensis per species. Et hoc modo ait vocandum esse naturalem:

Tertia sententia asserit habitum principiorum non esse datum intellectui eum natura, neque ab eadem natura intellectus fluere eo ipso, quod habet species principiorum: per quas ea apprehendit, sed esse acquisitum per actus ipsos, quibus intellectus assentitur principiis, sicut habitus sciẽ

14 tix, & virtutū acquiruntur per proprios actus, ita Ferr. 2. contra Gētes cap. 78. & est communis modernorum, & videtur nobis vera, & tenenda. Probatur primo expresso testimonio Arist. cap. ult. huius 1. lib. vbi explicans modum, quo habitus iste generatur in nobis, ita ait, *neque itaq. insunt determinati habitus, neque ab aliis habitibus sunt notioribus, sed assensu.* Quib' verbis docet non inesse nobis à natura, vel facilius operandum acquirēda eis relinquit propria industria, & labore, tribuens principia, quibus possint operari, & operādo ea acquirere, & hac de causa non cōcessit hominibus habitus virtutū, quia non requiruntur ad operādam simpliciter bona opera, sed ad melius, hoc est cum facilitate, & prōptitudine operandum. Sed habitus principiorum non est necessarius ad assentiendum simpliciter primis principiis, sed solum ad assentiendum cum facilitate; ergo non est nobis à natura datus, sed propria industria, & labore acquisitus. Probatur minor, quia assensus principiorum non excedit facultatē intellectus, sed informatus per species intelligibiles, per quas apprehēdit terminos, ex quibus principia fiunt, & cognoscit significationem eorum, potest ipse propria virtute iudicare de veritate eorum, quod est eis assentire; ergo ad assentiendum simpliciter non indiget habitu. Probatur antecedēs, quia principia sunt

15 veritates quædam naturales per se evidentes; ergo sunt proportionatæ lumini naturali eiusdem intellectus: quare per propriam virtutem potest circa eas operari per assensum.

Sed ut hæc nostra sententiā melius intelligatur. Et testimonia D. Tho. iuxta mentem eius explicentur, notandum est, quod licet habitus principiorum non sit nobis à natura datus, maximum tamen habet principium in natura ipsa, ratione cuius naturalis etiam aliquo modo dici potest. Quod non habent alij habitus. Ut enim superius dicebamus propria ratio huius habitus sumitur per immediatam cōparationem, ad ipsam veritatem per se evidentem, quam nec respicit, neque attingit per aliquod medium, sed solum indiget notitia terminorum, quā habet per species terminorū, ex quibus principia ipsa componūtur, istæ autem species producantur ab intellectu agente, & imprimūtur intellectui possibili, mediis speciebus sensibilibus obiectorum, quæ vocātur phantasmata, operatio autem sensuum, & eiusdem intellectus agentis, per quas efficiūtur species, naturales sunt, & sine habitu efficiuntur. Informatus autem intellectus possibilis per has species principiorum, & intellecta per eas significatione terminorum, sine vlla arte, vel industria, sine vllō medio, vel discursu assentitur principiis, & per tale assensum generatur habitus principiorū, & postea intenditur, & perficitur per frequentem repetitionem eiusdem assensus, & ideo tam ex parte specierum naturaliter productarum, quam ex parte assensus principiorum dicitur habitus iste naturalis, quamuis liber sit assensus, & ex consequenti libere producat habitus per eum. Et tādē, quia assensus prin-

principiorum, & habitus ipse produ-
cuntur sine medio, sine discursu, sine
arte, sed per naturale lumen eiusdē
intellectus, non est nomen aliud im-
positum ei, sed nomine eiusdem in-
tellectus significatur, dum dicimus
esse intellectum principiorum. Hæc
autem non habent alij habitus intel-
lectuales, vt habitus sciētiæ, sed præ-
ter operationem intellectus agentis.
Præter species cōclusionis, quam im-
primit intellectui possibili, prære-
quirir artem: per quam disponantur
principia, prærequirit assensum eo-
rum, tanquam medium formale, quo
intellectus assentitur cōclusioni, &
per talē assensum generatur. Et ideo
neque habitus sciētiæ, neque alij di-
cuntur naturales.

Ex quibus intelligitur vtrumque
habere habitum principiorum, & q̃
naturalis sit, & quod sit acquisitus
per proprios actus, non tamen sicut
acquiruntur ceteri habitus, sed sine
vlllo medio, sine vlla arte, vel indu-
stria, sed per solam virtutem natura-
lem vtriusque intellectus, agentis, &
possibilis, ac sensuum, quorum na-
turales operationes præsupponūtur.
Et in hoc sensu loquitur D. Th. dum
vocat naturalem hunc habitum, vel
dum dicit à natura haberi, non ne-
gans per hos modos loquendi, quod
sit acquisitus per proprios actus, quia
vterq. sensus verus est, & neuter cō-
tradicit alteri. Hunc autem esse sen-
sum eius colligitur euidenter ex pro-
prio loco, vbi ex professo agit D. Th.
de hoc habitu inquirens, an sit natu-
ralis, nempe 12. q. 1. art. 1. asseritq.
esse naturalem secundum inchoatio-
nem, quod non habent ceteri habi-
tus, & nihilominus esse acquisitum
per operationem intellectus agentis;
& sensuum præsuppositā assensui in-
tellectus possibilis, per quem proxi-

mè acquiritur. In quo etiam sensu di-
xit Arist. ex sensibus, & non à natu-
ra haberi hunc habitum.

In eodē etiam sensu intelligitur
aliud testimonium D. Th. de puero,
quem dicit habere hūc habitum, sed
non vti eo propter defectum ætatis.
Intelligit autem eum habere secun-
dū inchoationē, quia hoc modo est
naturalis, sed non habet formaliter,
quousque per primum assensum prin-
cipiorum in eo generetur, & per se-
quentes perficiatur.

Circa solutionem 1. arg. asserunt
moderni quidam non esse ponendū
habitum pro assentiendis principiis
vniuersalissimis, quæ vocātur digni-
tates, quia cum sint nobis notissima,
absq. vlla difficultate eis assentimus,
& ideo per frequentem assensum eo-
rum, non acquirimus habitum, sed so-
lum esse ponendū pro principiis par-
ticularibus scientiarum, quibus non
facile assentitur intellectus; cū non
sint adeo nobis nota, ideo facilitate
acquisita indigemus: quæ vocatur ha-
bitus. Et hæc sententia videtur mihi
satis probabilis, quāuis etiam sit pro-
babile, quod in assentiendis his prin-
cipiis nonnihil difficultatis habeat
intellectus, licet minorem longe, quā
in assentiendis principiis particula-
ribus, & hoc satis est, vt indigeat ha-
bitu ad assentiendum, & nouam æ-
quirat facilitatē per frequentem re-
petitionem assensuum.

Et ex hac doctrina respondetur ad 18
arg. concessa maiori, sed minori ne-
gata, quod intellectus nullam habeat
difficultatem in assensu primorum
principiorum. Et ideo nec vllam æ-
quirat facilitatem per repetitionem
assensus, nam experientia docet op-
positum, & quod aliquam habeat in-
tellectus difficultatem, quā per exer-
citationem vincit, & ex consequen-

ti, quod nouam acquirat facilitatem.

Quid autem sit hæc facilitas, aut in quo consistat diuersis modis explicatur ab auctoribus. Quibus ommissis, dicendum est. Facilitatem non esse aliud, quam modum quandam, per quem potètia efficitur expedita, atque prompta ad operandum, aptaque, ut cum delectatione operetur, quod non habet ex se, vel à natura, & hunc modum tribuit ei habitus tanto perfectior, quanto magis intenditur, atque perficitur per repetitionem actuum.

An habitus principiorum sit idem secundum speciem pro omnibus principijs, vel diuersus pro diuersis.

DE distinctione specifica huius habitus nihil inuenitur apud auctores. Ideo sola ratione agendum nobis est. Videtur autem vnum esse ponendum pro omnibus, quod sic probabo. Habitus distinguuntur per diuersos actus, ut sæpe diximus. Sed habitus principiorum habet actum eiusdem speciei circa omnia principia; ergo est idem secundum speciem pro omnibus. Probatur minor, quia actus huius habitus est assensus principiorum, & assensus sunt eiusdem, vel diuersæ speciei, per eandem, vel diuersam rationem assentiendi, quæ est quasi formale obiectum eorum, sed eadè est ratio formalis assentiendi semper primis principijs; ergo omnes assensus sunt eiusdem speciei, & ideo idè quoque erit habitus secundum speciem. Probatur minor, quia semper assentitur intellectus primis principijs sine medio, sed habita solum significatione terminorum; ergo semper eodem modo.

Nostra tamen sententia duabus conclusionibus explicatur, hoc modo.

Prima est, habitus principiorum practiorum, & speculatiuorum specie distinguuntur, quam tenet D. Th. 1. p. q. 79. art. 12. Et probat euidentis ratio, quia actus, & habitus distinguuntur specie per diuersa obiecta, sed veritas practica, quam continent principia practica, & circa quam versatur habitus, tanquam circa proprium obiectum est diuersa specie à veritate speculatiua, cum illa ex propria natura ordinetur ad operandum, hæc vero non, ergo distinguuntur habitus isti specie. Principia practica sunt hæc, & similia, bonum est prosequendum, & malum fugiendum, virtus est amplectenda, & vitium reiciendum. Quæ per se ostensunt ordinari ad operandum. Speculatiua sunt, totum est maius sua parte, homo est animal rationale, & similia, de quibus manifestum est nullum ordinem dicere ad operandum.

Secunda conclusio, habitus etiam principiorum speculatiuorum distinguuntur specie secundum quod in diuersis materijs inueniuntur hoc modo, ut habitus principiorum vnius scientiæ distinguatur specie ab habitu principiorum alterius. Et si pro principijs vniuersalissimis ponendus est habitus, pro diuersis etiā ponendus est habitus distinctus specie. Ita ut alius sit habitus, per quem assentimus huic principio, quodlibet est, vel non est, ab eo per quem assentimus illi, totum est maius sua parte. Hanc conclusionem sic probabo, habitus distinguuntur per diuersos actus, & actus sunt diuersi per diuersa obiecta, sed assensus principiorum vnius scientiæ specie distinguitur ab assensu principiorum alterius: & assensus vnius principij vniuersalissimi distinguitur etiā specie ab assensu alterius; ergo habitus etiā erunt distincti specie.

specie. Probatur minor, quia diuersa principia continent diuersam veritatem, quam respiciunt assensus tanquam proprium obiectum, vt diuersam veritatem specie continet hoc principium, homo est animal rationale, ab illo, natura est principium motus, & quietis, eius in quo est; ergo efficiunt assensus specie distinctos in intellectu, & diuersi assensus efficiunt habitus etiam diuersos. Et idem ex pluribus adduci potest in diuersis principijs vniuersalissimis.

21 Et si dicas distinguere specie assensus, sed pertinere ad eundem habitum, quia sunt actus inadæquati respectu illius ad omnia principia, & omnes assensus eorum se extendentis. In contrarium est, quod si distinguuntur specie, licet inadæquata, necesse est generare habitus parciales specie distinctos. Quia quælibet causa producit effectum secundum suam speciem (licet inadæquatam) ergo à causis specie distinctis (licet inadæquatis) necesse est effectus specie diuersos (licet inadæquatos) procedere, quare iam dabuntur diuersi habitus saltem parciales specie distincti. Sed probatur debere distinguere specie totali, quia habitus principiorum, non habet tantam extensionem, ac intellectus, vt possit idem se extendere ad omnes veritates, nec habet maiorem extensionem, quam habitus scientiæ, cui proportionatur, ac necessario præsupponitur, sed habitus scientiæ distinguuntur specie per diuersa obiecta formalia; ergo habitus principiorum, qui eis correspondent: debent etiam distinguere specie per diuersas veritates principiorum, circa quas versantur, tanquam circa propria obiecta.

Ad arg. oppositæ opin. neganda est minor, quod habitus principiorum ha-

beat assensum eiusdem speciei circa omnia principia, nam licet omnibus assentiatur intellecta significatione terminorum sine medio, modus tamen iste assentiendi, & ratio formalis generica est, sicut etiam est generica in scientiis assentire conclusionibus per medium demonstratiuum, sicut ergo in scientiis specie distincta est ratio assentiendi, secundum distinctam rationem principiorum, per quæ assentitur intellectus conclusionibus huius, aut illius scientiæ, & per hæc distinctam rationem specificam distinguuntur habitus scientiæ specie. Ita in assensu principiorum distincta est ratio assentiendi specifica, secundum distinctionem specificam diuersarum veritatum, quas diuersa principia continent. Nam ratio assentiendi principijs ipsamet veritas principiorum per semetipsam est, & non per aliud medium; diuersa igitur veritas immediata, diuersa ratio assentiendi erit, & diuersum assensum secundum speciem efficiet, & diuersi assensus secundum speciem diuersos habitus principiorum generabunt.

TRACTATUS. II. de habitu scientiæ.

CIRCA habitum scientiæ explicanda sunt, an sit, & quid sit, & an sit de singularibus, & contingentibus, atque entibus per accidens.

An præter habitum principiorum ponendus sit pro conclusionibus alter habitus distinctus, qui appelletur scientia.

PRIMA opinio est quorundam modernorum, qui cum pro vniuersalissimis principijs non ponant habi-

k s. tum

tum principiorum, sed solum pro particularibus huius, aut illius scientiæ, asserunt talem habitum principiorum postquam assensum eorum habet habita notitia terminorum, extendere se ad assensum omnium conclusionum eiusdem scientiæ, & ita præter habitum principiorum, non esse ponendum habitum scientiæ ab eo distinctum.

Probat testimonio Aristot. 6. lib. Ethicor. cap. 3. ubi enumerans habitus intellectuales, de sapientia, quæ est vnus eorum, asserit esse scientiæ, & intellectum simul eorum, quæ honorabilissima sunt; ergo sentit eundem habitum sufficere pro principiis, & conclusionibus, quare non est necessarium multiplicare alterum.

24 Probat deinde ratione, quia assensus quorum vnus dependet ab altero, non possunt generare distinctos habitus, quia diuersi habitus independentes esse debent, sed assensus, conclusionum præsupponit assensum principiorum, à quo intrinsicam habet dependentiam, vt ex se patet; ergo non generat distinctum habitum ab eo, sed idemmet habitus, qui principiorum est, se extendit ad conclusiones. Maiorem probat exemplo vniuersaliorum scientiarum, vt Dialecticæ, atque Philosophiæ, quæ licet diuersas habeant conclusiones, non ideo ponuntur in eis pro singulis singulos, ac diuersos habitus, sed vnus, qui se extendat ad omnes, propter intrinsicam dependentiam vnus conclusionis ab alia, cui præsupponitur necessario, vel quæ præsupponit, quod nos asseruimus, atque probauimus q. 3. Proæmiali; ergo cum magis intrinsicam dependentiam habeant conclusiones eiusdem scientiæ à principiis eiusdem, quam possint habere inter se, sequitur non esse ponendum habitum distinctum pro conclusionibus

ab habitu principiorum, sed hunc se extendere ad omnes.

Hæc tamen sententia expressè contraria est eidè Arist. in eodem loco, vbi expressè docet, non solum habitum principiorum, qui dicitur intellectus esse distinctum ab habitu scientiæ, & aliis, sed neq. posse cum aliquo eorum coincidere his verbis. *Intellectus neque est scientia, nec ars, nec prudentia. Scientia, quia ipsum scibile demonstrabile est, ars, & prouidentia, quia in his versantur, quæ se se aliter habere possunt. At neq. sapientia est: est enim sapientie de quibusdam demonstrationem habere. Quod si ea quibus verum dicimus, & nunquam falsum: in his quæ possunt, aut non possunt aliter se habere. & hæc sunt scientia, prudentia, sapientia, intellectus: horum autem trium habituum nullus esse potest, atque tres dico prudentiam, scilicet scientiam, sapientiam, res est intellectum esse principiorum.*

Est etiam contra rationem, quod sit probo, habitus distinguuntur per actus, qui in intellectualibus sunt ipsi assensus, sed assensus principiorum eiusdem scientiæ, & conclusionum eius distinguuntur specie; ergo ad habitus specie distinctos, quos generabunt, pertinere debent. Probat minor, quia assensus distinguuntur specie per diuersas rationes formales assendiendi, sed assensus conclusionum habet diuersam rationem ab assensu principiorum, vt ex se est manifestum, cum assentiatur intellectus principiis sine medio, propter ipsam veritatem per se euidentem, conclusionibus vero propter principia in demonstratione disposita; ergo assensus ipsi distinguuntur specie. Et si dicas distinguui specie tanquam actus inadx quatos eiusdem habitus. Contra hoc est, quod si inadxquati sunt assensus, dabitur aliqua ratio assendiendi vniuersalior vtroq. sub qua comprehendan-

dantur, & quæ adæquata sit habitui qui ponitur pro utroq. sed talis ratio est impossibilis; ergo impossibile est eundem esse habitum. Probo iterum minore, quia talis ratio communis utriusque assensus, esset assensus necessarius, aut euidētis abstrahētis ab utroque, quæ non potest esse una, nisi unitate generica comprehendēte sub se diuersos assensus secundum speciem. Præterea, etiam si inæquatos esse daremus assensus principiorum, & conclusionum: cum sint specie distincti, necesse est distinctos habitus saltem partiales, & inæquatos generare: & ita distinctus iam erit ponendus habitus pro conclusionibus specie saltem partiali.

Testimonium Arist. pro opposita sententia ex posuit egregie D. Th. non solum in Cōmentariis eiusdem, sed etiam 1. 2. q. 17. art. 1. ad 2. ubi ait sapientiam proprie sumptam, de qua ibi loquitur Arist. esse quandam habitum, verè quidem scientificum, sed vniuersalissimum, qui circa conclusiones etiam vniuersalissimas sibi proprias versatur, & simul de principiis, & conclusionibus scientiarum particularium, quodammodo iudicat tanquam de inferioribus, quia cōsiderat altissimas causas ad quas reducuntur inferiores, & à quibus dependent, atque etiam vniuersalissimas rationes entis, ut essētiam, totū, partem, & similes, à quibus particulares conclusiones omnium scientiarum dependent, & quas aliquādo demonstrat per rationes vniuersales extrinsecas, vel ducentes ad impossibile, & propter has excellentias quodāmodo se habet ad alias scientias tanquā intellectus, qui est habitus principiorum, & simul est habitus scientiarum respectu suarum conclusionum, non tamen est idem habitus cum eo,

qui ponitur pro principiis eius, sed diuerlus. Et eiusmodi vniuersalis scientia non est alia præter Metaphysicam, cui prædictæ excellentiæ conueniunt.

Ad argumentū eiusdem sententiæ. Respondetur maiore esse fallam absolutè, quod probant scientia subalternans, & subalternata, nam obiectū huius cōtinetur sub obiecto alterius, & conclusiones eius habent intrinsecam dependentiam à conclusionibus alterius, per quas probantur, quasi per principia, & nihilominus sunt habitus, & scientiæ specie distincti apud Arist. & omnes. Et multo melius distinguuntur habitus scientiæ, & principiorum, licet assensus conclusionum habeat intrinsecam dependentiam ab assensu principiorum: cum habeant rationes formales diuersas, ut probatum est. In scientiis vero vniuersalioribus alia est ratio, quia conclusiones non solum se præsupponunt, & intrinsecam habent dependentiam à principiis eodē modo se præsupponentibus, ac depēdentibus, sed omnes etiā conclusiones habent eandem rationem formalem assentiendi per medium demonstratiuum, & adhuc in his scientiis distinctus ponitur habitus pro principiis, & conclusionibus apud Arist. & omnes.

An euidētia pertineat ad essentiam scientiæ.

HOC est secundum explicandū de scientia pertinens ad essentiam eius, an videlicet euidētia sit ei essentialis, & quia prædicata essentialia cuiuscumque rei ex eius definitione constant, necesse est definitionē scientiæ afferre, eamque explicare, ut ex eius explicatione constare possit, an inter prædicata essentialia eius numerasti

merari debeat euidētia, quia si nune-
randa non sit, nec essentialis ei cen-
sebitur.

Aristoteles 1. cap. huius libri de-
finit scientiam in concreto dicens.
Scire est rem per causam cognosce-
re, & quod illius est causa, & quod
impossibile est aliter se habere, quā
si ad scientiam in abstracto applice-
mus sub forma quidditatiue defini-
tionis, hoc modo assignari potest.
Scientia est cognitio vera, & certa rei neces-
saria per propriam causam. In qua cog-
nitio habet rationem generis, quia in
ea conuenit scientia cum ceteris a-
ctibus intellectus. Potest autem co-
gnitio summi pro actuali, vel habi-
tuali, vel pro vtraque, & sic definitur
vtraque scientia actualis, & habi-
tualis. Actualis est assensus conclu-
sionis, habitualis vero habitus per eā
genitus. In communi autem modo lo-
quēdi pro habituali potius sumitur.
Reliquæ vero particule ponuntur
pro differentia, vt per eas distingua-
tur à ceteris habitibus intellectus, nā
vera dicitur cognitio, vt distingua-
tur ab errore, certa, vt distingua-
tur ab opinione, & ceteris cognitioni-
bus, quibus non repugnat sub esse fal-
sum, per rem necessariam separatur
à prudentia, & arte, quæ versantur
circa contingentia. Particula deniq.
per causam distinguit scientiam ab
habitu principiorum qui non proce-
dit per mediū, sed immediatē assen-
titur veritati, habita notitia termino-
rum, distinguitur etiam à sciētia, quæ
habetur à posteriori, & per effectum,
quam non comprehendit Aristote-
les sub hac definitione, sed solā scien-
28 iam perfectam, quæ vocatur prop-
ter quid. Possumus autem definitio-
nem vtrique communem, & quasi ge-
nericam designare comprehendentē
vtramque, mutata solum vltima parti-

cula, per causam, & posita eius loco,
particula, per demonstrationem, &
erit hæc. *Scientia est cognitio vera rei ne-*
cessaria per demonstrationem.

Sed an completæ sint istæ defini-
tiones, vel desit eis particula, eui-
dens, saltem sub intelligenda, de hoc
est præsens quæstio. Quæ vt melius
intelligatur, explicandi sunt, ac di-
stinguendi isti tres termini, certitu-
do, necessitas, & euidētia. Certitu-
do est firma adhesio intellectus ali-
cui obiecto absque dubitatione, vel
formidine. Ita eam definiunt Schola-
stici Doctores in 1. d. 26. præsertim
D. Tho. q. 2. art. 4. Bonau. q. 4. Durā.
in 4. d. 37. q. 8. Sed firma adhesio in-
tellectus duplex est, apparens, & ve-
ra, apparens est, quādo intellectus ex
aliqua ratione probabili, atq. ex ef-
ficaci applicatione voluntatis renaci-
ter inhæret alicui obiecto, & de hac
apparenti adhesionē intelligitur il-
lud axioma positum ab Arist. 7. lib.
Ethic. cap. 3. Ita firmiter adhærent
nonnulli suis opinionibus falsis, aut
erroribus, sicut alij adhærent scien-
29 tiis. De hac vero firma adhesionē nō
intelligitur definitio, sed de vera,
quia intellectus propter veritatem
ipsam rei, aut solidam, ac firmam ra-
tionem, seu infallibilem auctoritatē
adhæret alicui obiecto. Certitudo
autem sic explicata habet illos tres
gradus, quos superius explicuimus.

Necessitas vero in ordine ad pro-
positionem sumpta, de qua nunc lo-
quimur, est determinatio intellectus
ad veritatem, & propositio necessa-
ria erit, quæ ita est vera, vt repugnet
esse falsam, quod explicuit Arist. illo
verbo, impossibile aliter se habere,
habet autem necessitas eisdem gra-
dus, quos certitudo.

Euidētia vero addit supra firmā
adhesionem manifestationem veri-
tatis

tatis sub claritate alicuius luminis, ita ut evidens dicatur obiectum, quia si clarum, ac perspicuum, seu manifestum. Hæc evidentiam, seu claritatem habent principia ex se, scientia vero participatam à principiis, & de certitudine, ac necessitate nemo potest dubitare, quin sint essentielles scientiæ, cum utraq. sit expressè posita in definitione Aristoteli. De sola igitur evidentia, cum non sit expressa, quæstio esse potest, an sit ei essentialis, & ideo in definitione sub intelligenda, aut declaranda.

Et prima opinio negat essentialitatem esse. Ita Maffius cap. præsentis q. 3. conclusionem 1. & 2. Probat primo, quia scientia subalternata est vera scientia, & tamen non est evidens; ergo evidentia non est de ratione scientiæ. Minorem probat, quia potest contingere, quod sit sine subalternante, & solum habeat principia accepta per testimonium eius, qui habet subalternantem, & tunc patet non esse evidentem. Et etiam, si cum subalternante sit, intra proprios limites nescit reducere sua principia usque ad prima, & indemonstrabilia; ergo non habet evidentiam eorum, & ex consequenti neq. conclusionum, quæ ex eis deducit, & tamen utroq. modo vera scientia est, cum sit de re necessaria per evidentem consequentiam.

Secundo probat, quia Theologia, quæ deducitur ex principiis divinæ fidei per veras demonstrationes, non est evidens; cum ex principiis obscuris fidei, non possit colligi evidens conclusio; & tamen est vera scientia, ut est manifestum, ergo evidentia non pertinet ad essentialitatem scientiæ.

Hæc tamen sententia duo asserit falsa. Primum, quod scientia subalternata, existens sine subalternante, &

habens principia solum accepta per testimonium eius, qui habet subalternantem, sit vera scientia. Nam si principia solum habentur per testimonium illius, assensus eorum solum erit fides humana, cui potest subesse falsum; ergo non possunt esse causa conclusionis certæ, aut scientifiæ, alioqui esset illius effectus perfectior quam propria causa.

Secundum, quod asserit est scientiam subalternatam etiam dum cum subalternante existit in eodem homine esse scientiam intra proprios limites, sed non esse evidentem, quia nescit reducere suas conclusiones, usque ad principia indemonstrabilia. Hæc autem duo manifestam continent repugnantiam, quia si nescit reducere principia; ergo non erit scientia. Probat evidentem consequentiam ex his verbis Aristoteli, quæ habentur cap. 2. huius libri. *Non scit, qui demonstrationem horum non habet, etc.* Hoc est præmissarum, ex quibus constat demonstratio, quas si non scit reducere, non erunt sibi certæ; ergo nec certam conclusionem ex eis deducere villo modo poterit.

Subalternata igitur scientia simul cum subalternante existens duobus modis consideratur. Primo intra proprios limites præcisè, hoc est non considerando, continuationem, aut unionem, quæ habet cum subalternante, & hoc modo, nec est scientia, ut probauimus cap. 10. nec est evidens, Sed erit opinio quoddam. Secundo consideratur, ut continuata, vel unita cum subalternante, in qua continuatione consistit formaliter subalternatio, & ideo solum, ut sic sumpta est formaliter subalternata, & hoc modo vera scientia est, & evidens, quia per talem continuationem auxilio subalternantis reducit sua principia, usque,

32 vsque ad prima indemonstrabilia. Et si dicas ipsi non reducere sua principia, sed subalternantem. Respondeo subalternantem reducere, vt sibi continuatur subalternata, & non alio modo, & hoc idem est ac subalternatam reducere, vt continuatur cum subalternante. Ita enim fit, vt qui habet vtranq. habeat euentiam principiorum subalternatæ ratione continuationis, & ideo subalternata sit in eo vera scientia, & euidens.

Vt igitur nostram sententiam explicemus, notandum est scientiâ duobus modi sumi posse. Primo in quantum per lumen naturale intellectus haberi potest, & hanc tantum definiuit Arist. quia hanc tantum potuit cognoscere. Secundo modo potest considerari vniuersalius, prout solum dicit assensum conclusionis habitum per demonstrationem ex præmissis, siue per lumen naturale, siue per aliud quodcumq. cognitum: quarum tamen certum habeat assensum, siue per reductionem ad prima indemonstrabilia, siue alio modo.

33 Qua distinctione supposita, duobus conclusionibus continetur nostra sententia. Prima est, ad essentiâ scientiæ primo modo consideratæ pertinet euentia. Probatur, quia, si quis demonstrat conclusionem per causam, vel effectum cognitum per lumen naturale intellectus, necesse est, habeat euentiam præmissarum: cum sibi sint manifestæ sub claritate luminis naturalis. Et cõsequentiâ etiam eodem modo est sibi euidens: ergo conclusio, ex eis deducta etiam est euidens. Probatur consequentiâ, quia ex causa per se omni ex parte euenti, euidens quoq. effectus debet, sequi, sed ex tali assensu conclusionis euenti generatur habitus scientiæ: ergo etiam euidens essentialiter. Quâ-

uis autem euentia sit prædicatum essentialiter scientiæ, eam non expresse Arist. in definitione, quia satis manifestum erat in verbis eiusdem definitionis contineri. Si autem quis velit eam exprimere sic dicet. Scientia est cognitio vera, certa, & euidens rei necessariæ per causam. Et si velit definire omnem scientiam, quia, & propter quid. Sic dicet, scientia est cognitio vera, certa, & euidens rei necessariæ per demonstrationem.

Secunda conclusio, ad essentiâ scientiæ sub vniuersaliori illa acceptione sumptæ non pertinet euentia, sed ita potest definiri, scientia est cognitio rei certa per demonstrationem. Probatur hæc, quia Theologia, quæ habetur ex principiis diuinæ fidei, est cognitio rei certa per verâ demonstrationem; ergo aliquo modo est scientia. Probatur consequentiâ, quia non est opinio, nec fides humana, cum sit certa, nec est fides diuina, quia fides non innitur demonstrationi, nec alteri arg. sed solum testimonio diuino; conclusio vero Theologica, non innitur immediatè testimonio, sed demonstrationi, licet altera præmissarum, vel vtraq. innitur testimonio diuino, & sit assensus fidei, sed nec eadem conclusio Theologica pertinet ad intellectum, qui est habitus principiorum, cum sit deducta per demonstrationem: ergo pertinet ad habitum scientiæ. Probo iterum consequentiâ, quia nec datur, nec dari potest alius habitus, ad quæ possit pertinere. Si ergo Theologia est scientia, licet imperfecta, quia non est euidens, aliquo modo conuenire debet cum scientia primo modo accepta, & ideo aliqua ratio scientiæ communis vtrique abstrahi potest, ad cuius essentiâ non pertineat euentia. Et hæc est, & sub hac ratione

tionē communī consideratā definitā
ā nobis est.

*An scientia sit de singularibus,
de contingentibus, & entibus
per accidens.*

DE his tribus separatim breuissimè dicemus, quid tenendum sit, & primo de singularibus distinguendum est, nam quædam sunt singularia, quæ simul sunt species, vel eminenter ac perfectissime continent perfectionem specificam, vt Deus, & Angeli, & vt plures tenent in Angelis non distinguitur differentia specifica ab indiuiduali. Et de his singularibus certū est apud omnes perfectissimam scientiam haberi posse. Alia sunt singularia, in quibus distinguitur differentia indiuidualis ab specifica, & extra rationē illius est, vt sunt corruptibilia, & fortè etiam Angeli id habent, nam valde probabile est multiplicari posse sub eadem specie, & de his potest esse dubium, an possint esse obiecta scientiæ, vel scientia solum possit esse de vniuersalibus.

Secundo modo sumitur scientia pro sola discursiua habita per euidentiē consequentiā, siue vera sit demonstratio, vel non. Tercio sumitur pro discursiua, habita tamen per veram demonstratiōem, dubium igitur procedit, de scientia his duobus modis sumpta, an de singularibus corruptibilibus haberi possit.

Sed adhuc duobus modis considerantur singularia hæc, primo, vt participant naturam specificam, in qua conueniant, nempe humanam, vel aliam. Secū, vt distincta per proprias differentias indiuiduales, & hoc est considerare ea, vt singularia sunt formaliter, & reduplicatiuè. Et si primo modo consideretur, certum est etiam de illis posse esse aliquo modo scientiam, nam cum de specie possit esse per se primo, & immediate scientia, erit etiam de singularibus per participationem, & applicationem eiusdē scientiæ de specie ad illa, quia si de homine probatur per demonstratiōnem, quod sit risibilis, etiam potest probari de Petro, aut Ioanē, applicando eandem demonstratiōnem ad illū, probandoq; per eam, quod sit risibilis. Et hoc modo in scientia Theologica demonstrantur aliqua de Christo Domino, vt homine ex principiis fidei, & propositionibus simul euidētibus. Vt quod sit risibilis, quia est homo, per hanc demonstratiōnem et applicatam, omnis homo est risibilis, Christus est homo, ergo Christus est risibilis.

Tota ergo difficultas est de eisdē singularibus, vt singularia sunt, & distincta per proprias differentias indiuiduales. An de illis possit esse scientia discursiua. 2. aut. 3. modo sumpta. Et quidam dicunt esse posse, alij vero omnino repugnare.

Sed nostra sententia duobus conclu-

35 Deinde distinguenda est scientia, quia tribus modis sumi potest. Primo pro certa, & euidenti cognitione rei per discursum habita, aut sine illo per simplicem intuitum, & de scientia hoc modo sumpta certū est, quod versetur circa singularia quæcūq; nam Deus, & Angeli per noticiam intuitiuam sine discursu perfectissimè cognoscunt singularia omnia, & talis eorum notitia intuitiua perfectissimam habet rationem scientiæ. Nos quoq; de Deo, & Angelis possumus habere scientiam, & medijs sensibus habemus intuitiuam cognitionē singularium sensibilium, quæ secundū hanc acceptionem vocari potest sciē

36

clutionib' explicatur. Prima est, sciētia discursiua per veram demonstrationem habita non potest esse illo modo de singularibus sic acceptis. Probatur euidenter, quia vera demonstratio est verus syllogismus dispositus in modo, & figura, & procedens ex principiis vniuersalibus indemonstrabilibus, cuius mediū est vera definitio composita ex genere, & differentia. Sed hæc non potest ex terminis singularibus fieri; ergo nec potest de singularibus haberi, nam dispositio in modo & figura nō potest reperiri in terminis singularibus, sed solus syllogismus expositorius, qui nimis improprie syllogismus est, per quamdam similitudinem ad eum, qui fit in terminis vniuersalibus.

Secundo, quia de singulari, vt singulare est, nō potest probari, nisi proprietas singularis, sibi soli cōueniēs, sed per principia vniuersalia non potest probari, nisi vniuersalis, aut cōmunis proprietas: cum æqualiter cōueniant omnibus singularibus, hoc est nō magis vni, quā alteri; ergo talis scientia non potest esse illo modo de singularibus, vt singularia sūt. Et cum scientia discursiua de hac solū dicatur propriē, & simpliciter, etiā est dicendum simpliciter, quod de singularibus non possit esse scientia discursiua, ideo Aristor. pluribus suæ doctrinæ locis expresse negat, & absque vlla distinctione, quod scientia possit esse de singularibus, & cōmunis modus loquendi totius Scholæ ita sentit.

38 Secunda conclusio, naturaliter loquendo non potest dari scientia de singularibus, vt singularia sūt, etiā per euidentem consequentiam, quæ non sit demonstratio. Probatur hæc ratione, dari scientiam de aliquo est probare aliquam proprietatem de illo

per euidentem consequentiam, sed de singulari vt tali. Nō possumus naturaliter probare aliquam proprietatem per euidentem consequentiam; ergo nec habere veram scientiam de illo. Minorē probō, quia proprietas singularis, vt singularis, est ea, quæ sequitur ex propria differentia individuali, vel ex eo, vt per eam constituto, sed nullam differentiam individualē determinatam certo cognoscimus, neque vllam talem proprietatem, nec potest à nobis certo cognosci naturaliter vt omnibus est manifestum; ergo nec possumus eam probare de singulari ipso per euidentem consequentiam, neque hoc modo habere scientiam adhuc impropiam de illo.

An de ente per accidēs possit dari scientia.

ENS per accidens vocatur illud, quod componitur, ex pluribus entibus in actu, vt album, aut musicū, de quo dubitamus, an possit dari scientia per veram demonstrationem habita, & quidam distinguūt duplex ens per accidens, vnum quod resultat ex duobus entibus in actu, casu, aut fortuito concurrentibus, vt musicum, aut ædificator, vel etiā inuentio thesauri, & de hoc negant scientiam dari posse, quia non solum secundum esse est ens per accidens, sed neque per se cadere potest sub consideratione intellectus, sed sicut casu coniunguntur ea, ex quibus constat, ita per accidēs omnino se habent ad cōsiderationē intellectus. Aliud est ens per accidens, quod resultat ex duobus naturaliter concurrentibus, & ynitis, vt album, quantum, &c., & de hoc dicunt posse esse scientiam, quia licet sit ens per accidens secundum esse

esse, per se potest considerari ab intellectu, per se definiri, & per se possunt demonstrari passionibus de illo, nam album definimus, quod sit aggregatum visus, & quantum, quod sit corpus habens partes extensas.

Nostra tamen sententia est, quod de nullo ente per accidens, ut ens per accidens est, possit dari scientia, & de ente per accidens resaltans ex duobus casu, aut raro concurrentibus, ita sentit expresse Arist. 6. lib. met. textu 7. 6. & 7. sed ut de alio etiam quodcumque id probemus, notandum est duobus modis posse considerari. Primo, ut componitur ex duobus entibus in actu per modum aggregationis, hoc est nullo ordine in eis considerato, talis est cumulus, tale album, & mulicum, ut solum in eis consideramus unum aggregatum ex multis actualibus. Secundo considerari potest, ut duobus constat ordinatis, neque uno ut determinabile, alio ut determinanti. Et primo modo consideratum dicitur unum per accidens omnibus modis, quare de illo non potest esse scientia. Prob. hoc, quia nec habet vllam modum unam naturam, nec unam rationem, quare non potest vna definitione explicari, nec habere determinatas passionibus, quare de illo demonstrari possint. Ideo doctrina Arist. locitato ad omne ens per accidens se extendit. Si vero consideretur secundo modo, licet sit vnum per se, ens entitate, est tamen vnum per se ordine, & ideo potest definiri vna definitione, quo pacto definitur album, & quantum illis definitionibus, quas adduximus. Potest etiam habere determinatas passionibus, quare de illo probetur. Ex numero sonoro hoc modo sumptum de linea visuali, tamquam de propriis obiectis agunt musica, & perspectiva, ut vidimus cap. 10.

An de casualibus & fortuitis detur scientia.

Casuale vocatur illud, quod ex duobus casu concurrentibus constat, ut quod æstiuum tempus frigidum sit, ac pluviosum, fortuitum vero, quod ex duobus à fortuna (ut dicitur) concurrentibus, ut inuentio thesauri cum effusione terræ. Hæc autem duobus modis considerari possunt, primo in communi, ut dicuntur casualia, aut fortuita, alio modo in particulari, hoc vel illud, & de eis primo modo consideratis potest esse scientia, quia ratio casualis, aut fortuiti in communi considerati per se vna est, & per se considerabilis, ideo Arist. de casu, & fortuna sic consideratis agit 2. lib. Physicorum, sed de eisdem consideratis in particulari nulla scientia dari potest, quia nullam rationem habent per se considerabilem, sed proprius contingentia sunt, & per accidens quare nec definiri per se possunt, nec vllam habere passionem, de eis demonstrabilem.

TRACTATUS III.
de opinione, & fide humana.

Quidam sit opinio, et quid fides

TRACTATUS sunt explicanda de opinione, & fide humana. Primum, quid utraque sit. Secundum, quomodo distinguatur. Tertium, an opinio, & consequenter fides humana possit esse simul cum scientia. Opinio non sic definire possumus opinio est assensus alicuius propositionis sine necessitate per medium probabile, aut sine illo, in assensu concepit cum scientia.

40

42

tia, & aliis notitiis intellectualibus, & per eandem particulam censetur exclusa à ratione opinionis quæcūq; cogitatio, aut existimatio, seu suspitio, vel dubiū, per quod intellectus non determinatur ad aliquam partē cōtradictionis, nec assentitur ei, sed vel leuiter cogitat, vel quasi hæret, aut pender inter vtramque partem. Assensus enim determinationem ei dicit ad vnam, vel alteram, quam veram reputat, vel saltem probabilem. Dicitur autem probabilis, vt distinguatur à scientia, & intellectu, qui sunt assensus evidentes, à fide autem humana distinguitur, per illas particulas, per medium probabile, aut sine illo, quia fides humana non habetur per medium probabile, nec sine illo, sed per testimonium fidei digni.

Per medium etiam probabile, aut sine illo dicitur, vt intelligamus duplicem esse opinionem, vnā quæ habetur sine medio, sed per simplicem intuitum ipsius veritatis probabilis, quam sic definit Aristoteles cap. præsentis dicens. *Opinio est acceptio im-*

mediata propositionis, & non necessaria. Alia est, quæ habetur per mediū probabile, nam vel colligitur ex immediata opinione per consequentiā euidētem, aut probabilem, vel ex propositione euidēti, per consequentiā tantam probabilem, & vtroque modo dicitur haberi, per medium probabile, quia vel ex parte propositionis, ex qua colligitur, solū est probabile, vel ex parte consequentiæ. Itaq; sicut assensus certus, & euidens duplex est, nempe aut per se euidens, quem intellectus habet cognita significatione terminorū, & dicitur intellectus, aut euidens per mediū demonstrationis, & dicitur scientia. Eodem modo duplex est assensus probabilis, vnus qui habetur sine medio co-

gnita significatione terminorum, vt dū intellectus cognita significatione terminorum huius propositionis, omnis mater diligit filium suum, ita tim nulla expectata ratione assentitur ei probabiliter, & potest vocari intellectus opinionis, alter assensus probabilis est, qui habetur per medium probabile vt expositū est. Et ita duplex est opinio, distincta absque dubio specie, per diuersum modū assentiendi, ex sola notitia terminorum, vel per medium: & vtramque comprehendit definitio assignata.

Fides autem humana sic potest de-
finiri. Fides humana est assensus proba-
bilis propter testimonium fidei digni
habitus, ita vt per assensum probabilem
conueniat cum opinione, & distinguatur
à cæteris notitiis, aut assensibus
intellectus, sicut de opinione diximus;
per testimonium vero ab opinione, & hæc de primo.

43

An formido sit de intrinseca ratione opinionis, & humana fidei.

Hoc etiam pertinet ad explicationem quidditatis opinionis, & humanæ fidei, quod vt intelligatur explicandum imprimis est, quidnam per formidinem significetur, & nihil aliud est, quam timor, ne falsa sit pars, cui assentitur intellectus, aut vera opposita. Opinio enim, vt dixim⁹, est assensus probabilis, cui non repugnat subesse falsum, quod est esse assensum quandam debilem, de cuius veritate merito timetur, aut timeri potest, quia sic ei adhæret intellect⁹, vt fundamentum propter quod ei adhæret, quod est veritas ipsa per se probabilis, aut ratio per quam deducit conclusionem ex præmissis, non sit omnino solida, nec firma, sed quæ ex propria

pria natura deficere potest, & aliter se habere. Dubium igitur est, an timor iste, quem vocant formidinem, pertineat ad essentiam opinionis, vel humanæ fidei.

44 Prima sententia distinguit duplicem opinionem perfectam, & imperfectam. Perfectam opinionem vocat eam, quæ innititur testimonio fidei digni. Imperfecta vero, quæ innititur rationibus probabilibus: & ad essentiam illius asserit, nullo modo pertinere formidinem, quia non solum dicit assensum determinatum vnius partis, sed firmum, ac certum, non propter firmitatem testimonij, sed propter efficacem determinationem voluntatis ratione cuius intellectus firmiter adhareet eidem parti, nec solum firmiter, sed etiam tenaciter, ut superius ex Arist. adduximus. Imperfecta vero opinio formidinem habet essentialiter annexam, sine qua, nec reperitur, nec reperiri villo modo potest, ita Duran. in 1. q. prologi. Massius cap. presenti, qui ita ait tenere Capreolum, & Caie. quos ipse citat, & quod amplius est D. Thaplaribus sue doctrinæ locis, præsertim 12. q. 67. art. 3. vbi ita ait. *De ratione opinione est, quod accipitur unum cum formidine alterius oppositi, &c.*

Probat etiã ratione, nam qui opinatur, iudicat opinionem, quam ipse sequitur posse esse falsam; ergo ex propria ratione opinandi timet, ne falsa sit; quare timor iste, aut formido intrinseca est opinioni.

Pro solutione huius quæst. distingueda est duplex formido, nã alia est actualis, quæ est actualis timor, alia est virtualis, seu radicalis, quæ non consistit in aliquo actuali timore, aut dubitatione, sed in eo solum, quod est talem esse assensum opinionis, ex parte obiecti, aut medij assen-

tiendi, cui non repugnat subesse falsum, & ex hac radice nascitur aliquando actualis timor, aut formido, ne opposita pars vera sit, aut falsa illa, cui intellectus assensetur, & ideo dicitur virtualis, aut radicalis formido.

45 Hac supposita distinctione, nostra sententia est, virtualem, aut radicale formidinem ad essentiam opinionis, aut humanæ fidei pertinere, actualẽ vero omnino esse ei accidentalem, ita ut sæpe reperitur sine illa. Hæc est communis sententia fere omnium expositorum Arist. cap. presenti. Et probatur expresso testimonio Arist. 7. lib. Ethic. cap. 3. vbi de opinione ita loquitur. *Nam si vera opinio, & non scientia sit, ex qua continenter agunt homines, nihil ad rationem id refert: cum nonnulli ex his qui opinantur, non ambigant, sed certo se scire existiment.*

Et probatur euidenti experientia, quia plures sunt opiniones, non solum in Dialectica, sed in Philosophia, & Theologia cõmuni fere totius scholæ cõsensu approbatæ, & efficacibus argumentis confirmatæ, quas sequimur absque villo timore, vel formidine actuali. Et aliquando videmus aliquos ex principijs enidẽtibus deducere aliquam cõclusionem per syllogismum, quem putant euidentem, verẽ tamen non nisi probabilem, & tales certam esse existimant talem cõclusionem, licet vera sit in eis opinio; ergo repugnat simul habere timorem, ne sit falsa, aut vera opposita: quare euidens est actualem formidinem non esse intrinsecam opinioni, cum sæpe inueniatur sine illa. Virtualis tamen, aut radicalis formido his etiam opinionibus intrinseca est: cum ex parte medij assentiendi non repugnet eis subesse falsum.

Testimoniũ autem D. Thom. de hac virtuali formidine intelligitur,

12 non

non de actuali. Ad arg. vero concessio
 antecedenti cum consequentiā, distin-
 guendum est consequens, nam si de
 actuali timore, aut formidine intelli-
 gatur, falsum est, si vero de virtuali,
 aut radicali verum, & ideo hanc so-
 lam esse opinionem intrinsecam probat
 arg. non illam.

*An opinio possit esse simul cum
 scientia de eadem propositione, et
 in eodem intellectu.*

Certum est opinionem simul esse
 posse cum scientia de eadem re,
 quia de linea habet scientiam geome-
 tra, & opinionem Dialecticam, aut Me-
 taphysicam, an distinguatur realiter
 à substantia. Nec solum est certum,
 quod in diuersis hominibus, aut intel-
 lectibus simul esse possint de eadem
 re, sed etiam in eodem intellectu, nā
 idem geometra habet scientiam de
 linea, & potest simul habere opinio-
 nem de distinctione eius à substantia,
 ideo non quærit titulus quæst. an de
 eadem re simplici possint esse simul
 in eodem intellectu, sed, an de eadē
 propositione. De qua certum est etiā
 in diuersis intellectibus posse esse
 scientiam, & opinionem, nam fieri po-
 test, ut aliquis habeat assensum alicui
 conclusionis per veram demon-
 strationem, quam alter deducat ex
 eisdem, vel aliis principiis per syllo-
 gismum probabilem, & ideo solum
 habeat opinionem. Difficultas igitur
 est, an idem homo de eadem propo-
 sitione possit simul habere scientiam,
 & opinionem.

Sed adhuc de scientia, & opinio-
 ne est distinguendum, quia quatuor
 modis excogitari potest, & simul sint.
 Primo, secundus habitus, ita ut idem
 homo simul habeat habitum scientiæ,
 & opinionis de eadem conclusionē. Se-

cundo, ita ut simul habeat assensus
 utriusque. Tertio, ut simul habeat ha-
 bitum scientiæ, & assensum opinio-
 nis. Quarto, ut simul habeat habitum
 opinionis, & assensum scientiæ, & se-
 cundum omnes comparationes vide-
 tur procedere quæst. præfens.

Circa quam est r. opi. negans Sco-
 ti in 3. d. 24. qu. unica. §. contra hæc
 primo, Caiet. & Soti cap. præfenti,
 & Masij ibidem qu. 5. Probant testi-
 monio Arist. in hoc cap. ubi eandem
 ferè quæst. proposuit, an idem obie-
 ctum possit esse scitum, & opinatum
 ab eodem. Cui respondit non posse.
 Probauitque hæc ratione, scibile est,
 quod nō potest aliter se habere, opi-
 nabile, quod potest aliter se habere,
 ut opinabile est, sed repugnat eandē
 rem posse aliter se habere, & nō pos-
 se aliter se habere: cum sint contra-
 dictoria; ergo repugnat, quod ali-
 quid simul sit scibile, & opinabile,
 aut scitum, & opinatum, sed hæc sunt
 propria obiecta scientiæ, & opinio-
 nis; ergo etiam repugnabit utraq.
 esse simul in eodē intellectu de eadē
 propositione, ex mente Arist.

Probant deinde ratione primo de
 actibus, vel assensibus. Deinde de ha-
 bitibus, de actibus quidem, quia im-
 possibile est eundem hominem iudi-
 care simul, quod res eadem potest ali-
 ter se habere, & non potest aliter se
 habere; cum hæc sint iudicia contra-
 dictoria. Sed assensus scientiæ est iu-
 dicium actuale de conclusione, quod
 non potest aliter se habere, & assen-
 sus opinionis est iudicium de eadē,
 quod potest aliter se habere; ergo
 actualem repugnantiam continent,
 quare non poterunt esse simul in eo-
 dem intellectu. Et quod amplius est
 assensus isti repugnant, tanquam eu-
 dens, & inuidens, quia de intrinse-
 ca ratione unius est euidencia, altera
 vera

& s. Rich. in 3. d. 25. q. 1. & Villapandei cap. præfenti, atque etiam Di. Th. 12. q. 67. art. 3. ubi concedit eadem propositionem posse cognosci per diuersa media, euidens, & probabile, tanquam per medium perfectum, & imperfectum, quæ non omnino repugnant, quod repetit 3. p. qu. 9. art. 3. ad 2. ubi P. Franciscus Suarius eandem sententiã sequitur.

51 Probant primo, quia tota repugnantia obquam simul esse non possunt assensus opinionis, & scientiæ de eadem propositione est, quia repugnat, quod simul iudicetur posse aliter se habere, & non posse, cum duo hæc iudicia sint contradictoria, hoc autem ita esset, si per idem medium vtrunq. esset iudicandum, sed cum id fiat per diuersa media: nullã continet repugnantiam, aut contradictionem, quia intellectum iudicare propositionem non posse aliter se habere, vt est conclusio demonstrationis, & posse aliter se habere, vt est conclusio probabilis s. l. ogismi, nullo modo repugnat, nec opponuntur contradictoriẽ duo hæc iudicia comparata ad diuersa media. Quod præsertim verum est, cum actualis formido non sit opinioni intrinseca, nec sit necessarium opinantem actu iudicare, quod possit aliter se habere conclusio. Imo possit iudicare contrarium, vt notauit Duran.

Secundo, quia simul cum demonstratione adduci potest, & solet probabilis ratio ad probandam eandem conclusionem, sicut cum fide diuina ad credendum eãdem veritatem: ergo assentitur simul intellectus propter vtrunq. medium, & ideo quodlibet habebit suum effectum, qui est assensus probabilis, & scientificus, si maliquæruunt, alioqui frustra adduceretur vtrunq. medium.

52 Nostra sententia, quasi media est, & vnica conclusionẽ explicatur. Scientia, & opinio secundum habitus possunt simul esse in eodem intellectu de eadem propositione, non tamen secundum assensus, vel actus. Per primam partem excluditur, prima opinio, & ex parte secunda. Per secundam vero partem excluditur etiam ex parte secunda, & etiam ex parte tertia. Sed nostram sententiam tenent autores illi, quos pro se citat vltima opinio, vt constabit eos legẽti, videbit nanq. (nisi ego fallor) de solis habitibus cõcedere, quod simul esse possint, non de assensibus. Et hic est sensus D. Th. præsertim in vltimo loco, si verba eius attentẽ considerentur.

Vt autem eam simul explicemus, & probemus, notandum est scientiam, & opinionem affirmantem veritatẽ eiusdem propositionis, non esse oppositas cõtradictoriæ, nec priuatiuẽ, imo neque villo genere oppositionis, quia contradictoriæ non possunt opponi ea, quorum vtrunq. affirmat, sed nec iudicia vtriusq. necesse est, contradictoriẽ opponi, ita vt per iudicium scientiæ dicatur propositionem non posse aliter se habere, per iudicium vero opinatiũm posse aliter se habere. Nam vt benẽ probant secunda, & tertia sententia, necessarium non est, vt tale iudicium reperitur in opinante, sed sæpẽ non reperitur, & aliquando reperitur contrarium, sed nec opponuntur priuatiuẽ, quia assensus opinionis non caret euidentiã, nec ea propriẽ priuatur, sed quandam negationem eius dicit, sicut quælibet species dicit negationem alterius, & non propterea dicuntur priuatiuẽ, aut contradictoriẽ opponi, sed diuersas esse. Et ita se habet scientia, & opinio, sed nec omni-

33 no diuersæ sunt, sed valdè similes, cum in eundem finem ordinentur, qui est firmare veritatem in intellectu, sed scientia id omnino efficit, opinio vero aliqua ex parte, sed non plenè, aut perfectè. Ideo solum distinguuntur, tanquam perfectum, & imperfectum, ut egregiè D. Th. in vltimo loco, quia scientia est quasi forma perfecta, opinio vero quasi dispositio ad illam, & has rationes perfecti, & imperfecti habet quilibet ex propria natura, & essentia. Sed perfectum, & imperfectum duobus modis repugnant, vel respectu duorum. Primo quidem respectu eiusdem forme, quia repugnat eandem formam esse, ex propria natura habitum, & dispositionem: & ita repugnat eandem qualitatem, vel habitum simul esse scientiam, & opinionem. Secundo, repugnant in ordine ad idem subiectum, quia impossibile est, quod idem corpus simul sit perfectè, & imperfectè calidum, aut eadem pars aeris perfectè, & imperfectè illuminata. Et hæc repugnantiam absque dubio habent scientia, & opinio respectu eiusdem subiecti, circa eandem propositionem, quia opinio non omnino, vel non plenè determinat intellectum ad veritatem eius, nec firmum, aut stabilem efficit, sed determinat quidem infirmo quodam, ac debili modo, & quasi indeterminatum aliqua ex parte relinquit, & hoc habet opinio quæcumque ex sua natura, & essentia, quomodocumq. habeatur, etiam per medium probabile, reputatum necessarium. Scientia vero plenè, atq. perfectè, & omnino determinat intellectum, ad veritatem propositionis demonstratæ, omnino etiam firmum, ac stabilem reddit.

Ex quibus utraq. pars nostræ sententiae efficaciter probari potest. Pri-

mo quidem, quod scientia, & opinio simul esse non possint secundum actus, vel assensus aduersus. Secundà, & tertiam opinionem hoc argumeto. Impossibile est, aliquid simul esse plenè, atq. omnino determinatum, & non plenè, atq. omnino determinatum circa eandem rem, cum contradictoriæ hæc opponantur. Sed per assensum scientificum plenè, atq. omnino determinatur intellectus ad veritatem propositionis demonstratæ, firmus, & stabilis in ea redditur, & per assensum opinionis, nec omnino determinatur, nec firmus, & stabilis efficitur; ergo repugnat simul esse in intellectu circa eandem veritatem. At dices pro 3. opi. concludere argum. hoc respectu eiusdem mediij, sed per diuersa media non repugnare, quod utroque modo simul se habeat. Sed probatur efficaciter, quod etiam per diuersa media repugnet, quia, simul esse conuictum intellectum, & non esse conuictum circa eandem veritatem, vndeunque id proueniat, siue per idem, aut diuersum medium plenè repugnat, cum sint esse simul, & non esse respectu eiusdem, ergo non tollit difficultatem arg. quod id fiat per diuersa media. Et si per diuersa media id fieri potest, sequitur assensum scientificum, & erroneum simul esse posse circa eandem propositionem, ita ut simul iudicet intellectus veram esse, & falsam, veram quidem per demonstrationem, falsam vero per syllogismum probabilem. Tunc enim cessabit oppositio, quia solum dicitur respectu eiusdem, non respectu diuersorum mediorum, quæ tamen absurda sunt.

De habitibus vero, facile probari potest, quia non dicunt actualem determinationem intellectus ad veritatem, sed quasi potentialem, & habi-

tualet, non repugnat autem intellectum esse imperfectè determinatum actu, & posse plenè determinari, licet plena determinatio actualis repugnet cum non plena. Vnde diuersis temporibus esse in eodem intellectu plena, & non plena determinatio nullam continet repugnantia. Sed continet maximam eodem tempore reperiri.

55 Ad arg. Scoti, quo probabat repugnantiam habituum, neganda est consequentia, quia licet actus, & habitus versentur circa idem obiectum, & per idem medium, longè diuersas rationes habent, quia habitus tãquam inclinatio, & quasi potentia ad actum, actus vero per actualem attingentiã obiecti, sed non repugnat aliquè habere simul inclinationes ad actus repugnantes, quos potest exercere diuersis temporibus, licet repugnet simul exercere vtrunque: vnde licet repugnet actus, aut assensus opinionis, & scientiæ esse simul, non repugnat simul esse habitus.

56 Ad arg. Durandi concessa maiori, & minori, neganda est consequentia, quia repugnantia assensuum opinionis, & scientiæ non consistit in oppositione iudiciorum, de quibus bene probatur, non esse necessarium, quod simul habeantur. Sed in eo, quod ratio opinionis essentialiter, est imperfecta non omnino determinans intellectum ad veritatem, neq. cum firmans in ea, ratio vero scientiæ essen-

tialiter perfecta est circa idem: cum plenè, atq. omnino determinet intellectum, cumq. in eadem veritate firmet. Firmum autem esse intellectum, & stabilem in eadem veritate, & infirmum simul, ac debilem repugnat, & pariter simul esse omnino determinatum, & indeterminatum. Et hoc siue per idem, vel diuersum mediũ, & idèò repugnat simul esse opinionem, & scientiam circa eandem propositionem in eodẽ intellectu. Itaq. licet actualis timor non sit opinio ni intrinseca, & licet possit haberi per medium verè probabile, sed exiſtimatum necessarium, quæ concedenda sunt. Nihilominus ex propria ratione intrinseca habet assensum opinionis, non omnino determinare intellectum, nec firmare in veritate. & idèò non potest esse simul cum assensu scientiæ plenè eum determinante ac firmante, sed adueniente hoc, & cum eo plena determinatio intellectus, cessat ille, quia cessat omnis indeterminatio, & aliqua pertinet ad eius essentia, & idèò cessante omni, cessat aliqua, & ex cõsequenti cessat assensus, aliqua ex parte indeterminatus, atq. infirmus, sicut cessat debilitas membrorum adueniente fortitudine, & cessat infirmitas adueniente sanitate, & ex his constat soluta esse argum. vltimæ opinionis, & hæc de opere posterioris resolutionis adnotasse sufficiat.

Finis huius operis.

SELE

SELECTA QVAEDAM EX LIBRIS TOPICORVM

ARISTOTELIS, QVIBVS LIBERALIVM
Artium studiosi florentissimæ huius Academiae Complutensis
satisfacere possint consuetis Magistrorum interrogationi-
bus in examine pro Bacalaureatus
gradu subeundo.

De fine, ac diuisione horum librorum.

IN IS, quem in his octo
libris Topicorum inten-
dit Aristoteles est metho-
dum tradere probabiliter
disputandi de quocunq-
themate, seu problemate oblato. Et
quia vniuersale, ac præcipuum instru-
mentum topicæ disputationis est ra-
tiocinatio Dialectica, quam voca-
mus topicum syllogisimum, duo agit
in toto opere, vt vniuersalem eius di-
uisionem proponamus. Primo, expli-
cat naturam syllogismi dialectici, &
partes, ex quibus compõitur. Secun-
do, quia syllogismus iste topicus, hoc est
localis dicitur, locos omnes, ex qui-
bus argumentorum probabilitatem co-
piam deducere possimus copiose tra-
dit, & explicat, vt ita instructus dia-
lecticus, quacumq. disputationem
de reb. probabilibus instituere pos-
sit. Nos igitur breui quadã summa tra-
dere cupientes, ea quæ necessaria sunt
ad artem topicam intelligendam, &
liberalium artium studiosos instruën-
dos, vt satisfacere possint consuetis
interrogationibus subeundi exami-
nis. Duo alia eodem ordine præstabi-
mus. Primum, quidnam dialecticus
syllogismus sit explicantes, quæ, &
quot sint partes, ex quibus compo-
ni

debeat, simplices quidẽ, quales sunt
prædicata topica, atq. etiam compo-
site, vt problema dialecticum, & dia-
lectica propositio, de quibus Aristote-
les agit per octo priora capita pri-
mi lib. Deinde loca ex quibus eruën-
da sunt probabilia argumenta summa-
tim colligemus, enumerabimus, atq;
explicabimus.

Quodnam sit obiectũ huius ope- ris, & ordo eius cum cæteris partibus dialecticæ ex- plicatur.

EX his facile potest intelligi, quod
nam sit obiectum huius operis, nã
si omnia, quæ in eo tractantur, vel sũt
partes syllogismi dialectici, vel lo-
ca, ex quibus argumentorũ probabi-
lium copia deduci possit, quæ etiam
ad cõpositionem eiusdem syllogis-
mi ordinantur. Scopus totius operis,
eius naturam, & proprietates inten-
dit Aristoteles in eo explicare, idem
syllogismus erit, & ex consequenti
subiectum, seu obiectum eius pro-
prium. Nam præcipuæ conditiones
obiecti istius sunt. Ordinẽ etiam, quẽ
libri topicorum seruent inter ceteras
partes Logicæ, & locum eis inter cæ-
teras

Selecta ex libris Topicorum;

teras debitum nō erit difficile intel-
ligere, secuntur enim proximē post
libros de posteriori resolutione nu-
per à nobis explanatos. Cuius ea est
ratio, quia inter species syllogismo-
rum, post demonstrationem in eisdē
libris explicatam dignior est syllo-
gismus dialecticus, & ideo tractatus
iste de eo, tanquam de proprio ob-
iecto agens statim post eisdem li-
bros debet collocari.

Quid sit, pradicatum diale- cticum.

- 3 **S**implicia ex quibus proximē com-
ponuntur problema, ac propositio
dialectica, & remote dialecticus syl-
logismus sunt pradicata topica, seu
dialectica (quod idem est) de quibus
agit Aristoteles. cap. 4. primi li-
bri, ubi ea enumerat, & singula pro-
prijs definitionibus explicat. Pradi-
catum topicum sic possumus in gene-
re definire, est præcipua pars, ex qua
componitur problema, ac propositio
dialectica, præcipuam partem illud
vocamus ad distinctionem subiecti,
ex quo eadem propositio dialectica
componitur, nam copula propositionis
non tam partem nunc vocare vo-
lumus, quam nexum utriusq; partis,
quo copulatæ propositionem com-
ponunt.

Quotuplex sit pradicatum dialecticum.

- 4 **V**identur ex una parte pradicata
dialectica esse quinque propter
hoc argum. quia pradicatum distin-
gitur à pradicabili, tanquam actus
à potentia, sed actus, & potentia eo-
dem modo numerari debent, quia po-
tentia sumit unitatem, ac distinctio-
nem ab actu: ergo tot erunt pradi-
cata, quot pradicabilia, constat autem

ex Porphyrio pradicabilia esse quin-
que, ergo quinque, etiam debent esse
pradicata.

Ex alia vero parte videtur esse
decem propter secundum argum. quia
pradicamentum non est aliud, quam
pradicatorum series, & ordinatio,
ergo idem erit numerus pradicato-
rum, & pradicamentorum, constat au-
tem decem esse pradicamenta ex Arist.
ergo ponenda sunt decem pradicata.

His tamen non obstantibus nostra
sententia est, quatuor tantum esse
pradicata topica, Vt Aristoteles ex-
presse docet 1. lib. cap. 4. definitio,
genus, proprium & accidens, ita vt
nec plura addenda sint, neq. aliquid
ex his auferendum. Tota autem diffi-
cultas huius rei consistit in assignan-
da ratione, propter quam Arist. qua-
tuor hæc pradicata posuit. Pro cuius
explicatione notandum est, finem hu-
ius artis topicæ, vt diximus esse me-
thodum tradere probabiliter disputa-
tandi de quacunq; re proposita. Dis-
putatio autem tribus partibus constat
ita ordinatis, quæstione, seu inter-
rogatione, quam titulum disputationis
solemus vocare, sic dicentes, Vtrū
cælum sit incorruptibile, vel non,
aut quid simile. Deinde locis ex quibus
errenda sunt argumenta probabi-
lia, quibus medijs dubiam reddamus
quæstionem, & tertio loco argu-
mentis ipsis, quæ sunt syllogismi dia-
lectici, ex propositionibus dialecticis
compositi. Propositio autem dia-
lectica; (vt postmodum dicetur) est
altera pars problematis. Problema-
ta vero, & ex consequenti propositio-
nes dialecticæ ex pradicatis sunt,
quia non est aliud problema, quam
quæstio, vel interrogatio, an aliquid
pradicatum conveniat tali subiecto,
vt dum dicimus, an cælum sit incor-
ruptibile, vel nō, idem est, ac si quæ-
ramus,

ramus, an hoc prædicatum incorruptibile conveniat cælo, vel non. Vnde sequitur prædicatum topicum nõ esse aliud, quã id quod de re aliqua quæri potest. Tot igitur erunt prædicata, quot quæst. possunt de re aliqua fieri, & tot etiã quæst. quot prædicata, & cum quæstio idem sit, ac problema, idem erit numerus prædicatorum, ac problematum. Et tãdem eum propositio, & problema formã tantũ interrogationis differant, quia problema est interrogatio vtriusque partis contradictionis, vt si dicas, Vtrum cœlum sit incorruptibile, vel non, problema efficit. Propositio vero interrogatio alterius partis tantum, vt putas ne cœlum est incorruptibile, tot sunt propositiones dialecticæ, quod problemata. Et ita intelligitur prædicatum dialecticum esse primum, ex quo numerus problematum desumi debet. Deinde ex numero problematũ, numerus propositionum dialecticarum. Et ita ex ordine ad problemata, & propositiones constituendas desumitur numerus prædicatorum. Et discursus iste deducitur ex 4. cap. 1. libri.

6 Quo supposito, hæc ratione probatur ab Aristor. quatuor tantum esse prædicata. Prædicatum est id, quod de re aliqua quæri potest ad disputationem dialecticam instituendam, sed quatuor tantum quæri possunt: ergo quatuor tantum sunt prædicata. Minorem probat, nam vel quærimus de aliquo definitionem, vt intelligamus naturam eius, vel genus, vt intelligamus in quonam prædicamẽto sit, vel proprietates, aut cõmunia accideria. Et nihil aliud quæri potest, quod ad hæc non reducat: ergo quatuor sunt prædicata, ita vt nec plura, nec pauciora. Et hæc sunt, definitio, genus, proprium, & accidens, quæ suis

definitionibus sic explicat c. 4. 1. lib. *Definitio est ratio, quid erat esse significans* Orationẽ esse dicit, quia non est propositio, cum nec verum cõtineat, nec falsum, vt animal rationale. Vocat etiam definitionem terminum sumpta metaphora ex terminis agrorum, nam ad quemlibet, solum, & totum pertinet illud, quod intra terminos clauditur, ita vt nihil eius extra sit, sed totũ, quod habet, intra terminos comprehendatur, sic definitio continet, quidquid pertinet ad essentiam rei, ita vt nihil eius sit extra, nec aliquid sit eius, quod intra illam nõ cõprehendatur, & ideo vocatur ab Arist. terminus. Genus inquit est. *Quod prædicatur de pluribus differentiis specie inquit.* Vt animal. Proprium. *Quod nõ indicat, quid est esse rei, soli autem inest, & cõuersim prædicatur.* Vt risibile, respectu hominis. Accidens est. *Quod nec est definitio, nec genus, nec proprium, inest autem rei, aut etiam.* *Accidens est, quod inest, & non inesse eidem potest.* vt albedo respectu parietis. Si autẽ dixeris vltra has quatuor quæst. aut interrogationes, seu problemata, quæ generales esse videntur, plura possunt specialia quæri de re, vt an sit homo, an sit leo, an sit substantia, & innumera alia; ergo plura, quã quatuor, imo innumera prædicata debent concedi. Et præterea generalia prædicata adhuc sunt plura, quia sicut quærimus de genere alicuius rei, vt vtrum animal sit genus hominis necne. Ita possumus quærere de eius differentia, nempe an rationale sit differentia hominis, atque etiam de specie, vt an homo sit species Petri, aut Ioannis, vel etiam an sit species animalis: ergo duo alia prædicata generalia sunt addenda, nempe species, & differentia.

7 Circa primam partem arg. de interrogationibus specialibus asserit Ro-

Selecta ex libris Topicorum:

Rodolphus Agricola lib. 1. de Inventione dialectica cap. 3. errasse Aristotelem in assignando numero prædicatorum, quia sicut plura sunt genera problematum particularium, ita plura debent constitui prædicata, quam quatuor. Sed plus mihi videtur errasse hunc autorem reprehendendo Aristotelem, quia vera solutio ex doctrina eiusdem Aristotelis 1. lib. topicorum cap. 4. & lib. 7. cap. ultimo ad finem colligenda est. Quibus locis duo asserit, primum, quod cum problema ordinentur ad disputationem dialecticam, cuius finis est determinatio eiusdem problematis, circa quod disputatur, ita ut prædictis probabilibus argumentis pro utraque parte tandem decernatur, utra earum sit probabilior. Omnia problemata, quæ eisdem argumentis, & eodem modo determinantur, ad idem genus problematis pertinent, & omnia prædicata eorum sub eodem ex quatuor designatis comprehenduntur. Et ideo in illo loco asserit, differentiam, si generalis sit, hoc est, si de pluribus speciebus prædicetur sicut genus, cum genere esse connumerandam, & non esse addendum pro ea aliud prædicatum. In 2. vero loco docet questionem accidentis finire, aut determinari, ex eo solum, quod quis probet convenire subiecto. Ex qua doctrina deducimus nos omnia problemata specialia, quæcumque illa sint reduci ad problema accidentis. Et omnia prædicata eorum ad prædicatum accedentis. Et ratio huius deductionis est, quia in omni problemate speciali queritur: an hoc prædicatum conveniat tali subiecto, vel ei insit, necne, quod patet habere modum interrogationis, aut problematis accidentis, quod solum querimus, an accedens conveniat, vel insit subiecto. Et eisdem

prorsus argumentis finiuntur, aut terminantur, quia si inquiras an animal conveniat homini, necne; vel an homo conveniat Petro necne, sufficienter determinatur, & disputatio eius finita erit, si probemus utrumque ei inesse, quamvis nec probetur esse de essentia eius, aut cum eo converti. Nec alio modo specialiter ei convenire; ergo ad formam problematis accedentis talis reducuntur, & prædicata eorum sub prædicato accidentis comprehenduntur, nec opus est alia multiplicare.

Ex eadem doctrina Respondere possumus ad aliam partem eiusdem argumenti de specie, & differentia, quod si differentia sit subalterna ad prædicatum generis reducitur, si vero infinita ad prædicatum definitionis. Species vero ad prædicatum generis, & ratio omnium est, quia eisdem argumentis definitur questio generis, & differentie subalterne cum utrumque prædicetur de pluribus differentibus specie in quid. Eisdem namque argumentis probamus animal esse genus hominis, & sensibile differentiam subalternam eius, atque etiam hominem esse speciem Petri, & Ioannis, quia sicut genus prædicatur in quid de speciebus, ita species de individuis. Eisdem etiam probamus animal rationale esse definitionem hominis, & rationale esse differentiam atomam eius. Quod vero ad speciem attinet, satis etiam probabiliter respondet Albertus Magnus tract. 2. topicorum ca. 2. in fine, & Scotus q. 5. vniuersalem ad primum non esse inter prædicata enumerandam, quia prædicata sumuntur per respectum ad subiectum commune, quod non respicit species. Sed singularia. Et ratio huius est, quia prædicata, ut dicebamus, ex propria ratione ordinantur ad constituenda problemata, & propositiones dialecticas, & utrumque

ho-

horum ad conſtituendum ſyllogiſmum dialecticum, qui non conſtituitur per ſe ex propoſitionibus ſingularibus, ſed de ſubiecto communi, in quibus ſolis reperiri poteſt forma ſyllogiſtica ex modo, & figura conſtans, vt per ſe eſt manifeſtum.

II Ad primum argumentum de prædicabilibus, diſtinguendum eſt antecedens, nam prædicatum vniuerſaliter ſumptum diſtinguitur à prædicatione, ſicut actus à potentia, & ideo eodem modo numeratur, ac prædicabile, ſed prædicatum ſumptum ſpecialiter pro topico, non reſpicit prædicabile, vt potentiam. Sed ſolum pro actuali ſumitur, & modo quidem ſpeciali, à generali prædicato diſtincto, hoc eſt in ordine ad quæſtionem, ſeu problema inſtituendum, vnde alio etiam modo diuerſo numerantur, diuerſumq. ſortitur numerum à prædicabili. Atque etiam à prædicamento, quod eſt ordinatio prædicatorum, vt ſub ratione generali conſiderantur, non ſub ſpeciali, & topica, ad ſpecialem etiam finem iam explicatum ordinata; quare non ſequitur, ex eo quod prædicamenta ſint decem, tot debere eſſe prædicata topica, & hæc eſt ſolutio ſecundi argumenti.

Quid ſit, & quotuplex problema dialecticum.

12 ARIſtoteles 1. lib. cap. 3. definit problema dialecticū dicens eſſe interrogationem, ſeu quæſtionem vtriuſque partis contradictionis, vt ſi dicas, vtrum animal grefſibile bipes ſit definitio hominis, necne. Quatuor autem ſunt genera problematum, vt cap. 3. & 4. aſſerit idem Ariſtoteles, ſicut quatuor ſunt prædicata, vt problema definitionis, quale eſt illud ex definitione hominis

aſſignatum. Problema generis, vt ſi dicas, vtrum animal ſit genus hominis, necne, problema proprii, vt dum dicimus, vtrum riſibile ſit proprium hominis necne, & tandem problema accidentis, vtrum albedo ſit accidens parietis, necne. Cap. etiā 9. cuiusdem lib. diuidit etiā problema dialecticum vniuerſaliter Ariſt. dicens, aliud eſſe prædicum, quod pertinet ad electionē, vel fugam, vel aliquid de proſequendo, aut fugiendo dicit, hoc enim ad praxim, aut operationē ordinatur, & ideo dicitur prædicum, tale eſt hoc, vtrum voluptas ſit eligenda, vel non. Aliud vero eſt ſpeculatiuum, quod nihil de proſequendo, aut fugiendo continet, nec ad operationem ordinatur, ſed ſolum ad cognitionem veritatis, vt ſi dicas, vtrum cælū ſit incorruptibile, vel non. Alia etiam diuiſione poteſt diuidi problema ſecundum materias diuerſarum ſcientiarum, in quibus reperitur, quæ ratione ducimus aliud eſſe problema phyſicum, vt an. *Principium motus, & quietis eius in quo eſt.* Sit definitio naturæ, necne. Aliud metaphyſicum, vt ſi dixeris, vtrum ens ſit vniuocum reſpectu ſubſtantię, & accidentis, necne, ſed formalis conſideratio omnium problematum, ſecundum quam reducuntur ad quatuor illa ex diuerſis prædicatis deſumpta, dialectici propria eſt, quia ad ſolum dialecticum pertinet docere omnes, quonammodo diſputatio ſit inſtituenda, & quibus inſtrumentis in ea vtendum ad conſequendam notitiā veritatis, de qua diſputatur.

Quidnam ſit propoſitio dialectica, & quotuplex, & quomodo diſtinguatur à problemate.

Triā

Tria hæc tradidit Arist. lib. 1. cap. 3. in fine, sic in primis definiens propositionem dialecticam, quod sit quasi propositio alterius partis contradictionis, ut si dicas, putas ne animal rationale, esse definitionem hominis. Differre autem à problematæ ait, non res, sed modo, quia propositio, ut vocabuli ætimologia ostendit proponit alteri aliquid, ut eidem rei propositæ respondeat, explicans quidnam de illa iudicet, vel sentiat. Problema vero modum habet quæst. & utrâq. partem per modum quæst. agendam proponit, ut si dicas, utrum animal rationale sit definitio hominis, nec ne, itaque propositio dialectica interroget per modum simplicis propositionis, non per modum quæst. & unam tantum partem: cum problema utramque, & per modum quæst. interroget. Sed duobus modis solet proferri, vel formaliter utramque partem interrogando, ut in assignato exemplo, vel formaliter unam, & virtualiter alteram, ut si solum dixeris, verum animal rationale, sit definitio hominis, & hoc modo proferuntur problemata in communi usu scholæ, quoties quæst. aliqua disputanda proponitur, & brevitatis studio, absque dubio fit, eo quod iam ab omnibus intelligitur altera etiam pars interrogata ex modo ipso problematicæ interrogationis.

25 Vbi advertere debemus, quod Aristoteles. 1. lib. priorum cap. 1. non distinguit propositionem dialecticam à problematæ, imo neque à propositione probabili, cum dixerit esse interrogationem contradictionis, quod problemati proprium est, & rursus propositionem dialecticam percunctantem esse interrogationem contradictionis, rationantem vero esse symptomem apparentis, & probabilis. Ideo

remisit distinctionem horum trium ad cap. 3. lib. 1. topico. quem citavit dicens, utan topicis dictum est, Vbi proprius erat locus distinguendi hæc, eo modo, quo à nobis distincta sunt. Propositio dialectica quadruplex est, sicut de problematæ dixim, definitio nis, generis, proprii, & accidentis, definitionis est hæc. Putas ne animal rationale est definitio hominis. Proprii putas ne risibile est propria passio hominis. Generis, putas ne animal est genus hominis, accidentis. Putas ne albedo est accidens hominis.

16 Sed valde notandum est in hac parte propositionem sub hac generali ratione sumptam, solum significare enuntiationem, ut proponitur in syllogismo ad inferendam conclusionem. Quæ si proponatur primo loco dicitur propositio simpliciter, aut propositio, seu præmissa maior, vel prima pars antecedentis, si secundo loco, dicitur assumptio, quia sub propositio ne maiori, sub qua continetur, assumitur, dicitur etiam minor propositio, aut præmissa minor, ac secunda, vel posterior pars antecedentis. Et si in syllogismo demonstratio proponatur dicitur principium, si in syllogismo dialectico propositio probabilis, & propositio apparens, si in syllogismo sophistico. Propositio vero dialectica præter enuntiationem addit modum propositionis, quasi per modum dubitantis, & problema modum interrogantis, ut explicatum est.

Ex quibus intelligitur tam propositionem dialecticam, quam problema, atque etiam propositionem probabilem deferuire ad disputationem instituendam, sed diuersa ratione, nam problema dialecticum deferuit per modum quæst. propositæ ad disputandum, & ideo primum locum tenet, & quasi caput totius disputationis vocatur.

atur. Propositio vero dialectica deservit, quasi pro interrogatione ad respondentem facta, ut per eam respondens proferat aliam, qua media quid de re proposita sentiat, explicet, & ex data responsione possit interrogans occasionem sumere disputandi in unam, vel alteram partem propositæ quæst. Propositio vero probabilis deservit iam ad constituendum syllogismum, quo possit intentum probari, & quæst. terminari, aut definiri. Itaque problema, & propositio dialectica sub propriis rationibus formalibus ad instituendam disputationem pertinent, non tamē ad syllogismum dialecticum, nisi solū antecedenter, & quasi præsuppositivē, sola autem propositio probabilis pertinet ad eandem disputationem, tanquam pars syllogismi dialectici. Vbi advertere debemus, quod Arist. hoc loco distinguit propositionem a problemate dicens, problema utramque partem interrogare.

Quid sit, & quotuplex propositio probabilis.

18 Probabile definit Arist. lib. 1. c. 1. his verbis. Probabilia autem sunt, quæ videntur omnibus, aut plurimis, aut sapientibus, & his, vel omnibus, vel plurimis, vel maxime familiaribus, & probatis. Quod intelligitur, aut propter rem ipsam, quæ ex se apparet vera, vel propter verisimilem aliquam rationem. Itaque probabile nō est idem, quod verum, nec etiam, quod necessarium, aut certū, sed quod apparet verū omnibus, aut pluribus, aut sapientibus. Sunt enim propositiones in triplici differētia, nam quedam sunt evidenter veræ, & quarum veritas evidenter est cognita, aliæ evidenter falsæ, & quarum etiam falsitas evidenter cognoscitur. Aliæ vero medium tenent, quia

veræ sunt, aut falsæ, sed veritas, vel falsitas earum non est evidenter nota, quia causa eius, aut ignoratur, aut non plenē cognoscitur, & ideo pluribus apparent veræ, & aliis etiam contingit apparere falsas, quia verisimilis ratio, pro utraque parte esse solet, & istæ dicuntur probabiles. Et ecce quo pacto probabilis propositio distinguitur a propositione, vera, certa, necessaria, & falsa, quia fieri potest, ut secundum rem sit necessaria, veritatem habens necessariam, vel in re sit necessario falsa, habens necessariam causam suæ falsitatis, & tamen probabilis sit, propter verisimilitudinem, aut apparentiam veritatis, quam habet, vel propter verisimilem rationem, qua probari potest. Ut intelligatur formalem rationem probabilis propositionis, nō tam in re ipsa consistere, quam in apparentia, vel apparenti ratione respectu plurium, vel sapientum, ut docuit Arist.

Vnde sequitur, quod quamvis repugnet duas contradictorias esse simul veras, non repugnat esse simul probabiles, quia sæpe contingit, ut quælibet habeat pro se viros doctos, quibus vera appareat, & etiam verisimiles rationes, quibus probetur. Sed in re necesse est aliquam earum esse falsam. Non tamen est necessarium (ut aliqui decepti existimant) quod si una propositio est probabilis, eo ipso probabilis etiam sit eius contradictoria, cū manifestum sit posse contingere, quod illa appareat viris doctis, & verisimiles rationes pro se habeat. Hæc vero nulli appareat vera, nec aliqua verisimilis ratio inuenta sit, per quam probetur.

Propositio probabilis duplex est, quædam per se, alia vero propter aliam, ex qua deducitur. Per se probabilis illa dicitur, cuius probabilitas ex sa

20
 21
 22
 23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543
 544
 545
 546
 547
 548
 549
 550
 551
 552
 553
 554
 555
 556
 557
 558
 559
 560
 561
 562
 563
 564
 565
 566
 567
 568
 569
 570
 571
 572
 573
 574
 575
 576
 577
 578
 579
 580
 581
 582
 583
 584
 585
 586
 587
 588
 589
 590
 591
 592
 593
 594
 595
 596
 597
 598
 599
 600
 601
 602
 603
 604
 605
 606
 607
 608
 609
 610
 611
 612
 613
 614
 615
 616
 617
 618
 619
 620
 621
 622
 623
 624
 625
 626
 627
 628
 629
 630
 631
 632
 633
 634
 635
 636
 637
 638
 639
 640
 641
 642
 643
 644
 645
 646
 647
 648
 649
 650
 651
 652
 653
 654
 655
 656
 657
 658
 659
 660
 661
 662
 663
 664
 665
 666
 667
 668
 669
 670
 671
 672
 673
 674
 675
 676
 677
 678
 679
 680
 681
 682
 683
 684
 685
 686
 687
 688
 689
 690
 691
 692
 693
 694
 695
 696
 697
 698
 699
 700
 701
 702
 703
 704
 705
 706
 707
 708
 709
 710
 711
 712
 713
 714
 715
 716
 717
 718
 719
 720
 721
 722
 723
 724
 725
 726
 727
 728
 729
 730
 731
 732
 733
 734
 735
 736
 737
 738
 739
 740
 741
 742
 743
 744
 745
 746
 747
 748
 749
 750
 751
 752
 753
 754
 755
 756
 757
 758
 759
 760
 761
 762
 763
 764
 765
 766
 767
 768
 769
 770
 771
 772
 773
 774
 775
 776
 777
 778
 779
 780
 781
 782
 783
 784
 785
 786
 787
 788
 789
 790
 791
 792
 793
 794
 795
 796
 797
 798
 799
 800
 801
 802
 803
 804
 805
 806
 807
 808
 809
 810
 811
 812
 813
 814
 815
 816
 817
 818
 819
 820
 821
 822
 823
 824
 825
 826
 827
 828
 829
 830
 831
 832
 833
 834
 835
 836
 837
 838
 839
 840
 841
 842
 843
 844
 845
 846
 847
 848
 849
 850
 851
 852
 853
 854
 855
 856
 857
 858
 859
 860
 861
 862
 863
 864
 865
 866
 867
 868
 869
 870
 871
 872
 873
 874
 875
 876
 877
 878
 879
 880
 881
 882
 883
 884
 885
 886
 887
 888
 889
 890
 891
 892
 893
 894
 895
 896
 897
 898
 899
 900
 901
 902
 903
 904
 905
 906
 907
 908
 909
 910
 911
 912
 913
 914
 915
 916
 917
 918
 919
 920
 921
 922
 923
 924
 925
 926
 927
 928
 929
 930
 931
 932
 933
 934
 935
 936
 937
 938
 939
 940
 941
 942
 943
 944
 945
 946
 947
 948
 949
 950
 951
 952
 953
 954
 955
 956
 957
 958
 959
 960
 961
 962
 963
 964
 965
 966
 967
 968
 969
 970
 971
 972
 973
 974
 975
 976
 977
 978
 979
 980
 981
 982
 983
 984
 985
 986
 987
 988
 989
 990
 991
 992
 993
 994
 995
 996
 997
 998
 999
 1000

saltem ex altera procedere debeat
 nam sapè contingit, vt ex vna euidē
 ti, & altera probabili efficiatur. Ta-
 lis est enim iste, omne animal diligit
 sibi simile, omnis homo est animal; er-
 go omnis homo diligit sibi simile.
 Conuenit autem cum syllogismo de
 monstratio in communi, & generi-
 ca ratione dispositionis in modo, &
 figura, distinguitur autem ab eo spe-
 cie, per modum concludēdi, nam de-
 monstratio concludit per mediū ne-
 cessariū, hoc est per causam, vel effe-
 ctum necessarium; probabilis vero
 per medium probabile, quia nec red-
 dit causam, nec effectum conclusio-
 nis necessarium, sed solum probabi-
 le, hoc est, quod tale apparet plurib⁹
 aut sapientibus, vt explicatum est.
 Itaque non distinguuntur per solam
 materiam, vt probauimus in poste-
 rioribus, sed per formam specialem,
 ex modo speciali cōcludendi desum-
 ptam: cum in forma generica dispo-
 sitionis syllogisticæ conueniant. A
 syllogismo vero sophistico distin-
 guitur per formam veram, aut appa-
 rentem, atque etiam per probabiles,
 aut apparentes propositiones, nam ex
 illis procedit dialecticus, sophisticus
 vero ex his: Sed diuersum quid est
 procedere; ex probabilibus, aut ex
 apparentibus, nam licet probabilis
 propositio sit illa, quæ apparet vera,
 licet forte vera non sit, nō tamen cui-
 cumque, sed sapientibus. Et propter
 fundamentum verisimilis rationis,
 vel propter verisimilitudinem eius-
 dem veritatis. Apparentia vero ex
 quibus procedit syllogismus sophi-
 sticus, nec respectu sapientum dican-
 tur, talia, nec etiam vera apparent cū
 fundamento rationis probabilis, aut
 cū verisimilitudine eiusdem verita-
 tis, sed cuiusq; & sine his fundamen-
 tis, vnde solam, & nudam, habent appa-
 ren-

*Quidam sit syllogismus, topicus,
 aut dialecticus.*

Explicatis singulis partibus syllo-
 gismi dialectici, non erit difficile
 definitionem eius intelligere, quam
 assignauit Arist. cap. i. lib. i. topico-
 rum his verbis, Dialecticus autem syllo-
 gismus est, qui ex probabilibus est collectus,
 nescit, quod ex propositionibus probabilibus
 procedens, probabilem etiam conclusionem
 colligit. Quæ sic intelligenda est, vt
 ex vtraque præmissa probabilis, vel

parentiam veritatis, & ideo decepto-
rix propriè dicuntur, & syllogismus
ipse ex his apparëtibus procedens vo-
catur etiã deceptorius.

*Enumeratio, atq; explicatio loco-
rum, ex quibus deducitur arg.
probabilia pro disputatione
inuenta.*

HOC solum restabat explicandũ,
ex his, quæ pertinent ad disputa-
tionem dialecticam instituendã, nem-
pe locus, à quo desumenda sint prob-
abilia arg. vel syllogismi. Explica-
tis namq; & cognit. his locis, facile
erit cuique argumeta probabilia in-
uenire, quibus in disputationibus uti
possit. Et licet vsus locorum ad quã
cumq; scientiam pertineat secundum
applicationem ad propriam materiã,
eorum autem explicatio ad solã dia-
lecticam, cuius proprium minus est
methodũ præbere omnibus scientiis,
ac disciplinis ad disputationem in-
stituendam.

Locus autem, à quo eruuntur argu-
menta, diuiditur in intrinsecũ, & ex-
trinsecũ. Locus intrinsecus vocatur
ille, qui ad substantiam rei pertinet,
vel substantiam eius comitatur. Quæ
ad substantiam pertinet, sunt definitio,
genus, differentia, aut pars aliqua
rei, ut materia, & forma, vel partes in-
tegrantes, ut caput manus, aut bra-
chium: quod vero comitatur substantiam,
aut est totum, quod ideo comitari
dicitur substantiam rei, quia in-
cludit partes, aut descriptio ipsius
rei, aut proprium rei, aut accidens,
aut subiectum illius, unde loci intrin-
seci, tantum sunt nouem. Definitio,
genus, differentia, partes, totum, des-
criptio, proprium, accidens, & subie-
ctum.

Locus extrinsecus dicitur ille, qui

nō est in ipsa re, nec ab ea procedit,
sed ex aliquo extrinseco desumitur.
Locus autẽ extrinsecus diuiditur in
eum, qui habet aliquam affinitatem
cum ipsa re, & in eum, qui habet ali-
quam repugnantiam cum ea. Loci ex-
trinseci habentes affinitatem sunt cõ-
iugata, similia, causæ extrinsecæ nem-
pe efficiens, & finalis, effectus extrin-
secus, maius, minus, autoritas diuina,
vel humana. Loci vero extrinseci re-
pugnantes sunt contraria, disparã, &
dissimilia. Vnde loci extrinseci unde
cim sunt, quos si cum nouem extrin-
secis cõiugamus, inueniemus locos
omnes, tam intrinsecos, quã extrinse-
cos viginti tantum esse, quos sygilla-
tim, sed breuissimè explicabimus. Ut
ratio singulorum intelligatur, & vsus
eorum reddatur facilis.

Locus primus à definitione.

Requens vsus est huius loci à de-
finitione in disputationibus, ex eo
quod essentiam definiti continet, &
cum eo conuertitur, ex quibus fit, ut
plures propositiones vniuersales de-
duci possint ex ea, quæ vocantur ma-
ximæ, & quasi capita, sub quibus plu-
res particulares desumuntur ad in-
stituendos syllogismos dialecticos.
Eti quæstio proposita, circa quã dis-
putatur, sit absoluta, possumus assu-
mere in argumentatione definitionẽ
subiecti, aut prædicati, aut vtriusq;
ex quibus deducuntur maximæ affir-
mativæ, & negatiuæ, affirmatiuæ sũt,
quidquid conuenit definitioni, con-
uenit definito, & quidquid potest
conuenire definitioni, potest conue-
nire definito, & aliæ similes. Negati-
uæ, quod non conuenit definitioni,
non conuenit definito, & quod non
potest conuenire definitioni, non po-
test conuenire definito. Gratia exem-
pli. Si proposita quæstio disputanda
sit, an dialectica sit necessaria ad a-

24

23

in lia

Selecta ex libris Topicorum.

alias scientias comparandas, subiectum huius questionis est dialectica: prædicatum vero necessarium. Possumus ergo uti definitione dialecticæ sic arguentes. Scientia docens argumenta conficere, necessaria est ad alias scientias comparandas, sed dialectica est scientia docens argumenta conficere; ergo necessaria est ad alias scientias comparandas. Et secundum proportionem possumus uti definitione necessarii, quod est prædicatum questionis, atque etiam definitione simul subiecti, & prædicati.

Si vero questio sit comparatiua, nempe, an necessitas ad alias scientias magis cõueniat dialecticæ, quam ceteris artibus, uti possumus definitione subiecti, atque etiam prædicati, vel utriusque, deducendo ex eis maximas quasdam similes præteritis, cum his aduerbiis magis, & minus. Ut si dicamus, cui magis cõuenit definitio magis cõuenit definitum, & cui non magis cõuenit definitio, non magis cõuenit definitum, & sic de ceteris.

Secundus locus à genere.

25 **E**isdem ferè modis uti possumus loco à genere, nam propter necessariam connexionem, quam habet cum speciebus deducuntur ab hoc loco plures maximè, ex quibus instituere possumus argumenta, ut sunt istæ, quæ essentialiter cõueniunt generi, etiam cõueniunt essentialiter speciebus, & quod repugnat generi, repugnat etiam speciebus, sicque de aliis iuxta modos arguendi à definitione explicatos. Et ad hunc locum generis reducitur locus speciei, quia similem habet connexionem, cum indiuiduis, & ideo non additur alter locus ab ea, sed eadem ferè maximè deduci possunt ac à genere, & eodem modo debent applicari ad formanda arg. ab specie.

Tertius locus à differentia

Valde similis est locus à differentia duobus præcedentibus à definitione, & à genere, nam duplex est differentia, subalterna, & atomata, et si subalterna sit, de eisdem speciebus prædicatur ac genus, & eandem habet connexionem intrinsecam cum eis. Quare eadem maximè ex ea deduci possunt, ac de genere. Si vero sit atomata cum definitione cõuenit in duobus. Primo, in eo quod intrinseca est speciei. Secundo, quia cum ea cõuertitur, unde similes etiam maximè ex ea deduci possunt, ac deducuntur ex definitione, & eisdem modis applicari debent ad syllogismos dialecticos conficiendos.

Quartus locus à partibus.

Partes sunt in triplici differentia, subiectiuæ, ut species respectu generis, essentialis, ut materia, & forma, aut genus, & differentia, & integrantes, ut caput, manus, & brachiū, & ex his quædam sunt necessariae ad consistentiam, totius sine quibus esse non potest. Ut caput, cor, & similes. Aliæ uero sunt necessariae, sed sine illis esse potest, ut manus, digitus, pes, & à primis potest deduci arg. à secundis deduci non potest, quia neque inferunt consistentiam totius, nec eam tollūt. A partibus plures maximè deduci possunt, propter necessariam connexionem, quam habent cum toto, & cum eis totum, ut sunt istæ, quod necessario committatur partem, necessario etiam debet committi totum, & quod repugnat parti, etiam repugnat toti. Et hæc accipiuntur ex parte subiecti propositæ quest. aliæ uero possunt sumi, ex parte prædicati secundum proportionem.

Quintus locus à toto.

Totum duplex est, aliud uniuersale, quod est uniuersale prædicatum

tum respectu inferiorum, quæ sunt partes eius subiectiua, vt genus respectu specierum, & terminus distributus signo vniuersali, vt omnis homo, respectu particularium, quæ sub eo continentur. Et ab hoc toto ad eius partes sumuntur omnia arg. quæ fiunt a superiori ad inferius negatiue, & in sumulis sunt manifesta. Aliud est totum essentiale, aut integrale, vt homo, equus, domus. Et ab hoc toto deduci possunt plures maximæ, & ex eis confici plures syllogismi, vt positoto toto necesse est poni omnes partes necessarias. Vnde valet arg. à positione totius ad positionem cuiuscunque partis necessariæ, & etiam ablato toto necesse est auferri aliquam partem necessariam. Vnde valet arg. à negatione totius, ad negationem alicuius partis necessariæ sub disiunctione, vt si deficit domus, aut non est fundamentum, aut non est tectum, aut non est aliqua alia pars necessaria.

Locus sextus à descriptione.

Descriptio est definitio, quam appellare solent descriptiuam, quia non explicat essentiam rei, nec per genus, & differentiam tradidit, sed per propriam passionem, conuertibilem tamen cum re descripta, vt animal aptum ad ridendum cum homine, & ideo omnes maximæ, quæ ex definitione deducuntur, ex descriptione deduci possunt, & eodem modo applicari ad syllogismos constituentes. Et quod de descriptione dicitur, de definitione quid nominis intelligi debet cum conuertatur etiam cum re, non tamen de ethimologia nominis, quia sæpè contingit diuersa esse, id à quo nomen imponitur, & id quod significat, quare non potest argumentum duci ab ethimologia ad rem significatam.

Locus septimus à proprio.

Propriū est, quod nō indicat, quid est esse rei, solum autem inest, & conuersim prædicatur, vt definit Arist. cap. 4. 1. lib. quasi dicat propriā passionem non pertinere ad quod quid est, seu rei essentiā, conuerti tamē cum ea sicut definitio conuertitur cum definito. Et ideo eisdem ferē modis, ea dem fere arg. deduci possunt à proprio, atq. à definitione, quia cui conuenit definitio, conuenit propria passio, & cui non conuenit propria passio, nec definitio conuenit, & sicut bene colligitur rem esse perfectiorem, quo perfectiorem definitionem habet. Ita quo perfectiorem habet passionem, cum hæc procedat ab essentia, tanquam à propria causa.

Locus octauus ab acciēti.

Accidens est quod adest, & abest subiecto præter corruptionem eius, vt definit ibidem Arist. Sed hæc definitio solum videtur conuenire accidentibus vere inhaerentibus, quæ ideo vocantur extrinseca, nihilominus alia, quæ solum videntur extrinsecam denominationem significare sub nomine accidentis, hoc loco debent intelligi, vt dextrum esse, vel sinistrum parietem, aut visum, vel intellectum, quia in modo denominandi. Similia sunt accidentibus intrinsicis. Ab accidenti deduci possunt plures maximæ, & ab his plura arg. vt si accidentia prædicati non conueniunt subiecto, non cohererebunt prædicatum subiecto, quo arg. vsus videtur beatus Petrus Actor. 2. probans discipulos non fuisse ebrios, quia tēpus illud tertie horæ diei non erat conueniens ebrietati, & ideo, nec discipulis cum eadē hora eis imponderetur ebrietas. Et bene probatur aliquem non occidisse alterum, si probatur eo tempore, quo occisus est, in eodem loco

m 2 occi-

occisionis non fuisse, sed alibi.

Locus 9. à subiecto.

DE subiecto inhærentis intelligitur locus iste, cui inhærent accidentia, non de subiecto prædicationis, cui potest prædicatum essentialiter conuenire, & ideo merito numeratur inter locos intrinsecos. Ab accidenti possunt deduci maximæ istæ, & similes, cui repugnant accidentia, etiã repugnat subiectum, vt si aliquid repugnat intellectus, etiã anima, & si repugnant corporea accidentia, etiã repugnabit corpus. Vbi subiectum est, ibi debent esse accidentia, & vbi non sunt accidentia, nec est subiectum, & motis nobis mouentur omnia, quæ sunt in nobis, idest accidentia. Et ex his, & aliis maximis multa possunt effici argu. à loco subiecti, & isti sunt omnes loci intrinseci, & secuntur extrinseci.

Locus 10. & primus inter extrinsecos, à coniugatis.

Coniugata dicuntur voces, quæ sub diuersa terminatione eandem formam significant, atq. participant, & propterea quasi idem iugum ducere videntur, vt iustus, iusticia, & iustè, & oēs casus per quos variatur idem nomen, & verbum. Ad hæc reducuntur alia, quæ eandem formam significant, licet diuersæ omnino sint voces vt iustus, & studiosus, quæ ita se habent, quantum ad rem significatam sicut iusticia, & iustus, ex his deducuntur istæ maximæ, & similes, quæ dicuntur de vno coniugatorum tuo etiam modo, & cum debita variatione dicuntur de alio, vt si Philosophus est sciens, Philosophi erit scientia, & de quo dicitur vnus coniugatorum, dicitur etiam suo modo alterum, & ex his ac similibus propositionibus possunt fieri multa arg. à coniugatis.

Locus 11. à simili

Similia sunt, quæ participant eandem formam, vt omnia alba, ad quæ reducuntur, quæ habent eandem proportionem, vt auriga, & dux, quia similem curam, quam habet auriga in suo curru, debet habere dux in exercitu. Ad similia etiam reducuntur æqualia, & ab eis deducuntur maximæ plures pro argumentis instituentis similes huius, cignus dillegat visum; ergo etiam paries albus. Sed semper debet fieri in his argu. à ratione formali similitudinis, & non ab aliis materialibus, quæ habere possunt similia, non est enim bonum arg. si dicamus cignus est avis; ergo etiam paries albus.

Locus 12. à causa.

Quadruplex est causa, finalis, efficiens, materialis, & formalis, sed locus iste, cum sit extrinsecus solam finalem, & efficiẽtem complectitur, non materialem, & formalem, quæ cum sint partes rei intrinsecæ, potius ad locum partium pertinebunt. Causa finalis est, cuius gratia operatur efficiens, & producit effectum, & causa efficiens, à qua effectus procedit. Maximæ, quæ ex eis deduci possunt, similes sunt his, posita causa necessario ponitur effectus, quæ intelligitur de causa actuali, & sufficienti, & non posito effectum non ponitur causa, quæ simili modo intelligitur, sed quæ ad naturam, & proprietatem harum causarum pertinet in 2. lib. Physic. à nobis explicatur.

Locus 13. ab effectu.

Valde similis est locus iste prædenti, quia eadem maximæ à causa, & effectu deducuntur, & idem est modus arguendi in eis, vt à positione effectus ad positionem causæ, vt si dies est, sol est in nostro emisphærio. Ablato effectu aufertur causa, non

non est dies; ergo nec sol est in nostro emispherio. Sed intelliguntur istę, & alię similes de causis necessariis, & sufficientibus.

Locus 14. d. maiori, & 15. d. minori.

32 Similiores sunt duo isti loci à maiori, & minori, & ideo de illis simul loquendum est. A minori sumitur hæc maxima, quod potest efficere maius, potest efficere minus, & à minori hæc, quod non potest efficere minus, nec potest efficere maius. Sed utraque debet intelligi de maiori, & minori, eiusdem conditionis, nā si diuersę rationis sint, non tenebit arg. angelus potest intelligere, quod est maius; ergo ambulare, quod est minus. Quia diuersę cōditionis sunt intelligere, & ambulare, vel non potest ambulare; ergo nec intelligere.

Locus 16. & 17. ab autoritate diuina, & humana.

Testimonium fidedigni cui fides innitur, valde extrinsecum, est rebus testificatis, vel creditis, ut ex se est manifestum, vnde locum ab autoritate fidedigni maximè extrinsecus est. Sed si sit ab autoritate diuina infallibilē veritatem tribuit rei, quia cum Deus sit summa, & prima veritas, non potest falli, & cum sit summa bonitas, fallere non potest. Vnde quę adeo testificantur infallibilem veritatem habent, & tales sunt res nostrę fidei, quas propter diuinam autoritatem credimus, & arg. Theologica ab hoc præcipuè loco deducuntur.

33 Ab humana vero autoritate, aut testimonio non adeo firmum arg. deduci potest. Sed valet plurimum, ad explicandas res diuinę fidei. Nam licet sacri doctores homines fuerint, expositio sacrę scripturę, quam omnes, vel plures eorum tribuunt (etiā si dissentiat vnus, vel alter) maximā facit fidem, quia non est credendum

permisisse Deū eos in hac se decipere, ad quos pertinet scripturam exponere, & expositam aliis tradere. Valet etiam multum in rebus, quę dependent ex libera hominum voluntate; ut ad impositionem, & significationem nominum, quia nominibus vtendum est, ut plures vtuntur. Præterea in rebus, quę per sensus euidenter cognoscuntur, atque etiam in his, quę ad historiam pertinent, quę iuncti debent euidentię alicuius, ut plurimū per sensus habitę. Ex qua ita contigisse credunt alij. Sed non ita valet in his, quę cognoscuntur per discursum, in quibus præcipuum locum ratio tenet, quāquam adhuc in his multum valeat communis consensus omnium. Semper ergo ducitur arg. probabile ab autoritate humana, & quō plures sunt, qui aliquid testificantur, efficacius arg. deducitur. Negatiue tamē nō est ab autoritate humana arguendū, quasi probetur rem non ita esse, quia à nemine testificatur, quia nō est necessariū scripta fuisse omnia.

Locus 18. & 19. ab oppositis, & repugnantibus, seu disparatis.

NON multum differunt duo isti loci ab oppositis, & repugnantibus, seu disparatis, quia eadem ferē arg. ab utriusque deducuntur. Oppositio quadruplex est, ut in post prædicamentis diximus, contraria, quę est inter album, & nigrum, contradictoria. Inter album, & nō album, priuatiua inter cæcum, & videns, & relationalia inter patrem, & filium. Et in cōtradictorię oppositis, maxima hæc semper est vera, quod cui conuenit vni, non potest conuenire alteri, & cui non conuenit vnum, necessario cōuenit alterum, quia immediata est oppositio, & idē est in priuatiuē oppositis, non quidem absolute, sed ex

Pro libris Elenchorum.

ca subiectum aptum, ut cui conuenit
cæcitas, non potest simul conuenire
visus, nec cui conuenit visus, potest
simul conuenire cæcitas. Et si visus
non conuenit, necesse est conuenire
cæcitatē, & si non cōuenit cæcitas,
necesse est visum conuenire. In con-
trariis vero valet arg. ab affirmatio-
ne vnius ad negationem alterius, ut
est album; ergo non est nigrum. Sed
non valet à negatione vnius ad nega-
tionem alterius, ut non est album; er-
go est nigrum, quia oppositio cōtra-
ria non est immediata, & similia arg.
deduci possunt à repugnantibus, aut
disparis, quorum exēpla satis sunt
manifesta.

Locus 20. à dissimili:

35 **D**issimilia appellantur, quæ diuer-
sam habent formam, aut naturā,
ut albedo, & dulcedo, album, & ni-
grum, homo, & leo, ad quæ reducun-
tur ea, quæ licet eandem formam ha-
beant, non tamē in eodem gradu, sed
diuerso, qualia sunt calidum ut vnū,
& calidum ut octo. Et ab vtrisque
desumi possunt argu. quia quæ vni
conueniunt, non possunt conuenire
alteri, sed semper sunt accipiēda for-
maliter, hoc est, in quantum dissimi-
lia in natura, vel gradu, & non secū-
dū alias rationes materiales, in qui-
bus manifestum est posse conuenire,
& hæc annotasse sufficiat circa lib.
topicorum.

PRO LIBRIS ELENCHORVM.

Tract. de Syllogismo sophistico.

1 **V**O agit Arist. in duobus lib.
Elenchorum, ut vniuersali diui-
sione totum hoc opus compre-
hendamus; explicat naturam syllo-
gismi sophistici, & partium eius, ex

quibus componitur, tāmnam obiectā
propriū, deinde locos omnes enume-
rat, ex quibus fallacia arg. deducun-
tur, aut occasionem sumunt, qui sunt
fallaciæ tam in diuisione, quam extra-
diuisionem, nos vero ea, quæ ad falla-
cias pertinent ad sumulas remitten-
tes, in quibus copiose explicātur. Ali-
quid de natura syllogismi sophistici
dicemus, quæ intellecta, quidquid in
præsenti opere tradidit de eo Arist.
aliqua saltem ratione percipi possit.

*Quidnam sit syllogismus sophisti-
cus, & quotuplex, & an verus
sit syllogismus, vel non.*

Syllogismus sophisticus, si echimo-
logiam nominis sequimur, idem si-
gnificat, ac syllogismus sapiētis, vsu
tamen philosophicæ scholæ factum
est, ut iam non syllogismus sapiētis,
sed decipientis. Aut decipere volen-
tis per eum intelligatur, quia per so-
phistam, non iam verum sapientem,
sed eum, qui sapiens videri vult, om-
nes intelligunt. Definitionem, & di-
uisionem syllogismi sophistici tradi-
dit Aristot. i. lib. topic. cap. i. sed ut
tria illa, quæ de eo desiderari possūt,
commodius explicentur, à diuisione
incipiendum est. Diuidit autē Arist.
syllogismum sophisticum in tria mē-
bra, & primum ita definit. *Litigiosus
autē est syllogismus ex his, quæ videntur pro-
babilia, non sunt autem.* Secundum vero,
his verbis: *Et qui ex probabilibus quidem,
aut ex his quæ videntur probabilia, est appa-
rens.* Et Paulo inferius de vtroque in
particulari loquens asserit, primum
esse verum syllogismum, secundum
non verum, sed apparentem. Postre-
mum membrum vocat paralogismū,
& ait eum esse, qui assumit proposi-
tiones proprias alicuius scientiæ, quæ
ut ab ea scientia assumuntur, necessa-
riæ sunt, sed ut ab eo assumuntur so-
lunt

Iam apparent necessariae, & sunt falsae. Et talis est syllogismus istae, lineae ductae ab eodem puncto in idem punctum sunt aequales, corda, & arcus ducuntur ab eodem puncto; ergo sunt aequales. Syllogismus istae constitutus est in materia geometriae, sed maiore propositione sic accipit geometria, omnes lineae rectae ductae ab eodem puncto in idem punctum sunt aequales. Et sic vera est, ac necessaria, sed cum accipiatur in illo syllogismo, sine illa voce, rectae, apparet, quidem necessaria, quia apparet eadem, sed falsa est, et valde diuersa, ut constat, & ideo procedit ex propositionibus illius scientiae apparentibus, necessariis, non tamen vere necessariis, sed falsis.

3 Ex his autem tribus syllogismis, primus, qui dicitur litigiosus, & tertius, qui dicitur paralogismus conueniunt, in eo quod uterque seruat formam syllogisticam, cum in figura, & modo constituantur, unde ex hac parte non peccat. Sed differunt in his, ex quibus procedunt, quia prior ille procedit ex his, quae apparent probabilia, sed probabilia non sunt, paralogismus vero ex necessariis, ac propriis alicuius scientiae, sed quae nec sunt necessariae, nec ad illam scientiam pertinent, sed falsae. Secundus vero, qui etiam litigiosus vocatur in utroque, differt ab aliis duobus, nam primo non seruat formam syllogismi, sed peccat in ea, & ideo dixit de eo Aristoteles, esse litigiosum syllogismum, non tamen esse syllogismum, hoc est non habere veram formam syllogismi, sed solum apparentem.

Ex his intelligitur, primum, & tertium veram habere formam syllogismi, & ideo veros esse syllogismos, nam procedere ex apparentibus, aut etiam ex falsis, non tollit veram for-

mam syllogismi. Secundum vero non esse verum syllogismum, sed apparentem, & tales sunt omnes, qui regulas syllogismorum non seruant, sed vel ex medio equiuoco procedunt, vel non distributo, vel ex negatiuis praemissis, aut alios defectus patiuntur circa formam.

Secundo intelligitur hos tres syllogismos essentialiter esse diuersos, quia vel differunt ratione formae syllogisticae, vel ex parte praemissarum. Ex parte quidem formae differt secundus à primo, & tertio, & cum differentia ex parte formae sit essentialis, euidens est differre essentialiter ab eis. Sed primus, & tertius licet conueniant in forma syllogistica, & quasi generica, differunt in forma specialis, ex modo concludendi desumpta, nam primus procedit, & concludit ex his, quae solum apparent probabilia. Tertius vero ex his, quae apparent necessaria. Ideo primus, & tertius differunt, tanquam verae species syllogismi. Secundus vero non differt ab eis, tanquam vera species, quia cum non habeat veram formam syllogismi, nec vera species eius esse potest, sed solum secundum apparentiam, unde duo illi sunt syllogismi simpliciter, iste vero non, nisi secundum quid, quia solum habet apparentiam syllogismi, eo modo, quo homo pictus solum habet apparentiam hominis, differt ergo ab eis analogice. Unde intelligitur tertio, diuisionem syllogismi sophistici in haec tria membra esse analogi in analogata, sed respectu duorum membrorum, nempe primi, & tertij esse generis in suas species, & ideo Aristoteles non definit omnes vna definitione, sed diuersis, simul diuidens syllogismum sophisticum in haec tria membra, & singula definit propriis definitionibus.

Quar-

Pro libris Elenchorum.

- Quartum intelligitur, generalem diuisionem syllogismi, in demonstrationem, dialecticum, & sophisticum esse diuisionem generis in suas species. Si sophisticus solū sumatur pro eo, quod non peccat in forma, quo pacto primum, & tertium solum comprehendit, nam solum hoc modo sumptus vera species syllogismi est, subalterna tamen, cum in duas alias species diuidatur. Tertius vero syllogismus non est species vera syllogismi: cum forma careat, sed solum secundū apparentiam: unde si sophisticus sumatur, prout omnes tres comprehendit, eodem diuisione generalis ex parte erit analoga: cum vnum membrum comprehendat, quod non est syllogismus, nisi secundum quid.
- 6 Præter hanc diuisionem syllogismi in tria illa membra (quæ essentiali est) diuiditur diuisione accidentali in duo membra, secundum duos diuersos effectus, vel fines, quæ per eum intendere potest sophista. Primus finis est ostendendi scientiam, & aucupandi gloriam, & tunc dicitur syllogismus sophisticus tantum, vel litigiosus, quia sophista per eum, non tam cõtendat disputationem instituere, quã litẽ, aut litigium, verbisq. fallacibus litigare, vt appareat his fallacis conuincere respondentem, & ideo sapientem haberi in opinione vulgi. Secundus finis est periculum facere, vel experimentũ sumere de scientia alteri, & tunc dicitur syllogismus tetartus. Deinde diuiditur etiam accidentaliter in quinque alia membra, secundum quinque in convenientia, ad quæ sophista intendit deducere respondentem, & in convenientia hæc solent vocari metæ, vel termini, quasi ad illa, tanquam ad metam, vel finem suæ disputationis cõmmedacere intendat. Prima est metæ redargutionis, quando respondens cogitur vi syllogismi apparẽtis negare, quod prius concesserat, vel cõcedere, quod negauerat. Secunda est metæ falli, quando cogitur aliquid aperte fallum concedere, vt quod ipsemet non sit homo, illo syllogismo, quod ego sum, tu non es, ego sum homo; ergo tu nõ es homo. Tertia est metæ inopinabilis, quando cogitur concedere rem aliquam inopinabilem à sapientibus, vel opinione vulgi inauditam, quamvis forte non sit falsa. Quarta est metæ solacis, quando aliquam in congruam locutionem compellitur concedere. Et quinta, dicitur metæ negationis quando cogitur ad inutilem repetitionem eiusdem rei, aut ad aliam minus ornata locutionem, per quã nugari videatur. Vt si cogatur dicere nasum, esse nasum euruũ, aut sinum; Et hæc de syllogismo sophistico annotasse sufficiat, ex quibus cognoscimus naturam eius, atque etiam quot species, & membra habeat, & quotnã ex membris eius sint veri syllogismi, quotq. non veri, sed solum apparentes. Fallaciarũ vero omnes, quæ sunt quasi loca, ex quibus varij syllogismi fallaces deduci possunt, satis sunt in summis explicatæ, & ideo non putamus enumerationem, & explicationẽ singularem in hac parte repetendam. His autem quæ circa vniuersam logicã Aristotelis annotauimus in nostris cõmentationibus, dulcidã satis ac breuẽ eã afficiunt, vt facile, & breui possit liberalium Artium studiosis huius florentissimæ Academiæ à suis Magistris in Gymnasijs explicari, & ab eis cap. Faxit Deus Opt. & Max. vt labor hic, noster in gratiam corũ assumptus, in gloriam eius, sacratissimæq. Disparit, ac B. Tho. in maximamq. eorundem studiosorũ utilitatem (vt speramus) cedat.
- FINIS TOTIUS LOGICÆ.

INDEX RERVM NOTABILIVM, QVÆ IN VTRAQ.

PARTE DIALECTICAE CONTINENTVR.

*Litera. c. caput. Litera. q. questionem. Litera. n. numerum.
Litera. t. tractatum denotat.*

A

Abstractum.



*Abstractum de concreto
nullo modo predi-
catur, tract. de præ-
dic. n. 13.*

*Abstractum generis
de abstractio differentia non
predicatur, neque è conuer-
so, ibidem.*

*Abstractum superius de abstra-
cto inferiori predicatur ordi-
ne physico, non vero metaphy-
sico, tract. de prædic. n. 13.*

*Abstractum superius de abstra-
cto inferiori in secundis inten-
tionibus predicatur, tracta.
de prædic. n. 18.*

*Abstractio alia simplex, alia cõ-
posita. c. 6. de accid. q. 2. n. 8.*

*Abstracta physica accidentium
ad prædicamenta pertinent.
c. 4. de incompl. q. 2. nu. 27.*

Ascensus.

*Ascensus prædicamentalis per
collectionem generum, & spi-
cierum, descensus vero per diui-
sionem fit, c. 3. de specie. n. 3.*

Assensus.

*Assensus præmissarum sunt cau-
sa materialis, & efficiens con-
clusionis. c. 1. de post. resolut.
q. 5. n. 27.*

*Assensus præmissarum formaliter
includuntur in assensu cõ-
clusionis. c. 1. de post. resolut.
q. 6. n. 33.*

*Assensus conclusionis in eodẽ in-
stanti ex assensibus præmissa-
rum sequitur. c. 1. de post. re-
solut. q. 7. n. 38.*

*Assensibus præmissarũ positis po-
test intellectus suspẽdere assen-
sum conclusionis. ca. 1. de post.
resolut. q. 8. n. 43.*

*Assensus principiorum ex cogni-
tione terminorũ habetur, tra-
de hab. princ. n. 22.*

Accidens.

*Accidens inconcreto constituit
quintum prædicabile per or-
dinem ad subiecta, a quibus so-
laratione distinguitur. c. 6. de
acci. q. 1. n. 5.*

*Accidens primo intentionaliter
sum-*

INDEX

- sumptum inseparabile, & in inseparabile diuiditur. c. 6. de acci. q. 3. n. 8.*
- Accidens per adesse, & abesse secundū inherentiā reālē definitur. c. 6. de acci. q. 3. n. 12.*
- Accidēs dupliciter sumitur pro accidente predicabili, & praedicamēt. c. 6. de acci. q. 4. n. 15.*
- Accidenti aptitudinalis inherētia est essentialis. c. 6. q. 5. n. 19.*
- Accidens tam extrinsecis accidētibus, quam intrinsecis substātia analogū est. trac. de anal. nu. 78.*
- Analogia.**
- Analogia est proportio inter multa eodem nomine significata, trac. de anal. n. 12.*
- Analogum medium tenet inter equiuocum, & uniuocum, ib.*
- Analogum efficere non sufficit proportionalitas, etiā per nomē significata, trac. de anal. num. 18. & 22.*
- Analogum habet conceptum vocis vnum, trac. de anal. n. 26.*
- Analogy non datur vnus conceptus rei sed multiplex, tracta. de anal. n. 28.*
- Analogum aliud cuius significatum formaliter reperitur in omnibus, aliud cuius solum in principaliori, & in aliis extrinsece, trac. de anal. n. 30.*
- Ab analogatis, quae aequā illa sint, nō est abstrahibilis simpliciter communis conceptus, trac. de analog. n. 31. & 40.*
- Analogum immediate significat analogata, quae actū confuso continet, trac. de anal. n. 43.*
- Analogū quo modo verificetur de singularis analogatis, tracta. de anal. n. 45.*
- Analogū predicatur de analogatis predicatione formali secundū quid superioris, & simpliciter equalis, trac. de ana. n. 46.*
- Analogam predicatur de analogatis, ut dicūt inter se attributionem, trac. de ana. n. 51.*
- Analogum habet unitatem secundū quid, quae sufficit ad diuisiones, trac. de anal. n. 52.*
- Analogi diuisio simpliciter, est vocis. secundū quid rei, ibidē.*
- Ad efficiendum nomen analogū sufficit attributio multorum ad vnum etiam in significatū per nomē, trac. de anal. n. 79.*
- C**
- Concretum.**
- C**oncretū tam essentialē, quā accidentale de inferiori, vel equali concreto predicatur, trac. de predic. n. 15.
- Concretum accidentale resultās ex natura accidentali, & ex modo inherendi in subiecto est vnum per se, & predicamentale. c. 4. de incomp. q. 2. n. 24.*
- Compositio.**
- Cōpositio Metaph. in Deo non reperitur. c. 4. de diff. q. 4. n. 33.*
- Compositio Metaphysica ex conceptibus obiectiuū fit. ca. 4. de diff. q. 9. n. 16.*

Com-

R E R V M.

Compositio Metaphysica, ex genere, & differentia rationis est.
c.4. de diff. q.4. n.26.

Compositio realis petit extrema realia, & realiter distincta. c.
4. de diff. q.4. n.23.

Conceptus.

Conceptus significat naturaliter voces vero, & scripturæ, ad placitū. c.1. de interp. q.1. n.5.

Complexa.

Complexa non pertinent ad prædicamentum. c.4. de incompl.
q.1. n.16.

Dialectica.

D*ialectica non diuiditur proprie in naturalē, & adquisitam. q.1. proæm. n.1.*

Dialectica ad alias sciētias per se ēte comparādaus est necessaria, non vero ad quomodocunque
q.1. proæm. n.2.

Dialectica docens est scientia. q.
2. proæm. n.4.

Dialectica diuiditur in docentē, & utentem. q.3. proæ. n.5.

Dialectica utens, ut utens, nō est scientia, nec habitus a docente distinctus. q.3. proæ. n.6.

Dialectica est unus simplex habitus quoad speciem, & numerū
q.4. proæm. n.11.

Dialectica habet modum, & finē componendi, & resoluendi. q.
5. proæm. n.14.

Dialectica modum speculandi, & componendi sub ratione superioris formaliter continet. q.
5. pro. n.15.

Dialectica formaliter est scientia speculatiua, & practica. q.
5. proæm. n.16.

Deus, & Angeli.

Deus, ut Deus est, ad nullum prædicamentum per se, & reduciue pertinet. c.5. de substantia. q.2. n.14. & 15.

Angeli, & corpora cœlestia per se, pertinent ad prædicamentum substantia. c.5. de substā.
q.3. num.18.

In Angelis non reperitur compositio ex materia, & forma; reperitur tamen ex potentia, & actu reali. cap.5. de substantia.
q.3. n.19. & 20.

In Angelis datur cōpositio Metaphysica, ibidem.

Demonstratio.

Demonstratio lex necessariis debet procedere. c.4. de post. resol.
q.1. num.5.

Demonstratio qualibet propter quid debet cōstare propositiōnibus de omni, & per se solum autem perfectissima de propositionibus vniuersaliter. ca.4. de poster. resolut. q.2. n.15.

Demonstratio, quia, & propter quid in hoc differūt, quod illa a causa remota, & inadæquata procedit; hac vero a proxima, & adæquata. c.10. de poster. resolut. n.1.

Demonstratio in communi genus est ad demonstrationem. quia, & propter quid. c.1. de poster. resolut. q.2. num.12.

INDEX

*Demōstratio utrāq. præmissam
necessario certiore conclusio-
ne continet. c. 2. de poster. resol.*

q. 5. num. 34.

Differentia.

*Different. in cōmunem, propriā
& propriissimā adequate di-
uinitur. c. 4. de diff. q. 1. n. 5.*

*Differentia primæ intentiona-
liter sumpta ad prædictā mē-
bra est analoga. c. 4. de diff. q.
2. n. 9. & 12.*

*Differentia ex perfectiori gra-
du nature, quam genus sumi-
tur. c. 4. de diff. q. 3. n. 17.*

*Differentia à genere distinguitur
ratione ratiocinata. cap. 4. de
diff. q. 4. n. 29.*

*Differentia alia superior, alia in-
ferior. c. 4. de diff. q. 5. nu. 34.*

*Differentia inferior materiali-
ter superiorem includit, non
vero formaliter. ca. 4. de diff.
q. 5. num. 35.*

*Differentia qualibet perfectior
est genere quod contrahit. c. 4.
de diff. q. 6. n. 45.*

*Differentia superior solum per
secundam definitionem defini-
tur. c. 4. de diff. q. 7. n. 50.*

E

Ens rationis.

*Ens rationis est materia proxi-
ma Logica. q. 6. proœ. n. 17.*

*Ens rationis, aliud quod directe
fit ab intellectu, aliud quod in
directe. q. 6. proœ. n. 17.*

*Ens rationis indirecte factum
ab intellectu est obiectum Lo-
gica. q. 6. n. 27.*

*Ens rationis se habet ad modum
formæ inherētis, tracta. de
ente rationis. num. 4.*

*Ens rationis aliud quod habet
fundamentū in re, aliud q. nō
habet, tracta. de ente rat. n. 7.*

*Ens rat. cum fundamento aliud
negatio, aliud priuatio, rela-
tio aliud, tra. de ente rat. n. 8.*

*Entia rationis habentia funda-
mentum in re solum fiunt per
operationem intellectus refle-
xam, tract. de ente rat. n. 8.*

*Entia rationis, alia per primā,
alia per secundā, alia per ter-
tiam operationem intellectus
fiunt, tract. de ente rat. n. 8.*

*Entia rationis nec diuinus, nec
angelicus intellectus efficit,
tract. de ente rat. n. 11.*

*Ens rationis consideratur à Lo-
gica, ut est denominatio ab in-
tellectu attributa nature, tra-
cta. de ente rat. n. 11.*

Enuntiatio.

*Enūtiatio vniuersalis negatiua
in seipsam, vniuersalis affir-
mativa in aliam particularē,
particularis affirmatiua in
se, particularis negatiua in
nullam conuertitur. cap. 3. de
priori resol. n. 8. & 11.*

*Enuntiationis de modo contin-
genti sumpto pro possibili
faciunt sensum copulatiuum.
c. 3. de priori resol. num. 16.*

*Enuntiationes de modo possibili,
& cōtingenti opponūtur pro-
positionibus de necessē. c. 3. de
priori resol. n. 17.*

Enun-

Enuntiatio mentalis, vocalis, & scripta formaliter sunt entia rationis. c. 4. de Interpre. q. 2. n. 31.

Enuntiationis essentia est prædicari unum de alio. c. 4. de Interpre. q. 5. n. 35.

Enuntiatio genus est ad affirmatam, & negantem. c. 4. de Interpre. q. 5. n. 38.

Enuntiationes singulares de futuro contingenti continent de terminatam veritatē, aut falsitatē. c. 6. de Inter. q. 1. n. 42.

Ens reale.

Ens per accidens ex duplici ente in actu constat. trac. 2. de hab. & scient. n. 39.

Ens per accidens aliud ex entibus casu concurrētibus, aliud ex naturaliter cōponitur & aliud ex nō ordinatis, aliud ex ordinatis, & solū de hoc ultimo datur scientia. trac. 2. de hab. & scient. n. 39. & 40.

De ente fortuito in cōmuni considerato scientia potest dari. trac. 3. de opin. & fide. n. 41.

Ens reale analogum est ad substantiam, & accidens tract. de analo. n. 56.

Ens completum adhuc est analogum ad substantiam & accidens cōpletū tra. de anal. n. 61.

Ens cōparatum ad res eiusdem predicamētis est idem cum genere supremo illius & uniuocum tract. de anal. n. 64.

Ens comparatum ad substantiā

finitā, & infinitā analogū est tra. de anal. n. 67.

Ens dicitur de substantia, & accidētī, & de Deo, & creaturis analogia solum attributionis tract. de anal. n. 70.

G

Genus.

Genus duplicem habet accipitōnē realē. c. 2. de gene. n. 1.

Genus definitur in quātū est species uniuers. c. 2. de ge. q. 1. 2. 5.

Genus per predicari de pluribus descriptiue definitur. c. 2. de gene. q. 3. n. 12.

Genus est definitum, ut natura ordinata ad secundam intentionem. c. 2. de gene. q. 3. n. 14.

Genus dupliciter possit cōsiderari, ut pars, & ut totum. c. 2. de gen. q. 4. n. 19.

Genus cōtinet oppositas differentias in potētia per quas cōtrahitur. c. 2. de gen. q. 4. n. 19.

Genus sumitur à tota natura specificā, ut perfectibilis per differentias. c. 2. de gene. q. 5. n. 23.

Genus predicatur de specie, ut totum potentiale. c. 2. de gene. q. 5. n. 24.

Genus distinguitur à differentia per predicari in quid. c. 2. de gen. q. 6. n. 26.

Genus non predicatur immediate de indiuiduis generis ut genus; bene tamen ut species. c. 3. de specie. q. 5. n. 24.

Genus habet significatum materiale adequatū, & inadéquatum

zum. c. 2. de gene. q. 2. n. 10.

Genera subalternatim posita ea sunt, quorum vnū sub altero collocatur, & ambo sub tertio c. 3. de predic. essent. q. 1. n. 3. Genera subalternatim posita pos sunt habere differentiam communem diuisuam, quæ vero non sunt posita, nullam habere possunt ibidem. n. 5

H

Habitus.

Habitus adquisitus per demonstrationem, quia, & propter quid, etiam circa eandem rem specie differunt. c. 10. de post. resolut. q. 2. n. 26.

Habitus principiorū præter intellectum, & species intelligibiles dantur tra. 1. de hab. principiorum. n. 8.

Habitus principiorum practico rum, & speculatiuorum specie differunt. tract. 1. de hab. principi. n. 20.

Habitus principiorum, & scientiarum, etiā circa eandem scientiam specie distinguntur. tra. 2. de hab. princ. n. 25.

I

Individuum.

Individuū per collectionē proprietatum prime intentionali ter definitur. c. 3. de specie. q. 6 n. 32.

Indiuidua, ut talia habent convenientiam modalem. c. 3. de specie q. 6. n. 35.

Individuū vagum non cōstituit.

distinctū prædicabile, sed redactur ad prædicabile speciei. q. 9. vni. n. 89.

Infinitum.

Infinitum aliud essentialē, aliud accidentale, hoc ad prædicamentum pertinet, nō vero illud. c. 4. de incomplex. q. 1. n. 18.

M

Mors.

Mors, & corruptio accidentia sunt, aut medum accidētis habent. c. 6. de accid. q. 4. n. 4.

Motus.

Motus non est species quantitatis c. 6. de quant. q. 5. n. 47. Motus à termino habet successionem. ibidem.

Motus est entitas incōpleta. ibi. Motus sex habet species. c. 14. de speciebus. motus. n. 1.

Modus.

Quot modis vnū dicatur altero prius c. 12. de modis hab. n. 1.

Quot modis dicatur vnū cū altero simul. c. 13. de mod. simul. n. 1.

Habere septem modis dicitur. c. 15. de mod. hab. n. 1.

N

Numerus.

Numerus est vnus per se. c. 6. de quant. q. 6. n. 13.

Numerus est species quantitatis distincta à ceteris. ibidem.

Numerus est obiectum arithmetica indepēdens ab intellectu. c. 6. de quant. q. 6. n. 36.

Differentia essentialis numeri sumitur.

mitur ab omnibus unitatibus,
ut habentibus specialem ratio-
nem quantitatis discreta c. 6.
de quant. q. 7. n. 67.

In numero, ut toto intergrali, for-
ma sumitur ab ultima unita-
te, ut terminabili, c. 6. de quat.
q. 8. n. 68.

Numerus rerum spiritualium
non est predicamentalis, c. 6.
de quant. q. 9. n. 71.

Numerus infinitus non perti-
net ad predicamentum, c. 6.
de quant. q. 10. n. 85.

Nomen.

Nomen definitur per vocem non
significatiuam tanquam per
subiectum c. 2. de interpre. n. 9.

Nomen significat ad placitum.
c. 2. de interpre. q. 3. n. 11.

Nomen infinitum de materiali-
res omnes præter negatam, de
formali vero puram negatio-
nem significat. ibidem.

Nomen infinitum a ratione ve-
ri nominis excluditur. ibidem

Nomina transcendentia possunt
infinitari, c. 2. de interpre. q.
5. n. 17.

O

Oratio.

O Ratio est species quantitatis
discrete distincta ab aliis, c.
6. de quant. q. 10. n. 75.

Oratio pertinet ad predicamen-
tum quantitatis secundum ex-
tensionem syllabarum ordinabi-
les ab intellectu, c. 6. de quat.
q. 10. n. 78.

Oratio definitur ab Arist. ut ob-
prehendit perfectam, & imper-
fectam, simplicem, & compo-
sitam, c. 4. de Interp. q. 1. n. 30.

Obiectum.

Obiectum habet unitatem formā-
lem, & materialem, q. 4. proce-
mi. n. 11.

In omni obiecto non est queren-
da eadem unitas, c. 6. de quant.
q. 6. n. 58.

Opinio.

Opinio alia, quæ ex sola cognitio-
ne terminorum, alia quæ ex
medio probabili habetur, tra.
3. de opin. & fide n. 43.

Opinionis essentialis est formido
virtualis, non actualis, tra. 3.
de scientia, & fide, n. 45.

Opinio, & scientia secundum ha-
bitus, non actus in eodem in-
tellectu, & de eadem re simul
esse possunt, tra. 3. de opin. &
fide n. 52.

P

De sex prædicamentis.

Quæ genera, species, & proprie-
tates habeant actio, & passio.
c. 9. de act. & pass. n. 2. & 4.

Quid sint, & quæ genera, species,
& proprietates habeant quæ-
do, ubi, & situs, c. 10. de sex
prædi.

Habere, quot, & quæ genera, &
species habeat, ibidem, n. 3.

Ratio formalis horum prædic.
non in sola denominatione ex-
trinseca consistit, c. 10. q. 1.
n. 6.

Part,

Pars.

Partes nominis compositi separata ab eo, ut partes non sunt significatiua. c. 2. de Interpretatione. q. 4. n. 13.

Posterioristica partis obiectum est demonstratio, in proxima. de poster. resolut. n. 4.

Posterioristica pars dignior est ceteris. Ibidem. n. 16.

Partes rei, alia physica, alia metaphysica, ex illis nulla ad predicamentum, ex his solum genus pertinet. c. 4. de incomplex. q. 1. n. 12. & 14.

Principium.

Principiū aliud dignitas, aliud positio. c. 2. de poster. resolut. n. 5.

Principia subalternantis, & sub alternata scientia uniuntur ad inferendam conclusionem. c. 11. de poster. resolut. q. 2. n. 41.

Problema, & propositio dialectica.

Problema dialecticum est interrogatio utriusque partis contradictionis pro lib. topic. n. 12.

Problema dialecticū, aliud practicum, aliud speculatiuum, & utrumq. diuiditur secundū particulares scientias. pro lib. topic. n. 12. & 13.

Problema distinguitur a propositione dialectica in hoc, quod illa per modum compositi, hac per modum simplicis questionis interrogat. pro lib. to. n. 15.

Propositio dialectica quadru-

plex est, generis, speciei; proprii, & accidentis. ibidem.

Propositio sub vniuersali ratione sumpta solum dicit enūtiationem, quae si in syllogismo demonstratio ponatur, principium appellatur, si in dialectico probabilis propositio. si in opistico apparet. pro lib. to. n. 16.

Problema, & propositio dialectica ad instituendam disputationem formaliter seruiunt, ad syllogismum antecedenter. pro lib. topic. n. 20.

Propositio dialectica, alia per se, alia per alteram. ibidem.

Prædicatum.

Prædicata topica quatuor tantum sunt. pro lib. topic. n. 5.

Quantum.

Quantum per se aliud continuum; aliud discretum. c. 6. de quant. in textu.

Quantitas alia molis, alia virtutis, prior constituit predicamentum. c. 6. de quant. q. 1. n. 8.

Essentia quantitatis molis est habere partes extra partes secundum magnitudinem. ibidem.

Quantitatis continua sunt species linea, superficies, & corpus inter se distincta. c. 6. de quā. q. 2. n. 22. quarū linea longitudinē, superficies latitudinē, corpus profunditatem solum de formali dicunt. ibidem.

Quantitas distinguitur realiter a substantia. c. 6. de quant. q. 11. n. 86.

Qua-

R E R V M.

Qualitas.

Qualitas in communi, ut proprie denominat substantiam qualem, est supremum genus prædicamenti qualitatis. ca. 8. de qual. q. 1. n. 7.

Sub genere qualitatis habitus, & dispositio specie distinguntur. c. 8. de qual. q. 2. n. 14.

Potentia, & impotentia non sunt species distinctæ qualitatis, sed una. c. 8. de qual. q. 3. n. 24.

Qualitas uniuoce dicitur de passione, & passibili qualitate, quæ non sunt diuersa, sed eadem species. ca. 8. de qual. q. 4. n. 30. & 33.

Passiones animæ secundum formalem, & materialem rationem pertinent ad prædic. qualitatis. c. 8. de qual. q. 4. n. 37.

Ad prædicamentum qualitatis obiecta sensum externorum sub diuersis rationibus pertinent, c. 8. de qual. q. 4. n. 46.

Sub qualitate forma, & figura una tantum sunt species. c. 8. de qual. q. 4. n. 52.

R. Relatio.

Relatio constituit speciale prædic. c. 7. de ad aliq. q. 1. n. 8.

Relatio secundum conceptum communem subiectum absolute respicit, at secundum particularem subiectum in ordine ad terminum. c. 7. de ad aliq. q. 2. n. 16.

Relatio secundum conceptum proprium, constituit prædic. c. 7. de ad aliq. q. 2. n. 18.

Supremum genus in abstractio

est relatio in communi, & in concreto relatiuum in communi. c. 7. de ad aliq. q. 3. n. 25.

Terminus relationis, supremi generis abstrahit ab absoluto, & relatiuo. cap. 7. de ad aliq. q. 3. n. 27.

Relatio secundum esse, in, ponit in subiecto rationem communem, secundum esse ad particularem, c. 7. de ad aliq. q. 4. n. 32.

Relatiuum, & relatum secundum rem, & rationem idem sunt, c. 7. de ad aliq. q. 4. n. 35.

Relatio prædicamentalis extra essentiam subiecti est. cap. 7. de ad aliq. q. 5. n. 40.

Relatiuum aliud mutuum, aliud non motuum. ca. 7. de ad aliq. q. 5. n. 48.

Relatio sumit speciem à termino c. 7. de ad aliq. q. 6. n. 50.

Relat. non mutua terminantur ad absolutum formaliter, mutua vero ad relatiuum formaliter. c. 7. de ad aliq. q. 7. n. 64.

Vnum relatiuum per unam numero relationem cum extensione refertur ad plures terminos eiusdem speciei. c. 7. de ad aliq. q. 8. n. 80.

Relatio prædicamentalis non mutua non datur entis realis ad ens in potentia, velens rationis. c. 7. de ad aliq. q. 9. n. 89.

Relationes similitudinis, et æqualitatis immediatè fundantur in qualitate, & quantitate, idè titatis vero in substantia. c. 7. de ad aliq. q. 10. n. 97. & 99.

Rela

INDEX

Relatio formaliter habet esse rationem referendi, & materialiter esse eiusdem, vel diuersae speciei, & primo modo sumpta non est fundamentum relationis, bene tamen secundo. c. 7. de ad aliq. q. 11. num. 102.

¶ 104.

Fundamentum proximum relationum secundi generis est potentia reducta ad actum. c. 7. de ad aliq. q. 12. n. 115.

Relationes mensurabilis ad mensuram, & reales, & predicamentales sunt. c. 7. de ad aliq. q. 13. n. 120.

Relatio realis predicamentalis a suo fundamento realiter distinguitur. ca. 7. de ad aliq. q. 14. num. 129.

Relatio posita fundamento in utroque extremo per potentiam Dei absolutam potest separari ab illis non permanens, sed destructa. cap. 7. de ad aliq. q. 14. n. 137.

Relatiuis, nec formaliter, nec ratione fundamenti, conuenit propria contrarietas. cap. 7. de ad aliq. q. 14. n. 139.

Relationi predicamentali ratione sui non conuenit suscipere magis, & minus proprie, nec improprie, bene tamē aliquibus ratione fundamenti. ca. 7. de ad aliq. q. 14. n. 143.

S

Substantia.

Substantialia sub nominibus cō-

cretis ad predicamentum partiuntur. c. 4. de incomp. q. 2. n. 19.

Substantia completa, & finita in communi est supremum genus predicamenti substantia. c. 5. de substant. q. 1. n. 10.

Diuisio substantia in primam, & secundam sumitur realiter, & est analogi in analogata. c. 5. de subst. q. 4. n. 30.

Definitum formale in definitione prima substantia, est ratio realis communis primis particularibus. cap. 5. de substant. q. 5. n. 39.

Substantia sumpta essentialiter perfectius reperitur in secunda, at secundum proprietatem substantiā di perfectius in prima, quam in secunda. ca. 5. de substant. q. 5. n. 43.

Secundae substantia significant qualequid secundum communem rationem qualitatum. c. 5. de subst. q. 5. n. 50.

Substantia priuatim, relationem, & contradietorsam oppositionem formaliter habet, contrariam vero virtualiter. ca. 5. de subst. q. 5. n. 54.

Suscipere contraria omnibus primis conuenit. c. 5. de substant. q. 5. n. 59. & 64.

Species.

Species subiicibilis, ut talis, non est uniuersalis. cap. 2. de spec. q. 2. num. 10.

Species prius respicit genus, quā indiuidua. cap. 3. de spec. q. 2. num.

R E R V M.

num. 11.

Species nobiliori respectu respicit indiuidua, quā genus, ibi.

Species, & genus physicē considerata in unico indiuiduo cōseruari possunt, Logica uero plura requirunt. c. 3. de spec. q. 3. num. 12.

Species Metaphysice sumpta in unico indiuiduo cōseruatur, genus autem in pluribus speciebus. c. 3. de spec. q. 3. n. 15.

Species, quæ unicum tantum indiuiduum habere possunt non sunt uniuersales. ca. 3. de spec. q. 4. num. 19.

Species distinguitur à genere per illas particulas, de pluribus differētibz numero formaliter acceptas. c. 3. de spec. q. 3. n. 27. Scientia.

Scientia de subiecto non actualē, sed potētialem existentiam petit. c. 1. de post. resol. q. 2. n. 16.

Scientiarum subalternatio possibilis est. c. 10. de poster. resolut. q. 2. n. 26.

Scientia alia actualis, habitua- lis alia. q. 2. proœm. n. 3.

Scientia habet unitatem numericam, specificam, & genericam. q. 4. proœm. n. 11.

Scientia sumit unitatem specificā ab obiecto formali, & principiis, quod idem est, ibidem.

Scientia subalternata intra proprios limites non efficit demonstrationem propter quid. c. 10. de poster. resol. q. 2. n. 37.

Scientia, & scibile differunt specie ab opinione, & opinabili. c. 26. de subst. n. 1.

Scientia sub uniuersali ratione considerata non est essentialis euidētia, tract. 2. de habitu, & scient. n. 34.

Syllogismus.

Syllogismus in communi ad demonstrationem, dialecticum, & sophisticum, probatēte ueram formam sumptum, genus est, pro lib. Elench. nu. 5.

T

Tempus.

Tempus est species, quantitatis continuæ. ca. 6. de quant. q. 3. num. 31.

Tempus nō dicitur tardum, aut uelox, sed motus. c. 6. de quāt. q. 3. num. 32.

Tempus est numerus motus secundum qualitatem, non quantitatem. c. 6. de quant. q. 3. n. 33.

Tempus est quantum successiuū. c. 6. de quant. q. 3. n. 36.

Tempus non accipit complementum essentialē ab intellectu. c. 6. de quant. q. 3. n. 37.

V

Vniuoca.

Vniuocorum definitio denominatiuis non competit. c. 1. de equiu. & uniu. q. 1. n. 6.

Vniuocū aliud proprium, aliud impropriū, ibid. n. 7.

Vniuersale.

Vniuersalium notitia necessaria est ad predicamentorum cognitionem.

INDEX

- nitio* nem. c. 1. vniuer. n. 28.
Vniuersale aliud complexum, aliud incomplexum. q. 1. vni. num. 28.
Vniuersale incomplexum quadruplex. ibidem.
Vniuersale est in singularibus, a quibus non distinguitur realiter. q. 1. vni. n. 31.
Vniuersale in utraque definitione secundum potentiam est intelligendum, q. 2. vni. n. 33.
Vniuersalis essetia est esse in multis, passio vero predicari de multis. q. 2. vni. n. 35.
Vniuersale fundamentaliter est ens reale, formaliter ens rationis. q. 2. vni. n. 36.
Vniuersalia secundum essentiam, non secundum existentiam a se sunt. q. 2. vni. n. 37.
Vnitatis natura, alia numerica, alia specifica, alia generica, prima illi conuenit a parte rei, duae posteriores per intellectum. q. 3. vni. n. 38.
Vnitatis formalis positiva, nec negatiua datur a parte rei. q. 3. vni. n. 46.
Vniuersale formaliter non datur a parte rei, bene tamen fundamentaliter. q. 4. vni. n. 54.
Vniuersale aliud Logicum, aliud Metaphysicum, illud per comparisonem possibile, hoc per abstractionem agentis fit. q. 5. & 6. vni. n. 58. & 71.
Vniuersale est concretum accidentale. q. 7. n. 76.
Vniuersale est genus remotum ad quinque predicabilia, ibidem. num. 78.
Vniuersale est obiectum lib. predicabilium. q. 8. vni. n. 81.
Vniuersalium numerus ex modo se habendi predicati ad subiectum desumitur. q. 9. vni. num. 88.
Vniuersalia sunt species atomae, q. 9. vni. n. 96.

Verbum.

Verbum distinguitur a participio per ultimas particulas definitionis. c. 3. de interpr. q. 1. num. 20.
Verbum substantiuum existentiam significat per modum actionis, ibidem. n. 21.
Verbum est pars formalis enuntiationis. c. 3. de interpr. q. 2. num. 25.
Verbum tam in propositione, quam extra infinitari potest. c. 3. de interpr. q. 3. n. 28.

Veritas.

Veritas ex parte adaequationis una non potest esse maior altera, bene tamen ex parte fundamenti, & causarum. cap. 2. de poster. resol. q. 4. n. 26.

F I N I S.

INDEX CAPITVM DV- BIORVM, ET QVÆSTIONVM QVAE IN VTRAQVE PARTE Logicæ continentur.

PRIMA PARS.

QVAESTIONES PROOEMIALES.



- Q*uestio 1. *Vtrum Logica sit necessaria.* F. 1
Quaest. 2. Vtrum Logica sit scientia. F. 2
Quaest. 3. Vtrum Logica utens sit scientia. 3
Quaest. 4. Vtrum Logica sit unus simplex habitus. 5
Quaest. 5. Vtrum Logica sit scientia practica, aut speculatiua. 7
Quaest. 6. Vtrum obiectum scientiae sit modus sciendi realis, vel ens rationis. 10

CAP. I. Porphyrij cum expositione textus. 10

Quaest. Vniuersales.

- Quaest. 1. Vtrum Vniuersalia sint in rebus.* 10
Quaest. 2. Quenam sit essentia, & natura vniuersalium. 15
Quaest. 3. An detur in rebus ante operationem intellectus unitas formalis minor numerali. 16
Quaest. 4. An vniuersale sit in re-

- bus ante operationem intellectus.* 19
Quaest. 5. Per quã operationem intellectus fiat vniuersale. 20
Quaest. 6. Vtrum vniuersale logicum fiat per simplicem compositionem naturae cum indiuiduis. 23
Quaest. 7. An vniuersale sit vniuersum respectu predicabilitatis, & verum genus eorum. 24
Quaest. 8. An vniuersale sit adequatum obiectum libri predicabilium, vel potius predicabile. 25
*Quaest. 9. An predicabilia sint quinque, vel plura, aut pau-
tiora.* 26

TRACT. de natura entis rationis. 26

- Dubiũ. 1. An ens rationis sit.* 28
Dubium. 2. Quid sit ens rationis. 29
Dubium. 3. Quotuplex sit ens rationis. ibidem.
Dubium. 4. per quam potentiam fiat

INDEX.

fiat ens rationis. 31
*Dubium. 5. An entia rationis
 fiant ab intellectu diuino, vel
 angelico.* 32

*Dubium. 6. Ad quam scientiam
 pertineat agere de ente ratio-
 nis.* 33

*Dubium. 7. Quonam modo ens
 rationis reducatur ad ordinē
 predicamentalem. ibidem.*

TRACT. De modo, quo prædica-
 tiones fiunt in concretis, & ab-
 stractis primarum, & secunda-
 rum intentionum.

*Dubium. An abstractum su-
 perius prædicetur de abstra-
 cto inferiori.* 35

CAPVT. II. De genere, cum ex-
 positione textus.

*Quest. 1. Quodnam sit definitiō
 definitionis generis.* 38

*Quest. 2. An definitum propriū
 eiusdem definitionis sit natu-
 ra realis, quæ denominatur
 genus, vel secunda intentio, à
 qua denominatur.* 39

*Quest. 3. An definitio generis sit
 quidditativa, vel descripti-
 ua.* 40

*Quest. 4. Vtrum genus includat
 differentias, & species actū, vel
 solum potentia.* 42

*Quest. 5. Vtrum genus prædicetur
 de specie, tanquā totū, vel etiā
 ut pars illius.* 43

Quest. 6. An modus prædicandi in

*quid separet genus à differen-
 tia.* 45

CAPVT. III. de specie cum ex-
 positione text.

*Quest. 1. Vtrum species fuerit de
 finita à Porphyrio duabus, vel
 tribus definitionibus.* 46

*Quest. 2. Vtrum species subici-
 bilis, ut subiciibilis sit uni-
 uersalis.* 47

*Quest. 3. An species possit conser-
 uari in unico indiuiduo, & ge-
 nus in unica specie.* 49

*Questio. 4. Vtrum definitio po-
 strema speciei illis speciebus
 conueniat, quæ vnum tan-
 tum indiuiduum habere pos-
 sunt.* 50

*Quest. 5. An species distinguatur
 à genere per illas particulas
 sue definitionis (prædicari de
 pluribus differentibus nume-
 ro.)* 52

*Questio. 6. An detur vna ratio
 communis, atque realis indi-
 uiduorum, quæ definiatur
 per secundam definitionē in-
 diuidui.* 54

*Quest. 7. An secunda intentio in-
 diuidui per primam definitio-
 nē indiuidui definita sit vna.*
 fol. 55

CAPVT. IIII. De differentia cum
 expositione text.

*Quest. 1. Vtrum prima diuisio
 differentie in communem pro-
 priam,*

INDEX

- priū, & propriissimam sit sufficiens. 57
- Quaest. 2.* An diuisio differentiae in communem propriam, & propriissimam sit generis in speciebus, vel analogi in analogata. 58
- Quaest. 3.* An verum sit genus summi à materia, & differentiam à forma, & quomodo intelligendum. 60
- Quaest. 4.* An compositio speciei, ex genere, & differentia sit realis, vel tantum rationalis. 62
- Quaest. 5.* Vtrum differentia superior *includatur* in inferiori, & de illa praedicetur. 64
- Quaest. 6.* An differentia semper & necessarii sit perfectior genere, quod contrahit. 67
- Quaest. 7.* An secunda definitio differentiae possit conuenire vltimis differentiis. 68
- CAPVT. V. De proprio cum expositione tex.
- Quaest. 1.* An propriū solū quarto modo acceptum constituat quartum predicabile vel etiam secundum alios tres modos. 69
- Quaest. 2.* An proprium sit vniuersale, aut quartū predicabile respectu speciei, vel individuorum. 70
- CAPVT. Sextum de accidenti: cū expositione tex.
- Quaest. 1.* An accidentis sit vniuersale, & respectu quorū id habeat. 72
- Quaest. 2.* An diuisio accidentis in *accidens* separabile, & inseparabile sit bona. 73
- Quaest. 3.* An definitiones accidentis intelligatur à Porphyrio de inhaerentia reali accidentis *in subiecto*: vel secūda intentionali de affirmatione, & negatione. 74
- Quaest. 4.* An prima diuisio accidentis sit bona. *ibidem*.
- Quaest. 5.* An inhaerentia aptitudinalis sit de essentia accidentis. 75
- Prooemium in praedicamenta Aristot. 76
- De inscriptione huius lib. *ibidē*.
- De inuentore artis praedicamentalis. 77
- De fine huius operis. *ibidem*.
- An de vocibus, vel de rebus agatur in praedicamentis. *ibidem*
- De obiecto huius operis. *ibidem*.
- De modo procedendi, & ordinatione huius operis cum ceteris partibus dialectica. *ibidem*.
- Ad quam scientiam pertineat de praedicamentis agere. *ibidem*.
- CAPVT. I. De æqui uocis, vniuocis, & denominatiuis cū expositione tex. *ibidem*.
- Quaest. 1.* Vtrum definitio vni-

INDEX

- uocorum conueniat denomi-*
natiuis. 78
 TRACT. De nominum analogia.
ibidem.
Quid sit analogia. 79
Quotuplex sit analogia. ibidem.
An necesse sit rem per concep-
tum significatam nomine a-
nalogi intrinsece solū reperi-
ri in principali analogato in
ceteris vero solum per ex-
trinsecam denominationem.
sol. 82
An conceptus formalis analogi
sit unus, & abstractus ab ana-
logatis, vel multiplex, & ab
eis abstrahi non possit. ibidē
Quomammodo conceptus analo-
gi contineat analogata. 86
An ens sit uniuocū respectu sub-
stantie, & accidentis, aut ana-
lagum, & qua analogia. 89
An saltem ens completum sit uni-
uocum respectu substantie, &
accidentis completi. 90
An ens sit uniuocum respectu
aliquarum rerum eiusdē præ-
dicamēti, vel diuersorū præ-
dicamentorum. 91
Ans ens sit analogum compara-
tū ad ens creatum, & increa-
tum, vel ad Deum, & crea-
turas. 92
Qua analogia dicatur ens respe-
ctū substantie, & accidentis,
& qua etiam respectu Dei, &
creaturarum. ibidem.
Vtrum accidens sit uniuocū ad
nonem prædicamenta accidē-
tium, vel analogum. 93
An necesse sit accidens esse genus
si sit uniuocum. 96
 CAPVT. II. De diuisione eorum
 quæ dicuntur, & sunt cum ex-
 positione textus. 97
 CAPVT. III. De regulis prædica-
 torum essentialium cum expo-
 sitione tex.
Quæst. unica An genera non sub
alternatim posita possint ba-
bere differentiam cōmunem.
sol. 98
 CAPVT. IIII. continens diuisionē
 in complexorum in decem præ-
 dicamenta, cum expositione
 textus. 100
Quæst. 1. Ex quibus nam rebus
per se componatur prædica-
mentum. ibidem.
An, & quomodo indiuidua po-
nantur in prædicamento. 103
Quomammodo res infinite ponā-
tur, aut excludantur à prædi-
camento. ibidem.
Quæst. 2. An res sint ponenda in
prædicamētis sub nominibus ab-
stractis, vel concretis. 104
Quæst. 3. An necesse sit prædica-
menta distingui realiter, vel
ex natura rei, vel sufficiat di-
stingui ratione. 106
Quæst. 4. Vtrum prædicamenta
sint decem, ita ut nec plura,
nec pauciora. 107
 Cap.

INDEX

CAPVT. V. Continens prædicamentum substantiæ cum expositione tex. 108

Quæst. 1. Quodnam sit supremum genus prædicamenti substantiæ. 110

Quæst. 2. Vtrum Deus ponatur in prædicamento substantiæ. 111

Quæst. 3. Vtrum angeli, & corpora cælestia sint in prædicamento substantiæ. 112

Quæst. 4. Qualis nam sit diuisio substantiæ in primam, & secundam, uniuoca, vel analogam. 114

Quæst. 5. Quod sit formale definitum definitionis primæ substantiæ. 116

Dubium. 2. Circa cõparationes primarum, & secundarum substantiarum. 117

Dubium. 2. Circa tertiam proprietatem substantiæ. 119

Dubium. 4. Circa ultimam proprietatem substantiæ. 120

CAPVT. VI. Continens prædicamentum quantitatis cum expositione tex. 122

Quæst. 1. In quonam sit ponenda essentialis ratio quantitatis. 123

Quæst. 2. Vtrum linea, superficies, & corpus sint tres species distinctæ quantitatis continuæ. 125

Quæst. 3. Vtrum tempus sit vera species quantitatis continuæ. 127

Quæst. 4. An locus sit species quantitatis continuæ distincta a superficie. 130

Quæst. 5. An motus sit species quantitatis continuæ. 131

Quæst. 6. An numerus sit species quantitatis discretæ. 132

Quæst. 7. An forma numeris sumenda sit ab ultima unitate, vel ab omnibus. 135

Quæst. 8. An numerus prædicamentalis non solum reperitur in corporibus, sed in rebus spiritualibus. 137

Quæst. 9. An oratio sit vera species quantitatis. 138

Quæst. 10. An si daretur linea, superficies, & corpus actu infinita collocarentur in prædicamento. 140

An numerus infinitus esset in prædicamento. 141

Quæst. 11. An quantitas sit distincta a substantia corporea, & cæteris accidentibus absolutis ibidem.

CAPVT. VII. Continens prædicamentum ad aliquid cum expositione tex. 143

Quæst. 1. An ad aliquid constituat speciale prædicamentum ibidem.

Quæst. 2. An ad aliquid sit speciale genus entis realis. 144

Quæst. 3. Quodnam sit supremum genus prædicamenti ad aliquid. 146

Quæst. 4. An definitio relatiuum 9 3 *rum*

INDEX.

- rum tradita ab Arist. ex propria sententia sit bona. 147
- Quaest. 5. Vtrum omnes relationes pertineant ad predicamentum ad aliquid. 149
- Quaest. 6. An species relationis predicamentalis a terminis sit accipienda. 151
- An filio corresponsdeat duplex relatio, una in patre, alia in matre. 152
- Quaest. 7. An terminus relationis sit formaliter absolutus, vel formaliter relatiuus. 153
- An vnum relatiuum possit & debeat definiri per alteru. 152
- Quaest. 8. An vnum relatiuum, ordinetur ad duos terminos, eiusdem speciei per eadem vel diuersas relationes. 157
- Quaest. 9. An entis realis ad non ens, aut ad ens rationis detur relatio realis. 152
- Quaest. 10. An aliqua relatio predicamentalis fundetur proxime in substantia. 160
- Quaest. 11. An vna relatio realis possit esse fundamentum alterius. 162
- Quaest. 12. Vtrum relationes secundum generis fundentur in potentia, vel in actione. 164
- Quaest. 13. An relationes secundum generis sint reales, & predicamentales. 166
- Quaest. 14. An relatio distinguitur realiter a fundamento, vel solum ratione. 167
- Dubium. 1. An relationi conueniat habere contrarium. 170
- Dubium. 2. An relatiua suscipiant magis, & minus. ibid.
- CAPVT. VIII. continens praedicamentum qualitatis, cum expositione text. 172
- Quaest. 1. An qualitas sit supremum genus huius praedicamenti, & diuersae qualitates enumeratae ab Aristot. diuersae species eius. ibidem
- Quaest. 2. An habitus, & dispositio distinguantur specie. 174
- Quaest. 3. Vtrum naturalis potentia, & impotentia sint species qualitatis distinctae. 176
- Quaest. 4. De his, quae pertinent ad passionem, & passibilem qualitatem. 177
- Dubium. 1. An passio, & passibilis qualitas sint verae species qualitatis. ibidem.
- Dubium. 2. An passio, & passibilis qualitas sint diuersae species, vel vna tantum. 178
- Dubium. 3. An passionem animae pertineant ad hanc speciem qualitatis. 179
- Dubium. 4. An obiecta omnium sensuum externorum pertineant ad hanc speciem qualitatis. 180
- Dubium. 5. Quid per formam, & figuram intelligat Arist. & an sint diuersae species qualitatis, vel eadem. 181
- CAPVT. IX. De praedicamento actionis, & passionis. 182
- Quid.

INDEX

Quid actio, & passio sit. ibidem.

Quot & quæ genera; & species habeant actio, & passio. 183

Quot, & quæ sint proprietates actionis, & passionis. ibidem.

CAPVT. X. De cæteris prædicamentis. ibidem.

Prædicamentum quando. ibid.

Quot, & quæ habeat genera, & species hoc prædicamentū. 184

Quot, & quæ proprietates habeat hoc prædicamentū. ibid.

Prædicamentum ubi. 185

Quid sit ubi, aut in quo consistat ratio formalis eius. ibidem.

Quot, & quæ habeat genera, & species, ubi. ibidem.

Quot, & quæ proprietates habeat, ubi. ibidem.

Prædicamentum, situs. ibidem.

In quo consistat formalis ratio huius prædicamenti. 186

Quot, & quæ sint genera, & species, situs. ibidem.

Quot, & quæ sint proprietates huius prædicamenti. ibidem.

Prædicamentum habere. 187

Quot, & quæ sint genera, & species habere. ibidem.

Quot, & quæ sint proprietates huius prædicamenti. ibidem.

Quæst. I. A 1 habere sit aliquid intrinsecum, & inherens, vel in sola denominatione extrinseca consistat. ibidem.

Quæst. Generalis pro omnibus sex ultimis prædicamentis an ratio formalis eorum consistat in aliquo intrinseco, & formaliter inherenti, vel in sola denominatione extrinseca. 188

CAPVT. XI. De oppositis, cum expositione tex. 191

CAPVT. XII. De modis prioris cum expositione tex. ibidem.

CAPVT. XIII. De modis simul cum expositione tex. 192

CAPVT. XIII. De speciebus motus cum expositione tex. ibid.

CAPVT. XV. De modis habere cum expositione tex. ibidem.

SECUNDA PARS.

Quæstionis, & dubia de interpretatione.

Proæmium totius operis. I

Quodnam sit obiectū huius operis. ibidem.

Quem locum hoc opus obtineat inter cæteras partes dialecticæ, cum diuisione eius. ibidem

CAPVT. I. Cū expositione tex. 2

Quæst. I. An voces significant conceptus, & res, atque scripturæ voces ad placitum, conceptus veronaturaliter res. 2

CAPVT. II. De nomine cum expositione tex. 4

Quæst. I. An bene definiatur nomen per vocem. ibidem.

o 4 *Quæst.*

INDEX.

Quaest. 2. An nomen definiatur per vocem, tanquam per verum genus. 5

Quaest. 3. An verum sit nomen significare ad placitum, ut in definitione dicitur ibidem.

Quaest. 4. An verum sit partes nominis separatas non esse significatiuas. 6

Quaest. 5. An nomen infinitum omnino sit excludendum à definitione. 7

De modo significandi nominis infiniti. ibidem.

De quibusnam dicatur nomen infinitum in propositione. 8

An transcendentia nomina possint infinitari. 9

An nomen infinitum sit enumerandū inter absoluta, vel inter connotatiua. ibidem.

An nomen infinitū dicatur Uni uoce de entibus, & non entibus, vel analogice. ibidem.

CAPVT. III. De verbo cum expositione tex. 10

Quaest. 1. An verum sit verbū consignificare tempus ibidem

Quaest. 2. An verbum sit vera pars propositionis. 12

Quaest. 3. An verbum infinitum possit collocari in propositione. 13

CAPVT. IIII. De enuntiatione cum expositione tex. 14

Quaest. 1. An in definitione orationis definiatur oratio in v-

niuersalis, ut perfectam, & imperfectam, simplicem, & compositam comprehendit. 15

Quaest. 2. An enuntiatio sit ens reale, vel rationis. ibidem.

Quaest. 3. An enūtiatio quidditatiua sit definita ab Arist. per veritatem, & falsitatem. 16

Quaest. 4. An enuntiatio mentalis sit una simplex qualitas. fol. 17

Quaest. 5. An diuisio enuntiationis in affirmatiuam, & negatiuā sit generis in species, vel analogi in analogata. 18

Quaest. 6. An diuisio enuntiationis in simplicem, & compositam sit generis in species, vel analogi in analogata. ibidem.

CAPVT. V. De modis oppositionum.

CAPVT. VI. De oppositione, & veritate enuntiationum de futuro contingenti cum expositione tex. 19

Quaest. 1. An singulares enuntiationes de futuro contingenti habeant veritatem aut falsitatem determinatam. 20

An effectus contingens, quando est, sit necessarius, vel adhuc contingens. 23

De priori resolutione. 24

Proæmium huius operis. ibidē.

De inscriptione huius operis. ib.

Quodnam sit obiectū huius operis. ibidem.

Diui-

INDEX.

<i>Diuisio totius operis.</i>	25	<i>Traditur ars inueniendi medii</i>	
CAPVT. I. Cum expositione		<i>ad conficiendos syllogismos, &</i>	
tex. ibidem.		<i>probandum quodlibet genus</i>	
CAPVT. II. Cum expositione		<i>propositionum.</i>	34
tex.	26		
<i>Notabile circa literam. ibidem.</i>		<i>De posteriori resolutione.</i>	35
<i>Notabile. 2. ibidem.</i>		<i>Prooemium totius operis. ibid.</i>	
<i>Notabile. 3.</i>	27	<i>Quodnam sit subiectum huius</i>	
		<i>operis. ibidem.</i>	
CAPVT. III. Cum expositione		<i>Digniore esse hanc partē dia-</i>	
tex. ibidem.		<i>lecticæ cæteris omnibus osten-</i>	
<i>Dubium. 1. circa conuersionem</i>		<i>ditur. ibidem.</i>	
<i>propositionem de necessesse. ibid.</i>		<i>Finis huius operis, & titulus ex-</i>	
<i>An vera sit 2. Regula conuersio-</i>		<i>plicatur.</i>	36
<i>nis uniuersalis affirmatiua,</i>		<i>Explicatur, quem locum obti-</i>	
<i>& particularis affirmatiua</i>		<i>neat, opus hoc inter cæteras</i>	
<i>de necessesse. ibidem.</i>		<i>partes dialecticæ.</i>	37
<i>Dubium. 2. An bene probauerit</i>		<i>Quare dicatur indicatiua hæc</i>	
<i>Arist. regulas conuersionis pro-</i>		<i>pars posterioris scilicet, pars ve-</i>	
<i>positionum de necessesse.</i>	28	<i>ro topica inuentiua.</i>	38
<i>Circa conuersionem propositio-</i>		<i>Modus procedendi, & diuisio</i>	
<i>nii de modo contingenti dub.</i>		<i>totius operis. ibidem.</i>	
<i>ibid.</i>			
<i>Notabile unicum circa conuer-</i>		CAPVT. I. Cum expositione tex.	
<i>sionem propositionum de pos-</i>		fol.	39
<i>sibili, & impossibili.</i>	30	<i>Quæst. 1. An de omni, & sola co-</i>	
		<i>gnitione intellectiua intelli-</i>	
CAPVT. IIII. Cum expositione		<i>gatur uniuersalis propositio</i>	
tex. ibidem.		<i>Arist. ibidem.</i>	
<i>Quid sit figura, & quotuplex.</i>		<i>Quæst. 2. An de subiecto sit præ-</i>	
fol.	31	<i>supponenda actualis existen-</i>	
<i>An præter tres figuras enume-</i>		<i>tia.</i>	40
<i>ratas ab Aristotelis addenda</i>		<i>Quæst. 3. An de subiecto præco-</i>	
<i>sit quarta. ibidem.</i>		<i>gnoscendum sit, quid rei, vel</i>	
		<i>solum quid nominis.</i>	41
CAPVT. V. Cum expositione		<i>Quæst. 4. An præcognitiones de</i>	
tex.	30	<i>subiecto passione, & principio</i>	
CAPVT. VR Cum expositione		<i>haberi debeant ante demonstra-</i>	
tex.	33	<i>tionem, vel etiam indemon-</i>	
		<i>stræ.</i>	

I N D E X.

stratione ipsa. ibidem.

*Quaest. 5. An assensus conclusio-
nis fiat ex assensu praemissarum,
aut principiorum in genere cau-
se efficientis, vel solum mate-
rialis.* 42

*Quaest. 6. An assensus principio-
rum includatur formaliter in
assensu conclusionis.* 43

*Quaest. 7. An habito assensu pra-
missarum assentiatur intelle-
ctus conclusioni in eodem in-
stanti.* 45

*Quaest. 8. An habitis assensibus
praemissarum liberum sit in-
tellectui assentire conclusioni,
vel necesse sit assensum eius ha-
bere in eodem instanti.* 46

CAPV. II. Cum expositione tex.
fol. 47

*Quaest. 1. An secunda definitio
demonstrationis sit bona.* 48

*Quaest. 2. Quotuplex sit propo-
siti per se nota, & an omnis
immediata sit appellanda per
nota.* 49

*Quaest. 3. An nuda definitio sit
principium, quod vocatur po-
sitio.* 51

*Quaest. 4. An principia demon-
strationis sint magis vera,
quam conclusio, & uniuersa-
liter una in propositio possit es-
se verior altera.* 52

*Quaest. 5. An semper sit necessa-
rium utraque praemissam de-
monstrationis certiore esse
conclusionem.* 53

CAPVT. IIII. Cum expositione
textus. 56

*Quaest. 1. An demonstratio debeat
procedere ex necessariis. ibid.*

*Quaest. 2. An demonstratio debeat
constare ex propositionibus
de omni perse, & uniuersali-
ter.* 58

*Quaest. 3. Quidnam significetur
per terminum uniuersaliter,
& an cõueniat propositioni-
bus superiorum de inferiori-
bus, vel solum his, quae fiunt
in terminis cõuertibilibus.* 60

CAPVT. X. Cũ expositione tex.
fol. 61

*Quaest. 1. An demonstratio pro-
cedēs à causa remota sit, quia,
vel propter quid.* 62

*Quaest. 2. An diuisio demonstra-
tionis in quia, & propter quid
sit generis in species.* 63

TRACT. De subalternatio scien-
tiarum. 67

*Quid nomine scientiae subalter-
nantis, & subalternare intel-
ligatur. ibidem.*

*Quidnam sit subalternatio sciẽ-
tiarum. ibidem.*

*An subalternatio sciẽtiarum ex
plicata sit possibilis, vel sola
imaginatione excogitat. ibid.*

*An subalternata sciẽtia existēs,
sine subalternate sit vera sciẽ-
tia, vel potius opinio.* 69

*An scientia subalternata intra
proprijs limites demonstrat pro-
pter quid, vel solũ quia. ibid.*

Caput

INDEX.

CAPVT. XXVI. Cum expositio-
ne tex. 72

TRACT. I. De habitu principio-
rum. ibidem

An præter intellectum, & spe-
tius intelligibiles detur habi-
tus principiorum. 73

Quidnam sit habitus principio-
rum. ibidem.

An habitus principiorum sit na-
turalis, vel acquisitus ab in-
tellectu per proprios actus. 74

An habitus principiorum sit idē
secundum speciem, vel diuer-
sus pro diuersis. 75

TRACT. II. De habitu scientiæ.
fol. 76

An præter habitum principiorū
ponendus sit pro conclusioni-
bus alter habitus distinctus,
qui appelletur scientia. ibid.

An euidentiæ pertineat ad essen-
tiam scientiæ. 77

An scientia sit de singularibus de
contingentibus, & entibus per
accidens. 79

An de casualibus & fortuitis de-
tur scientia 80

TRACT. III. De opinione, & fide
humana. ibidem.

Quidnam sit opinio, & quid fides

humana. ibidem.

An formido sit de intrinseca ra-
tione opinionis, & humana
fidei. ibidem.

An opinio possit esse simul cum
scientia de eadem propositio-
ne in eodem intellectu. 81

Selecta ex libris topicorum. 84

De fine, ac diuisione horum li-
brorum. ibidem.

Quodnam sit obiectū huius ope-
ris, & ordo eius cum ceteris
partibus dialecticæ explica-
tur. ibidem.

Quid sit prædicatum dialecticū;
& quotuplex. ibidem.

Quid sit, & quotuplex problema
dialecticū. 86

Quidnam sit propositio dialecti-
ca, & quotuplex, & quomo-
do distinguatur à problema-
te. ibidem.

Quid sit, & quotuplex propo-
sitiō probabilis. 87

Quidnam sit syllogismus topicus,
aut dialecticus. ibidem.

Enumeratio locorum, ex quibus
deducuntur arg. probabilia
pro disputatione in eunda. 88

Pro libris Elenchorum. 90

TRACT. De syllogismo sophisti-
co. ibidem.

FINIS.

